

दर्पण

मानिक बन्द्यापात्र्या

अहमदाबाद । कलकत्ता

প্রথম সংস্করণ

প্রকাশক : মনীষা ভট্টাচার্য : ৮২.৭, এন কে ঘোষাল রোড। কলকাতা-৪২
মুদ্রণ : শ্রীগোপাল প্রিন্টিং ওয়ার্কস্ : ২৫/১এ, কালীদাস সিংহ লেন : কলিকতা-৬
বান্ধাই : সঞ্জিল সাহা : ইস্ট এণ্ড ট্রেডার্স : ২০, কেশব চন্দ্র সেন স্ট্রীট। কল: ৯

লেখকের কথা

প্রায় তিন বছর আগে উপস্থাসটি পাটনার একটি মাসিকে মাসে মাসে লিখতে আরম্ভ করেছিলাম অস্ত নাম দিয়েছিলাম। কিছুদিন লেখার পর বান্দা কারণে লেখা বন্ধ করি। অসমাপ্ত বইখানা সম্পূর্ণ করে দর্পণ নাম দিয়ে প্রকাশ করলাম।...

মানিক বন্দ্যোপাধ্যায়

আষাঢ়, ১৩৫২

রস্তা ছিল রুমুরিয়া গাঁয়ে । রামপাল কলকাতায় ।

রস্তা রুমুরিয়ার বীরেশ্বর মাইতির মেয়ে । বাড়ন্ত মেয়ে, অতি বাড়ন্ত । তার ভাইদের সকলেরই লম্বা চওড়া জ্বরদন্ত চেহারা, কেবল ছোটজন ছাড়া । জন্মেই নিজের মাকে খাওয়ান সে মায়ের দুধ পায় নি । সকলের মতে বেচারীর ক্লম আর খর্ব হওয়ার কারণ তাই । রস্তা কিঙ্ক বলে যে তা নয়, এটা বেশী আদর খেয়ে পেটরোগ হবার পরিণাম ।

রস্তা বাপমার এক মেয়ে । আদর সেও কিছু কম পায় নি । তাতে স্বভাব যদি তার বিগড়ে গিয়ে থাকে, দেহের কিছু হয় নি ! গোড়ায় সে লম্বা হয়েছে বাঁশের মত, তারপর পুষ্ট হয়েছে বর্ষার কলাগাছের মত । কলাগাছের মত আগাগোড়া সর্বদে সমানভাবে নয়, লঘু গুরুত্বের মেয়েলি ছাঁদটা বজায় রেখে । যেমন, তার কাঁকাল যেন মোটেই মোটা হয় নি, দশ এগার বছর বয়সে যেমন ছিল তেমনি সরু থেকে গেছে । ঈষৎ অল্পজ্বল মোলায়েম বাদামী রঙের এই প্রতীমার ধাঁচে গড়া দেহটির জন্তু তার অহঙ্কার কতখানি হয়েছে জানা যায় না, কারণ ছেলেবেলা থেকেই বড় সে রাগী আর তেজী । রূপের গর্ব যদি তার জন্মে থাকে বড় হয়ে, তেজের সঙ্গে মিশে সেটাকেই তা আরও জোরালো করেছে । এ স্বভাবটা সে পেয়েছে তার বাপের কাছে । বদমেজাজ আর জ্বিদের জন্তু বীরেশ্বরের এ অঞ্চলে রীতিমত খ্যাতি আছে । মেয়ের বাড়াবাড়ি অবশ্য মাঝে মাঝে বীরেশ্বরের মেজাজে আগুন ধরিয়ে দেয়, কিন্তু শেষ পর্যন্ত তর্জন-গর্জনের তাপটুকুই শুধু রস্তার গায়ে লাগে, আর কোন শাস্তি সে পায় না । শাসনের ব্যবস্থা আপনা থেকেই বাতিল হয়ে যায় । কারণ, মেয়ের স্বভাবের এই গুরুতর তেজস্বিতার দোষের জন্তুই নিজের অজান্তে বীরেশ্বর তাকে বড় পছন্দ করে ।

বিয়ের বয়স রস্তার পার হয়ে গেছে, ভালমত পাত্র জোটে নি । চাষীর ঘরের পক্ষে তার বেমানান ও নিন্দনীয় রূপ যৌবনটা অবশ্য তার বড় কারণ নয় । ঘরে ঘরে না থাক, এমন অনেক রূপসী মেয়ে আছে অনেক চাষীর ঘরে, চাষী সমাজে যাকে ভাল পাত্র বলা চলে সেরকম পাত্রেরও তাদের অভাব ঘটে নি । বীরেশ্বরের প্রকৃতি আর পছন্দ ওসব লোকের মত হলে কবেই হয় তো রস্তারও বিয়ে হয়ে যেত । কিন্তু কতকগুলি বিচিত্র মানুষ ও ঘটনার সংস্পর্শে বীরেশ্বর জীবনে কতগুলি অভিজ্ঞতা সঞ্চয় করেছে । চেতনার যে পরম রসায়ন সকল বিরোধী শক্তির সঙ্গে হার মানার আপোষ করে কোনমতে বেঁচে থাকার সম্ভাষ নষ্ট করে দেয় তারই ছিটেফোটা সঞ্চারিত

হয়েছে তার শোণিতে। তাই রক্তের যে উষ্ণতা তাকে সাধারণ নিয়মে নিছক একজন হিংস্র প্রকৃতির কলহপ্রবণ দাঙ্গাবাজ মাত্রবে পরিণত করে দিত সেই উষ্ণতা আঙন হতে শিখেছে তার মনের অহমতি নিয়ে, মন যখন সায় দিয়েছে যে না, এ অস্ত্রায় সতাই সহ্য করা যায় না। ভালমন্দ পছন্দ-অপছন্দের একটা বিচারবুদ্ধি আছে বাঁয়েশ্বরের, যা প্রায় বিদ্রোহী দৃষ্টিভঙ্গির সামিল, অবশ্য চাষাড়ে পর্যায়ের।

গায়ের প্রধান, বামুন আর জাতভাইরা মেয়ের জন্তু তাকে জাতে ঠেলবার চেষ্টা করে, সে একরকম ব্যক্তিগত জোরজবরদস্তিতে সে চেষ্টা বাতিল করে দেয়।

বলে, 'জাতের বদলে সবাইকে না পারি, ছ'একটাকে ফাঁসাবই তোমাদের, মা কালীর দিবি। ফাঁসি যেতে হবে? যাবো!'

একবার সে দাঙ্গা করে খুনের দায়ে জেলে যেতে বসেছিল, ঘটনাচক্রে দু'বছর জেল খেটেই রেহাই পায়। আরও কয়েকবার স্বদেশী বাবুদের সংসর্গ দোষের জন্তু পুলিশ তাকে টেনে নিয়ে গিয়েছিল। এসব সকলের মনে আছে। বয়স বাড়লেও স্বভাব তার শুধরেছে কিনা সন্দেহ। জাত মারলে ঠিক কাকে সে ফাঁসাবে তাও ঠিক নেই। সমাজ তাই ব্যক্তিগতভাবে ভয় পেয়ে ভাবে, আর কিছুদিন যাক।

তবে গায়ের জোর আর বেপরোয়া জিদ ছাড়া কি আর আছে বাঁয়েশ্বরের যে সকলকে চিরকাল ভয় দেখিয়ে কাবু করে রাখবে! সে রাজাও নয়, ধনীও নয়, পুলিশও নয়। কাজেই জাত তার শেষে যায়-যায় হল। সাতাইবুনীর লক্ষণ বা পাঁচনিখের কেষ্ঠ দাসের সঙ্গে রস্তার বিয়ে দেওয়া অথবা জাত ছাড়া—এ ছাড়া আর পথ রইল না।

রস্তার বড় ভাই শ্রামলাল, তার বোয়ের নাম সুরবালা। তাকে রস্তা জানিয়ে দিল, 'আনো ওদের যেটাকে খুশী, শোন বলি কিন্তু। বিয়ের রাতে খুঁজে পাবে না আমাকে। না পালাই তো বিয়ের আসরে খাড়া লাথি মারব মুখপোড়ার মুখে।'

সুরবালা চোখ কপালে তুলে বলল, 'কেন লো মদামাগী? কেষ্ঠর রঙ তো ফর্শা বেশ?'

'ফর্শা নাকি? তা তুমি এনে পিরীত কোরো, আমি ওতে নেই।'

সুরবালা তখন তামাসা করে বলে, 'সুঘিবারুকে বিয়ে করবি?'

তার তামাসায় রস্তা হাসে না, তামাসা করে না। হঠাৎ নিরীহ শাস্ত বনে গিয়ে চোখ নামিয়ে মুহূর্তে বলে 'হাঁ।'

সুরবালা অবাক হয়ে তাকিয়ে থাকে। রস্তা তামাসা করছে না এটুকু টের পেয়েই সে অবাক হয়। ভাবে একি উদ্ভট পছন্দ বাবা মেয়ের! বিশ বাইশ বছরের রোগা কালো এক ছোকরা, চালচুলো নেই বললে চলে, গায়ের বাইরে যাওয়ার ছকুম যার নেই, রোজ যাকে পাঁচনিখে থানায় হাজিরা দিতে হয় আর দাগী চোরের মত ঘরে আছে কিনা জানতে চৌকীদার কানাই গভীর রাতে নাম ধরে হাঁক দিয়ে যায়, তাকে

মনে ধরেছে রক্তার এত বর থাকতে ! যেমন পাগল তার শব্দ, তেমনি পাগল তার এ মেয়ে ।

রাত্রে চুপি চুপি শ্যামলালকে কথাটা সে জানিয়ে দেয় । শ্যামলাল শুনে ক্রুদ্ধ ও উদ্ভিগ্ন হয়ে বলে, 'বাড়ী ঢুকতে দেয়া উচিত নয় ছোঁড়াকে । বাবা যে কি দেখেছে ছোঁড়ার মধ্যে, হাঁ করে বসে গিলবে কথাগুলো । গুরু ঠাকুর এসেছেন যেন, খাতির কত !'

'মেয়ের বাপ নয় গো খালি, মেয়েও কথা গেলেন হাঁ করে । অ্যাদিন কি টের পেয়েছি ছুঁড়ির মনে কি আছে ?'

কথাটা নিয়ে বাড়ীর মেয়েদের মধ্যে ক'দিন গুঞ্জন চলে—রক্তা হাড়া । বীরেশ্বরের মেজ ছেলে জীবনলালের বো মাথা অল্প সকলের সামনে গভীর মুখে বলে, 'মাগো ! একি কাণ্ড ?'—তারপর রক্তাকে একা পেলে একগাল তেসে শুধায়, 'আমায় কেন বলিস নি অ্যাদিন ? বল ভাই, সব বলতে হবে ।'

অ্যাদিন বলার কি ছিল রক্তা ভেবে পায় না । সূর্য্যকে বিয়ে করতে তার আপত্তি নেই এর চেয়ে বেশী কি বলার আছে তাও সে ভেবে পায় না ।

পুরুষেরা নিজেদের মধ্যে কথাটা একটু নাড়াচাড়া করেই চাপ করে যায় । শ্যামলাল একবার সূর্য সম্পর্কে বাবাকে সতর্ক করতে গিয়ে এত বয়সে এমন প্রচণ্ড ধমক খেয়েছিল, যা প্রায় গালের সামিল । বীরেশ্বরের কাছে আবার এবিষয়ে কথা তোলার মাহস কারো ছিল না ।

বর্ষায় ঝুমুরিয়া ও ঝুমুরিয়ার চারিদিক কাদায় কাদাময় হয়ে যায় । শোনা জলের বন্যায় আসে কোন কোন বছর, সর্বনাশ করে দিয়ে যায় । বৃষ্টি মাথায় করে জলকাদা ভেঙ্গে সূর্য্যকে পাঁচনিখে যেতে আসতে হয় বলে এ বছর সূর্য্যের দ্রুত মমতা আর যে অপ্রত্যক্ষ শক্তি বেচারাকে কষ্ট দিচ্ছে তার বিরুদ্ধে রাগটা রক্তার যেন বেশী হয় । জ্বরে বর্ষা নামলেই নিজেকে তার মনে হয় বন্দিনী, ঘরের মধ্যে ছটফট করতে করতে সে হাতে হাত কচলায় । তারপর ধৈর্য হারিয়ে উঠানে নেমে দ্রুপে ভিজে আসে এবং অসময়ে ঝোঁকের মাথায় চুল ভেজানোর আপশোষে নিজের ওপর রাগ করে গুম্ব খেয়ে বসে থাকে !

হঠাৎ ওঘরে গিয়ে বলে, 'বাবা, শুনছো ? সেই গল্পটা বলে দিকি । সেই যে কার সঙ্গে কোথায় ক'মাস ধরে পালিয়ে বেড়িয়েছিলে ধরা দেয়ার আগে ?'

বীরেশ্বর মনে মনে খুসী হয় । বাইরে বিরক্তি জানিয়ে বলে, 'হাজারবার তো শুনলি ।'

তা ঠিক । শুনে শুনে সে কাহিনীর খুঁটিনাটি পর্য্যন্ত রক্তার মুখস্থ হয়ে গেছে । তবু প্যাঞ্জলিকা দেয়া পুরাণো চালভাজার মত বেশ লাগবে বাদলার দিনে আবার পুরাণো রোমাঞ্চকর কাহিনী শুনে ।

‘আবার বলো !’

চৌকীর এক কোণে পা তুলে ছ’হাতে বুকের কাছে হাঁটু জড়িয়ে বসে হাঁটুর জোড়ে খুতনি রেখে রক্তা গল্প শোনে। গল্প শেষ হলে খানিক চুপ করে থেকে আচমকা জিজ্ঞেস করে, ‘গরীব হলে তো মাহুষ কষ্ট পাবেই, না?’

বীরেশ্বর গরীবের কষ্ট পাওয়ার কথা কিছু বলে নি। প্রশ্নটা সে বুঝতে পারে না। রক্তা আপন মনে বলে, ‘তবে যে সুখাবাবু বলে বড়লোকদের জন্ত গরীবরা কষ্ট পায়? বড়লোকরা চোর, ডাকাত?’

বীরেশ্বর ভেবে চিন্তে বলে, ‘হাঁ, গরীবরা সব দেশে কষ্ট পায়। তবে আমাদের মত নয়, এই আর কি!’

বর্ষার পর মেয়েকে নিয়ে বীরেশ্বরের একবার কলকাতা যেতে হল।

লোকনাথ দত্ত কলকাতায় থাকেন। কয়েকটা কারখানা আছে, মস্ত বড়লোক। তার বাপের ছোটখাট জমিদারী ছিল ঝুমুরিয়া ও আশেপাশের গাঁয়ে। এখন সামান্য অবশিষ্ট আছে। বাকীটুকুও যাক, লোকনাথ অবশ্য তা মোটেই চান না, তবে এই সামান্য আয়ের জমিদারীটুকুর জন্ত নিজের তিনি আর বিশেষ মাথা খামাতে বা কষ্ট করতে রাজী নন। তাঁর এক দূর সম্পর্কের ভাই ঝুমুরিয়ার বাড়ীতে থেকে জমিদারী-টুকু দেখা শোনা করতেন। সম্প্রতি তিনি মারা গিয়েছেন। তাঁর বড় ছেলে বিদেশে চাকরী করে। পরিবার প্রতিপালন ও বাপের দায়িত্ব পালন করার ভার পড়েছে অন্য ছেলেটির ঘাড়ে। তার নাম শশাঙ্ক। সে ঘরবাড়ী আগলায় আর যতদূর সম্ভব কম পরিশ্রমে খাজনাপত্র যা কিছু আদায় করে তাই দিয়ে মা, বোন আর বোয়ের ভরণপোষণ চালায়।

শশাঙ্ক কলকাতায় যাবে। তার সঙ্গে কালীঘাটে কালী দর্শন ও গঙ্গাস্নান করতে যাবে তার মা আর রক্তার পিসী।

রক্তা প্রথমে আবদার এবং তারপর জিদ ধরল, সেও পিসীর সঙ্গে কলকাতা যাবে বেশ, ফিরে আর সে আসবে না, আসতে চায় না। হয় গঙ্গায় ডুবে নয় হাওয়া গাড়ী নীচে চাপা পড়ে প্রাণ বিসর্জন দেবে। আর যেতে যদি তাকে না দেওয়া হয়, বাড়ী কাছেই পুকুর আছে, দড়িরও কিছু অভাব নেই ঘরে।

মেয়ের জন্ত এতদিন যত যত্নগা সহঁতে হয়েছে তার জ্বালাটা এবার বীরেশ্বরের পড় গিয়ে মেয়ের ওপরে। কাটারি নিয়ে সে রক্তাকে কাটতে গেল। চকচকে ধারান্তে সে কাটারি, বীরেশ্বর রাগের মাথায় কোপ বসিয়ে দিলে মাহুষ একঘায়েই হয়তো ছ’খ হয়ে যাবে—কটা কোপ বসিয়ে সে ক্ষান্ত হবে কেউ জানে না। বাড়ীর কেউ, ছেলের পর্যন্ত, বাপকে গিয়ে আটকাতে ভরসা পেল না। রক্তার মা বেঁচে থাকলে কি কর

বলা যায় না।

রম্মা গলা বাড়িয়ে দিল না বটে কিন্তু এক পা না নড়ে ঠায় দাঁড়িয়ে রইল কাটারির কোপের প্রতীক্ষায়। বীরেশ্বর যেন থ' বনে গেল কাছাকাছি গিয়ে মেয়েকে দেখে। মেয়ের দুঃসাহসে নয়, মেয়েকেই দেখে। ছেলেমেয়ে বড় হয়েছে স্কেনেও বাপেরা সহজে জানতে পারে না ছেলেমেয়ে ঠিক কেমন আর কত বড় হয়েছে, বিশেষ করে মেয়ের বেলায়। আজ বিশেষভাবে নজর পড়ায় মেয়ের বদলে এক যুবতীকে দেখে সে যেন চমকে গেল।

এত বেড়ে গেছে রম্মা! কাটারি দিয়ে মেয়েকে অবশ্য বীরেশ্বর কাটত না। বদমেজাজী হলেই মাছুষ তো আর পাগল হয় না। তবে কাটতে গিয়ে রম্মাকে এভাবে না দেখলে সে হয়তো পিসী আর শশাঙ্কের মা সঙ্গে থাকবে এই ভরসায় মেয়েকে শশাঙ্কের হেফাজতেই কলকাতা বেড়িয়ে আসতে পাঠিয়ে দিত। এবার সে ভাবল, সর্বনাশ! সে নিজে সঙ্গে না থাকলে এই মেয়েকে কি কারো সঙ্গে কোথাও যেতে দেওয়া যায়! সেই সঙ্গে একথাও সে ভাবল যে কি সর্বনাশ! এখনো মেয়ের সে বিয়ে দেয় নি!

রম্মা আর তার পিসীকে নিয়ে বীরেশ্বরকে অগত্যা নিজেই শশাঙ্কের সঙ্গে কলকাতা যাবার জন্ত প্রস্তুত হতে হল। অল্প বয়সে রম্মা একবার কলকাতা গিয়েছিল, আবছা আবছা মনে আছে দালান, রাজপথ, গাড়ীঘোড়া মাস্তবেব দিশেহারা ভিড়ের সমারোহ। রওনা হওয়ার দিন সকালে রম্মা যখন উত্তেজনায় চঞ্চল হয়ে আছে, সূর্য্য এল। ক্রিষ্ট মুখে প্লান হেসে বলল, 'আমারও এমন যেতে ইচ্ছে করছে তোমাদের সঙ্গে কলকাতায়!'

সূর্য্যকে দেখেই হঠাৎ উত্তেজনা কমবার প্রক্রিয়ায় রম্মার বুকে তোলপাড় উঠেছিল। সে কথা কহিতে পারল না।

'একটা কিন্তু স্মৃথবর আছে। এখন থেকে হপ্তায় একবার পাঁচনিখে গেলেই চলবে।'

শুনে রম্মা ভাবল যে বর্ষার আগে এটা হলে কত কষ্ট বাঁচত সূর্য্যবাবুর! কাপও। সূর্য্যকে দেখেছে কিন্তু আজ গা ছেড়ে দূরে যাবার চেতনা নিয়ে সূর্য্যকে তার বড় বেশী জীর্ণ জীর্ণ ঠেকল, মনে হল তার যেন অসুখ হয়েছে, কঠিন অসুখ। মনটা বড় ধারাপ হয়ে গেল রম্মার। কলকাতা সে যাচ্ছে বটে মাত্র কয়েকটা দিনের জন্ত, কিন্তু শৈশবে একবার এবং এত বড় হয়ে আরেকবার যে কলকাতা যায়, যাওয়াতে কি তার দিনের হিসাব থাকে? কিরে আসবার কথা কি সে ভাবতে পারে যাবার সময়? মনেক দূরের ষ্টেশনে গিয়ে ট্রেনে ওঠা পর্য্যন্ত রম্মা তাই কাঁতর হয়ে রইল। তারপর রলগাড়ীতে চেপে চলার আনন্দ ও উদ্দীপনার মাদক রসে রম্মার যখন নেশা ধরে গল, গতিশীল জড় ও জীবন্ত সব কিছুকে তীব্রভাবে ভালবাসবার আকাঙ্ক্ষা জাগল,

তখন সূর্যর কথা তার মনেই রইল না।

কলকাতায় পৌঁছে তারাও শশাঙ্কের সঙ্গে লোকনাথের প্রকাণ্ড বাড়ীতে উঠল। তাদের মত অনাতত ও তুচ্ছ আত্মীয়-পরের অস্থায়ী বসবাসের জন্য বাড়ীতে স্থায়ী ব্যবস্থা করা আছে।

এই বাড়ীতে রামপালের সঙ্গে দেখা হল রক্তার।

লোকনাথের একটি কাঠের গোলা ও আসবাব তৈরীর মস্ত কারখানা আছে। বিস্তৃত অঙ্গনে করাতিরা চেরে নানা কাঠের মোটা মোটা গুঁড়ি, কারখানার মধ্যে তৈরী হয় নানা ধাঁচের ও নানা দামের চেয়ার টেবিল খাট পালঙ্ক কোচ আলমারি। রামপাল এখানে মিত্রির কাজ করে।

প্রথমে সে কামদামী সাধারণ আসবাব তৈরীর কাজ আরম্ভ করেছিল, তারপব অল্পদিনে সে দামী সৌখীন জিনিস তৈরীর কাজে লেগেছে। তার হাতের কাজ বড় সুন্দর হয়, তৈরী জিনিসের কারুকার্য একটা সর্বাঙ্গীণ রূপ পায়। কয়েক টুকরো দামী কাঠ নিয়ে সে খানিকটা ফাঁকি দিয়ে ও খানিকটা অবসর সময়ে ছোট একটা সুদৃশ্য কাঠের বাস্তু তৈরী করছিল, কারুকার্য যখন প্রায় শেষ হয়ে এসেছে কারখানার ম্যানেজার স্বয়ং উমাপদর কাছে একদিন ধরা পড়ে। এসব বজ্ঞাতি উমাপদর নয় না গালাগালি খেয়ে রামপাল সেদিন হয়তো বরখাস্ত হয়ে যেত, বাস্তুটি দেখে হঠাৎ জঁ লিলির কথা উমাপদর মনে পড়ে যাওয়ায় জিনিসটাই শুধু সে বাজেয়াপ্ত করে নিল।

গভীর মুখে বলল, 'কাজে ফাঁকি দিও না।'

বাস্তুটি নিয়ে উমাপদর চলে যায়, রামপাল বলল, 'একটু বাকী আছে বাবু।'

নেড়ে চেড়ে দেখে কোন ক্রটি কিন্তু উমাপদর চোখে ধরা পড়ল না। '---কেন, এই তো বেশ হয়েছে।'

তারপর রামপালের তৈরী অনেকগুলি ছোট ছোট কাঠের জিনিস লিলির ঘরের শোভাবর্ধন করেছে। সময় লেগেছে অনেক। রামপাল বড় আন্তে ধীরে সুস্থে কাজ করে।

রামপাল মাহুঘটাও ধীর স্থির শাস্ত প্রকৃতির, কাজের সময় ছাড়া অন্য সময় একটু আলস্লামপ্রিয়। কথা সে কম বলে, শোয়া বসা সব অবস্থাতেই নড়াচড়া কম করে, অনেক বিষয়েই আগ্রহ দেখায় কম। পাঁচজনের সঙ্গে বসে আলাপ আলোচনা হাসি তামাসা সমস্তই সে মন দিয়ে শোনে, কিন্তু তাকে মনে হয় আনমনা। উত্তেজিত আলোচনার মধ্যেও চোখ তার মাঝে মাঝে বুজে যায়, ভাবুক মনে হয় তাকে। তার এই খাপছাড়া প্রকৃতির জন্য অল্প করাতি আর মিত্রী মজুরদের কাছে তার অস্তিত্ব একটু স্পষ্ট। অনেকে এজন্য তাকে পছন্দ করে না। তার নিষ্ক্রিয় নির্লিপ্ত ভাবের মধ্যে অনড়

অচল হয়ে বসার ভঙ্গির মধ্যে, মুখ বুজে চিন্তা ভাবনা করার মধ্যে শাধু, পণ্ডিত, পূজারী আর বাবুদের সঙ্গে সাদৃশ্যের যেটুকু ইঙ্গিত আছে সেটা এদের সংস্কারকে পীড়ন করে। রামপাল রাগারাগি গালাগালি হানাহানি অঙ্গীল আলাপ, হাসাহাসি আর বাহাদুরী সকলের সঙ্গে সমান তালে করে না বলে তাকে কেমন বেজাত ভেবে এরা বিদেব অহুভব করে। তবে মাঝে মাঝে খেনো খেলে রামপাল বেশ ভালরকম মাতামাতি হৈছল্লোড় করে, বিদেবের ভাবটা সাময়িকভাবে একেবারে উপে যায় এবং পরে আবার ফিরে এলেও জোরালো হতে পায় না। নিৰ্বিরোধী স্বভাবের জ্ঞান রামপালের প্রতি অনেকের একটু টানও আছে, যারা নিধেরাই নিরীহ গোবেচারী মাছ এবং যারা শেষ পর্যন্ত মানুক না মানুক সব বিষয়ে বড়োদের পরামর্শ নিতে ও হিতোপদেশ শুনতে চায়, বড়োদের জ্ঞানী ও গুণী বলে জেনে শ্রদ্ধা করে। রামপালের মধ্যে এরা হুবিরের গুণাবলীর প্রতিফলন অহুভব করে।

মাঝে মাঝে কিন্তু অকারণে তার মধ্যে অদ্ভুত একটা অস্থিরতা দেখা দেয়, দেশী মদ খেয়ে তৈ চৈ করার সঙ্গে যার কোন মিল নেই। বড় সে ছটফট করে, কাজ কামাই করে সহরময় ঘুরে বেড়ায়, কখনো কখনো সামান্য কারণে মারামারি পর্যন্ত করে বসে। তবে দু'চার দিনেই এভাবটা তার কেটে যায়।

উমাপদ কারখানার মালিক লোকনাথের ভায়ে। বড়লোক মামাটামার চেয়ে তাদের ভায়েটাইয়েরা চিরকালই বেশী দড় হয়। উমাপদের কর্তালিতে সমস্ত কারখানা জুড়ে জোরালো অসন্তোষ গুমরে বাড়ছিল, একদিন সে নাথু করাতিকে মেরে বসায় হাঙ্গামা বেধে গেল। করোতিরা স্বভাবতই বদমেজাজী আর অপমান-কাতর হয়। বিশেষত দোষ না করে অত্যায গালাগালি শুনতে তাদের বেশী লাগে। বেমাণে চিরে দামী কাঠ নষ্ট করেছে বলে উমাপদ তাকে গাল দিতে আরম্ভ করায় নাথুর সহিল না।

‘খপর্দার বাবু, মুখ সামলে।’

পায়ের কাছে কাঠের একটা গেঞ্জ পড়ে নিল। উমাপদ সেটা তুলে ছুঁড়ে মারল। লাগল নাথুর মাথার পাশে। রক্তারক্তি হয়ে গেল।

উমাপদ সেদিন হয়তো খুন হয়ে যেত, তাকে বাঁচালো রামপাল নিধের দেহ দিয়ে তাকে আড়াল করে যে হাঁকতে লাগল : ‘খুন হয়ে যাবে, সবাই মিলে মারলে খুন হয়ে যাবে—খুন! পুলিশ হাঙ্গামা! হুঁশিয়ার!’

উমাপদ ফ্যাকাশে মুখ নিয়ে কোন রকমে আপিস ঘরে পালাল।

করাতি ও মিস্ত্রীরা কাজ বন্ধ করে আরম্ভ করল জটলা। ক্রুদ্ধ উত্তেজিত অবস্থায় রামপালের কাছে তারা বিরক্ত হয়েছে। নাথু তার চাটগাঁ’র ভাষায় অকথ্য গালাগালি দিতে লাগল রামপালকে।

রামপাল কৈফিয়ত দিয়ে বলল, ‘একটা লোক মেরে দু’চার জন ফাঁসি গিয়ে, দশ বিশজন জেল খেটে লাভ কি হত শুনি!’

‘খুন কিসের ? খুন কিসের ? ছুঁচার বা খেত শালা !’

এ অবস্থাতেও রামপালের মুখে হাসি দেখা দিল ।

‘ভদ্রলোকের ব্যাটা—তোমরা ছুঁচার জন এক বা করে দিলেই রক্ত হেগে মরে যেত ।’

কথাটা সকলের ভাল লাগল । উমাপদকে এ একটা গাল দেওয়ার সামিল । এ একটা বোষণা—উমাপদের জীবন ঠুনকো, তারা কিন্তু সহজে মরে না ।

‘নাথুকে যে মারল তার কি হবে ?’ শ্রীপতি মিস্ত্রী শুখোল ।

‘মাপ চাইবে ।’

হ্যাঁ, মাপ চাইতে হবে উমাপদকে । হেড মিস্ত্রী গণি সাক্ষী, বেমাপে চিরে নাথু কাঠ নষ্ট করেনি, গণি যেমন বলেছিল সেই মাপে চিরেছে । নিজে ভুল করে উমাপদ গাল দিয়েছে নাথুকে, মেরে মাথা ফাটিয়ে দিয়েছে । মাপ না চেয়ে সে আজ বাক দিকি কারখানার বাইরে ! মাপ তাকে এখন চাইতে হবে । তাকে কারখানা থেকে না সরালে কেউ কাজ করবে না ।

উমাপদকে সরাবার কথাটা শুধু ভাসা ভাসা ভাবে উঠে রইল, ছুঁচার জন বলাবলি করতে লাগল নিজেদের মধ্যে । সকলের সায় পেয়ে সমবেত দাবীর স্পষ্ট রূপ নেওয়া শ্রুগিত রইল উমাপদের মাপ চাওয়া চুকে যাবার জন্ত । ওটা আগে চাই, এখন চাই ।

দায়িত্বটা আপনা থেকে পড়ল গিয়ে রামপালের ঘাড়ে । সে উমাপদকে বাঁচিয়েছে, মাপ চাওয়ার কথা পেড়েছে, ঘটনাস্রোতকে এ পর্যন্ত নিয়ন্ত্রিত করেছে । বিনা নির্বাচনেই সে তাই মধ্যস্থ নির্বাচিত হয়ে গেল । শুধু মধ্যস্থ নয়, দায়ীও হল । মুখে কেউ কিছু না বললেও এটা স্পষ্ট হয়ে রইল যে তাকেই উমাপদকে দিয়ে মাপ চাওয়াতে হবে ।

এটা নেতা হওয়ার সামিল । পনের কুড়ি মিনিটের মধ্যে রামপাল করাতি ও মিস্ত্রীদের নেতা হয়ে গেল । উমাপদের কাছ থেকে মাপ চাওয়া আদায় করার ভারটা তার এবং এই কাজটা করার জন্ত সে কারখানায় আগুন ধরিয়ে দিতে বললেও এখন সবাই তা পালন করবে । কিন্তু শেষ পর্যন্ত কাজটা সম্পন্ন করতে না পারলে অবশ্য তার মুশ্কিল আছে ।

ভেবে চিন্তে রামপাল উমাপদের কাছে গেল ।

‘ওরা কি বলছে, রামপাল ?’

‘বড় হাঙ্গামা হয়েছে, বাবু । নাথুকে না মারলেই পারতেন । ওর দোষ নেই । গণি মিস্ত্রী সোয়া ইঞ্চি বলেছিল, নাথু সেই মাপে চিরেছে । আপনার ভুল হয়েছিল ।’
উমাপদ চটে বলল, ‘তাই কি ? ভুল হয়েছিল বলে আমার মুখের ওপর হুকুম দেবে ?’

রামপাল তখন অবস্থাটা বুঝিয়ে দিল । মাপ না চাইলে উমাপদকে কারখানা

থেকে বার হতে দেওয়া হবে না। রাগের মাধ্যম সবাই হয়তো অগ্নিস ঘরে এসেই—
'অ্যা!' উমাপদর মুখ আবার শুকিয়ে গেল। 'নাথুকে মেরেছি তো ওদের
সকলের কি?'

'সবাই ক্লেপে গেছে।'

টেবিলে টেলিফোনটার দিকে চেয়ে দামী পেনের মসৃণ গোড়াটা ঠোঁটে বুলিয়ে
বুলিয়ে উমাপদ ভাবে। আক্রোশ আর ভয়ের উত্তেজনা যমনে তার আলোড়ন চশতে
থাকে অনিশ্চয়তার। কি করবে? কি করা যায়? লোকনাথ দত্তের বড় ভায়ে
হয়ে, কারখানার বড় ম্যানেজার হয়ে মাপ চাইবে একটা করাতির কাছে? সকলের
সামনে মাপ চাইবে! কিন্তু খুন হওয়ার চেয়ে এখনকার মত মাপ চেয়ে বাঁচা কি ভাল
নয়? পরে নয় দেখা যাবে কার ঘাড়ে কটা মাথা! অথবা যদি—

'কি করি বলত রামপাল?'

'আজ্ঞে মাপ না চেয়ে রেহাই নেই।'

রেহাই নেই! রেহাই নেই! ছোটলোক কুলিমজুরের কি আশ্পর্কা! 'আচ্ছা,
বলোগে আমি আসছি।'

রামপাল বেরিয়ে যাওয়া মাত্র উমাপদ পুলিশে ফোন করে দিল।

পুলিশ আসতেও সময় লাগে। প্রতীক্ষা করতে কবতে সকলের উত্তেজনা বাড়তে
থাকে, তারা অসহিষ্ণু হয়ে পড়ে। মিনিট কুড়ি পরে রামপাল তাগিদ দিতে এল।

'বলোগে আসছি। নাথুর খুব লেগেছে, না? বলোগে নাথুকে আমি একশো
টাকা দেব— ক্ষতিপূরণ দেব। এই হিসাবটা দেখেই আসছি।'

এখন এই অবস্থায় উমাপদ হিসাব দেখছে।

খানিক পরেই লরী বোঝাই পুলিশ এসে কারখানা দখল করে বসল। করাতি ও
মিস্ত্রীরা পুলিশের সঙ্গে লড়াই করত না, ক্ষমাপ্রার্থী উমাপদর বদলে তঠাৎ পুলিশের
আমদানী হওয়ায় সকলেই অল্প বিস্তার হতভম্ব হয়ে গিয়েছিল।

সময় দিলে করাতি ও মিস্ত্রীরা আপনা থেকেই চলে যেত। তবে জনতা পালাতে
আরম্ভ করলেও জনতাকে ছত্রভঙ্গ করার কর্তব্য রীতিমত পালন করার প্রথা পুলিশ
মেনে চলে। গোটা কয়েক মাথা একটু ফাটল, কয়েকজন বা কতক মার ও গুঁতো
খেল।

রামপাল মধ্যস্থ, তাই দলে ভেড়েনি। একটু শুফাতে একটা কাঠের গুঁড়িতে বসে
বিড়ি টানতে টানতে অগ্নিস ঘরের দিকে তাকিয়ে ছিল, কখন উমাপদ বেরিয়ে
আসে। অল্প সাক্ষ হলে যাবার পর দেখা গেল সে একা তখনও কাঠের গুঁড়িটার ওপর
বসে আছে।

উমাপদ বেরিয়ে এসেছিল। রামপালকে দেখিয়ে সে বলল, 'ওই ব্যাটা পালের
গোদা, ওই সকলকে ক্লেপিয়ে আশায় ডাকতে গিয়েছিল। অ্যারেট করুন।'

অপরাজে লোকনাথ নিজে গিয়ে রামপালকে ছাড়িয়ে আনলেন এবং পুলিশের হাঙ্গামা চাপা দেবার ব্যবস্থা করে এলেন। কারখানার হাঙ্গামা তিনিই মেটাবেন, সে পর্যায় কারখানায় পুলিশ পাঠারা থাকলেই হবে, আর কিছু দরকার নেই।

উমাপদ মামার কাছে ঘুরিয়ে ফিরিয়ে কল্পনায় গেথে ব্যাপারটা জানিয়েছিল। কারখানার কন্সটার্নীদের কাছে লোকনাথ আসল ব্যাপারের খুঁটিনাটি সব শুনেছিলেন। তাঁর কাছে মিথ্যা বলার জ্ঞান উমাপদকে তিনি বকলেন এবং পুলিশে ফোন করার জ্ঞান তাঁর বুদ্ধির তারিফ করলেন। তাঁর আরও কারবার ও কারখানা আছে। এটা তাঁর জ্ঞানই ছিল কারখানা চালাতে গেলে মাঝে মাঝে লোকদের সঙ্গে গোলমাল হয়। অশিক্ষিত নেশাখোর ছোটলোক তো সব। বাড়ীতে একটা চাকর থাকলে তাঁর সঙ্গে পর্যায় খিটমিট না বেধে যায় না, কারখানায় এমন কতলোক কাজ করে!

রামপালকে তিনি একেবারে বাড়ীতে নিয়ে এলেন। উমাপদকে বাঁচাবার জ্ঞান প্রশংসা করলেন এবং দশ টাকা পুরস্কার দিলেন।

ক্রিষ্টাসাবাদ করে বললেন, ‘কাল আমি সব মিটিয়ে দেব।’

লোকনাথ জানতেন শ্রীপতি মিস্ত্রী তাঁর কাঠের কারখানার লোকদের দলপতি, সকলের মধ্যে সেই এতদিন অভাব অভিযোগের কথা জানিয়েছে, কথাবার্তা চালিয়েছে। রামপালকে হঠাৎ ওদের নেতা হতে দেখে তিনি একটু আশ্চর্য হয়ে গিয়েছিলেন।

রামপালকে জলখাবার দেবার হুকুম হয়েছিল। প্রজা জমিদার-বাড়ী এলে তাকে খেতে দেবার সেকলে প্রথাটা লোকনাথের বাপ মেনে চলতেন, ব্যবসায়ী হলেও লোকনাথের আমলে সেটা টিকে আছে। খিদেও রামপালের পেয়েছিল প্রচণ্ড। চাকরের সঙ্গে সে বাড়ীর আনাচে খেতে গেল। রামপালের শ্রেণীর লোকদের খাওয়ার জ্ঞান মুড়ি, চিড়ে, ছাতু আর আটার রুটির স্থায়ী বরাদ্দ আছে। গুড় দিয়ে যা খুসী খেতে পারে। সর্বোচ্চ পরিমাণ বাধা আছে। অবশ্য সে পরিমাণ সকলে পায় না, খায়ও না।

‘কি নেবে?’

‘দাও যা খুসী।’

হঠাৎ সন্কেচ বোধ হচ্ছে রামপালের, বিতৃষ্ণা লেগেছে। গারদে বসে উমাপদের চালাকি আর প্রাণ বাঁচানোর প্রতিদানে তাকে পুলিশে ধরিয়ে দেওয়ার কথা ভাবতে গিয়ে ধীরে ধীরে বাড়তে বাড়তে তার বিশ্বাস আর ক্রোধের সীমা থাকে নি। হঠাৎ লোকনাথ স্বয়ং গিয়ে তাকে মুক্ত করে নিজের গাড়ীতে চাপিয়ে আদর করে বাড়ী আনায় রামপাল দুঃখ তার চাপা পড়ে গিয়েছিল। একটা ভুল হয়েছিল, সেটা সংশোধন হল ভেবে সে পরম স্বস্তিও বোধ করেছিল। পুরস্কারের দশটা টাকা সে নিয়েছিল, গারদে গিয়ে কষ্ট পাওয়ার মজুরি হিসাবে। এখন হঠাৎ তার খেয়াল হয়েছে যে এ তো শুধু তার প্রতি ভুল করার প্রতিকার হল, এতে তার তো খুসী হওয়া উচিত হয়

নি ! নাথু মার খেয়েছে, উমাপদ মাপ চায় নি, ফাঁকি দিয়ে পুলিশ ডেকেছে, কয়েকজন আহত হয়েছে—এসবের কোন প্রতিকার হয় নি ।

লোকনাথ বলছে, কাল সব মিটিয়ে দেবে ।

কিন্তু তাকে তো দেখতে হবে ঠিকমত মিটমাট যাতে হয় ? ঠিকমত মিটমাট কি হওয়া উচিত তাকে তো স্থির করতে হবে ভেবেচিন্তে আর সকলের সঙ্গে পরামর্শ করে ? এমন একটা মীমাংসা চাই তো লোকনাথ যা মেনে নেবে এবং ওরাও যাতে খুসী হবে ?

ঠাণ্ড নেতা হয়েই রামপাল ঠিক নেতার মতই ভাবতে শিখেছে : মুড়ির সঙ্গে বাতাসা পেয়েও তা খেয়ে সে স্বাদ পেল না । কেবল খিদের তাগিদে মুড়ি চিবিয়ে গেল ।

এমন সময় বাপের সঙ্গে চিড়িয়াখানা দেখে রম্ভা ফিরে এল । অল্প অনেকের মতই রামপাল তাকে ভাল করে তাকিয়ে দেখল । কিন্তু রম্ভার মনে হল এ যেন সেভাবে দেখা নয় ।

অনাচের অন্দর থেকে খানিক পরে রম্ভা একবার বেরিয়ে এল রামপালকে আরেকবার দেখবে বলে । বাড়ীর কত পুরুষের চোখে সে দেখেছে তার পরিচিত শাড়ী সেমিজ ভেদ করা চাউনি । তার মধ্যে উমাপদের চাউনিটাই সবচেয়ে ত্রেঙ্গী, চোখ দিয়ে সে যেন তার সর্বাপ আচড়ায় । রামপালের মত মানানসই একটি পুরুষের মিষ্টি দৃষ্টি দেখে তাই রম্ভার চেতনায় ঘা লেগেছিল । অন্দরে গিয়ে তার কেবলি মনে হচ্ছিল লোকটাকে আরেকবার না দেখলে তার চলবে না, ভুল দেখেছে কি না এ সংশয়টা মেটাতেই হবে ।

খাওয়া শেষ করে রামপাল তখন চলে গেছে ।

লোকনাথের প্রকাণ্ড তিনতলা বাড়ীতে লোক অনেক, আত্মীয় কুটুম্ব আশ্রিত আশ্রিতা চাকর ঠাকুর দাই দাসী মানী ব্যাডুদার দারোয়ান ইত্যাদি নানা জাতের হরেকরকম মানুষ । মানুষ পুষে লোকনাথ সুখ পায়, তার কাছে সংসারে যত পোশাক যত সমারোহ কর্তা হবার বাহ্যহরিণ্ড তত্তথানি । বাজে লোকের ভিড়ে সংসারের আসল মানুষদের কোন অস্ববিধা হয় না । এক বাড়ীতে বাস করলেও তাদের মধ্যে বাবধান অনেক । আসলেরা ভিড়ের সামিধ্য শুধু ততটুকু মঞ্জুর করে, তাদের জীবন-যাত্রার কলরব ঠিক ততটুকু কানে আসতে দেয়, না বরদাস্ত করতে কষ্ট নেই, গর্ক আছে । বাড়ীর যে পরিমাণ স্থান এরা পেয়েছে এদের দাবীর জোরে তা এদের প্রয়োজনের চেয়ে ঢের বেশী । এত বড় বাড়ীতেও তাই অল্পদের স্থানের অকুলান হয়, বাস করতে হয় একটু ঘেঁষাঘেঁষি কোনঠাসা হয়ে । অবশ্য তাও কি কম ভাগ্য ?

নানা গভীতে নানা প্রক্রিয়ায় বিচিত্র শব্দ তুলে এ বাড়ীর জীবনধারা বয়ে যায়। ভোর চারটে থেকে মাল্লবের ঘুমই ভাঙ্গে বেলা দশটা, এগারটা পর্যন্ত। যাদের কাজ করতে হয় তারা কাজ আরম্ভ করে। আর যাদের কোন কাজ নেই তারা আরম্ভ করে সময় কাটাবার চেষ্টা, শুয়ে বসে হাই তুলে আড্ডা দিয়ে গল্প করে তাস খেলে রেডিও শুনে। সাধারণ কথার একটানা গুঞ্জন ছাপিয়ে কাণে আসে ডাকাডাকি, ধমকানি, কলহ, ছোট ছেলের কান্না, ঠাকুর ঘরে আরতির শব্দঘণ্টা প্রভৃতি শব্দ। উপরের স্তরের মেয়েপুরুষদের জীবন সব সময়েই লগ্ন মন্থর, সকালের দিকে আরও ঝিমিয়ে থাকে। পুরুষেরা তবু লোকনাথের বিভিন্ন আপিসে মোটা বেতনে হাক্ক কাছের চাকরী করতে যায়, মেয়েদের কাছের অভাবটাই সাংঘাতিক। সকলের চেয়ে নিশ্চল জব্বাবু ও শব্দহীন লোকনাথের তিরানববই বছরের বড়ী মা, এদের অলস জীবনের চরম প্রতীকের মত।

বাড়ীতে দু'বেলা সব চেয়ে সমারোহ হয় চারটি রান্নাঘরে। এক ঘরে লোকনাথ ও তার আপনজনদের, এক ঘরে পরের পর্যায়ের সম্পর্কিতদের, এক ঘরে নিরামিষ এবং এক ঘরে বাকী সকলের। শেষের রান্নাঘরে অল্প ব্যঞ্জনের বৈচিত্র্য বিশেষ কিছু না থাকলেও পরিমাণটা হয় বিপুল। তবু সকলের শেষে যারা খায়, শেষে ছাড়া খাবার অধিকার যাদের নেই, তাদের প্রায়ই সব জিনিস কম পড়ে। কোনদিন থাকে শুধু আধপেটা ভাত আর একটু ডাল, কোনদিন থাকে শুধু ছুটি শুকনো চূন ভাত, কোনদিন কিছুই থাকে না। হিসেব করেই দেওয়া হয় সব জিনিস, কিন্তু সেটা মাথা পিছু হিসেব. খিদের হিসেব নয়।

পোষ্য পোষা নিয়ে ছেলে হীরেনের সঙ্গে লোকনাথের একটু মতানৈক্য আছে। তবে হীরেনের পক্ষে অনৈক্যটা সম্পূর্ণ নীতিগত ব্যাপার। এই আবেষ্টনীতে মাল্লব হওয়ার ফলে বাড়ীর অবস্থাটা তার এমন গা সওয়া হয়ে গেছে যে পরিবর্তন ঘটানোর বিশেষ জোরালো তাগিদ সে অনুভব করে না। কেবল এই এক বিষয়ে নয়, বেশ খানিকটা পিতৃভক্তি থাকলেও বাপের সঙ্গে তার তেমন বনে না। ভক্তির সঙ্গে মনের মধ্যে একটা সমালোচনার ভাব থাকটা তার কারণ। বাপকে সে পুরোপুরি অনুমোদন করতে পারে না। প্রচুর বাৎসল্য থাকা সত্ত্বেও লোকনাথের মনেও ছেলের সম্বন্ধে পুরোপুরি সায় নেই। তবে মতানৈক্য থাকলেও বাপ ছেলের মধ্যে এপর্যন্ত তেমন মনোমালিন্য ঘটেনি। অমিলের মধ্যেও মিল থাকায় খানিকটা সামঞ্জস্য হয়েছে, মতামত ও পছন্দ অপছন্দের অসীম পিতৃভক্তি আর বাৎসল্য বাকীটা সামলে রেখেছে।

সম্প্রতি উমাপদকে উপলক্ষ করে দু'জনের মধ্যে খাঁটি একটা মনোমালিন্য ঘটবার উপক্রম দেখা দিয়েছে। কাঠের কারখানায় গোলমাল হবার আগে থেকেই উমাপদের ক্ষমতার অপব্যবহারের কথা তার কাণে আসছিল; একটা কিছু ব্যবস্থা করার জন্য চাপও পড়ছিল তার উপর। চাপ দিচ্ছিল কৃষ্ণেন্দু আর মমতা। দু'জনের মধ্যে যে

কোন একজনের বলাটাই হীরেনের পক্ষে যথেষ্ট ছিল। এদের ছ'জনের চাপের সঙ্গে তার নিজের মনের সঙ্গতি ঘটায় ব্যাপারটা গুরুত্ব পেয়েছে অনেক বেশী। উমাপদকে সে পছন্দ করে না। কেবল অপছন্দ নয়, এই পিসতুতো দাদাটির উপর তার মনে একটা ঘৃণা ও বিদ্বেষের ভাবও বহুদিন থেকে সঞ্চারিত হয়ে এসেছে। বাড়ীর মাহুব-গুলির অমার্জিত স্থল মানসিকতা সে শুধু অবজ্ঞা আর উদাসীনতা দিয়ে বরদাস্ত করে যায়, তার আগেকার যুগের মাহুব বলে ক্রমা করে কিন্তু প্রায় সমবয়সী ও সুশিক্ষিত উমাপদের রুচিহীন কৃষ্টিহীন ভৌতা অহুদার জীবনযাপন তাকে পীড়ন করে।

কিন্তু মুখে উপদেশ বা ধমক দিতে লোকনাথের আপত্তি না থাকলেও উমাপদের স্বভাবের সংশোধন হওয়ার মত শাসন করতে লোকনাথ রাজী নন। উমাপদের ব্যবহারে তিনি দোষের বিশেষ কিছু দেখতে পান না বলে শুধু নয়, তাকে শাসন করার একটু মুন্সিলও আছে।

জীবন-বীমার কোম্পানী খুলে লোকনাথ প্রথম ব্যবসায় জীবন আরম্ভ করেন তাঁর ভগ্নীপতি রাখালের সঙ্গে, উমাপদ যার ছেলে। সে কোম্পানীর অর্ধেক অংশীদার ছিল রাখাল। কোম্পানী যখন দাঁড়িয়ে গিয়ে দিন দিন বড় হচ্ছে এবং পরামর্শ চলছে অল্প কারবার পত্তন করবার তখন রাখাল মারা যায়। তারপর অল্প কারবার লোকনাথ একাই কয়েকটা গড়ে তুলেছেন, সেগুলিতে উমাপদের কোন অংশ না থাকলেও জীবন-বীমা কোম্পানীটির সে অর্ধেকের মালিক। কোম্পানী আরও অনেক ফেপেছে, বহু টাকার কারবার দাঁড়িয়েছে।

রাখালের মৃত্যুর সময় উমাপদ ছোট ছিল। যতদিন পারা যায় লোকনাথ তাকে লেখাপড়া নিয়ে মাতিয়ে রেখেছিলেন, তারপর তাকে ব্যাপৃত রেখেছেন অল্প কারবার চালাবার কাজ শিখিয়ে, দায়িত্ব দিয়ে। জীবন-বীমা কোম্পানীর ধারে কাছেও তাকে ভিড়তে দেন নি। সে ইচ্ছাও তাঁর নেই। ওই একটি কোম্পানীর ভিতরের ব্যাপার তিনি উমাপদকে জানতে দিতেও চান না, পরিচালনার ব্যবস্থায় হস্তক্ষেপ করতে দিতেও চান না।

উমাপদ মাঝে মাঝে আজকাল একটু গম্ভীর মুখে এই কোম্পানীটি সম্বন্ধে কৌতূহল প্রকাশ করতে সুরু করেছে, নানা প্রশ্ন করেছে। ছ'একবার আপনা থেকে কোম্পানীর আপিসে যুরেও এসেছে ইতিমধ্যে। লোকনাথ জানেন, একদিন এই ব্যাপার নিয়েই ভাণ্ডের সঙ্গে তাঁর বিবাদ বাধবে, উমাপদ পাওনা দাবী করবে। কিন্তু তার এখনো দেরী আছে। আরও কতগুলি বছর তিনি উমাপদকে সামলে চলতে পারবেন। এখন অকারণে ওর স্বাধীনতা খর্ব করার চেষ্টা করতে গিয়ে ওর স্বাধীন হবার প্রবৃত্তি উন্মেষ দিয়ে লাভ কি হবে? তার কুলীমজুরদের সঙ্গে একটু কড়া ব্যবহার করার জন্তে!

হীরেন এটুকু বোঝে না। বুঝবার মত বুদ্ধিও তার নেই ভেবে লোকনাথের আপশোষ হয়—রাগও হয়। ভয় হয় এই ভেবে যে সঙ্গ দোষে ছেলোটোর বুদ্ধি

একেবারে বিগড়ে না যায় ।

রুশেন্দু আর মমতার সঙ্গে হীরেন পাটনায় এক কনফারেন্সে যোগ দিতে গিয়েছিল । এসব কনফারেন্সে হীরেন কেন যায় লোকনাথের মাথায় ঢোকে না,— যারা জেল খেটেছে আর দরকার হলে আবার জেলে যাবে তাদের এই কনফারেন্স ? তবে হীরেন কলকাতায় না থাকায় এক বিষয়ে রক্ষা পাওয়া গেছে । কাঠের গোলার ঘটনাটা নিয়ে সে নিশ্চয় বাড়াবাড়ি করত ।

ফিরে এসে গোলমাল করবে । কিন্তু তিনি নিজে ব্যাপারটা মিটিয়ে দিয়েছেন আর উমাপদকে আচ্ছা করে শাসন করে দিয়েছেন বলে হয়তো অল্পই তাকে ঠাণ্ডা করা যাবে । শ্রীপতি যে রুশেন্দুকে টেলিগ্রাম করে দেবে, লোকনাথের জানা ছিল না । রামপাল কিছু করতে পারবে এ বিশ্বাস শ্রীপতির ছিল না । সেই সঙ্গে কারখানায় তার পদটিতে রামপাল উড়ে এসে জুড়ে বসবে এ ভঙ্গও ছিল ।

শ্রীপতিকে মধ্যস্থ করেই অনেক রাত্রি পর্যন্ত আলোচনা হল । বাকী রাতটা এক রকম ঘুমিয়ে কাটিয়ে দিয়ে ভোরবেলাই রামপাল হাজির হল লোকনাথের বাড়ী । রাত্রির আলোচনায় কি হলে তারা খুসী হবে স্থির করে ফেলা হয়েছিল, লোকনাথকে সন্তুষ্টি জানিয়ে দিতে তার তর সইছিল না । শ্রীপতি জানলে রামপালকে আটকে রাখার চেষ্টা করত, নতুবা তার সঙ্গে যেত । রামপাল একা লোকনাথের সঙ্গে কথা চালাবে পরামর্শ সভায় এমন কোন কথা হয় নি ।

সাড়ে ন'টা পর্যন্ত তাকে অপেক্ষা করতে হল । ন'টার আগে লোকনাথ কারো সঙ্গে দেখা করেন না,—নিজের দরকারে অথবা বিশেষ লোক ছাড়া ।

অস্থিরতা চেপে বসে থাকতে থাকতে রামপালের আবার খিদে পায় । জলখাবার নিয়ে খেতে গিয়ে আবার সে স্বাদ পায় না । তার সঙ্গে আলাপ আরম্ভ করে কৌতূহলী বীরেশ্বর । রস্তা যোগ দেয় পরে ।

‘হাজত যাও নি তুমি ?’ বীরেশ্বর দরদর সঙ্গে জিজ্ঞেস করে ।

‘যাই বা না যাই ।’ উদাসভাবে রামপাল জবাব দেয় ।

‘তাই বলছিলাম । ওই এক কাজ জানে পুলিশ, ধরে ধরে হাজতে পোরা । আমি জানিনে ? যুবে আসিনি কবার জেল থেকে ?’ বীরেশ্বর গরম হয়ে ওঠে । তার জেলে যাওয়ার কাহিনী শুনতে শুনতে রামপালের উদাসীন ভাব কেটে যায় ।

‘কর্তা ভাল করেছেন তোমায় ছাড়িয়ে এনে । কর্তা লোক ভাল ।’

এ কথায় রামপাল সায় দিতে পারে না । কাল রাত্রে সকলের আলোচনা শুনে এই জ্ঞানটুকু তার জন্মেছে যে তার ওপর যে অগ্নায় করা হয়েছিল তার প্রতিকারের জন্য লোকনাথ তাকে ছাড়িয়ে আনেন নি, হাজারটা চাপা দেওয়াই ছিল তার সকল উদ্দেশ্য ।

‘ভালো ? হাঁ, ভালোই বটে ! কেউ বলে না ভাল ।’

স্বর্ধাধাৰুও তাই বলেন। বড়লোকরা লোক ভাল না।’ রক্তা তার উত্তেজিত জ্বালালো সমর্থন জানায়। তার চোখ দুটি বিস্ময়কর দীপ্তিতে চক চক করে। নিখাস তার কিছুক্ষণ আগে থেকেই একটু জ্রত হয়ে উঠেছে। রামপালের চোখে মুখে আজ উদাসীন নির্ঝিকার ভাব নেই, চাপা অস্থিরতা এক অদম্য রুদ্ধ শক্তির থমথমে অভিব্যক্তি এনে দিয়েছে। কথা তার ঝাঁজালো কিন্তু মানে বোঝা সহজ। গরীব মিস্ত্রিমজুরদের হয়ে সে লড়াই করেছে বড়লোক বাবুদের সঙ্গে, হাজতে গিয়েছে, তারপর বাড়ী বয়ে লড়াই করতে এসেছে স্বয়ং বড় কর্তার সঙ্গে! রক্তার কেবলি মনে হতে থাকে এ লোক যেন বুমুরিয়ার জীর্ণশীর্ণ অশক্ত শ্রীহীন স্থায়ের স্তম্ভ সর্বদা রূপবান প্রতিনিধি—শক্তিশালী, সক্ষম। সহরের আলো দেখে রক্তার মনে হয় নি এ তার গায়ের প্রদীপ আর ডিবরির আলোরই উজ্জ্বল চোখ বলসানো রূপ। বুমুরিয়ার কালো ন্যেয়র ক্ষয়িষ্ণু প্রাণশক্তি দিয়ে জ্বাইয়ে রাখা শিখাটিই আজ রামপালের প্রদীপ অর্ঘমন্ডি হয়ে তাকে অভিভূত করে দিল।

লোকনাথ রামপালকে দর্শন দিলেন সাড়ে নটার সময়। বিবক্তির সঙ্গে জিজ্ঞেস করলেন, ‘কি হল আবার?’

রামপালের বক্তব্য শুনে বললেন, ‘বটে? আগে মিটনাট না করে দিলে কেউ কাজ করবে না? ওদের বলগে বাপু, ওসব গুস্তাদি চলবে না আমার সঙ্গে। কাজ যদি বন্ধ করে তো কিছুই করব না আমি।’

রাগে লোকনাথ গরগর করতে থাকেন। তার কথা শুনে শুনে রামপালেরও মনে হয় কথাগুলি তিনি খাঁটিই বলছেন। খোঁজখবর না নিয়ে, জিজ্ঞাসাবাদ না করে, ব্যাপারটা ভালরকম বিবেচনা করে না দেখে, হঠাৎ কি করে তিনি মিটমাট করে দেন! তিনি ব্যস্ত মাহুধ, কিছুদিন সময়ও তো লাগবে তাঁর সব বুঝে শুনে নিতে। হতদিন কি কাজ বন্ধ হয়ে থাকবে কারখানায়? তিনি কথা দিয়েছেন মিটিয়ে দেবেন, কারো নালিশ করার কিছু থাকবে না, তাই কি বথেষ্ট নয়?

‘আজ্ঞে, তাই বলি গে’ বুঝিয়ে।’

লোকনাথ শাস্ত হয়ে নরম সুরে বললেন, ‘কি বলে ওরা কাল জানিয়ে য়েও।’

রামপালের কথা শুনে কেবল শ্রীপতি নয়, আরও অনেকেই হাসল। কারো কারো চোখে সন্দিক্ত দৃষ্টিও দেখা গেল। এখানে এদের কথা শুনে শুনে রামপালের মনে হল, এরাও তো ঠিক কথাই বলছে। বোকার মত সে-ই লোকনাথের সহজ চালটি ধরতে পারে নি! তাই বটে, কারখানায় কাজ বন্ধ করা এখন খুব কঠিন নয়, কিন্তু কয়েকদিন কাজ করার পর আশ্তে আশ্তে সকলের মাথা ঠাণ্ডা হয়ে এলে সেটা তো সহজ হবে না! তখন দুটো মিষ্টি কথা বলেই হয় তো লোকনাথ ব্যাপারটা মিটিয়ে দিতে পারবেন। মীমাংসার সর্ষ সম্পর্কে মোটামুটি ভাবে প্রতিশ্রুতি না পেয়ে কাজ আরম্ভ করা তো উচিত নয়!

ন'টার আগে লোকনাথের সঙ্গে দেখা হবে না কেনেও রামপাল পরদিন সাতটা খানিক পরেই আবার তার বাড়ীতে গিয়ে হাজির হল। টের পেয়ে খুসী হল। রজ্ঞাও তার অপেক্ষা করছিল।

বীরেশ্বরের এখানে থাকতে আর ভাল লাগছিল না। ইতিমধ্যেই বাড়ীর একজ ছাইভারের সঙ্গে তার একচোট ঝগড়া হয়ে গিয়েছে। ছাইভারটিকে সে হয়তো মেরে বসত কিন্তু তার আগেই উমাপদ নিজের এসে ছাইভারটিকে ধমকে দেওয়ায় ব্যাপারটা বেশীদূর গড়াতে পারে নি। অতিথির মান আরও বাড়াবার জন্য উমাপদ বলেছিল 'তুমি বললে ওকে ডিসমিস করে দিই বীরেশ্বর।'

বীরেশ্বর তাতে একটু অপমান বোধ করেছিল। এরকম শিঠচাপড়ানো খাতি তার সহ্য হয় না। সে যেন অসহায়, অরক্ষিত মানুষ, উমাপদের অধীন। ছাইভারকে ধমকে বড়ই সে অনুগ্রহ করল তাকে। এরকম অনুগ্রহ উমাপদ তাকে আরও করবার চেষ্টা করেছে, তাতেও অপমান বোধ করেছে বীরেশ্বর। তাছাড়া, এখানে বড় বেঁ পরাধীন শাস্তিশিষ্ট জীবন যাপন করতে হয়। লোকনাথের কাছে যে ব্যবহার আশ করেছিল তাও সে পায় নি। কোন ব্যবহারই পায় নি।

মেয়ে সায় দিতেই সে বুমুরিয়া ফিরে যাবার আয়োজন করল। রজ্ঞারও এখানে বড় খারাপ লাগছিল। বড়লোকের বাড়ী বলেই প্রথম থেকে তার বিতৃষ্ণা জাগে নি এখানে বাস করতে করতে তার অস্বস্তি বাড়ছিল। রামপালের সঙ্গে জানাশোন হবার পর থেকেই তার কেবলি মনে হয়েছে যে সে শত্রুপুরীতে বাস করছে, অস্বস্তি যেন পরিণত হয়েছে বিদ্বেষে।

খবর শুনে উমাপদ বিষণ্ণ হয়ে শশাঙ্ককে বলল, 'ওরা আর কিছুদিন থেকে যাক ন শশাঙ্ক?'

শশাঙ্ক বয়সে বড়। কিন্তু লোকনাথের সঙ্গে উমাপদের সম্পর্ক বেশী ঘনিষ্ঠ কিনা তাই সে তাকে তুমি বলে।

শশাঙ্ক চিন্তিত হয়ে বলল, 'থাকবে কি?'

'বীরেশ্বরকে একটা কাজে লাগাব ভাবছি। ভাল মাইনে।'

'কাজ করবে কি?'

'বলেই দেখ না?'

'বলে লাভ হবে কি কিছু?'

রক্ত মাংসের দেবতাদের প্রদ্র ও প্রস্তাবকে নাকচ করা জবাব দ্বিধা সন্দেহ ভরা প্রশ্নের দ্বারা দেওয়াই শশাঙ্কের স্বভাব।

তার ধারণা, এতে উভয় পক্ষেরই সম্মান বজায় থাকে।

‘বললে দোষ কি ?’

‘কি দোষ ?’

শশাঙ্কের রকম দেখে উমাপদ দমে যায়। অতি উদাসীন ভাব অবলম্বন ক’রে বলে, ‘থাকগে তবে, বলে কাজ নেই। একটা লোক দরকার ছিল তাই, নইলে বীরেশ্বর থাকলো বা গেল, আমার কি ?’

উমাপদ নিচ্ছেই বীরেশ্বরকে বলতে পারে। কিন্তু সে যদি অন্তরোধ না রাখে ? তাতে বড়ই অপমান হবে।

শশাঙ্ক চলে গিয়েছিল, খানিক পরেই জুতো জামা পরে সে ফিরে এল। সলজ্জ একটু হেসে বলল, ‘পাঁচটা টাকা হবে তাই ?’

‘টাকা নেই।’

মুখখানা গ্লান করে শশাঙ্ক ফিরে যাচ্ছে, উমাপদ হঠাৎ তাকে ডেকে বলল, ‘শশাঙ্ক, দাঁড়াও টাকা দিচ্ছি।’

দাঁড়াতে বললেও উমাপদ তাকে দাঁড় করিয়ে রাখে না। শোবার ঘরের পাশে তার বসবার ঘরে নিয়ে গিয়ে বসায়। পাঁচ টাকার একখানি নোটের বদলে দশ টাকার কয়েকখানা নোট নিয়ে নাড়াচাড়া করে।

‘তোমার স্ত্রী তোমার কথা শোনে শশাঙ্ক ?’

শশাঙ্ক গাল উত্থলানো হাসি হাসে।—‘শোনে না ? চোখ কান বুজে শোনে। সহরে মেয়ে নাকি যে কথা শুনবে না ?’

বলি বলি করেও বলতে উমাপদের বাধে। মনটা বড় তিত্তে হয়ে যায়। ভয় ও ভদ্রতার বাধ্য বলতে না পারার তিক্ততা। ছ’একদিনের মধ্যে রক্তা নাগালের বাইরে চলে যাবে,—হয়তো চিরদিনের জন্য! রক্তা হয়তো ভাববে, কি কাপুরুষ বাবুটা, কি ভীকু!

কথাটা বলতে শেষের চিন্তাটাই তাকে সবচেয়ে বেশী সাহায্য করল।

বাড়ী থেকে যেখানে যাবার আগে শশাঙ্ক রক্তাকে বলে গেল সে যেন আজ দিগম্বরীর ঘরে শোয়। রাত্রে সে বাড়ী ফিরবে না।

উমাপদের বৌ লিলি বড় ঘুমকাতুরে। মাস আঠেকের একটি তার ছেলে আছে, অন্ধ ছেলে। দশটার আগেই ঘরে এসে ছেলেকে মাই দিতে দিতে দশ মিনিটের মধ্যে সে ঘুমিয়ে পড়ে। উমাপদ ঘুম ভাঙলে কান্নার একেবারে বন্যা বইয়ে দেয়। ছেলেটা নির্ভাব, বেশী জ্বালাতন করে না। চিঁ চিঁ করে একটু সে কাঁদলেই ঘুমের মধ্যেই লিলি আবার তার মুখে মাই গুঁজে দেয়। একটা দাই আছে ছেলে রাখার, কিন্তু লিলি তাকে ছেলে দিতে চায় না। ছেলে ছাড়া তার ঘুমোতে কষ্ট হয়। নেহাৎ যেদিন বেশীরকম

আলাতন করে, অস্থখের জন্ত মাই না টেনে কাঁদে শুধু সেদিন দাইকে ডেকে এনে তার জ্বিয়া করে দেওয়া হয়। দাইয়ের কাছে ছেলে কাঁদে কি না কাঁদে লিলি বা উমাপদ কেউ টেরও পায় না, দাইয়ের ঘর অনেক তফাতে। ঘুমের ঘোরে লিলি শুধু মাঝে মাঝে বিছানাটা হাতড়ায়।

আজ লিলি ঘরে এল প্রায় সাড়ে দশটায়। নিজের খাটে চিৎ হয়ে শুয়ে উমাপদ তখন বই পড়ছে, বিলাতের নতুন যুগের এক আদর্শ বীরের কাহিনী—কপর্দকশূন্য বেকার এক তরুণ বুদ্ধি খাটিয়ে বাছা বাছা ধনী ঠকিয়ে কি করে নিজে বড়লোক হয়ে প্রতারণার চালবাজিতে হারমানা ওই একজন ধনীর মেয়েকেই ভালবেসে বিয়ে করে সুখী হল। বইখানার একুশটি এডিসন হয়েছে—চার বছরের মধ্যে।

ঘুমে ঢুলু ঢুলু চোখে তাকিয়ে ক্ষীণ কাতর কণ্ঠে লিলি বলল, 'শুনছ? ডাক্তার দেখাবে বলেছিলে যে আজ?'

'মনে ছিল না।'

'তা কেন মনে থাকবে? কেমন ঘায়ের মত হয়ে গেছে প্যাচড়াগুলো, নিজের হলে বুঝতে। খোঁকারও হচ্ছে।'

'আচ্ছা, আচ্ছা, কাল ডাক্তার ডাকব।'

'বড় ডাক্তার ডেকো।'

'ডাকব।'

ঘুম-কাতুরে লিলির মান অভিমান কলহ বিলাপের জের টানার ক্ষমতা নেই, শুতে পারলেই সে বাঁচে।

সে শুয়ে পড়তেই বই রেখে উমাপদ বেরিয়ে যায়। বারান্দায় দাঁড়িয়ে সে সিগারেট টানে। একতলা থেকে সিঁড়ি দিয়ে উঠে এসে শশাঙ্কের ঘরে যেতে হলে এই বারান্দা পার হতে হয়।

প্রায় আধঘণ্টা পরে রজ্জা এল।

সমস্ত বাড়ী তখনো সজাগ। এ বারান্দা দিয়ে লোক যাওয়া আসা করছে। কোন ঘরের আলোই প্রায় নেভেনি।

'আমার স্ত্রী তোমায় একবার ডাকছিলেন রজ্জা।'

'এত রাতে? শুনে আসি যাই তবে।'

উমাপদ তাকে শয়নঘরের বদলে বসবার ঘরে নিয়ে গেল।

বলল, 'বোসো, একটু আলাপ করি তোমার সঙ্গে। তোমরা নাকি চলে যাচ্ছ আজকালের মধ্যে?'

রজ্জা বলল 'উনি কই?'

উমাপদ সংক্ষেপে বলল, 'বোসো। ভয় কি?'

ভয়? কথাটা রস্তার ভাল লাগল না। এ বাড়ীর এরকম অনেক ঘরেই চুকে এসে একটু অভিজ্ঞ হয়ে পড়ে। তাই বলে পালিশ করা মেঝে রঙীন দেয়াল ঝালর-বর্দা আর চকচকে ঝকঝকে আসবাব আলোয় ঝলমল করছে দেখে সে ভয় পেয়েছে প্রাণ লোকটা!

ভয় পাওয়ার অল্প মানেটা রস্তা তখনো আন্দাজ করতে পারেনি। তারপর উমাপদ এসে তার বাঁ হাতটি ধরে অতি মুহূর্তে ও মিছি এবং একটু ধরা গলায় কথা বলতে শুরু করায় চকিতে রস্তা সব আন্দাজ করে নিল। একটু তার ভয় হল বার। গোলমাল হয়ে একটা কেলেঙ্কারি না হয়! হাত নিয়ে হঠাৎ টানাটানি করতে তার সাহস হল না। উমাপদের মুখ দেখে আরো বেশী ভয়ে ও বিস্ময়ে সে হতবাক হয়ে গেল। প্রথম এসে উমাপদের যে মুখখানা তার এত সুন্দর মার কোমল মনে হয়েছিল সে মুখে যেন ঝুমুরিয়ার নিতাই পাগলার মুখের ছাপ পড়েছে, চোখ দুটি অবিকল এক রকম! বিনাস্তমতিতে পুরুষ হঠাৎ হাত ধরেছে অভিজ্ঞতা রস্তার ছিল। ঝুমুরিয়ার কাপৌবর্দনও পুরুষবাদের নিষ্কর্ষন গাছতলায় যখন চেয়েও জ্বরে তার হাত চেপে ধরেছিল, তার মুখ তো এমন দেখায় নি, বরং সে মুখের তীব্র আকাঙ্ক্ষা বৃকের মতো নাড়া দিয়ে কয়েক মুহূর্ত তাকে প্রায় অবশ করে রেখেছিল। কাপৌবর্দনের বেলা রাগ হয়েছিল, ঠেলে সরিয়ে দিয়ে বাড়ী চলে যাবার পবেও বহুক্ষণ গা আঁলা করেছিল রাগে। এখন রস্তার কেমন ঘোরা করতে লাগল, মনে হল উমাপদের স্পর্শ যেন অশুচি।

উমাপদের মুখের দিকে রস্তা আর তাকাতে পারল না। মাথা নামিয়ে আঁস্তে আঁস্তে তার হাত ছাড়িয়ে ঘর থেকে বেরিয়ে গেল।

দিগম্বরী বারান্দার এদিকের কোণের ছোট ঘরখানিতে দরজার সামনে যেন রস্তার হস্তীকাতাই দাঁড়িয়ে ছিল। ঘরে ঢুকেই সে জিজ্ঞেস করল, 'উমা ঠাকুরপো কি লছিল রে তোকে?'

'কিছু না।'

'কিছু না কিলো ছুঁড়ি? তোকে ঘরে ডেকে নিয়ে গেল দেখলাম না নিজের সাথে?'

'গুধোছিলেন আমরা কবে যাব।'

দিগম্বরী তীব্র নৃষ্টিতে রস্তার মুখের দিকে চেয়ে সন্দ্বিষ্টভাবে বলল, 'একথা ধোঁবার জন্য একটা সোমখ মেয়েকে ঘরে নিয়ে যাবার দরকার! উমা ঠাকুরপোর পাণ্ডজ্ঞান নেই সত্যি।'

দিগম্বরীকে সব খুলে বলার জন্য রস্তার মনটা আকুলি বিকুলি করছিল। কিন্তু কথা বলা যায় না। উমাপদকে খাতির করে নয়, মমতা করেও নয়। জানাখানি

হয়ে বীরেশ্বরের কানে উঠলে আর রক্ষা থাকবে না। ভাঙেবাবুকে কীচক বধ করে হয়তো সে ফাঁসি যাবে। একজন তার হাত ধরেছে বলে বাপ তার ফাঁসি যাবে, এটা রক্তার মোটেই সঙ্গত মনে হল না।

‘এত রাতে তুই যে ওপরে এলি?’

‘তোমার কর্তাই তো আসতে বলল দিগুদিদি?’

দিগম্বরী আশ্চর্য হয়ে বলল, ‘উনি আসতে বললেন?’

আজ রাতে ফিরবে না বলে শশাঙ্ক রক্তাকে তার কাছে শুতে বলে গেছে শুনেও দিগম্বরীর বিশ্বাস কমে না। কথাটা সে বিশ্বাস করতে চায় না।

‘রাতে ফিরবেন না। আমায় তো বলেন নি কিছু।’

‘বলেন নি?’

‘না। তুই ভুল শুনেছিস রক্তা। রাতে উনি বাড়ী ফিরবেন না, সে কথা আমায় না বলে তোকে বলে যাবেন? তোর মাথা খারাপ হয়েছে। কি শুনেতে কি শুনেছিস তুই!’

রক্তার কথা সে কানেই তুলতে চায় না। বলে, ‘আমি বলে ভাত এনে ঢেকে রাখলাম গুর জ্বলে, উনি ফিরবেন না!’

রক্তা মুচকি হেসে বলে, ‘বলে যেতে সাহস হয় নি হয় তো।’

দিগম্বরী চটে বলে, ‘চোপাস নি রক্তা। সাহস আবার কি? জ্বীকে বলে যেতে সোয়ামীর সাহস! এমনি বাইরে গিয়ে কোথাও আটকে গেলেন, সে হল ভিন্ন কথা। রাতে ফিরবেন না ঠিক করে গেলেন, তোকে বললেন আর আমায় বললেন না, এ কখনো হয়?’

দিগম্বরীর দিশেহারা ভাব দেখে রক্তা চুপ করে থাকে। একটা সহজ সাধারণ কথাকে দিগম্বরী কেন এত বাড়িয়ে তুলেছে তাও সে ভেবে পায় না। সমস্ত ছুপুরটা সহর দেখে বেড়িয়ে সে শ্রান্তি বোধ করছিল। হাই তুলে সে জিজ্ঞেস করে, ‘খেয়ে এসেছো তো দিগুদিদি?’

দিগম্বরী গালে হাত দিয়ে বলে, ‘শোন মেয়ের কথা। ওনার আগে খাবো কি লো?’

রক্তা চেয়ে দেখে, একটি আসনের সামনে একটিমাত্র থালা এবং গেলাস। পাশে অন্ন ব্যঙ্গনের পাত্রগুলি আছে, কিন্তু আর থালাও নেই, গেলাসও নেই। বুকেও সে না বোঝার ভান করে।

‘পাতে খাবে বুকি কত্তার?’

দিগম্বরী জবাব দেয় না।

‘ভাতে যদি কম পড়ে দিগুদিদি?’

দিগম্বরী চুপ করে থাকে।

স্বামীই হোক আর যেই হোক একজন আরেকজনের পাতে বসে থাকে এটা কিছু খাপছাড়া ব্যাপার নয় রস্তার কাছে, সে নিজেও কতবার কতজনের পাতে থেয়েছে। দিগম্বরীর নীরবতার মানে সে বুঝতে পারল না।

‘সোয়ামীর পাতে না খেলে কি হয় দিগুদিদি?’

‘পাপ হয়।’

‘কেন? ভুক লাগলে মাহুষ থাকে নি?’

‘সোয়ামীর আগে মেয়ে মাহুষের ভুক লাগবে কেন লো ছুঁড়ি! আগে সোয়ামী হোক, তখন বুঝবি।’

‘চাইনি বাবা!’ বলে এত দুঃখেও রস্তা হেসে ফেলে। তখন ফিরে এল শশাঙ্ক। তার অবস্থা একটু টলমল, বা দেখে জয়ের গর্বে রস্তার দিকে ঘাড় ঝাঁকিয়ে তাকাবার মুখটা দিগম্বরীর ফসকে গেল।

‘আপনি বলে ফিরবেন না?’

‘একটা কথা কইতে এসেছি।’

বলে শশাঙ্ক হঁসারা করে দিগম্বরীকে বাইরে ডেকে নিয়ে গেল। মিনিট দুই পরে উমাপদ ঘরে ঢোকামাত্র বাইরে থেকে কে যেন শিকল তুলে দিল দরজায়।

‘তোমার সঙ্গে আলাপ করতে এলাম রস্তা।’

রস্তা অনড় অচল হয়ে বসে তাকিয়ে রইল।

‘একটা উপহার এনেছি তোমার জন্য।’

উমাপদ একটি ঝলমলে সোনার নেকলেশ রস্তার সামনে মেনে ধরল। বিদ্রোহের আলোয় প্রতি মুহূর্তে শত তীক্ষ্ণ চমক চমকাতে লাগল।

রস্তার মনে হল, এ লোকটা চোখ আর গয়না দিয়ে খুঁচিয়ে আর আঁচড়িয়েই শুধু কেবল পিরীত করতে জানে আর কোন পথ জানে না।

‘নাও? এটা তোমার। তোমায় দিলাম।’

রস্তা নীরবে মাথা নাড়ল।

যতক্ষণ পারা যায় নিজেকে সে সংবত রেখে চলবে। লাথি যদি মারতে হয় মাহুষটাকে মারবে একেবারে শেষ মুহূর্তে। বিশ্বী একটা ফাঁদে যে সে পড়েছে রস্তা সেটা ভাল ভাবেই টের পাচ্ছিল। গণ্ডগোল এড়িয়ে যাবার ভরসা তার বিশেষ ছিল না। এ লোকটার লক্ষ্যসরম নেই, কেলেঙ্কারির ভয়ও বোধ হয় বিশেষ করে না। শশাঙ্ক আর দিগম্বরী এর দলে জুটে বাইরে থেকে দরজা বন্ধ করে দিয়েছে। এ এখন ধীরে সূছে যা খুঁসী করে যাবে। সে অবশ্য সজ্ঞ করে যাবে যতক্ষণ পারে, কিন্তু তারও তো একটা সীমা আছে। বন্ধ ঘরে এ যখন তাকে একা পেয়েছে, কতক্ষণ আর লাগবে সে অবস্থার স্থিতি হতে যখন গোলমালের ভয়ে চূপ করে থাকলে তার চলবে না! ভয় দেখাবে? উমাপদকে ভয় দেখিয়ে দেখবে কি হয়?

এইসব ভাবছে রস্তা, শিকল খুলে দিগম্বরী ঘরে ঢুকল। সমস্ত ষড়যন্ত্র সমস্ত কদর্য্যাত হান্ধা হাসিতে শূন্যে উড়িয়ে দেবার চেষ্টা করে বলল, 'চটলেন ঠাকুরপো, বৌদির তামাসায় ?'

উমাপদ বলল, 'না।'

দরজার বাইরে থেকে শশাঙ্ক চাপা গজ্জন করে ডাকল, 'শুনছো ? বাইরে শুনে যাও।'

দিগম্বরী বলল, 'ঠাকুরপো বসুন।'

শশাঙ্ক আবার ডাকল, 'এই ! শুনে যাও বাইরে—শুনে যাও বলছি।'

দিগম্বরী প্রাণপণে হাসবার চেষ্টা করে বলল, 'কি হল ঠাকুরপো, বসুন না ?'

তখন উমাপদ নিঃশব্দে বেরিয়ে গেল। শশাঙ্ক ঘরে ঢুকেই দিগম্বরীর গালে বসিয়ে দিল একটা চড়। রস্তার দিকে তাকিয়ে দিগম্বরী ধমকে উঠল, 'কি দেখছিস হাঁ করে ? পালাতে পারিস নে বোকা হাবা ছুঁড়ি ? বেরো—বেরো আমার ঘর থেকে !'

শশাঙ্ক আবার চড় মারে আর বলতে থাকে, 'তোমর তাতে কি ? তোমর তাতে কি এলো গেলো হারামজাদি মাগি ?'

দিগম্বরী তাকে বোঝাবার চেষ্টা করে, 'তোমার অকল্যাণ হবে যে গো। এ পাপ তোমার সহঁবে না. অকল্যাণ হবে তোমার।' নত হয়ে শশাঙ্কের পায়ে হাত দিয়ে বলে, 'আমায় মেরে ফ্যালো, আমি পারব না।'

শশাঙ্কের লাথি খেয়ে সে মেঝেতে একটা গড়ান দিয়ে ওঠে। গায়ে লেগে কাঁসার পিকদানিটা যায় উল্টে। সঙ্কিত পানের পিক মেঝেতে ছড়িয়ে পড়ায় মনে হয় যেন রক্তারক্তি হয়ে গেল।

শশাঙ্কের চোখ পিট পিট করে। বিছানায় উঠে উল্টানো পিকদানিটার দিকে চেয়ে সে গুম্ খেয়ে বসে থাকে। দিগম্বরী মেঝে সাফ করা শুরু করলে তাকে দেখতে দেখতে শশাঙ্কের মনে হয়, বৌটা তো তার মন্দ নয় দেখতে ! খাসা গড়ন, কোমল রঙ, মোলায়েম মুখ। রূপসী তো এমন কিছু কম নয় দিগম্বরী ! আর ভাল যে কত তার তুলনা হয় না। সাত বছর তাকে নিয়ে তন্ময় হয়ে আছে—দেবতার মত পূজা করে। তার অকল্যাণ হবে বলে তাকে অক্লান্ত পর্যাঙ্ক করতে দেয় না। সাত বছর ধরে দিগম্বরী—এখন যাকে আশ্চর্য্যকরকম সুন্দরী দেখাচ্ছে—দৈনন্দিন অসংখ্য পূজার কথা ভাবতে ভাবতে গর্বে শশাঙ্কের বুক ফুলে ওঠে। কে বলে সে মাতুষ নয় মাতুষের মত, পুরুষ নয় পুরুষের মত ?

কলসীর জলে মেঝে মুয়ে ঘরের নালা দিয়ে দিগম্বরী জল বার করে দেয়, স্নাতা দিয়ে মেঝে মুছে ফেলে, দরজা খোলে না। শশাঙ্ক তাকে ক্ষেপেছে, শশাঙ্ক চিন্তায় হয়েছে, এ সব সে না তাকিয়েই টের পায়। সে শশাঙ্কের কথার প্রতীক্ষা করে থাকে। সে জানে শশাঙ্কই প্রথমে কথা বলবে।

‘লেগেছে নাকি ?’

সজল চোখে হাসি মুখে মুহূ উদাসীনতা অভিমান ও অভিযোগ মেশানো স্বরে দিগম্বরী জবাব দেয়, ‘না ।’

‘সহরে এসে বিলিভী খাবার সখ হল একটু ।’

‘দিশি বিলিভী কিছুই ওসব তোমার সয় না । যা খাও না, যা সয় না, কেন খেয়ে কষ্ট পাও ?’

এই স্নেহের অহুযোগের জবাব শশাক্ক দিতে না পারায় দিগম্বরী স্তর পালটে বলল, ‘ভাত খাবে না এখন ?’

শশাক্ক খায় । খেতে খেতেই বা হাতে একবার দিগম্বরীর গাল টিপে দেয় । কুতার্থ হাসিতে উচ্ছ্বসিত হয়ে দিগম্বরী বলে, ‘খেং !’

খাওয়া দাওয়া চুকবার পর শোয়া । দিগম্বরীকে বৃকে টেনে নিয়ে শশাক্ক বলে, ‘ভুমি বড় ভাল দিগু ।’

রোমাঞ্চিত দিগম্বরী গদগদ ভাষায় বলে, ‘কাল কালীবাটে পূজো দিয়ে আসব তোমার সময়টা বাতে ভাল হয় ।’ বলতে বলতে অসহু আবেগে দিগম্বরী যেন ক্ষেপে যায়, হ হ করে কেঁদে বলে, ‘তোমার জন্তে আমি মরতে পারি, জানো ? জানো তোমার জন্তে আমি লাখোবার মরতে পারি ?’

বাইরে পা দেওয়ামাত্র দিগম্বরীর ঘরের দরজা দড়াম করে বন্ধ হয়ে গেলে বারান্দায় দাঁড়িয়ে রজ্জা জ্বোরে জ্বোরে নিঃশ্বাস ফেলে । রাগে ক্ষোভে বৃকটা তার জলে ঘেতে থাকে । হাত পা থর থর করে কাঁপছে টের পেয়ে এগিয়ে গিয়ে রেলিংটা দু’হাতে শক্ত করে ধরে । চুপচাপ সব সয়ে যাবার কষ্টটাই এখন তার অসহু মনে হয় । উমাপদর চেয়ে রাগটা তার বেশী হয়েছিল শশাক্কের উপর । উমাপদ কেঁচো শ্রেণীর অপদার্থ জীব, এখনো রজ্জার মনের গভীর অবজ্ঞা ঠেলে তার বিরুদ্ধে বিদ্বেষ মাথা তুলতে পারছিল না । একটা বঁটি এনে শশাক্ককে কেটে ফেলবার মাথটা তার প্রায় অদম্য হয়ে উঠেছে ।

দিগম্বরী ধমকে ঘর থেকে বার করে না দিলে সে হয়তো গেলাস বাটি ছুঁড়ে শশাক্ককে মেরে বসত ।

শশাক্কের পায়ে ধরে দিগম্বরীর নাকি কান্নার কথা কানে আসতে রজ্জা সেখান থেকে সরে গেল । শশাক্ক যখন ফিরে এসেছে, নীচে গিয়ে নিজেই যায়গায় শুয়ে পড়তে তার বাধা নেই । রজ্জা দেবী করছিল দম নেবার জন্ত । একটু শান্ত হয়ে নীচে না গেলে বীরেশ্বর হয়তো তার মুখ দেখে আর কথা শুনে কিছু সন্দেহ করে বসবে । গায়ের জালায় ঝাঁকের মাথায় নিজেই হয়তো বা সে বাপের কাছে সব বলে বসবে । সত্যি কথা বলতে কি, বীরেশ্বরকে সব জানিয়ে উমাপদকে বত না হোক, শশাক্ককে শান্তি দেবার জন্ত রজ্জার ভিতরটা আকুলি বিকুলি করছিল । বাপের বদমেজাজের জন্ত

বাপের কাছে কোন কোন কথা গোপন করার প্রয়োজনটাও রস্তু অল্পকাল হল অহুভব করতে আরম্ভ করেছে, গোপন করা এখনো অভ্যাস হয় নি।

বারান্দা প্যাসেঞ্জ আর সিঁড়িতে বাড়ীটা রস্তার কাছে গোলকধাঁধার মত ঠেকে। তেতলায় অন্তরের পিছন দিকে পূর্বোক্তর অংশটি নিষ্কর্ন। ছুতিনটি পাক দিয়ে রস্তা সেখানে পৌঁছল। চাঁদ ছিল বাড়ীর এই পিছন দিকে, সরু বারান্দাটি জ্যোৎস্নায় ভেসে যাচ্ছে। একপ্রান্তে লোহার প্যাচানো সিঁড়ি, একেবারে নীচে থেকে উঠে এসে ছাদে চলে গেছে। বারান্দার অল্প প্রান্তটি শেষ হয়েছে একতলা বন্ধ ঘরের দরজায়। নীচের ছোট উঠানটিতে পড়েছে সামনে গায়ে গায়ে লাগানো বাড়ী ছুটির ইট বার করা পিছনের দেওয়ালের ছায়া। ভেসে আসছে ঘর ধোয়া আর বাসন মাজার শব্দ। এত জোরে এরা ঝাঁটা চালায়! এত আওয়াজ তোলে বাসনপত্রের! লোকনাথের ছোট ছেলেটির বাঁশী এখনো বেজে চলেছে। উপরের খোনা ছাদ থেকে ভেসে আসছে লোকনাথের সন্ন্যাসী ভাই সোমনাথের গম্ভীর উচুগলায় সাধন সঙ্গীত। বুমুরিয়ায় এখন গম্ভীর রাত, ঘরে ঘরে সব ধুমিয়ে আছে। এ বাড়ীতে অন্ধেক মানুষ এখনো জেগে। ঘরে গিয়েছে, হয়তো শুয়েও পড়েছে, কিন্তু চোখে ঘুম নেই!

ঘুমের কথা ভাবতে গিয়ে রস্তার দীরে দীরে ঘুম পায়। গায়ের জালাও জুড়িয়ে আসে। লোহার সিঁড়ি বেয়ে নীচে নেমে যাবে ভাবছে, কোণের অন্ধকার ঘরের ছায়ার খুলে বেরিয়ে আসে লোকনাথের বিধবা বোন কালীতারা। সেখানে খানিকটা স্থানে জ্যোৎস্না পড়েনি। প্রতিফলিত স্তিমিত আলোয় একখানা সাদা ধবধবে থান কাপড় যেন ডাইনীর মায়ায় আপনা থেকে ভাঁজ হয়ে মাহুঘের রূপ নিয়ে রস্তাকে ঐতকে দিতে চেয়েছে।

‘কে ওখানে?’ কালীতারা কাছে এগিয়ে আসে।

‘আমি রস্তা।’

‘রস্তা কে? নতুন যি? এখানে কি করছিস?’

‘যি নই। বুমুরিয়া থেকে এসেছি শশাঙ্ক বাবুর সাথে।’

‘তা বেশ করেছে। এখানে কি করছ শুনি এত রাতে?’

কি ঝাঁঝ কালীতারার কথার! যেন কামড়ে দিতে চায়।

‘কি আর করব? দাঁড়িয়ে আছি।’

ঝাঁঝালো গলায় ফৌস করা জবাব দিয়ে ত্রুঙ্ক ও বিমর্ষ রস্তা গট গট করে লোহার সিঁড়ির দিকে এগিয়ে গেল। হুঁদিন আগে এই কালীতারাই তার সঙ্গে কয়েক মিনিট কথা বলেছিল। কি মিষ্টই লেগেছিল কথাগুলি রস্তার কাছে! কি ভালোই লেগেছিল সেদিন মাহুঘটাকে!

সিঁড়ির শেষে শুধু একজননের সঙ্গে রস্তার দেখা হল,—বাড়ুদার সুখলাল। সুখলাল মাত্র কয়েক খাপ ওপরে উঠেছিল, রস্তাকে নামতে দেখে নেমে গিয়ে পথ ছেড়ে দাঁড়াল।

ঝাড়ুদার সুখলাল আশ্চর্যকরকম সুপুরুষ। কোন রাজা মহারাজা কিবা দেশী বা বিদেশী সম্রাটস্বরের রূপবান পুরুষের ওরসে তার জন্ম হয়েছে সে জানে না! জানবার দরকারও নেই। কিছু এসে যায় না। সম্রাট তাকে এ বিষয়ে পূর্ণ স্বাধীনতা দিয়েছে। যে স্তরে স্থান তার চেয়ে নীচ স্তর তা আর নেই, কারো তাই ক্ষমতাও নেই তাকে নীচে নামায় বা বর্জন করে। আশ্চর্যকর থেকে আবর্জনাকে বর্জন করার ঠাই কই?

পিসী ভেগে ছিল। রস্তা ডাকতেই উঠে দরজা গুলে দিল। বীণেশ্বর স্তম্ভিয়ে পড়েছিল, তার ঘুম ভাঙ্গল না। শুয়ে পড়ে পাঁচ মিনিটের মধ্যে রস্তাও স্তম্ভিয়ে পড়ল।

কালীতারা রেপিং ঘেঁষে দাঁড়িয়ে থাকে, মুখ উঁচু করে আকাশের দিকে চেয়ে। রস্তার বেয়াদবিত্তে তার মেজাজ খারাপ হয়ে গেছে। সামান্য একটু আঘাত পেলেই নিজের ক্রম কালীতারার কাছা পায়। খানিকটা সীমাবদ্ধ আকাশে কিছু ছড়ান সাদা মেঘে জ্যোৎস্নার ছোয়াচ দেখতে দেখতে সে যেন হৃদয় জুড়ে হেড়া ছেড়া হালকা ব্যথার অস্তিত্ব স্পষ্ট অনুভব করে। চোখ দু'টি তার সজল হয়ে আসে।

ওপরে উঠে এসে এদিক ওদিক চেয়ে সুখলাল সম্ভ্রপনে কালীতারার অধিকার ঘরে চুকে পড়েছিল। খানিকক্ষণ অপেক্ষা করে কালীতারাকে গম্ভীর দেখে বোরিয়ে এসে তার বাহমূলে আশু টোকা দিল।

‘আজ যা। যা বলছি।’

কালীতারার গলা আবেগের স্লেয়ায় ভেজা। চোখ তার চাঁদমাখা ওপরের চাঁদোয়ায়। মুখ তার ঝঁক ঝঁক হয়ে আছে, যেন ওপর হতে স্তম্ভার পরা মুখে ঝরে পড়বে তারই ভয়ানক প্রতীক্ষায়—কাত করা শিশি থেকে রোগীর হা করা মখে ওষুধ ঝরে পড়ার সেই বিজ্ঞাপনের ছবির মত। সুখলালের দিকে সে চেয়েও দেখল না। সুখলাল চকিত্তে উধাও হয়ে গেল।

কালীতারা তন্ময় হয়ে দাঁড়িয়ে উপভোগ করে চলল তার ভাবাবেগ। সে মাপবয়সী। তার দেহ মোটা। অন্তহীন অবসরের মুহূ সৌখীন একটানা ঘষায় মনের তার ছালচামড়া উঠে গেছে অনেককাল, তার আনন্দদর্শনে কাঁচা মাংসের লালিমা। কোথায় গেলে কি করলে তাকে পাওয়া যায় যিনি জীবন-দেবতা—এ ব্যাকুলতা একবারে আগলে আর রক্ষা নেই, কালীতারার নেশা ধরে যায়। এবং নেশা একবার ধরলে চড়, চড়, করে নেশা চড়তেই থাকে।

প্রায় যখন আর সহ্যে না কালীতারার, তখন ঠঠাৎ সে নীরেনের বাঁশি আর সোমনাথের সাধন সঙ্গীত সম্বন্ধে সচেতন হয়ে ওঠে। গটগট করে নীরেনের ঘরে গিয়ে হাত থেকে বাঁশিটা ছিনিয়ে নিয়ে গালে একটা চড় বসিয়ে দেয়।

‘গলায় রক্ত উঠে মরবি?’

ভাইপোকে শাসন করে কালীতারা যায় ছাতে।

পরদিন সকালে কৃষ্ণেন্দু, হীরেন, মমতা ও আরিফ কলকাতা পৌঁছল। আরিফ মমতার বাবার অতিশয় প্রিয় ছিল। মমতার বাপ বৈজ্ঞানিক ও অধ্যাপক, নাম আছে। একালের বৈজ্ঞানিকদেরও সেকেলে ঋষিদের মত সমসাময়িকদের সম্পর্কে দারুণ দ্বন্দ্ব। থাকলেও ছাত্রের মেধা থাকলে তাকে প্রায় ছেলের মতই ভালবাসতে পারেন। আরিফকে মমতার বাবা প্রায় ছেলের মতই ভাল বাসতেন। কিন্তু হঠাৎ ডক্টরেটের চেয়ে দেশের স্বাধীনতাকে বেশী মূল্যবান মনে করে রিসার্চ বন্ধ করে স্বদেশীপনা আরম্ভ করার পর থেকে আরিফকে তিনি বড় অপছন্দ করছেন।

আরিফ বলেছিল, ‘দেশে বড় বড় বৈজ্ঞানিক আছেন। নোবেল প্রাইজ পর্যন্ত পেয়েছেন কেউ কেউ। কিন্তু আমার দেশের কি লাভ হয়েছে?’ মমতার বাবা বলেছিলেন, দেশের মর্যাদা বেড়েছে—পৃথিবীর লোক জেনেছে আমরা তুচ্ছ নই। আমাদের মাথা আছে।’

আরিফ বলেছিল, ‘তার তো কোন প্রমাণ পাই না। পৃথিবীর লোক জানে আমরা অসভ্য—জংলী। ইংরেজ আমাদের সভ্য করেছে। আমরা এমন অসভ্য যে ধর্ম নিয়ে হানাধানি করি। ব্রিটিশ গভর্নমেন্ট তাই বাধা হয়ে আমাদের সামলে চলেছে। আমার কি মনে হয় জানান? আমরা যখন আমাদের ছ’চারজন বড় বড় লোককে নিয়ে গোরব করি—সমস্ত জগৎ হাসে! আমাদের গোরব করার যদি কিছু সাজে সেটা শুধু গান্ধী, জিন্দা, জহরলালের দৌলতে—অবিশি আরও নাম করা যায়। গুঁরা কেউ বৈজ্ঞানিক নন।’

মমতার বাবা বলেছিলেন ‘আরিফ তুমি ভুল করছ! দেশকে স্বাধীন করার দায়িত্ব সকলের তাতে সন্দেহ নেই। কিন্তু তাই বলে সবাই কি পলিটিক্স নিয়ে মেতে থাকবে? দর্শন বিজ্ঞান সাহিত্য চুলোয় যাবে? স্কুল কলেজ উঠে যাবে?’

মমতা মাঝখান থেকে মন্তব্য করেছিল, ‘আপনি সত্যি ভুল করেছেন। আপনার ব্রিলিয়ান্ট ফিউচার—’

আরিফ তুরু কঁচকে বলেছিল, ‘ব্রিলিয়ান্ট? ডক্টরেট ডিগ্রি পাব, একটা প্রফেসরি পাব, ছেলে খেলার একটা ল্যাবরেটরীতে কাজ পাব। হয়তো ভিটামিন সম্পর্কে মস্ত একটা আবিষ্কার করে নোবেল প্রাইজ পেয়ে যাব। আমার দেশের কোটি কোটি কঙ্কালের গায়ে এক আউন্স মাংস বাড়বে?’

মমতার প্রতিরোধ শুনেও তার বাবা তখন ক্রুদ্ধ হয়ে বলেছিলেন, ‘তুমি মমতার মত তর্ক করতে শিখেছ আরিফ।’ আরিফ মমতার মুখের দিকে তাকিয়ে জবাব দেয় নি। তার দৃষ্টি দেখে মমতার মনে হয়েছিল তার অজান্তে সে ফকির হয়ে গেছে। সাম্রাজ্যের চেয়ে বড় আগামী দিনের এক জ্ঞানের রাজ্য—সম্রাটের চেয়ে বড় জ্ঞানীর গোরব—ত্যাগ করার ফকিরী নিয়েছে আরিফ।

পরে আরিফ তাকে বলেছিল, ‘উনি ভেবেছেন তুমি আমার মাথা বিগড়ে দিয়েছ মমতা।’

মমতা গভীর মুখে বলেছিল, 'তাকি সত্যি নয়?'

আরিফ একটু ধতমত খেয়ে গিয়েছিল।—'বোধ হয় সত্যি, বোধ হয় সত্যি। হাঁ, সত্যি বৈকি, নিশ্চয় সত্যি।' তারপর সামলে নিয়ে হেসে বলেছিল, 'সায়ান্টিস্ট হয়ে তাই বা বলি কি করে! আবার কোন দোষ নেই—আমার বেলা তুমি শুধু ক্যাটালিটিক এজেন্টের কাজ করেছো। মাথা তুমি বিগড়ে দিচ্ছ হীরেন বাবুর।'

মমতা তখন আরিফের দু'কাঁধে দু'হাত রেখে বলেছিল, 'আরিফ!'

'বেগম সাহেব?'

'তোমার একটা বিস্তী বদখত ধারণা আছে। আমি জানি আছে।'

'কি ধারণা?'

'আমি তোমায় ভালবাসি কিন্তু মুসলিম বলে—'

'ভালবাসো না?'

'তা নয়। তোমার ধারণার কথা বলছি। তুমি ভাবছ, তোমায় আমি ভালবাসি। কিন্তু তুমি মুসলিম বলে তোমায় বিয়ে করতে রাজী নই।'

'বিয়ে? বিয়ের কথা কোনদিন বলি নি।'

'তাইতো বলছি।'

মেধাবী উচ্চাভিলাষী আরিফের যে কি বিস্ময়কর পরিবর্তন ঘটেছে মমতা সেটা টের পেয়েছে পাটনা কনফারেন্সে তার বক্তৃতা শুনে। হীরেন বক্তৃতা দিয়ে বেশ হাততালি পেয়েছিল। মমতা অবাক হয়ে গিয়েছিল যে হীরেন এমন ঘষামাজা যুক্তিপূর্ণ হৃদয়গ্রাহী বক্তৃতা দিতে পারে। গর্বের তার সীমা থাকে নি। সমসাময়িক মানব সভ্যতার পটভূমিকায় ভারতের সমস্রাগুলির এমন নিখুঁত বিশ্লেষণ সে খুব কম শুনেছে। আরিফের বক্তৃতা হাততালির তারিফ পেল না। সভা যেন চাবুক খেয়ে সযিত পেয়ে স্তম্ভিত হয়ে গেল—সংবাদপত্রের সম্পাদকীয় প্রবন্ধের ভাবরাজ্য থেকে মাটির পৃথিবীতে নেমে এল; পুলিশ রিপোর্টাররা এতক্ষণ অনেকটা গা-ছাড়া ভাবে টুকছিল, তারাও চমকে উঠে জ্বোরে পেলিল চেপে ধরল। প্রথমে মমতার মনে হয়েছিল আরিফ বড় তীব্র বড় কাঁকালো কথা বলছে। মাথা গরম হয়ে উঠছে আরিফের। তারপর সে বুঝতে পারল, আরিফ উত্তেজিত হয়নি, মার্জিত সূত্রাব্য সাজানো গোছানো ভাষার বদলে সোজা স্পষ্ট কাটা কাটা কথা বলছে বলেই এত রুঢ় আর তীব্র শোনাচ্ছে তার কথা।

সেই থেকে সভার স্বর যেন বদলে গেল। পরে খাঁরা বললেন তাঁদের বক্তৃতা অনেকটা মাটির পৃথিবী ঘেঁষে ঘেঁষেই চলতে লাগল। সভার শেষে মমতা দু'হাতে আরিফের হাত চেপে ধরল।

'আরিফ, আর দু'একবার এ রকম বক্তৃতা শোনালে আমি তোমায় ভালবেসে ফেলব।'

বলতে বলতে সে তাকিয়ে দেখল হীরেনের মুখখানা ঈর্ষায় একটু লম্বা হয়ে গেল।
কায়েই খানিক পরে মমতা তাকে বলল, 'তুমিও সুন্দর বলেছ।'

কৃষ্ণেন্দু কাছে ছিল। সে একটু হাসল।

মমতা তাকে বলল, 'তুমি কিছুই বলতে পার না কেঠদা। ঠিক যেন অফিসিয়াল
রিপোর্ট পড়ছ মনে হয়, একটানা একঘেয়ে। এরা সব নতুন, তুমি পাকা লোক
হয়েও এদের সঙ্গে পাল্লা দিতে পার না। লোকে তোমার কথা শোনে কেন
তাই ভাবি।'

'লোকের কথা বাদ দাও। তুমি শোন কেন?'

'তোমার মনে ব্যথা লাগবে বলে।'

কথা বলাতে বলতে তুঙ্গনে কয়েক হাত তফাতে সরে গিয়েছিল। কৃষ্ণেন্দু মমতার
বাহতে আঙ্গুল দিয়ে আঘাত করে বলল, 'মানুষের মনে কষ্ট দিতে বড় কষ্ট হয়,
না? হীরেন দিন দিন রোগা হয়ে যাচ্ছে দেখতে পাও না? না, ও মানুষ নয়?'

'তাই ভাবছি।'

'কতকাল ভাববে? ভাবতে ভাবতে তো বছর কেটে গেল।'

'তুমি কি ওর হয়ে ঘটকালি করছ কেঠদা?'

'তোমার কাছে ঘটকালি? তোমায় চিনিনে আমি? বেচারার যদি বা কোন
চান্স থেকে, কেউ বলতে এলে তুমি বৈকে বসবে না? বন্ধুর হয়ে একটু ওকাপতি
করছি বলতে পার। একটু অন্ডায় হচ্ছে মমতা। এবার ওকে তোমার রেহাই
দেওয়া উচিত!'

'তোমার লুকুমে?'

রাগ হলে মমতা মুখ উচু করে একটু সামনে হেলে দাঁড়ায়। কোমরে আঁচল
জড়িয়ে গাল দিয়ে কলহ করতে দাঁড়াবার মেয়েলী ভঙ্গিতে।

কৃষ্ণেন্দুর মুখে জয়ের ছাপ দেখে ঠোট কামড়ে মমতা শরীর আলগা করে দিল।
বলল, 'সম্পত্তি জ্ঞানটি বেশ টনটনে ভাবছ তো?'

কৃষ্ণেন্দু সায় দিয়ে বলল, 'তা তোমার একটু অহঙ্কার আছে বৈকি!'

'সম্পত্তি জ্ঞান আর অহঙ্কার দুটি এক?'

'কিছু না থাকলে কি নিয়ে অহঙ্কার হবে? হীরেন ফসকে যেতে পারে জানলে
কবে তুমি মন স্থিব করে ফেলতে।'

'তা ঠিক। বলতাম ফসকে যাও।'

'কিন্তু ওদিকে তুমি নিশ্চিত তাই ওর কথা না ভেবে কেবল নিজের হিসেব
করছ। ছেড়ে দিতে সাধ নেই, ধরা দিতে ভরসা পাচ্ছ না। হীরেনকে জানতে
বুঝতে তোমার বাকী নেই—থাকা উচিত নয়। এতকাল মেলামেশা করেও ওকে
যদি না বুঝে থাকো, কোনদিন বুঝতে পারবে না। আসল কথা তা নয় মমতা।

তোমার সমস্তা ভিন্ন। তুমি বেশ ভাল করেই জানো তোমার এখানকার জীবনকে কতটুকু কাটছাঁট করতে হবে, কতটুকু কম্প্রোমাইজ, কতটুকু ত্যাগ দরকার হবে। এ দাম দেবে কিনা, যা পাবে এ দাম দিয়ে তা কেনা উচিত কিনা সেটাই তুমি ঠিক করতে পারছ না। ভেবে পাচ্ছ না ঠকবে না জিতবে।’

কথা কইলে কইতে তার প্র্যাটফর্মের একপ্রান্তে এসে পড়েছিল। মমতা জোরে নিশ্বাস টেনে মুখোমুখি হয়ে বলল, ‘তুমি যে আমায় সোসাইটি বাজারের মেয়ে বানিয়ে দিলে কেষ্টদা! মস্ত বড় লোকের ছেলে বলে ওকে খেলিয়ে তুলছি এটুকু বলতে ছাড়লে কেন?’

রুক্ষেন্দু হেসে ফেলল, ‘খেলাবার দরকার ফুরিয়ে যাবার পরেও ওকে খেলাচ্ছ বলে।’

মমতা চিবিয়ে চিবিয়ে বলল, ‘আমার হৃদয়টা তো উড়িয়ে দিলে। আমি শুধু হিসেব করি!’

রুক্ষেন্দু হাসি মুখেই বলল, ‘তোমার গাল দিই নি ভাই। হৃদয় উড়িয়ে দেওয়া দু’রে থাক বরং বলেছি তোমার জোরালো একটা হৃদয় আছে। কোন জমিতে বন্ডা আসে জানো তো? নীচু সঁতসঁতে জমিতে। প্রেমের বন্ডা আসাটা হৃদয়ের পক্ষে মোটেই গৌরবের কথা নয়। সে বন্ডায় ভেসে যাওয়া তো রীতিমত ছাবলামি করা। হিসেব করবে না? এত বড় একটা ব্যাপারে? একেবারে খাতাপত্র নিয়ে বসে হিসেব করবে। তাছাড়া এতো ফ্রি লভের কথা নয়, বিয়ের ব্যাপার। তাও আবার হিন্দুমতে। আমি বলতে চাই, হিসেব হয়ে গেছে, এবার ইস্তমত: না করে মন স্থির করে ফেল।’

রুক্ষেন্দু ফিরবার জন্তু পা বাড়াতে মমতা তাব জামা ধরে আটকে রাখল। বলল, ‘তুমি কিছুই বোঝা নি কেষ্টদা। ওসব হিসেব বহুদিন চুকে গেছে। আমার আসল সমস্তা ছিল ভিন্ন। আমার ভাবনা হল, ওকে আমার সঙ্গে কাজে নামাতে পারব কি না। আমার সঙ্গে মানে, আমাদের কাজে। আমি চাষী মজুরদের জন্তু খাটব আর আমার স্বামী মিলের মালিক হয়ে তাদের রক্ত শুষবেন, তাতো হয় না।’

‘তুমি কি চাও বাপের সম্পত্তি ত্যাগ করে এসে হীরেন আমাদের সঙ্গে কাজ করবে?’

‘তা কেন? আমরা কি মিল তুলে দিতে চাইছি? ও আদর্শ কারখানা করবে, মজুরদের অধিকার স্বীকার করে নেবে, সংগঠন গড়ে তুলতে কাজ করবে, আন্দোলন চালাবে—হাসছো নাকি কেষ্টদা?’

‘না ভাই, হাসি নি।’

রুক্ষেন্দু একটা সিগারেট ধরাল। মমতা তার মন্তব্য শুনবার প্রত্যাশা করছে টের পেয়েও চুপ করে রইল।

খানিক অপেক্ষা করে মমতা বলল, 'তুনে তবে ? আমি মন এক রকম ঠিক করে ফেলেছি। ওর মধ্যে একটা প্রচণ্ড শক্তি আছে কেউনা, একটা বিদ্রোহের ভাব আছে, ভূমিও বোধ হয় যার পরিচয় পাও নি। দেশের জ্ঞান সত্যিকার দরদ আছে, আমাদের কাজে সহায়ত্ব আছে। আমি জানি, ওকে দিয়ে অনেক কিছু করিয়ে নিতে পারব।

কৃষ্ণেন্দু তর্ক না করে সংক্ষেপে বলল, 'পারবে না।'

মমতা মুহূর্তেরে জবাব দিল, 'ও আমার জ্ঞান সব করবে।'

আত্মবিশ্বাসের জ্যোতিতে মমতার টানা চোখ দুটি জ্বল জ্বল করতে থাকে। তার মুখ উজ্জ্বল দেখায়। কৃষ্ণেন্দুর মনে হয়, মমতাকে এত সুন্দর সে কখনো দেখেনি। বেতনাদিতে তার বাপের মাসিক আয় হাজার দেড়েক টাকা কিন্তু মমতা কখনো সাধারণ মিলের শাড়ী ছাড়া দামী কাপড় পরে না। সুন্দরী মেয়েকেও যে সাজসজ্জা রূপ-প্রসাধনের অভাবে দর্শকের অনভ্যন্ত চোখে তেমন সুন্দরী দেখায় না, মমতা যেন তার প্রমাণের মত। একটু দ্বিধা করে কৃষ্ণেন্দু অন্তরের প্রতিবাদ জোর করে অবহেলা করে বলে, 'মমতা, জগতে এমন পুরুষ নেই যে প্রেমের জ্ঞান নিজেকে বদলাতে পারে। একটি মেয়েকে ভালবেসে তার জ্ঞান মানুষ হাসিমুখে প্রাণ দিতে পারে কিন্তু নতুন মানুষ, ভিন্ন মানুষ হতে পারে না। পুরুষটির মধ্যে যা আছে তাকেই মেয়েটি বিকশিত করতে পারে, পরিণত করতে পারে, নতুন কিছুই সৃষ্টি করতে পারে না। ফুলিঙ্গ থাকলে আগুন জ্বালাতে পারে, কিন্তু ফুলিঙ্গটি থাকা চাই। এইখানে প্রেমের শক্তির সীমা। হীরেন তোমায় ভালবাসে, তুমি মজুরদের ভালবাসো। শুধু এইজ্ঞান মজুরদের ভালবাসার ক্ষমতা হীরেনের কোনদিন হবে না। হীরেনের মধ্যে অনেক কিছু আছে, ওকে দিয়ে তুমি অনেক কিছু করিয়ে নিতে পারবে সত্যি, কিন্তু তুমি যে সব অনেক কিছু কর কল্পনা করছ তা কল্পনাই থেকে যাবে।'

মমতা চোখে চোখে তাকিয়ে বলল, 'দেখবে ? প্রমাণ চাও ? কাঠের কারখানার হাঙ্গামার ব্যাপারটাতেই প্রমাণ দেব চল।'

'কি প্রমাণ দেবে ?'

'তুমি কিছু কোরো না। আমি হীরেনকে দিয়ে মিস্ট্রীরা যা চায় তার চেয়ে বেশী পাইয়ে দেব।'

'তাতে কি প্রমাণ হবে ?'

'দেখো। দেখে নিও।'

কৃষ্ণেন্দু চুপ করে গেল। মমতা এখন বুকেও বুকে না। সে বুকে চায় না। আত্মবিরোধের আপোষ মীমাংসার শর্ত নিজে স্থির করে নিজেই সে গ্রহণ করেছে। এতদিনের সঞ্চিত চাপা আবেগ মুক্তির পথ পাবে। উৎসাহে উত্তেজনায় মমতা হঠাৎ টগবগিয়ে উঠেছে।

এদিকে রামপালের অস্থায়ী নেতৃত্ব ও দায়িত্বের অবসান ঘটে গেল। শ্রীপতির ঈর্ষা ও আশঙ্কার ফলে নয়, লোকনাথের সঙ্গে রামপালের আলোচনার ব্যর্থতায়। এসব ব্যাপারে রামপাল যে নেহাৎ কাঁচা, নেহাৎ ছেলেমানুষ এটা টের পেয়ে সকলে আস্থা গরিয়েছে। রাগ কেউ করেনি অনেকে বরং তার সরলতা বনাম বোকামিতে বেশ খানিকটা কৌতুক বোধ করেছে।

রামপালকে সকলে বারণ করে দিয়েছে সে যেন আর লোকনাথের কাছে দরবার করতে না যায়। অপমানে অভিমানে মাথা কিম্বা কিন করে উঠেছে রামপালের। এ নির্ধূর অবিচারের মানে সে বুঝতে পারে নি। একেবারে স্তব্ধ করা থেকে, সকলের গতে উমাপদর খুন হয়ে যাওয়া নিবারণ করা থেকে, এ ব্যাপারটা সে নিয়ন্ত্রণ করে আসেনি এ পর্যন্ত? একমাত্র সেই কি ছাড়াতে যায় নি এ ব্যাপারে? কেন তবে তাকে বাদ দেওয়া হবে? যে কাজ সে আরম্ভ করেছে কেন তা শেষ করতে দেওয়া হবে না? রামপাল অম্বরোধ স্থানিয়েছে, আরেকবার তাকে সুযোগ দেওয়া হোক। কেউ কানে তোলে নি। রামপাল উত্তেজিত হয়ে প্রতিজ্ঞা করেছে লোকনাথকে পটাতে না পারলে সে বাড়ীর মধ্যে ঢুকে উমাপদকে মেরে আধমরা করে দশ বছর জেল খাটবে। তা'ব আশ্বাসনে কেউ বিশ্বাস করে নি, অনেকে টিটকারি দিয়েছে। শ্রীপতি তাকে জানিয়ে দিয়েছে, পরদিন কৃষ্ণেন্দু আসছে, যা করবার সেই করবে, রামপালের আর বাহাদুরী করবার দরকার নেই। সে কেরামতি দেখিয়েছে অনেক, আর না দখালেও চলবে। তখন রামপাল ক্রুদ্ধ ও বিমর্ষ হয়ে চূপ করে গেছে। খানিক পরে নীরবে উঠে চলে গেছে আসর ছেড়ে।

শ্রীপতি ও গণি কৃষ্ণেন্দুদের আনতে স্টেশনে এসেছিল। দিনটা শুরু হয়েছে বাদলায়। কাঠগোলায় কাছে মিস্ত্রী ও করাতির অপেক্ষা করছিল। স্টেশন থেকে সেখানে যাবার পথে ট্যান্ডিতে শ্রীপতি সব জানাল। তাকে প্রসন্ন করল মমতা। কৃষ্ণেন্দু প্রায় আগা-গাড়াই নির্ঝিকার ভাবে শুনে গেল। মমতা আগেই তাকে এ ব্যাপারে চম্তক্ষেপ করতে বারণ করে দিয়েছিল। রামপালের সম্বন্ধে সে কেবল কয়েকটি প্রশ্ন করল। উমাপদকে রামপাল সকলের আক্রমণ থেকে রক্ষা করেছিল শুনে সে যেন ভারি আশ্চর্য হয়ে গেছে মনে হল। শ্রীপতি এই তুচ্ছ ঘটনাটি উল্লেখ করাও দরকার মনে করে নি, কিন্তু কৃষ্ণেন্দু হঠাৎ জিজ্ঞেস করে বসল : 'নাথুকে মারবার পরে সকলে কি করল? চূপ করে রইল?'

'সেই রূপে গিয়েছিল। তাইতো বলছি কেটবাবু, নাথুর অপমান সবাই গাপতে নিয়েছে।'

'তখন কেউ কিছু করে নি? নাথুকে মারবার সময়?'

গণি উৎসাহিত হয়ে বলল, 'করেনি? সবাই ভেঙে গিয়েছিল মারতে : উমাবাবু ধূন হয়ে যেতেন।'

শ্রীপতি অত্যাচারের সুরে বলল, 'রামপাল কিছু করতে দিলে না কেঁটাবাবু সবাইকে ঠেকিয়ে রাখল। ওর দ্বন্দ্ব, নইলে কি পুলিশ আনতে পারে? উমাবাবু উদিকে পুলিশকে ফোন করেছেন, ও এসে আমাদের ভাঁওতা দিয়ে বসিয়ে রাখলে চূপচাপ—উমাবাবু আসছেন, উমাবাবু মাপ চাইবেন, উমাবাবু নাথুকে একশো টাকা দেবেন, আরও কত কি!'

কৃষ্ণেন্দুর ক্রকুটি দেখে গণি আরেকটু ভাল ভাবে ব্যাখ্যা করে বুঝিয়ে বলল 'রামপাল নিজে ভাঁওতা দেয় নি। ও লোক ভাল, বুদ্ধি একটু কম। উমাবাবু যা বলে দিয়েছেন, ও এসে আমাদের তাই বলেছে। ওর দোষ নেই।'

শ্রীপতি খোঁচা দিয়ে বলল, 'দোষ নেই কিশের? ফকরদালালি করতে আন্ডে কেন বেচে?'

কৃষ্ণেন্দু প্রশ্ন করল, 'রামপাল সবাইকে ঠেকাল কেন গণি? উমাবাবুকে খাতির করে?'

গণি জবাব দিল, 'না, খুন হয়ে যাবেন বলে। খুন হলে পুলিশ আসবে, হুঁচারজন ফাঁসিতে লটকাবে—কাজটা ঠিক করেছিল।'

'ওর বুদ্ধি কম বলছ কেন তবে?' মন্তব্য করে কৃষ্ণেন্দু তখনকার মত চূপ করে গেল। কিন্তু পরে আবার প্রশ্ন করল, 'পুলিশ শুধু রামপালকে অ্যারেস্ট করল কেন?'

গণি বলল, 'বোকা তো, সবাই মার খেয়ে পালাল, ও ঠায় বসে রইল। উমাবাবু ওকে ধরিয়ে দিলেন।'

মমতা হীরেনের বিবর্ণ মুখের দিকে চেয়ে বলল, 'শুনছ? রামপাল ওর প্রাণ বাঁচাল, রামপালকে ভুলিয়ে উনি পুলিশ ডাকলেন, শেষে রামপালকেই ধরিয়ে দিলেন! এরা একটা বিধি স্থাপন করা চাই। তুমি যদি কিছু না কর—'

একবার তার চোখে চোখ মিলিয়ে বাইরে তাকিয়ে হীরেন কাঁঠ হয়ে বসে রইল। আরিফ স্টেশন থেকেই বাড়ী চলে গেছে। একটা ট্যাক্সিতে তারা গান্ধী হয়ে বসেছে—শ্রীপতি ও গণির সঙ্গে। গণি বসেছে মমতার পাশে, গা-ঘেঁষে, চেপে। তার দোষ নেই। সে নিরুপায়। মমতা ঠেলে সরে এসে শেষ প্রান্তে একটু স্থান করে গণিকে ডেকে সেখানে নিজের পাশে বসিয়েছে। মমতার কোমল দেহের কতখানি অংশের কত নিবিড় স্পর্শ গণি পাচ্ছে এ পাশে বসে নিজের একটান রোমাঞ্চকর অভিজ্ঞতা থেকেই হীরেন তা অনুমান করতে পারছিল। জেদি একপুঁ শব্দ মমতার শরীরটা যে এত নরম এতদিন হীরেন ভাবতেও পারে নি, এতদিন সে ছিল প্রাণের প্রাচুর্যে স্বতোৎসারিত সন্ন উৎকল সুন্দর একটি অনিবার্য তীব্র আকর্ষণ মর্শাস্তিক রূপে কাম্য।

ফাদে যেন আটকা পড়েছে মনে হয় হীরেনের! তাকে বেঁধে কয়েকটা বিপরী শক্তি একসঙ্গে বিভিন্ন দিকে টানছে। শ্রীপতি ও গণি এমন ভাবে কথা বলছে,

বেন উপস্থিত নেই। মমতা ও কৃষ্ণেন্দু সায় দিয়ে যাচ্ছে। কাঠের কারখানা যেন তার বাপের নয়, উমাপদ যেন তার ভাই নয়, তার সামনে তার বাপ ভায়ের বিরুদ্ধে ত্রীপতি ও গণির যা খুসী বলে যাওয়া যেন মোটেই অসম্ভব নয়! প্রথমে একান্তে ওদের কাছে সব শুনে নিয়ে মমতা তাকে বলতে পারত, কৃষ্ণেন্দু বলতে পারত। তার সামনে ওরা কি বলে এ আলোচনা চালিয়ে যাচ্ছে?

কৃষ্ণেন্দুকে সিগারেট ধরাতে দেশলাই দিতে গিয়ে গণি কি মমতার বুকে কহুই ঠেকাবে?

‘এই রোধকে।’

ফুটপাথ ঘেঁষে ট্যাক্সি দাঁড়াল, আইন বাঁচানো পাতলা কাপড়ে ঢাকা অকথা যৌবনে ফোলা একটি ছাংটো স্ত্রীলোকের বিজ্ঞাপন টাঙ্গানো পুরুষস্বহানির অব্যর্থ ওষুধ বিক্রীর এক দোকানের সামনে! হীরেন লক্ষ্য করল, কুঁজো হয়ে বসে টাকওয়া চোখা নাক যুগ্ম শকুনির মত দোকানদারটি ঘোটর থামার শব্দে হঠাৎ জীবন্ত হয়ে খবরের কাগজ থেকে মুখ তুলে আশার ঔৎসুক্যে সিধা হয়ে বসেছে। হীরেনের ইচ্ছা হল, হাসে। এগার বছর আগে কলেজে সেকেণ্ড ইয়ারে পড়বার সময় একদিন এমনি ভাবে, হয়ত প্রায় এমনি সময়ে, কলেজ যাবার পথে এইখানে গাড়ী থামিয়ে এই লোকটির কাছ থেকে বণীকরণ কবচ কিনেছিল। ক্লাসের একটি মেয়েকে বশ করতে চেয়ে। মেয়েটির নাম আজ মনে নেই। চেহারাও কল্পনা হয়ে গেছে। শুধু মনে আছে তার সর্কাসের স্পষ্ট উদ্ধত আহ্বান, হাসি কথা বিতরণের প্রাণঘাতী কার্পণ্য আর অন্তহীন অবহেলা। কবচ ধারণ করে, আলাপ জমাতে গিয়ে সে পাত্তা পায় নি। তারপর একদিন, অত্যন্ত হঠাৎ একদিন তাকে গাড়ীতে উঠতে দেখে মেয়েটি এসে বলেছিল, আপনার নিজের গাড়ী? বাড়ী পৌঁছে দেবেন আমায়? তৃতীয় দিন বাড়ী পৌঁছে দেবার পথে সে হঠাৎ গভীর একটা দীর্ঘশ্বাস ফেলে তার কাঁধে মাথা রেখে গা এলিয়ে দিয়েছিল। বণীকরণ কবচের এই অব্যর্থ ক্ষমতার পরিচয় পেয়ে স্তম্ভিত হয়ে সে সেইদিন সন্ধ্যায় দশটাকার নোট ভরা থাম এই মহাপুরুষ দোকানীর হাতে দিয়েই পালিয়ে গিয়েছিল। মেয়েটিকে আর কোন দিন গাড়ীতে তোলে নি। তিন দিন তার কাছে অর্থহীন বাজে কৈফিয়ৎ শোনার পর মেয়েটি মুখ গভীর করে তার সঙ্গে কথা বন্ধ করে দিয়েছিল। কৃষ্ণেন্দু সে ঘটনা জানে।

‘মনে আছে কেটে? সেই বণীকরণ কবচ?’

তৎক্ষণাৎ আত্মসম্মরণ করে সে কথা ঘুরিয়ে নিল। বলল যে ত্রীপতি আর গণি নেমে গিয়ে কাঠের কারখানায় চলে যাক, সকলকে কাজে লাগতে বলুক। আজকেই মীমাংসা হয়ে যাবে—। ‘ভূমি বলেছিলে না বিহিত করতে হবে? বাড়ী গিয়ে এখুনি বিহিত করছি।’

মমতা খুসী হয়ে বলল, ‘সব কথা শোনা হল না কিন্তু।’

হীরেন প্রায়ে ধমক দিয়ে বলল, 'আর শুনতে হবে না।'

কিছু দূরে থালের ব্রিজ দেখা যাচ্ছিল। ওখানে মোড় ঘুরে খাল পাড়ের রাস্তা ধরে খানিক এগোলেই লোকনাথের কাঠের কারখানা।

কৃষ্ণেন্দু মুহূর্ত্তের বলল, 'একেবার ঘুরে গেলে হত না পাঁচ মিনিটের জন্তে, সবাই অপেক্ষা করছে।'

হীরেন সংক্ষেপে বলল, 'দরকার নেই।'

লোকনাথ তার সদর বৈঠকখানায় তিনজনকে অভ্যর্থনা করলেন। মমতাকে বললেন, 'এসো মা বোসো। কৃষ্ণেন্দুকে বললেন, 'কেষ্ট বাবু বে!' ধমক মারা ভঙ্গিতে মূখ তুলে ছেলের দিকে একনজর তাকিয়ে সামনের দেয়ালে সম্রাজ্ঞী ভিক্টোরিয়া অথবা তার পাশে সম্রাট এডওয়ার্ডকে সম্বোধন করে বললেন, 'হঠাৎ কোথায় চলে যাও, বলেও যাও না একবার যাবার আগে।'

'বাড়ীতে সবাই জানে। আপনাকে বলেনি?'

'ঐ?' লোকনাথ গড়গড়ার নলে একটি মাত্র টান দিলেন, 'হ্যাঁ, বলেছে বৈকি। চলে যাবার পরে শুনলাম। আমায় জানিয়ে যাবার কথা বলছিলাম। দরকারী কথা থাকে, পরামর্শ থাকে। বড় হয়েছ, দায়িত্ব গ্রহণ করছ, সব তো বুঝে শুনে নিতে হবে তোমাকেই। আমি আর কদিন?' আরেকবার নলে টান দিলেন, 'যাক গে।'

ধীর, স্থির, শান্ত, গম্ভীর, উদার, মহৎ, আত্মপ্রতিষ্ঠ মাহুষ, কুটিল, সাবধানী ও চিংস্র। এতগুলি বিভিন্ন প্রকৃতির সমবেত ওজন একা আয়ত্ত করে যেন লোকনাথ ভারিক্কি হয়েছেন। আপহৃত উঁচু চোকীতে বিছানো ফরাসের এককোণে হীরেনকে মাথা নীচু করে সন্তপণে বসতে দেখে মমতার বুকটা একবার ধড়াস্ করে ওঠে, মনে হয় কোন আশা নেই, সব ভুল। ঘরের সাজসজ্জা ও আসবাব সমস্তই যেন লোকনাথের পক্ষ নিয়ে নিঃশব্দ মাহাত্ম্যে তাদের দমন করতে চায়। প্রকাণ্ড ঘরে বসবার ব্যবস্থা ছ'বকম। ভিতরের দিকের দেওয়াল ছুঁয়ে একপ্রান্ত থেকে আরেক প্রান্ত পর্যন্ত মস্ত ফরাস। ঘরের মাঝামাঝি বিরাট এক টেবিল, তার চওড়া প্রান্তের একদিকে লোকনাথের নিজস্ব গাঁদা আটা একটি এবং বাকী তিনদিকে গম্ভীর গোটা নশেক চেয়ার দেয়াল ঘেঁষে তিনটি সোফা। আসবাবগুলি সব লোকনাথের কারখানায় তৈরী কিন্তু আশ্চর্য রকম সাদাসিধে, মোটা এবং ভারী।

মমতার আশঙ্কা বাতিল হয়ে যেতে কিন্তু বেশী দেরী হল না। সে যে প্রমাণ দেখাবে বলেছিল। আসল কথা আরম্ভ হবার দশ মিনিটের মধ্যে সে প্রমাণ সাংঘাতিক রূপ ধারণ করে বলল। হীরেন ও লোকনাথের মধ্যে এমন সংঘর্ষ বাধল যে মনে হল বাপ ব্যাটায় বাকি চিরদিনের জন্ত বিচ্ছেদ হয়ে যায়। বাইরে তখন ঝির ঝির করে বৃষ্টি

পড়ছে। জানালায় সার্মিতে আওয়াজ হচ্ছে চিড়ে ভাজার। লোকনাথ ফরাসে তাকিয়ায় হেলান দিয়ে গড়গড়ার নল টানছিলেন, গরম হতে হতে নিজের অজান্তেই সরতে সরতে কখন ফরাসের প্রান্তে এসে পা নামিয়ে বসেছেন। হাতের সঙ্গে গড়গড়ার নলটা কাঁপছিল, হঠাৎ সেটা তিনি ছুঁড়ে দিলেন। দু'হাতে ফরাসের প্রান্ত চেপে ধরে মিনিট খানেক চুপ করের ইলেন। মেঝে মাত্র আপহাত নীচে। হাঁটু দুটি ঠুঁ হয়ে রইল। হাতে ভর দিয়ে তিনি যেন দোল খাবার জন্ত প্রস্তুত হয়েছেন, দোল খেতে খেতে ডিগবাজী খাবার কসরৎ দেখাবেন, কুঠী গায়ে সরুপাড় কাঁচানো পুঁতি পরা অভিনব এক অভিজাত অ্যামেচার ম্যাজিকওয়ালার মত হঠাৎ-জাগা খেয়াল-খুসীতে একটু তামাসা করবেন। শুধু বসবার ভঙ্গিতেই হঠাৎ তিনি যেন ওজন হারিয়ে হালকা হয়ে গেলেন! এটা দেখবার চোখ অবশ্য ছিল শুধু কৃষ্ণেন্দুর। সে একটু নিশ্চিন্ত হল।

লোকনাথ কথাও বললেন ভিন্ন সুরে। অত্যন্ত গম্ভীর ও মনোহত ভঙ্গিতে। 'তুমি ভয় দেখিয়ে জমকি দিয়ে আমায় কাঁব করতে চাও?'

'না—ভয় দেখানো জমকি দেবার কোন কথা নেই। একটা বিশ্রী অস্ত্রায় হয়েছে, আমি তার প্রতিকার করতে চাই। আমি আপনার বড় ছেলে, আমায় ত্রিশ বছর বয়স হয়েছে, আমার নিশ্চয় এটুকু অধিকার আছে। আপনি যদি তা স্বীকার না করেন, বিদায় হয়ে যাওয়া ছাড়া আমার উপায় কি আছে বলুন?'

লোকনাথ হঠাৎ শাস্ত হয়ে যাওয়ার হীরেনও খানিকটা প্রকৃত্তিত্ব হয়েছিল। একটু থেমে সে বুদ্ধিমানের মত যোগ দিল, 'উমাপদ সোজা হুজি কাউকে মেরেছে শুনলে আমার এক রাগ হত না বাবা। একজনকে মেরে সবাইকে দাঙ্গা দিয়ে ফেব আবার পুলিশ আনিয়ে সবাইকে সে মার খাইবেছে। কি বাঁতংস নোংরা কাণ্ড!'

'নিজেকে বাঁচাবার জন্ত ওরকম অবস্থায় পড়লে তুমিও পুলিশ ডাকতে।'

'না। পুলিশ না ডেকে গলায় দড়ি দিতাম। কিন্তু এও জানবেন, ওরকম অবস্থাতে উমাপদরাই পড়ে, আমি কখনও পড়তাম না। একজনকে কেন, আমি আপনার যে কোন কারখানায় গিয়ে অস্ত্রায় করে যদি দশজনকেও জখম করি, অপমান করি, তারা আমার কাছেই নালিশ করবে, আমাকে মারতে আসবে না।'

মমতা সর্গর্বে কৃষ্ণেন্দুর দিকে তাকাল। কৃষ্ণেন্দু পেপ্পিল কাটা ছুরি দিয়ে ঠা হাতের বুড়ো আঙ্গুলের নখ চাঁচছিল, মুখে হাসির ভাব দৃষ্টিতে মাথাটা বার কয়েক অর্থহীন অনির্দিষ্ট ইঙ্গিতে নেড়ে দিল।

লোকনাথ বললেন, 'যাই হোক, অস্ত্রায় করে থাকলেও উমাকে তো আর চাবুক মেরে শাসন করা যাবে না। তুমি কি নিয়ে তর্কাতর্কি রাগারাগি করছ বন্ধুতে পারছি না হীরেন। আমি তো অনেক আগেই ঠিক করেছি উমা আর ওখানে যাবে না।'

তিনজন বিষয়ে হতবাক হয়ে রইল। এতক্ষণ লড়াইয়ের পর লোকনাথ এত সহজে

লড়ায়ের আসল কারণটাই এমন আচমকা উড়িয়ে দিতে পারেন, এ যেন তাদের বিশ্বাস হতে চাইল না।

লোকনাথ নির্বিকার। বলে চললেন, ‘আমি তো পাগল নই। সব ব্যাটা ওখানে এমন ধারা ক্ষেপেয়েছে, উমাকে আমি যেতে দেব কোন ভরসায়? মাথায় যদি একজন লাঠিই মেরে বসে হঠাৎ?’ পিছু হটে গিয়ে তাকিয়াম হেলান দিয়ে গড়গড়ার নল তুলে নিয়ে লোকনাথ প্রায় চোখ বুজে ফেললেন।

হীরেন বলল, ‘আরও ছোটো দাবী আছে। যাদের চোট লেগেছে তারা একমাসের মাইনে কম্পেনসেশান পাবে। আর—’

লোকনাথ বাধা দিয়ে বললেন, ‘ওতে আমায় টানো কেন? তুমি অর্ডার দিলেই তো হবে। বাকে বা দেবার তুমিই দিও।’

‘উমাপদকে মাপ চাইতে হবে।’

লোকনাথ ধীরে ধীরে উঠে সোজা হয়ে বসলেন। মুখের চেহারায় স্পষ্ট সঙ্কেত দেখা গেল ক্রোধে তিনি এইবার ফেটে যাবেন। কিন্তু ফেটে তিনি গেলেন না। হীরেনের বদলে কৃষ্ণেন্দুকে উদ্দেশ্য করে তিক্ত কণ্ঠে বললেন, ‘কেষ্টবাবু, একি পাগলামি আপনাদের? উমা আর কারখানায় যাবে না স্বীকার করলাম, তবু তাকে মাপ চাইতে হবে? আপনি ওদের জানেন, আপনাকেই বলি। যে কারণেই আমি উমাকে কারখানায় যেতে না দিই, ওরা জানবে ওরাই তাকে সরিয়েছে। এতে ওদের পায় কত ভারী হয়ে যাবে বলুন তো?’

কৃষ্ণেন্দু মুহূর্তেরে বলল, ‘পায় ভারী হবে না, তবে ভবিষ্যতে এরকম অসুস্থ আরেকটু কম সঙ্কর করার সাহস জন্মাবে।’

লোকনাথ বললেন, ‘তার মানেই তাই। মাপটাও উমা চাইবে না। আপনারা যদি বাড়াবাড়ি করেন, আমি পুলিশ পাহারা বসিয়ে উমাকে কারখানায় পাঠাব।’

কৃষ্ণেন্দু মুহূর্তে হেসে বলল, ‘না দত্ত মহাশয়, উমাবাবুকে মাপ চাইতে হবে না। এ ক’দিন কারখানায় যান নি, আর যখন যাবেনও না, মাপ চাওয়ার প্রশ্নই ওঠে না। কি বল মমতা?’

মমতা সায় দিয়ে বলল, ‘তা ঠিক।’

হীরেন কি বলতে গিয়ে চূপ করে বসে রইল, ঘরে এসে প্রথমে যেমন শিথিল ভঙ্গিতে অপরাধীর মত মাথা নীচু করে বসেছিল, তেমনি ভাবে। লোকনাথ উঠে অন্দরে যাওয়ায় সেও ঘর থেকে বেরিয়ে গেল। মমতা বা কৃষ্ণেন্দু কারো সঙ্গে একটি কথাও বলল না।

‘এ আবার কি?’ কৃষ্ণেন্দু শুধোল।

মমতা হাসি মুখে বলল, ‘কিছু না।’

বাড়ীর জনসাতোক মাছঘকে এড়িয়ে দ্রুতপদে গিয়ে মমতা হীরেনের নাগাল ধরল

তার ঘরে।

ধানিক পরে হীরেন এসেছে শুনে কালীতারাও হস্তমস্ত হয়ে সে ঘরে এল।

‘হীরেন এলি?’ বলতে বলতে পদ্মা সরিয়ে কালীতারা দেখল, হীরেন আর সেই তেজী বদ মেয়েটা পরস্পরকে জাপটে ধরে আছে।

‘হীরা! এসব কি? মমতা! ছি বাছা ছি।’ বলতে বলতে মাথা ঘুরে কালীতারা অজ্ঞান হয়ে পড়ে গেল।

চেয়ারে পা তুলে একটা সিগারেট ধরিয়ে ক্লফেন্দু সবে একটু চিন্তা করবার আয়োজন করছে, মমতার মতই সাধারণ মিলের সাড়ী পরা একটি জমকালো গৈয়ো মেথেকে সামনে এসে দাঁড়াতে দেখে পা নামিয়ে বসল। ট্রেনের লম্বা জার্মি ও অতিরিক্ত সিগারেট টানার ফলে চোখ দুটি তার একটু জ্বালা করছিল, রস্তাকে দেখে খেন জুড়িয়ে গেল চোখ। হৃদয়ে বিস্মৃত স্বস্তি আসার মতই বাইরে যেন আবির্ভাব হল রস্তার। রস্তাকে তার মনে হল চেনা। এ বাড়ীতেই কি আগে কোন দিন রস্তাকে দেখেছে? অথবা চোখে ভাল লাগায় মনে হচ্ছে চেনা, প্রকৃতির কোন এক অদ্ভুত পটের শোভা দেখে মুগ্ধ হলে যেমন ভাললাগা মাল্লয়, ভাললাগা সূর্য্যোদয়, সূর্যাস্ত, জ্যোৎস্না রাত, ভাললাগা পাছাড় বন নদী সাগর সব কিছু মনে পড়তে থাকে? সার্সি বন্ধ ঘরে তামাক ও সিগারেট পুড়ছে, রস্তা নাক সিটকে বলল, ‘মাগো কি দুর্গন্ধ! আমি রস্তা, কেউ বাবু। বুমুরিয়ার সেই বীরেশ্বর সামন্তের মেয়ে। সেই যে সেবারের বস্তায়—’

‘ও তুমি সেই রস্তা?’

ক্লফেন্দু উঠে ছুটি জানালার সার্সি খুলে দিল। চারবছর আগে সে বস্তায় রিলিফের কাজ করার জন্য বুমুরিয়া গিয়েছিল, বুমুরিয়ায় একটি কেন্দ্র খুলেছিল। বীরেশ্বর তাদের আদর করে ডেকে নিজের বাড়ীতে রেখেছিল, নিরুপরিবারে এবং লোকজন ছুটিয়ে রিলিফের কাজে তাদের সাহায্য করেছিল। অনেক। বীরেশ্বরের বাড়ীতে ছোট একটা হাসপাতাল খোলা হয়েছিল। রস্তা তখন কর্মীদের আর হাসপাতালে অসংখ্য খুঁটিনাটি প্রয়োজন মেটানতে সারাদিন ছুটোছুটি করত। তার অন্তত উৎসাহ ও আগ্রহের কথা ক্লফেন্দুর মনে আছে। আর মনে আছে তার একটি বিশেষ আবদারের কথা। নীলিমা হাসপাতালে কাজ করার সময় শাড়ীর ওপর একটি অ্যাপ্রন লাগিয়ে নিত। একদিন রস্তা এসে চুপি চুপি ক্লফেন্দুকে বলেছিল, ‘আমায় এরকম একটা দেবেন, আমি আরো বেশী কাজ করব?’ নীলিমার একটি অ্যাপ্রন পেয়ে খুসীতে উগমগ হয়ে সে সেটিকে কোমরে বেঁধেছিল, কেচে সাক করে শুকোতে দেওয়ার সময় ছাড়া বোধ হয় দিনরাত্রি কখনো সেটি সে খুলতো না, যুগ্মবার সময় পর্যন্ত সঙ্গে

থাকত। রস্তা তখন ছোট ছিল, অনেক ছোট।

‘তুমি গুব বেড়ে গেছ রস্তা।’

‘বয়স হয় নি?’

কৃষ্ণেন্দ্রর সঙ্গে পুরানো আলাপ ঝালাই করতে রস্তা আসে নি, এসেছে রামপালের হয়ে কলহ করতে। মেথলা ভেঁরে রক্ত এলোমেলো চুল খোঁচা খোঁচা দাড়ি আর ক্রন্দ গষ্ঠীর মুখ ও রাতজাগা চোখে উদ্ভ্রান্ত দৃষ্টি নিয়ে রামপাল এসে হাঙ্গির হতে মনটা তার ছ্যাং করে উঠেছিল, ভয়ানক একটা কিছু ঘটেছে কিম্বা ঘটবে হবে। রামপালের কাছে সব শুনে তারও রাগের সীমা থাকে নি। একি অত্যাচারী জাতি! একটা মাকুলের ওপব, আকাশে তুলে মাটিতে আছড়ে ফেলা নিজের কস্তানি বজ্রসে রাখার জ্ঞতা? নিজে এসে সব করবে বলে তার করে রামপালকে সকলের কাছে এভাবে অপদস্থ করার অধিকার কে দিয়েছে কৃষ্ণেন্দ্রকে? কি অত্যাচারী কৃষ্ণেন্দ্র, কি অসম্পদ!

রামপাল অবশ্য রস্তার কাছে দুঃখ জানাতে আসে নি। উমাপদকে সে মারবে। এই বাড়ীতে বাড়ী-ভরা আত্মীয়স্বজন লোকজনের মধ্যে উমাপদকে মারতে মারতে আশমরা করে ছাড়াবে। কেউ ঠেকাতে পারবে না তাকে। মিস্ত্রীরা দেখুক তাকে তারা যা ভেবেছে সে তা নয়। কৃষ্ণেন্দ্র এসে শুভুক দলের সমর্থন বা সাহায্য রামপালের দরকার হয় নি, একাই সে উমাপদকে শাস্তি দিয়ে মিস্ত্রীদের মান রেখেছে, কৃষ্ণেন্দ্র না এলেও চলত।

রস্তার মনে হয়েছিল মিস্ত্রীদের মান রাখতে নয়, গত রাত্রির অপমানের প্রতিশোধ নিয়ে তারই মান রাখতে এসেছে রামপাল। বৃকে আলোড়ন উঠেছিল রস্তাব। চুপি চুপি বলবে নাকি রামপালকে কাল রাত্রির কথা, উমাপদের সঙ্গে শশঙ্কও যাতে কিছু শাস্তি পায়? রামপালের সবল বাহু দুটির দিকে চেয়ে চোখে তার কিছুক্ষণ পলক পড়ে নি, মনে হয়েছিল সে বৃকি দ্রৌপদী, তার ভীম এসেছে দুটি কীচককে বধ করতে।

কিন্তু না, তা হয় না। রস্তা মূছ একটি নিশ্বাস ফেলেছিল বীরেশ্বরের কথা শুনে। বীরেশ্বর বলেছিল, ‘তুমি খ্যাপা না পাগল? উমাবাবুকে মারবে কেন? তোমার কি করেছে উমাবাবু? গোলমাল মিস্ত্রীদের সাথে, দশজনের সাথে। মিটমাট হবে দশজনের সাথে, যা করার তারা করবে দশজনে মিলে। তুমি গায়ে পড়ে এসে হাঙ্গামা কেলেঙ্কারি করবে কি জ্ঞে? হাঁ, তোমায় যদি অপমান করতেন কি মারতেন তখন তুমি দু’ঘা বসিয়ে দিতে, সে ভাল কথা। কদিন কেটে গেল, তুমি কবার এলে গেলে এবাড়ী, আজ বলা নেই কওয়া নেই উমাবাবুকে হঠাৎ মারতে যাবে কি রকম?’

তাই বটে। রস্তাও সায় দিয়েছিল এ কথায়। দলের কাছে নিজের মান বাঁচাতে উমাপদকে মারা চলে না রামপালের। তার গত রাতের অপমানের ঝালও ঝাড়ানো

যায় না রামপালকে দিয়ে। রস্তার মনে পড়ে, ভীমকে পর্যন্ত কীচক বধ করতে হয়েছিল কৌশলে, গোপনে। রামপালকে তো আর বলা যায় না তুমি সেই রকম কোন উপায়ে চুপি চুপি উমাবাবু আর শশাককে কিছু শাস্তি দিও—মেরে কেলো না, কিন্তু খুব মেরো, দুজননে যাতে কেঁদে ককিয়ে পায়ে ধরে মাপ চায়. রস্তার কাছে। না রামপালকে এ সব বলা যায় না ওকে জড়ানো যায় না তার ব্যাপারে।

কৃষ্ণেন্দুকে কিন্তু জিজ্ঞেস করা যায়, যে সে কেমন ধারা মানুষ, রামপালের সঙ্গে তার শক্রতা কেন।

রস্তার কথা ধাঁধার মত ঠেকে কৃষ্ণেন্দুর কাছে।

‘আমি রামপালের কি করলাম রস্তা? হু’একবার দেখেছি মাত্র, ভাল করে ওকে চিনি না আমি, আমার কেন শক্রতা থাকবে ওর সঙ্গে? আমি ছিলাম পাটনায়—’

‘আপনি তো তার করে সবাইকে বারণ করে দিলেন ওর সঙ্গে সম্পর্ক রাখতে, ওকে অপদস্থ করলেন। অল্প কেউ আজ্ঞে বাজ্ঞে লোক হলে কথা কইতাম না কেউটা। এমন লোক কিন্তু খুঁজে পাবেন নাকো আর একটা। জানেন, পুলিশ আসতে সবাই পালালে, ও একা দাঁড়িয়ে রইল, ধরা দিল। হাঙ্গামা মেটাবার জল কত করেছে জানেন। মিটমাট না করলে উমাবাবুকে মেরে দশ বছর জেল খাটতে পর্যন্ত রাজী আছে। আপনি না আপশোষ করতেন খাঁটি লোক, কাজের লোক মেলা বড় কষ্ট? আরও কত কি বলতেন বড় বড় কথা মনে নেই ভাবছেন?—সব মনে আছে। আপনিই কিনা শেষে নিজের কর্তালি বজায় রাখতে হিংসে করে ওর মন ভেঙ্গে দিলেন, দমিয়ে দিলেন মানুষটাকে!’

ব্যাপার খানিকটা বোধগম্য হওয়ায় এবার কৃষ্ণেন্দু প্রশ্ন করে, ‘রামপাল তোমার কোন ভাই রস্তা? তোমার ভাইদের নাম ভুলে গেছি।’ রস্তা রাগ করে বলে, ‘ভাই? ভাই হতে যাবে কেন আমার। আমার কেউ হয় না। এই তো কদিন আগে চেনা হল কলকাতা এসে। বেশ মানুষ আপনি!’

রস্তা কলহ করে আর তাকে দেখে কৃষ্ণেন্দুর মনে পড়ে যায় স্টেশনে মমতার কলহের ভঙ্গি ও কথা। রস্তা সত্যই কোমরে কাপড় জড়িয়েছে। কলহ করার জল এখানে এসে নয়, আগে থেকেই জড়ানো ছিল. মনের মধ্যে বগড়া তাঁজতে তাঁজতে মসগুল হয়ে আসায় জড়ানো আঁচল খুলতে ভুলে গেছে। ছোট কথা নিয়ে, মিছে নালিশ ধরে, ছেলোমানুষী কলহ করছে রস্তা কিন্তু কৃষ্ণেন্দুর মনে হয় মমতার নিজেকে নিয়ে কলহ করার চেয়ে জোরালো আর জমজমাট হয়ে উঠেছে পরের জল রস্তার বগড়া। রস্তার বিরোধ তেজী, আন্তরিকতায় সহজ ও স্পষ্ট, আত্মবিশ্বাস বিধাসংশয়হীন অ-টলমল, স্নিগ্ধ সহিষ্ণু। এত অল্প সময়ের মধ্যে রস্তার সম্বন্ধে এতবড় ব্যাপক একটা আন্দাজ করা কৃষ্ণেন্দুর পক্ষে অবশ্য মমতার জলই সম্ভব হয়েছে। মমতার বিরোধিতা, আন্তরিকতা, আত্মবিশ্বাস আর একগুঁয়েমির স্বরূপ তার জানা ছিল বলে।

যা বলার ছিল প্রাণ ভরে বলে নিয়ে খানিক অপেক্ষা করে রক্তা বলে, 'কথা কন না যে ? কীই বা বলবেন, বলার কিছু থাকলে তো !'

কৃষ্ণেন্দু তখন আত্মসমর্পণ করে কৈফিয়ৎ জানায়, বলে, 'আমার দোষ নেই রক্তা, আমি কিছু করি নি। রামপালের কথা আমি কিছুই লিখিনি টেলিগ্রামে। এসব কিছু জানলে তো লিখবো ? আমি শুধু কবে আসব জানিয়েছিলাম। দুঃখ করো না, আমি রামপালের সঙ্গে এ বিষয়ে কথা কইব।'

'ক'ন না কথা। সে তো বসেই আছে ওঘরে। ডাকব ?'

রামপালকে না ডাকিয়ে কৃষ্ণেন্দু নিজেই বীরেশ্বরের ঘরে গেল। বীরেশ্বরের সঙ্গেও আলাপ করবে ! মাঝখানে বহুদিন কেটে গেলেও এই স্বাধীনচেতা এবং চাষীর পক্ষে আশ্চর্য্য রকম সংস্কার-মুক্ত থাপছাড়া লোকটিকে সে ভোলে নি।

পর্যিচয় হবার পর প্রথমে ভেবেছিল কুমুরিয়ায় একটি কেলে হাপান করে বীরেশ্বরকে তার দেবে। বীরেশ্বরের মেজাজ আন্দাজ করার পর কৃষ্ণেন্দুর ভরসা হয় নি। আত্মকেন্দ্রিক আদর্শবাদী লোক দিয়েও কাজ চলে কিন্তু তীর অভিমানের তাপে এত বেশী মাথা গরম হলে বিপদ হয়। বীরেশ্বরকে কৃষ্ণেন্দু কাজে লাগাতে পারেনি, কিন্তু ভুলতেও পারেনি তাকে।

কৃষ্ণেন্দু আলাপ করতে জানে চমৎকার। অচেনা লোকের সঙ্গে অল্প সময়ে সে ভাব জমাতে পারে। নানা আবেষ্টনীর নানা ধাঁচের মাহুষের বিচিত্র মন ও আচরণের সঙ্গে নিঃশব্দে খাপ খাইয়ে নেবার অভিজ্ঞতায় তার অকারণ সমালোচনার আদিম প্রবৃত্তি এত বেশী চাপা পড়ে গিয়েছে যে তার কথা ও ব্যবহার মাহুষের মধ্যে অমিল বা বিরোধিতার অল্পভূতি জাগায় না। অসহায় অসুস্থ জরাজীর্ণ ও দুর্বল হৃদয়মনের অসংখ্য বিকার আর ছদ্মবেশ প্রথম বয়সে মাহুষ জাতটার উপরে কৃষ্ণেন্দুর অশ্রদ্ধা জন্মিয়ে দিয়েছিল। তারপর ক্রমে ক্রমে জীবনের সঙ্গে ঘনিষ্ঠ ও অন্তরঙ্গ হবার দাঁওয়ান পেয়ে সেই আবেগজ্বরের উপশম হয়েছে এবং সৃষ্টি হয়েছে সমস্ত মাহুষের সম্পর্কে খানিকটা নির্বিকার ও প্রায় নির্বিচার বন্ধুত্ববোধ। কোন মাহুষকেই সে বিশেষ ভাবে ঈর্ষাও করে না, তুচ্ছও ভাবে না। একক ও সঙ্গবদ্ধ ভাবে মাহুষের কাজ ও অকাজ করার বিন্দুস্বকর প্রচ্ছন্ন প্রেরণা মোটামুটি অহুমান করতে শিখে মাহুষ সত্ত্বকে বিন্দুস্ববোধ তার কমে গিয়েছে।

ভুল বোঝা আর অর্থহীন অকারণ ছেলেমাহুষী অভিমানের জন্ত রামপালকে সে একটু তিরস্কার করল, কিন্তু এত পরিষ্কার করে তার ভুলটা বঝিয়ে দিয়ে এমন বন্ধুর মত এটা সে করল যে রাগ করার বদলে নিজের অপদার্থতায় বিমর্ষ হয়ে গেল রামপাল। তার হয়ে ওকালতি করার পাগলামীর জন্ত রক্তার করতে লাগল লজ্জা, রামপালের সম্পর্কে আজ এই প্রথম স্মরণ একটু সংশয় জেগে মনটাও তার ধারাপ হয়ে গেল খানিক। বেশী বড় কি ভেবেছে সে রামপালকে, সে যা নয় ? কৃষ্ণেন্দু নতুন একটা

পরিচয় পাইয়ে দিল রামপালের। এখনো ওকে চিনতে কি বাকী আছে তবে ?

রামপালকে উৎসাহ দেবার জন্ত কৃষ্ণেন্দু তখন বলল, ‘ছুঃখ কোরো না তাই। তোমার যদি নিষ্ঠা থাকে দরদ থাকে, ওরা নিজেকে কেহেই তোমায় একদিন মানবে। আজ তোমাকে ভুল বুঝেছে, কাল ভুল ভেঙ্গে যাবে। নিজেরই ভেবে স্তাখো, উমাবাবুকে মারতে দাওনি বলে সবাই রাগ করেছিল, কিন্তু রাগ করলে কি হবে, মনে মনে তো সবাই টের পেয়েছিল কাজটা তুমি ঠিক করেছ, আপনা থেকে সকলে তাই তোমায় মেনে নিয়েছিল। কারো বলে দিতে হয়নি। ব্যাপারটা শুনে আমি বড় খুসী হয়েছি রামপাল। তোমার প্রশংসা করেছি!’

শুনে রামপালের বিমর্ষভাব কেটে গেল আর রস্তা মনে স্বস্তি পেল এবং ছ’জনের চোখে চোখে তাকানো দেখে কৃষ্ণেন্দুর লাগল চমক। ধীর স্থির শান্ত মাহুস সে, কত অভিজ্ঞতায় গড়া তার আবেগহীন বাস্তববোধ, তঠাৎ আলো লাগা চোখের মত মন কিনা তার ঝাঁকি খেয়ে অন্ধ হয়ে গেল এদের ভালবাসার চাহনির ছোঁয়াতে !

কয়েক মুহূর্তের জন্ত হলেও নিজের স্নায়ুশুলীতে এই আকস্মিক ‘উত্তেজনা ব্যাপারটা কৃষ্ণেন্দুর কাছে প্রথমে বড় দুর্কোথা মনে হল। এটা কোন আঘাতের প্রতিক্রিয়া? দুটি মাস্তবের প্রেম হয়েছে জানাটা তো এমন কিছু অঘটন নয় যে হঠাৎ আবিষ্কার করেছে বলেই এমন ভাবে নাড়া লাগবে? এ রহস্য কোনদিনই কৃষ্ণেন্দুর সম্পূর্ণরূপে বোধগম্য হয় নি। খুঁটিয়ে খুঁটিয়ে বিশ্লেষণ করে ব্যাপারটা বুঝবার চেষ্টা করার মত সময়ও তার ছিল না। আগে মনোবিজ্ঞান অধ্যয়ন ও আয়ত্ত না করে ওরকম বিচার বিশ্লেষণ বিশেষ কাজেও লাগত না। অস্ততঃ নিজেকে সন্তুষ্ট করার মত করে নিজস্ব রহস্য ভেদ করার তাগিদটা কৃষ্ণেন্দুর মধ্যে চিরদিনই জোরালো। অবসর মত ভেবেচিন্তে পরে কয়েকটি যোগাযোগ খুঁজে বার করে সে বুঝেছিল যে খাপছাড়া অনৈসর্গিক কিছু ঘটেনি। হীয়েন ও মমতার প্রেম নিয়ে সে খানিকটা উদ্বিগ্ন হয়েছিল। অনাস্বীয়, সস্ত পরিচিত রামপালের হয়ে রস্তার হৃদয়গ্রাহী সন্তেজ কলহ তার মনে একটা বহুস্ত সৃষ্টি করেছিল। ছ’জনের ভালবাসা হয়েছে জানামাত্র সে রহস্য গিয়েছিল কেটে। কেবল তাই নয়, তার স্মরণ আছে, ছ’জনের মুখের ভাব ও দৃষ্টিবিনিময় দেখে সে অস্থব্ব করেছিল যে একটা কল্পনাতীতরূপে নাটকীয় ব্যাপার ঘটেছে। দেহ-মন-প্রাণ দিয়ে এমন প্রচণ্ড উদ্ভাদনার সঙ্গে ওরা ছ’জন পরস্পরকে কামনা করেছে না তার কাছে অবিশ্বাস, অসম্ভব।

একজন মনোবৈজ্ঞানিক ডাক্তার বন্ধু আছে কৃষ্ণেন্দুর। নাম দুম্ময় সরকার। কথা প্রসঙ্গে একদিন কোতুলের বশে কৃষ্ণেন্দু তাকে তার এই অভিজ্ঞতার বিবরণ জানাল। বন্ধু হেসে বলল, ‘তোমার আন্দাজটা মিথ্যে নয়, তবে গোণ। আসল কারণ ভিন্ন।’

‘কি কারণ?’

‘তুমি একজন বোয়ান মদ পুরুষ এবং এককালে যৌবনের রোমাঞ্চিক ছিলে, এই কারণ। কাজের নেশায় আত্মভোলা হয়ে থাক কিনা, তাই আচমকা সহানুভূতির বনবনানিতে মাথা ঘুরে গিয়েছিল। অভ্যাস তো নেই।’

ডাক্তার বন্ধুর সঙ্গে আলোচনা করে কৃষ্ণেন্দুর একটা সাম্প্রতিক অস্পষ্ট ধারণা সমর্থন পেয়েছিল। সমস্ত স্বীকৃত সত্যগুলিকে নতুন দৃষ্টিতে বিচার করার, যাচাই করার, কবে নেবার দিন এসেছে। দার্শনিকের দৃষ্টিতে নয়, বৈজ্ঞানিকের। মনকে, আত্মাকে নিছক মস্তিষ্কের ক্রিয়া বলে মানতে হলে পৃথিবীর অধিকাংশ মানুষের হৃদয় আজ নৈরাশ্বের ভারে টন টন করবে। কিন্তু এই নৈরাশ্বও এটা রাসায়নিক প্রক্রিয়ার ফল বলে মেনে নিয়ে মানুষকে শিথিল হতে হবে অল্প রাসায়নিক প্রক্রিয়া ঘটিয়ে উৎকৃষ্ট হবার কাঁদা। নিজেই যন্ত্র বলে জানতে—তা সে যত জটিল, যত কোমল, যত বিশ্বাস কর খয়ই হোক—ও মানতে না শেখা পর্যন্ত মানুষের নিস্তার নেই।

কত দিনে মানুষের এই সহজ বুদ্ধি আসবে কে জানে। যন্ত্র বলতে বেঁচে থাকার প্রয়োজন যেটাতে মানুষেরই সৃষ্টি করা কলকলার কথা মনে আসে, বাখা শুধু এইটুকু। স্রষ্টার সঙ্গে সৃষ্টির পার্থক্যটাই যেন সব !

বেলা প্রায় বারোটার সময় কৃষ্ণেন্দুর সঙ্গে রামপাল চলে গেল, তাড়াতাড়ি নাওয়া-খাওয়া সেরে জিনিষপত্র গুছিয়ে নিয়ে বাপের সঙ্গে রস্তা রওনা হল ঝুমুরিয়া, বেলা তিনটের গাড়ী। জীবনে কখনো এতটুকু স্বাদ পায় নি এমন এক দুঃসহ ব্যাকুলতায় রস্তার দেহমন তখন অস্থির করছে। এ কি অস্বপ্ন রস্তা জানে না। জ্বর আসছে ?

‘বমি বমি লাগছে বাবা। পান কেনো।’

বীরেশ্বর মেয়েকে পান কিনে দেয়। বলে, ‘শুবি ? শো একটু। কমে যাবে।’

পান তিতো লাগে। চিবানো পান ফেলে দিয়ে রস্তা আরও জড়ো-সড়ো হয়ে জানালা খেঁসে বসে বাইরে তাকিয়ে থাকে। চোখে চোখে চাওয়া ছাড়া আর কোন ইঙ্গিতটুকুরও তো বিনিময় হয় নি তার আর রামপালের মধ্যে, সে কেন বুঝতে পারবে তার শরীর আর মনে কেন এই দুঃসহ বিপ্লব। রামপালের সঙ্গে আর তার কোন দিন দেখা হবে না ভেবে শুধু মন কেমন করলে সে তার মানে বুঝতে পারত। মন কেমন করার অভিজ্ঞতা তার আছে। এই কটা দিন কি তার মন কেমন করে নি ঝুমুরিয়ার আপনজনদের জন্তে, বিশেষ করে ভাইপো ভাইবিশুণ্ডির জন্তে, আরও বিশেষ করে বড় ভাইয়ের ছোট ছেলে পচাটীর জন্তে ? রামপালকে তার বড় ভাল লেগেছে। হ্যাঁ, কামনাও সে করেছে রামপালকে। রামপালের আলিঙ্গন কল্পনা করে রোমাঞ্চ হয়েছে তার। এ সব সহজ বোধগম্য কথা। সুতরাং রামপালের সঙ্গে পাবার জন্ত মন খারাপ হওয়া, এগাড়ী থেকে নেমে গিয়ে ভিন্নমুখী গাড়ীতে চেপে আবার কলকাতা ফিরে যাবার

হৃদয় সাধ জাগা, এ সব রঞ্জা বুঝতে পারত। সে স্বস্থ সবল মেয়ে, কখনো বিষাদের চর্চা করে নি, তবু ব্যাখ্যার্থী মেয়েগুলির মত হতাশ কান্না হৃদয়ের কূলে কূলে ছাপিয়ে উঠলেও সে ধারণা করতে পারত ব্যাপারখানা কি,—সে কি আর পীরিতের, মিলন ও বিরহের কথা জানে না, বর্ণনা শোনে নি রাখার বিরহ বেদনার? কিন্তু এতো তা নয়। তার শুধু অসহ্য উদ্বেগ আর অস্থিরতা। একটা মাস্তবের জন্ত কেউ এমন ভয়ানক হশাস্ত হতে পারে যে ধৈর্য ধরে বসে থাকে পর্যন্ত তার পক্ষে প্রায় অসম্ভব হয়ে ওঠে, এটা কল্পনা করার ক্ষমতা রস্তা কোথায় পাবে?

ঝুমুরিয়ায় পৌঁছে রস্তা একটু শান্ত হল। কিন্তু দেখা গেল সে বড় গম্ভীর হয়ে পড়েছে আর একদিনে কালি পড়েছে তার চোখের নীচে।

রামপাল ও রস্তার আর কোন দিন দেখা পর্যন্তও না হতে পারত কিন্তু কৃষ্ণেন্দুর টেকালিতে তাদের একেবারে বিয়ে হয়ে গেল। তাকে দিয়ে ঘটকালিটা করাল কিন্তু মমতা। রস্তা ঝুমুরিয়া চলে যাবার দিন তিনেক পরে কৃষ্ণেন্দুর সঙ্গে মমতা যাচ্ছে ধালধারের মজুর বস্তিতে মেয়েদের এক সাপ্তাহিক মজলিস গড়বার আয়োজন করতে, রামপাল ও রস্তার কাছিনী শুনে সে উল্লসিত হয়ে উঠল। সম্প্রতি সে কারণে অকারণে উল্লাস বোধ করছিল।

‘ওদের বিয়ে হয় না?’

‘কি জানি। হয় বোধ হয়।’

‘এক কাজ কর। মেয়েটির বাবার কাছে চিঠি লিখে দাও।’

‘রামপালকে একবার জিজ্ঞেস করব না?’

‘ওকে জিজ্ঞেস করেই লেখো।’

কৃষ্ণেন্দু একটু ভেবে বলল, ‘চিঠি লিখে কাজ নেই, বীরেশ্বর শীগগির কলকাতা আসবে আরেকবার, মুখেই বলব তখন।’

মমতা অসন্তুষ্ট হয়ে বলছিল, ‘না না, কালকেই তুমি চিঠি লিখে দাও কেউদা। আমার মতলব আছে।’

‘মতলব?’

‘আছে! আমাদের বাড়ীতে একদিনে দু’টি বর বিয়ে করতে যাবে—হীরেন আর রামপাল। ঝুমুরিয়া থেকে ওদের সকলকে আমি আনাব। সেদিন সব একাকার করে দেব আমি। পাশাপাশি বিয়ে হবে, এক আসরে সবাই একত্র বসবে, পাশাপাশি বসে থাকবে—ভদ্রলোক, মজুর, চাষী সবাই! ওঃ, আমার ধৈর্য ধরছে না কেউদা! কালকেই তুমি চিঠি লেখো।’

মমতার এ পাগলামিতে কৃষ্ণেন্দু সায় দেয় নি, রামপালের সঙ্গে কথা বলে বীরেশ্বরকে চিঠি লিখেছিল। বীরেশ্বর কলকাতা এসে বিয়ের প্রস্তাব পাশাপাশি করে গেল কিন্তু মমতার মতলব মানতে সে কিছুতেই রাজী হল না। বিয়ে যদি হয়

বিয়ে হবে কুমুরিয়ায়, বীরেশ্বরর নিজের বাড়ীতে। কলকাতায় এসে পরের বাড়ীতে সে মেয়ের বিয়ে দেবে না।

মমতা দমে গিয়েছিল। কৃষ্ণেন্দুকে জিজ্ঞেস করছিল, 'ও কেন আপত্তি করবে কেউ? ওর তো লাভ হত সবদিক দিয়ে, সব খরচ আমি দিতাম।'

কৃষ্ণেন্দু জবাব দিয়েছিল, 'সবাই তো লাভ চায় না মমতা। ওকে তুমি চেনো না তোমার প্রস্তাব শুনে অপমান বোধ করে যে বেগে ওঠে নি তাই অনেক ভাগ্যি বলেছেন।'

ঈরেন ও মমতার বিয়ে হল আশ্বিনের গোড়ায়, পূজোর দিন সাতেক আগে। লোকনাথের বাড়ীতে খুব ধুমধামের সঙ্গে পূজো হয়, শিল্পচাতুর্য্যে অপরূপ দামী প্রতিমা আসে। এবার বিয়ের সমারোহ শেষ হতে না হতে পূজোর সমারোহ আরম্ভ হওয়ায় আনন্দ-ক্লাস্ত উৎসব-শ্রান্ত বাড়ী বোঝাই মানুষগুলির কাছে বিজয়া যেন মুক্তির স্বস্তি নিয়ে এল। লোকনাথের কারখানাগুলির সমস্ত লোকেরা এবং মমতার নিজে গিয়ে নিমন্ত্রণ করে আসা মজুর ও ধান্ডরা সবশুদ্ধ তিন দিন পাত পেতে গেল।

রামপাল ও রঞ্জার বিয়ে হল আশ্বিনের শেষ দিকে, পূজোর পর। কৃষ্ণেন্দু, মমতা, ঈরেন, আরিক ও দীনেশ নামে কুড়ি একশ বছরের একটি উৎসাহী ছেলে এই পাঁচজন ভদ্রলোক বর রামপাল ও তার মজুর মিস্ত্রী সঙ্গীদের সাথে বরযাত্রী এল কুমুরিয়ায়।

স্বামীর ঘর করতে এসেই রজ্জা টের পায়, সে এক নতুন জগতে এসে পড়েছে, ঝুমুরিয়ায় তার এত দিনের পরিচিত জগতের সঙ্গে যার মিল বড়ই কম। স্থানের দক্ষিণতা আর আলো বাতাসের অভাবটাই প্রথমে যেন তার দম আটকে দিতে চায়। দিনের বেলাতেও ছায়াঙ্ককার এতটুকু সৈঁতসৈঁতে বাড়ীতে একগালা পাকাপোক্ত পদযহীন অল্পত খাপছাড়া মাহুষের ভিড় তাকে সারাদিন অস্থব্ব করায় যে সে যেন হাট বাজারের জেলখানাতে বন্দিনী। ঝুমুরিয়ার খোলা মাঠঘাট বন প্রান্তরের জল তার মন কাঁদে না। উঁচু মাটির ভিটায় বড় বড় ঘর, মস্ত উঠানে সকাল থেকে সন্ধ্যাতক রোদের ছড়াড়ড়ি, দেহের অনাবৃত অংশের স্বকে ক্ষীণতম বায়ু সঞ্চালনের অস্থূতি আর বাড়ী ভরা গৈয়ো আপনজনগুলির সাহচর্য্য, এই সমস্তের অভাবটাই তার প্রায় রসহ মনে হয়। গৃহের চারিদিকে গা অথবা সরর, সদরে দাঁড়িয়ে জানালায় তাকিয়ে মাটি তণ গাছপালা খড়ো ঘর আর দিগন্ত প্রসারিত আকাশ কেন চোখে পড়ে না, খোয়া তোলা গলি ও নোংরা নন্দমা পেরিয়েই খোলার ঘরে দৃষ্টি কেন আটকে যায় এসব বড় কথা নয় রস্তার কাছে, বাপের বাড়ীর সঙ্গে স্বামীর বাড়ীর পাথকটাই তার পক্ষে মারাত্মক হয়ে দাঁড়ায়। এখানে সক্ষীর্ণ গণ্ডী ঠেলে তার নড়তে চড়তে কষ্ট হয়, গুমোটের মত ভারি বাতাস টেনে টেনে শ্বাস নিতে হয়, ধোঁয়াটে অস্থচ্ছলতা দৃষ্টিকে শাপসা করে রাখে।

রামপাল ব্যাকুল হয়ে বলে, 'কি হল, কি হল তোমার বো?'

'কই না। কিছু তো হয় নি।'

'কাঁদ কেন?'

'কই কাঁদলাম?'

'মুখ যে ভার ভার?'

'ধেং।'

রামপাল তার হাত ধরে। রোষাক কি উঠান কি ঘর খেয়াল থাকে না রামপালের। রজ্জা ঘরে পালায়। ছোট সোদা-গন্ধী আধ অন্ধকার ঘর, সেখানে রামপাল তাকে মহাসমারোহে ভালবাসে, তাকে ভালবাসায়। কে জানে তখন সকাল কি দুপুর কি সন্ধ্যা, রজ্জা গা ধুতে যাচ্ছিল কি দুগার রান্নাঘরে রান্নাছিল কিনা আনমনে ভাবছিল ঝুমুরিয়ার কথা। গোড়ায় ক'দিন রামপাল কাজে যায় নি, তারপরও মাঝে মাঝে কামাই করেছে। রস্তার আবেগ ও আগ্রহ কম থাকে না, কিন্তু রামপালের উদ্ভাষ ভালবাসায় আস্থাহারা হয়ে যেতে পারে না বলে নিজেই সে দিকার দেয়। বাড়ীটা

পছন্দসই নয় আর বাড়ীর মানুষগুলি একটু খাপছাড়া বলে তার আপশোষ হবে কেন ?
 যুয়ুরিয়ার বাড়ীতে তো তার রামপাল ছিল না, মিলনের এই পরম উৎসব ছিল না,
 তাদের দু'জনের জীবন তো এভাবে ভরাট হয়ে উঠবার সুযোগ পায় নি অবর্ণনীয় রসে,
 আনন্দে, উপভোগে ? তবে কেন সে বিশ্বসংসার ভুলে যেতে পারে না রামপালের মত ?
 সে কি স্বার্থপর ? মনটা কি তার ছোট ? একসঙ্গে সব কি সে চায় নিজের জন্ত—
 বিয়ের আগে যা ছিল তাও থাকবে, বিয়ের পরে যা পেয়েছে তাও থাকবে ?

‘তুমি বড় কঠিন বৌ ।’ রামপাল সখেদে নালিশ জানায় ।

‘কেন গো ?’

‘এত করে মন পাই না ।’

‘যাঃ, মন তো নিয়ে নিয়েছো সেই কবে ।’

ক্রটি হচ্ছে ? অন্য় করছে ? যতটা সাড়া দেওয়া উচিত ছিল দিতে পারছে না,
 যতটা খাপ খাইয়ে নেওয়া উচিত ছিল নিতে পারছে না ? অথবা বাপের বাড়ী থেকে
 স্বামীর ঘরে এলে প্রথমটা এরকম হয় মেয়েদের ?

মানিষে নেবার জন্ত খাপ খাইয়ে নেবার জন্ত রস্তা উঠে পড়ে লেগে যায়
 রামপালকে আরও বেশী করে জানবার ব্যবহার চেষ্টা করে, বাড়ীর মানুষগুলির সঙ্গে
 মিতালি জমায় ।

বাড়ীর খাঁচটা অন্ধৃত—গলি থেকে লখা হয়ে এসে চ্যাটালো গোলাকার হয়ে গেছে
 লখা অংশে দু'হাত চওড়া উঠান, চক্লিশ ঘণ্টা ভিজ়ে থাকে । দুপাশে আধ হাত উঁচু
 আর দেড় হাত চওড়া দাওয়া এবং দু'খানি করে ঘর । ভিতরের দিকে চ্যাপ্টাকোণ
 ত্রিভুজের মত প্রায় গোলাকার কিছু বড় উঠান ঘিরে আরও কতগুলি ঘর আছে ।
 একখানা করে নিয়েই অধিকাংশ ভাড়াটে বসবাস করে, কেবল পরেশ আর গোপালের
 ঘর দু'খানা করে । গোপালের রোজগার একটু ভাল এবং সংসারটিও বড় । একটি
 ছোটখাট দর্জির দোকান তার আছে । এ বাড়ীতে পরেশের সঙ্গেই রামপালের ভাব
 বেশী । পরেশের স্ত্রী দুর্গা এতকাল রামপালকে রেঁধে খাইয়েছে স্বামী আর দেওরদের
 সঙ্গে, রামপাল খরচ দিয়ে এসেছে মাসে মাসে । রস্তা আসবার পরে দ্বিতীয় মাসেও
 এই ব্যবস্থা বজায় আছে, যদিও রস্তার ভিন্ন সংসার পাতার কথাটা কয়েকবার উঠেছে
 ভাসাভাসা ভাবে । দেশে রামপালের বাপ মা ভাইবোন কেউ না থাকলেও আত্মীয়স্বজন
 ছিল, বিয়েতে কিন্তু সে তাদের কাউকে ডাকে নি । দুর্গাই রস্তাকে বরণ করে ধরে
 তুলেছে, আচার নিয়ম পালন করেছে, আদর যত্ন দেখিয়েছে, নতুন বোয়ের জন্ত শাশুড়ী
 ননদের যা কিছু করার থাকে সব সে করেছে একা । বয়স তার বেশী নয়, দুটি ছেলের
 মধ্যে বড়টির বয়স হবে বছর তিনেক, ছোটটি এখনো মাই টানে, কিন্তু ক'বছর একা
 সংসার চালিয়ে তার রকম-সকম হয়েছে পাকা গিন্নীর মত । রস্তাকে ভালবেসে দরদ
 করতে শিখলেও তার সখি সে হয়ে উঠতে পারে নি, তার ব্যবহারে একটু গুরুজন

গুরুজন ভাব রয়ে গেছে ।

পরেশের দু'ভারের নাম সুরেশ আর নরেশ । সুরেশ একটু গস্তীর রগচটা ধরনের যুবক, সুবাল। নামে তার চেয়ে চার-পাঁচ বছর বয়সে বড় পাড়ার একটি হাফ-গেরস্ত মেয়ের সঙ্গে প্রকাশ্যে ভাব জমিয়ে দিন কাটাচ্ছে । লোকনাথের কাঠের কারখানাতে সেও মিস্ট্রীর কাজ করে । রোজগারের অর্ধেক এনে দেয় দাদার হাতে, বাকী অর্ধেক সম্ভবতঃ খরচ করে সুবালার পিছনে । ভাল একটি মেয়ে দেখে তার বিয়ে দেবার জন্য পরেশ ও দুর্গার চেষ্টার বিরাম নেই দু'বছর ধরে, কিন্তু সুরেশ নিক্সিকার । অথচ আশ্চর্য্য এই, সুবালার প্রেমে হাবুডুবু খাবার কোন লক্ষণও তার দেখা যায় না । রাতগুলি বেশীর ভাগ তার বাড়ীতেই কাটে । মাঝে মাঝে শুধু দেখা যায়, রাতে সে বাড়ী ফেরেনি, কিশোর নরেশ ছয়ার না দিয়েই একা ঘরে ঘুমিয়ে রাত কাটিয়েছে ।

নরেশ ছেলেটা বড় চঞ্চল, চালাক আর অবাধ্য । এই বয়সে ছেলেটা যে কি করে এমনভাবে পেকে গিয়েছে রস্তা ভেবে পায় না । আরও সে ভেবে পায় না কি করে এর সঙ্গে এত সহজে তার এমন ভাব হয়ে গেল যে শাসন করার বদলে ছোড়াটার পাকামিকে প্রশ্রয় দিতে তার ভাল লাগছে ।

এখানে আসবার পরদিন বিশেষ দরকারে রামপাল বেলা তিনটের সময় অনিচ্ছার সঙ্গে বেরিয়ে গেছে, খালি ঘরে রস্তা তাকিয়ে আছে মাটি লেপা দেয়ালে বসানো একরত্তি জানালা দিয়ে গলির ওপারের দুটি বাড়ীর ফাঁকে । খানিক তফাতের খালের অংশটুকু বদিকে । বিড়ির গন্ধে উদভ্রান্ত হয়ে ভাবল, একটু সময়ের জন্যও তাকে কি রামপাল তাকে ছেড়ে যেতে পারল না, কিরে এল বেরিয়ে গিয়ে ! তারপর রস্তা চেয়ে ছাথে কি পাশ থেকে রোগা একটি হাতুড়ি এগিয়ে এসে তার হাতের মুঠোয় গুঁজে দিচ্ছে ছোট একটি কৌটো !

ফিরে তাকাতে বিড়িতে জোবে চাঁদ দিয়ে যেন প্রায় বুক ফুলিয়ে নরেশ বাগদুরীর হাসি হাসল । নতুন বোকে সে ছ'পয়সার এতটুকু একটি কৌটো উপহার দিয়েছে—কৌটোর ওপরে আবার একরত্তি আশি আঁটা !

'টে'পিকে দেখিওনা । এঁা ? মেয়েটা ভীষণ হিংস্রটে ।'

'টে'পি কে ?'

'ওই বে ওবাড়ীর সোনামাসীর মেয়ে টে'পি । বোলো না ওকে ।'

'এটা টে'পির নাকি ? নিয়ে যাও বাবু তোমার টে'পির জিনিষ । আমি চাই নে ।'

নরেশ উদারভাবে বলেছিল, 'তাতে কি, নাও না । কিছু হবে না ।'

পরে রস্তা সোনামাসীর পরিচয় পেয়েছিল, তার আহ্লাদী মেয়েরও । সোনামাসী গলির আরও ভিতরে কয়েকটা বাড়ী পেরিয়ে এক বাড়ীতে থাকে । কাবুলীওয়ার ব্যবসা চালিয়ে সোনামাসী নিজের সংসার চালায় । পুঁজি তার সামান্য, স্বামী মরবার পর গায়ের সব গয়না আর, ঘরের সব বাড়তি বাসনকোসন বেচে দিয়ে টাকা কটা

সংগ্রহ করেছিল। সংসার বলতে সে নিজের আর তার ওই মেয়ে টেঁপি, খরচ বেশী নেই। একটি টাকা তার বাইরে গেলে কদিনের মধ্যে পাঁচ সিকে হয়ে ফিরে আসে। দশ বছর ধরে সোনামাসী মেয়েকে দুধ ভাতও খাইয়েছে, পুঁজির টাকাও বাড়িয়েছে। ব্যবসাতা সে আয়ত্ত করেছে অদ্ভুত অধাবসায়ের সঙ্গে। প্রথম প্রথম দু'চার টাকা তার মারা গিয়েছিল, লোক চিনতে ভুল করেছিল, বেশী স্কদের লোভ সামলাতে পারে নি। এখন সে আর ঠকে না, তাকে ঠকিয়ে পার পাবার ক্ষমতা আছে এমন লোককে সে টাকা কখনো ধার দেয় না, বাজ্রে লোকের সঙ্গে কারবার করে না। কার কাছ থেকে কি ভাবে টাকা আদায় করতে হবে তাও সে নির্ভুলভাবে জানে। কারো কাছে ধম্মা দেয়, কার কাছে বিনিয়ে কাঁদে, কাউকে দেয় গলা ফাটিয়ে অকথ্য গালাগালি আর কাউকে দেখায় ভয়। আবার কাবো কারো বেলা সময় পার হয়ে গেলেও কখনো তাগিদ দেয় না। সে জানে যে তার তাগিদের চেয়েও এ সব লোকের কাছে চক্ষুলজ্জার তাগিদ ঢের বেশী জোরালো। হাতে এখন টাকা নেই বলেই তার টাকা ফেরত দিচ্ছে না, এখন গিয়ে টাকা চেয়ে চক্ষুলজ্জা ভেঙ্গে দিলে তারই বিপদ।

এমন যে সোনামাসী, গায়ের রঙ যার খাদ মেশানো পেতলের মত, তার বারো বছরের ট্যাবটেবে ছিচকাছনে মেয়ে টেঁপির সঙ্গে নরেশের বড় ভাব।

দুর্গা ধারণ করে, ভয় দেখায়। বলে, তোর কি মরণ নেই রে লক্ষ্মীছাড়া, সোনামাসীর ঘরে আদর খেতে যাস? ঘরের আদরে পেট ভরে না তোর? ও মেয়ে দিয়ে ব্যবসা করবে সোনামাসী, তাও কি টের পাসনে তুই হাড়চাবাতে? ফের যাবি তো তোর দাদাকে বলে:হাড় ঙুড়িয়ে দেব বলে রাখছি।'

নরেশ অগ্নান বদনে মিথ্যা বলে, 'বাই না তো। তোমার খালি বাজ্রে সন্দ।'

এরা ছাড়া আছে মোটা শিবু, রোঁগা শরৎ, বুড়ো গগন, ক্ষান্ত পিসী, রাণীর মা, পাগলা ইত্যাদি আরও কয়েকজন ভাড়াটে।

গোপালের সাতটি ছেলে মেয়ে, বড়টির বয়স পনের বছর। গোপালের বৌ ন'মাস পোয়াতি। তাকে দাঁড়িয়ে থাকতে দেখলে তাক লেগে যায়, ভাবা যায় না পেটের ভারে সামনে হুমড়ি খেয়ে পড়া সে কিসের জোরে ঠেকিয়ে রেখেছে। চুল ওঠা মাথায় টাকের মত চওড়া সীঁথিকে ঢুকাক খানেক সিঁদুঁব, কপালের ফ্যাকাসে টিলে কালো চামড়ায় চওড়া সিঁদুরের ফোঁটা, সাদাটে গভীর চোখ, ঠিক যেন যন্ত্রণায় জোরে চাপা কোঁচকানো ঠোঁট আর জীর্ণশীর্ণ পেটমোটা কঙ্কালসার দেহ দেখে পাড়ায় কানাকাণি চলে যে ছেলে বিয়োবার স্থখ ভোগ করতে কোন উপদেবী—হয়তো বা গভর্ট নষ্ট করার পাপে উপদেবী হয়েছিল এমন কেউ—মা হবার স্থখ ভোগ করতে গোপালের স্ত্রীকে ভর করে আছে। বছর বছর ছেলে মেয়ে হয় অনেকের, জীর্ণশীর্ণ রুগ্ন মায়েরও কোন অভাব নেই কিন্তু এমন চেহারা নিয়ে এত ছেলে বিইয়ে যে কেউ নিজেরও বেঁচে থাকে, বিয়ানো ছেলে মেয়েগুলিও সবকটা বেঁচে থাকে—এমন অদ্ভুত ব্যাপার কেউ

কখনো জাথে নি ।

মা ও ছেলেনেয়েগুলি সবাই যেন এই মরে তো এই মরে—অথচ একটাও মরে না!
এ রহস্য কি মাগুনো সম্ভব হয় ?

তু ধু কি ভাই ? গোপালের বৌ যে অমন তেজের সঙ্গে ঝগড়া করে সে তেজ
সে পায় কোথায় ?

কান্ত পিসীর ছেলে বিল্কেও মিত্রী । বিশেষ কোন দক্ষতা নেই, সাধারণ মজুর
মিত্রীর বেতন পায় । বছর খানেক বিয়ে করেছে । একখানার বেশী ঘর ভাড়া নেবার
ক্ষমতা তার নেই, বিয়ের পর মাকে কোথায় যেন কোন আত্মীয়ের কাছে সরাবার
ফিকিরে ছিল, পেরে ওঠে নি । কান্ত পিসীর দু'একটা গয়না আর সত্তর আশী টাকা
নগদ আছে । জোর তাই খাটানো চলে নি একেবারেই । প্রায় সত্তর বছরের বুড়ী,
আজ মরে কি কাল মরে ঠিক নেই, তার ওপর জোরই বা খাটানো যায় কি করে ?
ছেলের বিয়ের পর বর্ষা নামা পর্যন্ত মাসখানেক কান্ত পিসী এখানে সেখানে রাত
কাটিয়েছে, তারপর মাঝখানে একটুকরো চট টানিয়ে কান্ত পিসীর বিছানা করতে
হয়েছে বিল্কে ও তার নতুন বৌয়ের বিছানার ঠিক আড়াই হাত তফাতে । কদিন
মরার মত নিঃশব্দ হয়ে থেকেছে বিল্কে আর তার বৌ । তারপর শোনা গেছে তাদের
চাপা গলায় ফিসফিসানি প্রেমমালাপ ও প্রেমের মূছ ইঙ্গিত । তারও পরে, ছেলেবোয়ের
চীৎকারে ঘুম ভেঙে যাওয়া অভ্যস্ত হয়ে গেছে কান্ত পিসীর ।

শিউশরণের বাড়ী গয়া জেলায় । প্রায় আট ন' বছর ধরে সে এ বাড়ীতে থেকে
একনিষ্ঠভাবে দু'টি সাধনা করে গেছে, গৌপ পাকানো ও টাকা জমানো । মাকে মাঝে
সে দেশে যেত, সম্রাতি দেশে গিয়ে একটি চতুর্দশী মোটাসোটা বৌ নিয়ে ফিরে
এসেছে । গলায় হাঙ্গলী, পায়ের মল, হাতে চারটি রূপার ও গণ্ডা দুই কাঁচের চুড়ি পরা,
হলদে কাপড় জড়ানো ছিটের জামা গায়ে বিশালশুনী বৌটিকে শিউশরণ যে অত্যন্ত-
ভালবাসে তার প্রমাণ পাওয়া যায় বৌয়ের প্রতি তার একান্ত আন্তরগত্যে !

ঘরের কাজ আর বৌয়ের সেবা করার তার উৎসাহের যেন অন্ত নেই ।

পাশের ঘর থেকে রাণী রাত্রে তাদের প্রেমমালাপ শোনে এবং সকালে সকলকে
তুলিয়ে খিল খিল করে হাসে ।

সরযু প্রায় ধমকের স্বরে অবজ্ঞা ভরে বলে, 'নেহি নেহি । মেরা তবিরং আচ্ছা
নেহি ছায় ।'

শিউশরণ মিনতি করে, তোষামোদ করে, পায়ের নাকি ধরে । তারপর সব
চূপচাপ । গাঁজার উৎকট গন্ধ তেলে আসে খানিক পরে । তারও পরে উদ্দাস কণ্ঠে
শিউশরণ ভজন গান ধরে । আহা, তার করুণ ভজন শুনে চোখে নাকি জল আসে
রাণীর !

শিউশরণের ভজন শ্রাবার পর চোখে প্রায় ঘুম নেমে এসেছে রাণীর, সরযুর ভৎসনা

তনে সে সজাগ হয়ে ওঠে ।

‘ইয়ে কা জবরদস্তি ? সরম নাহি তুমার !

‘চোপন্নও !’

প্রচণ্ড চড়ের শব্দে রাগী নাকি চমকে যায় । ভাবে, সরম্ব কি শেষে চড় পর্যন্ত মেয়ে বসল স্বামীর গালে ? সরম্বর কারা কানে আসতে সে বুঝতে পারে, না, শিউশরণই বিদ্রোহ করেছে ।

‘মাগী যেন কি, না রক্তাদি ?’

রক্তা আসল খবর জানে । রাগীর মত সস্তা মজা পাওয়ার বদলে মনটা তার খারাপ হয়ে যায় । সরম্ব একটু উঁচু বংশের মেয়ে শিউশরণের চেয়ে । টাকার জোরে শিউশরণ তাকে বিয়ে করে এনেছে । প্রায় সস্তর টাকা বেশী খরচ করে । শিউশরণের স্পর্শে এখনো অপমান বোধ হয় সরম্বর, বিতৃষ্ণা জাগে । রক্তা নিখাস ফেলে ভাবে, বয়সটা শিউশরণের কম হলেও হয় তো নিজেকে ধাপ খাইয়ে নেওয়া সহজ হত সরম্বর পক্ষে ।

অপস্থান, নর্দমা ও পচা আবর্জনার দুর্গন্ধ—কলতলায় জলের জন্ত, ছেলেমেয়ের ঝগড়ার জন্ত, বেসামাল মেয়েমানুষেরা দিকে পুরুষের একটু তাকানোর জন্ত, নিছক হিংসার জন্ত আর শুধু ঝগড়াটে স্বভাবের জন্ত কোন্দল, পরস্পরের বাঁচনমরণে ব্যঙ্গাত্মক উদাসীনতা আর ছলচাতুরী হীনতা দীনতা নিশ্চয় পাশবিকতায় বিবাস্ত তার এই নতুন আবেষ্টনীতেও মায়া মমতা উদারতা, আত্মনাশী নির্বাক সহিষ্ণুতা আর মহত্তর বৃহত্তর কিছুর কামনা খুঁজে খুঁজে আবিষ্কার করে রক্তা আত্মরক্ষা করে ।

রক্তা যখন প্রথম জেনেছিল তাদের পাশের বাড়ীর পরের বাড়ীতে সাতটি মেয়ে থাকে—কেউ কেউ নিজের মা কিংবা ভায়ের সঙ্গেই থাকে—যে সাতটি মেয়ের যে কোনো একজনকে যে কোন পুরুষ এসে একটি টাকা দিয়ে সন্তোষ করে যেতে পারে । রক্তার মাথা ঘুরে গিয়েছিল । পাগলের মত সে রামলালকে বলেছিল, ‘আমায় নিয়ে চলো—অন্ত কোথাও নিয়ে চল । আমি মরে যাব এখানে থাকলে ।

তাকে বুঝিয়েছিল দুর্গা ।

‘কোথায় যাবি ? ভদ্রপাড়ায় ? কলকাতায় ভদ্রপাড়া নেই ।’

উমাপদর কথা, কালীভারা জীবনলালের কথা মনে পড়ে যায়, রক্তার গা জ্বালা করে ।

‘কোথাও নেই ?’

‘আছে । বাবুদের পাড়া আছে । বাবু বয় একটি জুটিয়ে নিলেই পারতিস—দেখতিস পাড়াশুক সতীলক্ষ্মীরা একটা স্বামী নিয়ে ঘরকন্না করছে ? খোলার বাড়ীর পাড়ায় গুরুকম বাড়ী ছ’চারটে থাকবেই বোন ।’ দুর্গা ক্রকুটি করে খোঁচা দিয়ে বলে, আমি তো একজনকে নিয়ে এ বাড়ীতে কাটালাম পাঁচ ছ’বছর । ওসব হতভাগিদের

সবাইকে জানি আমি। ওদের কষ্ট দেখে দয়া হয়—বেশ তো হয়না বাছা ভোবার মত !’

রজা সব ভেজ হারিয়ে কাঁতরভাবে বলে, বেশা নয় ছুগুগামি, বেশা নয়। বড় কষ্ট হচ্ছে আমার, বুক কেটে যাচ্ছে।’

ভাবপ্রবণতার আক্রমণে রজাও কাঁবু হয়ে পড়ে ! কিন্তু সামলে নেয়, সইয়ে নেয় রজা, চারিদিকের সঙ্গীর্ণ কঁকড়ে যাওয়া বিকৃত জীবনের কুংসিত কর্মঘাতাকেই একমাত্র চরম সত্য বলে মেনে না নিয়ে সৌন্দর্য্য ও ঐশ্বর্য্য খুঁজে বার করার চেষ্টায় উঠে পড়ে লেগে যায়। তখন সে সাহস পায়, তার ঐশ্বর্য্য আসে। বিরোধ ও বিতর্কণা উবে যায়। কষ্ট থাকে, মনের মধ্যে প্রতিবাদের নিরুপায় নালিশের কষ্ট, কিন্তু তাতে আর তীব্র জ্বালা থাকে না। গায়ের জীবনে নোংরামি কম নেই। তবে সেখানে মাহুঘ ছড়িয়ে থাকে, ঘীরে সুস্থে গড়িয়ে গড়িয়ে বাঁচে, জীবনের মানি, ও আবজ্ঞানাও ছড়িয়ে থাকে তফাতে তফাতে। এখানে সঙ্গীর্ণ স্থানে গাদাগাদি করে আছে উর্জ্জ্বাস স্বাধপর নিষ্পিষ্ট মাহুঘ। এই স্তূপীকৃত পাপ ও বিকারের মধ্যে এসে পড়ায় প্রথমে রজা দিশেহারা হয়ে গিয়েছিল, ক্রমে ক্রমে সে ভাবটা তার কেটে যায়। একদিন ছুপুরবেলা ঘেচে পাড়ার কয়েকটি দেহবেচা মেয়ের সঙ্গে আলাপ করে এসে সে অনেকটা স্বস্তি বোধ করে। এদের সম্বন্ধে তার একটা উদ্ভট, বীভৎস ধারণা ছিল, তার মনে হত এদের কাছাকাছি দাঁড়ালেই বুঝি পচা গন্ধ এসে নাকে লাগবে। .বরং দেখে সে অবাক হল, গেরস্ত অনেক মেয়ের চেয়ে এরা পরিষ্কার পরিচ্ছন্ন থাকে, অস্ত্র মাহুঘের মতই এদের সুহৃৎঃখ স্নেহ মায়ী আছে, ভালমন্দ উচিত অহুচিত বোধ আছে, এমন কি উদারতা পর্য্যন্ত আছে থানিকটা !

বাড়ীর সকলকে আর পাড়ার অস্ত্র বাড়ীর যে ক’জনকে পারে একদিন ডেকে এনে একত্র করে সামাজিক সম্পর্কের ভূমিকা স্থাপনের একটা উপলক্ষ খুঁজছিল রজা। ভোজ দেওয়া যায় না, সে অনেক খরচ, বিয়ে-টিয়ের মত মস্ত ব্যাপার ছাড়া চলে না। অকারণে বা খাপছাড়া কারণে সকলকে ডেকে এনে শসা বাতাসাও খাওয়ানো যায় না, সবাই কি ভাববে। ভেবে চিন্তে এক পূর্ণিমায় রজা সবাইকে সিন্ধী খাওয়ানোর আয়োজন করল। পাকা কলা আর ময়দা দিয়ে রজা সাদাসিদে সিন্ধী বানাল। পঁচিশজননের সিন্ধীতে দুখ পড়ল সের দেড়েক। তবু, তাই অনেক বলতে হবে। পঁচিশ জিন জনকে এই সিন্ধীই বা খাওয়াতে পারে ক’জন ? ক’জনের ঘরে ছেলেপিলে বিশেষ তিথিতেও এক চৌক দুখ গিলতে পায় ?

সিন্ধী খাওয়ানো উপলক্ষে রামপাল সকলকে কীর্ত্তন গেয়ে শোনায়। অস্ত্র গানও গায়,—শ্রোমের গান, বিরহের গান, মিলনের গান। শুধু যাত্রা পাচালী আর বোষ্টম ভিখারীর গান নয়, স্ববীজনাথের হুঁচার থানা গানও রামপাল জানে। সে গান ইথরে স্পন্দিত হয়, প্রাসাদ শিবরের আলো বলমল কঙ্কের বাতায়ন থেকে ফুটপাতের

কুষ্ঠ-রোগীর কানে ভেসে আসে, স্বামী-শিবের তপস্কার অঙ্গ হিসাবে ধরে ধরে কুমারী যেয়ে ডাল-সিদ্ধ হবার অবকাশে যে গান গেয়ে গলা সাথে, গান জানলে কাঠচেরা কন্নান্তিও আপনা থেকে সে গান ছ'চার খানা শিখে ফ্যালে। দেশী-বিলাতী মেশানো সুরের বদলে হয়তো রামপ্রসাদী সুরে গান—গানের সুরেতে পরাণখানিরে পাতি পথের 'পরে,—কিন্তু গায়। উপরের সুর থেকে এমনিভাবে চুঁইয়ে চুঁইয়ে সবকিছু নীচের সুরে পৌঁছয়।

রামপালের হারমোনিয়ম নেই, বাঁয়া তবলা আছে। হারমোনিয়াম ভাড়া করে আনা হয় পাড়ার গিরি বাড়ীউলির কাছ থেকে, ঝাঁঝালো আওয়াজের হারমোনিয়ম। রামপাল তবলা বাজাতে জানে না, তবলা বাজায় নগেন অথবা বিষ্ণু। বিষ্ণুর হাতটাই বেশী মিঠে, তাকেই প্রথমে সকলে অহুরোধ জানায়, সে যদি নেহাৎ বাজাতে রাজী না হয়, বিনিয়ে বিনিয়ে কেবলি বলে যে আনুলে তার বড্ড বাথা, নগেনকে তখন বাজাতে বলা হয়। নগেন যেন বাজাবার জন্তু ওৎ পেতে থাকে, প্রত্যাশায় উত্তেজনা যেন যেন চৌট চাটে আর চোখ মিট মিট করে। ডাকামাত্র উঠে এসে জোরে তবলায় চাটি দেয়, শুধু গজদন্ত ছ'টির বদলে ছ'সারি দাঁত হাসিতে প্রকাশ হয়ে পড়ে, যতক্ষণ বাজায় সে দাঁত আর ভাল করে ঢাকা পড়ে না! আগাগোড়া চোখ বন্ধ করে মাথা দোলায়, রামপালের গান অথবা নিজের বাজনার তালে সে মসগুল ঠিক করে বলার উপায় থাকে না।

আজ্ঞও হয়তো তারই বেতাল। বাজনার সঙ্গে রামপালকে গাইতে হত, কারখানায় বিষ্ণুর হাতে চোট লেগেছে। পরেশের ঘর থেকে লণ্ঠন এনে এ ঘরের দাওয়ায় পুরুষ শ্রোতাদের কাছে নামিয়ে রেখে দুর্গা বলল, 'আজ্ঞকের দিনটি তুমি বাজাও গো বিষ্ণুদাদা, শুনছো? ওস্তাদি ক্ষয়ে যায় তো যাবে, বলে দিছ এক কথা।'

মেয়েদের মধ্যে বসে বিষ্ণুর বোনের সঙ্গেই রত্তা কথা বলছিল। এক নজর তার দিকে তাকিয়ে বিষ্ণু উঠে এসে বাঁয়া তবলার সামনে বসল।

চাঁদ উঠেছে কিন্তু উঠানে দাওয়ায় এখনো জ্যোৎস্নার ছায়া, শুধু এক ফালি রূপালী আলো নিমাই-এর ঘরের পাশ কাটিয়ে কলতলায় এসে পড়েছে। দু'টি লণ্ঠনের আলোয় গান শুরু হল। রত্তার ঘরের দাওয়ায় আর দাওয়ার নীচে উঠানে পুরুষেরা বসেছে, পরেশের ঘরের সামনে মেয়েরা। দশ বারটা বিড়ি এক সঙ্গে জ্বলেছে, তবলা বাধতে বিষ্ণু এত সময় নিয়েছে যে অনেকে বিড়ি না ধরিয়ে পারে নি। তা সময় নিক বিষ্ণু, কারো তাতে আপত্তি নেই, গুণীর মর্যাদা তারা জানে। শুধু, কড়া পোড়া ভৌতা ভাদগুল জীবনে রস জোটে এত কম যে লজ্জঙ্গ-লোভী শিশুর মত খৈধ্য ধরা কঠিন হয়ে পড়ে। উদাসী-আবেগের চর্চাটা এদিকে কম নয় কিনা, ধর্মে কর্মে পুরাণে গাথায় ঘরকরা আত্মীয়তার বন্ধুত্ব কলহে বিবাদে ভাবপ্রবণতার ছড়াছড়ি। এখন লণ্ঠনের আলোয় ভালো করে বোঝা যায় না, দিনের আলো

হলে দেখা যেত গান শুনতে শুনতে যেয়ে পুরুষের মুখে যে ভাব ফুটেছে পুরানো কলসীর শ্রাওলাটে সিক্ততার কথাই তা মনে পড়িয়ে দেয়। বাঘের মত প্রীতি লোমকূপ থেকে যেন অবিরত চুঁয়োচ্ছে ভাব।

রামপাল আজ পুরানো সুরে একটি নতুন গান ধরেছে।

রাই পাগলিনী পণ করেছে গো

যে কাঁদায় তারে কাঁদাতে হবে।

পায় ধরে ঢের মান ভেঙ্গেছে গো

(আজ) কেঁদে কেঁদে মান ভাঙ্গাতে হবে।

নিজে সে কাঁদেনা বাঁশীরে কাঁদায়

প্রেম তার খেলা রাখা মরে যায়—

মোটা শিবু চোখ বুজে ধীরে ধীরে মাথা নাড়ে, যেন কার অচুরোধ উপরোধ নীরবে প্রত্যাখ্যান করছে। খাওয়ার অভাবে এদের কারো দেহ পুষ্ট হয় না, দু'একজন শুধু শিবুর মত মুটিয়ে যায়। তাদের উম্মাদনার অভিব্যক্তি এই রকম ধীর স্থির শিথিল। অল্প সকলের মধ্যে অস্থিরতা জাগে। গগন নড়ে চড়ে বসে, জগু ঘন ঘন পলক ফেলে, শরৎ মুখ ফাঁক করে ঠিক গ্রীষ্মকালের কুকুরের মত হাঁপায়, বিন্দে পা নাচায়, অভ্যাসে উবু হয়ে বসায় ফেলনার হাঁটু ঠক ঠক করে কাঁপে, গোপালের শরীরটা আধ মিনিট অস্তর শক্ত আর ঢিল হয়ে যায়। রক্তার কোল থেকে ঘুমন্ত ছেলেকে ছিনিয়ে নিয়ে তাকে জাগিয়ে জুগী তার মুখে শুন গুঁজে দেয়, মুখে আঙ্গুল গুঁজে পুঁটু আঙ্গুলটা কামড়ে থাকে, সৈরভী অবিরাম পান চিবোয়, মিনিটে মিনিটে কাস্ত পিসী দোক্তা গুঁড়ো মুখে ফেলতে থাকে, রাণী তার সই পুষ্পের গায়ে শুধু ঠেস দিয়ে নয় রীতিমত চাপ দিয়ে বড়সে থাকে, জগদম্বা বার বার রাণীর মার কানে অবরুদ্ধ কর্তে বলে যায়, মনটা ক্যামোন করছে গো,—যেহাটার তরে মনটা ক্যামোন করছে। গান জুলে এদিকে মন দিলে শোনা যায়, ফিস্ ফিস্ কথার শব্দ, নিঃশ্বাসের শব্দ, নড়াচড়ার শব্দ, সোনারূপা কাঁচের চুড়ি আর সোনা তামা পিতলের বাসায় ঠোকা-ঠুকির টিন্ টিন্ শব্দ, সমস্ত মিলে এক অদ্ভুত মূহ গুঞ্জন সৃষ্টি করেছে।

ভাসা ভাসা ছাড়া ছাড়া ভাবে রম্ভা রামপালের গান শুনছিল, আসরে বসে তাকে আসর মাতানো গান গাইতে সে আগে কখনো ছাথে নি। শুধু শুনছিল, স্বামী তার চমৎকার কীর্তন গাইতে পারে। রামপাল গান ধরবার কিছুক্ষণ পর থেকে রম্ভা একদৃষ্টে তাকিয়ে থাকে রামপালের মুখের দিকে। গানের সুরে গা তার রি-রি করে, প্রীতি মুহূর্তে আশঙ্কা হয় এই বৃষ্টি রামপালের আধ-বোজা চোখ থেকে জল গড়িয়ে পড়বে। এ ছাকামি রম্ভার সম না। এতবড় জোয়ান মদ পুরুষ কি করে যে নিজে গান গেয়ে নিজে এমন কাতর হয়ে পড়ে মেয়ে-ছাৎলা রোগা প্যাটকা মন-উড়ু-উড়ু শ্রালাক্ষ্যাপা ছোড়ার মত। হঠাৎ সে উঠে ঘরে চলে যায়।

এক অকথ্য বিষাদে তার বুক ঠেলে কাঁদা আসতে চায়।

নতুন জীবনের নতুন আবেষ্টনীকে জেনে বুঝে সহিয়ে নেবার সঙ্গে রামলালকেও সে জানতে বুঝতে থাকে—মানুষটা ক্রমে ক্রমে নানা দিকে স্পষ্ট হয়ে ওঠে তার কাছে। এবং এই দিক দিয়ে তার আঘাত আসে সব চেয়ে কঠিন। কাঠগোলায় গোলমালের ব্যাপারে রামপালের ছেলেমানুষী দেখিয়ে দিয়ে কৃষ্ণেন্দু যখন ভৎসনা করেছিল, একটা খটকা বেধেছিল রস্তার মনে। রামপালের মেয়েমানুষের মত অস্তিমাত্রী খেয়ালী শিল্পীমনের ঘনিষ্ঠ পরিচয় পেয়ে এখন সে বুঝতে পারে সেদিন তার ভুল হয় নি। বুঝেও কিছুদিন রস্তা বুঝতে চায় নি। জোর করে মনে করতে চেয়েছিল পিরীতের প্রথম দিশেধারা খেলার আবেগে মানুষ এরকম ভাবপ্রবণ স্বপ্ন-বিলাসী আর আরামপ্রিয় হয়, খেয়ালী হয়, এলোমেলো চিন্তা করে। কিন্তু দিবারাত্রি যার সঙ্গে বসবাস দহরম মহরম তার আসল প্রকৃতি কদিন না চিনে থাকা যায়। সুমুন্সিয়ার সূর্যকে পর্যন্ত একদিন রামপালের তুলনায় তুচ্ছ মনে হয়েছিল রস্তার, ভেবেছিল সূর্য মুখে যেসব কথা বলত তার রামপাল সেই সব কথা কাজে পরিণত করবে। এখন সে টের পেয়েছে, ওসব চিন্তাই রামপালের নেই। কাঠগোলায় ব্যাপারটাতে অবস্থার ফেরে জড়িয়ে গিয়ে দু'দিনের জন্ত তার একটু নেতৃত্ব করার ঝোঁক চেপেছিল মাত্র। দেশ ও দেশের জন্ত বড় কাজ করে গৌরব অর্জন করার তাগিদ সে অল্পভব করে না। তার চেয়ে কাঠের সৌখীন জিনিস তৈরী করা আর কীর্তন গাওয়ার দিকে তার ঝোঁক বেশী।

হতাশায় কালো হয়ে যায় রস্তার দিনগুলি, মনে হয় জীবনটা ভেসে গেল চিরদিনের জন্ত, পায়ের নীচে আর সে মাটি পাবে না, অর্থহীন, সন্তা আর পচা জীবনটা টেনে চলতে হবে দিনের পর দিন কৃত্রিম অবাঞ্ছিত শক্ততায়। কি বিস্ত্রী তুল, কি ক্রুর তামাসা! কোভে রস্তার বুক জলে যায়, রামপালের সাম্রিধ্য পীড়ন করে তাকে, তার বুকভরা ভালবাসা যেন বিরাগে পরিণত হয়ে গেছে।

ভয়ে ভাবনায় উদ্বেগে অভিমানে রামপাল স্থান হয়ে যায়, তার আদর নেয় না রস্তা, সাড়া দেয় না, এক অভূতপূর্ব ভীতিকর গাঙ্গুীর্যে তার চোখমুখ খমখম করে,—একি সর্বনাশ! কাতর হয়ে বার বার জিজ্ঞেস কবে, কি হয়েছে বৌ, কি হয়েছে? তার এই ছেলেমিপনার বাড়াবাড়ি আরও ধারণা লাগে রস্তার, আরও তার মন ধারণা হয়ে যায়। আবেষ্টনীর চাপে একবার তার মনে হয়েছিল জেলখানায় কয়েদ হয়েছে। এ অল্পভূতিকে আমল না দিয়ে দমন করে প্রায় কাটিয়ে উঠছিল। এবার আরও প্রবল হয়ে ওঠে তার ফাঁদে আটকা পড়ার, চিরজন্মের জন্ত আটকে পড়ার, প্রাণান্তকর অল্পভূতি। বন্দীত্ব বোধের পীড়নটাই তার কাছে চিরদিন সবচেয়ে অসহ্য।

কারো কাছে খুলে বলবার উপায় নেই। কেউ বুঝবে না। তার পালিয়ে যেতে ইচ্ছা হয়। সব কিছু ভেঙে চুরমার করে ফেলতে সাধ্য যায়। নিজের হাত পা

কামড়ে, সেরাশে মাথা হুঁকে, যেথেষ্টে গড়াগড়ি দিবে, চীৎকার করে তার নালিশ জানাতে ইচ্ছা করে ভাগ্যের এই কুৎসিৎ জুয়াচুরির বিরুদ্ধে।

কিন্তু কিছুই রজ্জা করে না। দাঁতে দাঁত কামড়ে ভাবে, না, না, না। হঠাৎ কোঁকের মাথায় কিছু করা ঠিক হবে না। যদি ভুল হয়, যদি অন্তায় করে বসে ? নিজের জীবনটা যদি তার নষ্ট হয়ে গিয়ে থাকে, হোক। রামপাল তাকে ধরে বেঁধে বিয়ে করে নি, আমি এই আর আমি ওই বলে ভুলায়ও নি তাকে। তার কি অধিকার আছে রামপালের জীবনটা নষ্ট করার ? আত্মীয়স্বজনদের মনে কষ্ট দেবার ? বড় কোন উদ্দেশ্যের জন্ত যদি হত, রামপালের জীবন বা আত্মীয়বন্ধুর অশান্তির চেয়ে যার দাম বেশী, তা হলেও কথা ছিল। ওরকম কোন সুযোগ বা পথ যদি কখনো পাওয়া যায়, সে ভিন্ন কথা। নিজের তার যোগ্যতা কতটুকু তাই তার জানা নেই, তার কি সাজে বাহাদুরী করা ? শুধু তারানিজের ভাল লাগছে না বলে ? নিজের পছন্দ অপছন্দের খাতিরে ?

না, না, না। সে ধৈর্য ধরে থাকবে।

রামপালের পক্ষে সে তাই সামান্য কথা কাটাকাটি পর্য্যন্ত করে না, বিতৃষ্ণার ভাব দেখায় না। বাইরে কথাবার্তায় চালচলনে অতিমাত্রায় ধীরস্থির শাস্ত হয়ে থাকে। সেটা বড়ই খাপছাড়া ঠেকে রামপালের কাছে। অস্বাভাবিক গাঙ্গীর্ঘ্য রজ্জা দূর করতে পারে না, যাতে রামপাল ভয় পায়। রামপালের সোহাগ সে দূরে ঠেলে দেয় না, কিন্তু নিজে যথেষ্ট উদ্দীপ্ত হয়ে সাজা দেবার ক্ষমতাও তার হয় না। যাতে তার আদর নিচ্ছে না ভেবে রামপাল কাতর হয়ে পড়ে।

পরের পূর্ণিমায় দুর্গা সিন্ধী খাওয়াবার এবং রামপালের গানের আসর বসাবার আয়োজন করল। ঘটনা ঘটল একটা। যে সম্পর্কে রুক্ষেদু এসে আশার আলো দেখিয়ে রজ্জাকে বাঁচিয়ে দিয়ে গেল।

রামপালের গান এখন বেশ জমেছে, উপস্থিত সকলের মধ্যে দেখা দিয়েছে যথার্থীতি প্রতিক্রিয়া, ছেলের মুখে মাই গুঁজে দুর্গা আচ্ছন্ন অভিভূত হয়ে পড়েছে স্বরের নেশায়, হঠাৎ গানে বাধা পড়ল।

পাগলা ও আরেকজন অচেনা মাহুষ নরেশকে ধরাধরি করে এনে দাওয়ায় বসিয়ে দিল। থামে চেস দিয়ে বসে বৃকের কাছে মাথা নামিয়ে নরেশ ধুঁকতে লাগল। তার মুখে রক্ত, গেঞ্জি ও কাপড়ে রক্তের দাগ।

এক মহুর্ষের স্তব্ধতার পর সকলে প্রায় একসঙ্গে কলরব করে ওঠে। এ অবস্থায় ছাওয়ার কে দেখেও দুর্গা এতক্ষণের গা কিম কিম করা গানের নেশা কাটিয়ে কিছু বুঝতে পারে নি, সকলের কেটেপড়া কোলাহল যেন ঝাঁকি দিয়ে তাকে সচেতন

করে দেয়। ছেলের মুখ থেকে শুনের বোঁটা ছিনিয়ে নিয়ে তাকে সেইখানে দড়াম করে আছড়ে ফেলে উঠে দাঁড়িয়ে সে সকলের আওয়াজ ছাপিয়ে তীক্ষ্ণকণ্ঠে আর্জিনাদ করে ওঠে, 'ওগো, মাগো! ইকি!' এর গা মাড়িয়ে ওকে ধাক্কা দিয়ে সরিয়ে পরক্ষণে সে গিয়ে হাজির হয় নরেশের কাছে।

পাগলা বলে, 'কেষ্টবাবু মেরে লাশ করেছেন।'

দুর্গার ছেলেকে কোলে তুলে নিয়ে রজ্জা কাছে এসে দাঁড়িয়েছিল, সে আশ্চর্য হয়ে বলে, 'কেষ্টবাবু?'

পাগলা সায় দিয়ে বলে, 'হ্যাঁ কেষ্টবাবু। বাপরে বাপ, কি আশালি পাথালি মারটা লাগালে! ভয় হল কি মেরেই বুকি ফেলেন!'

শুনে কলরব থামিয়ে সকলে শুরু হয়ে যায়। পাগলার কথায় কারো বিশ্বাস হতে চায় না। কৃষ্ণদুকে এরা মেয়ে-পুরুষ সকলেই জানে, অনেকদিন থেকে অতি ঘনিষ্ঠভাবে জানে। বড় সে ভালবাসে তাদের, তাদের ভালর জন্তু চেষ্টার তার কামাই নেই, একবার সে জ্বলে গেছে তাদের জন্তু। আজ নিজেকে সে নরেশকে মেরে আধমরা করে দিয়েছে!

'কেন মারলেন?' পরেশ শুধোল।

পাগলা এদিক ওদিক তাকায়, হঠাৎ একবার মুচকে হেসেই গম্ভীর হয়ে যায়, মাথা নেড়ে বলে, 'দোষবাট নইলে কি এমনি মেরেছে, তেমন লোক কেষ্টবাবু নয়। যাক্ গা মারুক, ওকথা বাদ দাও।' পাগলার সঙ্গী মুখ গোঁজ করে দাঁড়িয়ে ছিল, এবার সে বলে, 'সে বড় কেলেকারির কথা। এ ছোঁড়া বড় বজ্জাত। আজ দুপুরে সোনামাসীর ঘরে ঢুকে—'

আজ দুপুরে সোনামাসী তাগাদায় বার হয়েছিল, টেঁপি ঘরে ছিল একা। নরেশ নাকি তখন ঘরে ঢুকে কেলেকারি করেছে। কৃষ্ণদু তাকে এই অপরাধে মেরেছে।

'কখন মারলেন?' 'কোথায়?' 'কে কে ছিল?' 'কেষ্টবাবু কই?' চারিদিক থেকে প্রশ্ন আসে একঝাঁক। পাগলার সঙ্গী বলে, 'সোনামাসী দুজনকে নিয়ে নালিশ করতে গিয়েছিল কেষ্টবাবুর বাড়ী। কেষ্টবাবু এই ধানিক আগে বাড়ী ফিরলেন। টেঁপিকে সব শুধোলেন, তারপর পিটিয়ে দিলেন নরেশকে। সে থামতেই আবার এক ঝাঁক প্রশ্ন ওঠে।

জেরায় বিরত পাগলার সঙ্গী হঠাৎ জুঁক হয়ে বলে, 'আমি আর কিছু জানিনে বাবু, পাগলাকে শুধোও।'

পাগলাও আর কিছু জানে না। সকলে হতাশভাবে পরস্পরের মুখের দিকে তাকায়। এরকম কেলেকারী সংসারে অনেক ঘটে, শোনামাত্র টের পাওয়া যায় কি ঘটেছে। এ ব্যাপারের মাথামুণ্ড কিছুই যে বোঝা গেল না। কৃষ্ণদু মেরে আধমরা করে দেয় এমন একটা কাণ্ড করল নরেশ দুপুরবেলা, আবার সন্ধ্যার সময় সোনামাসী

মেয়েকে নিয়ে কৃষ্ণেশ্বর কাছে নাগিশ করতে গেলে সে সঙ্গেও গেল। তাছাড়া, সোনামাসী ঘরে না থাক, বাড়ীতে আরও অনেক ভাড়াটে বাস করে, দুপুরবেলা একটা হেঁটে হয়ে থাকলে এতক্ষণ পাড়ার কারো তো সেটা অজানা থাকার কথা নয়। জগু আর সৈরভী ওবাড়ীর বাসিন্দা। জগু নয় কাজে গিয়েছিল, তার বৌ আর বোন এবং সৈরভী তো মরে থাকেনি সারাটা দুপুর যে বাড়ীতে এমন একটা কাণ্ড ঘটল তবু ওরা কিছু টের পেল না, গান শুনেতে এগেই সবিস্তারে গল্প করল না কেনিয়ে ফাঁপিয়ে ফোড়ন দিয়ে? সকলে এদের প্রশ্ন করে, এরা হতভম্বের মত বলে যে কিছুই তারা জানে না। শুধু সৈরভীর কাছে শোনা যায়, নরেশকে সে দুপুরবেলা বাড়ীতে ঢুকতে দেখেছিল। তা, ও ছোড়া তো আজকাল এখন তখন ও বাড়ীতে যায়, সোনামাসী বেশ খাতির করে ওকে।

‘ও মাগীর পেটে পেটে প্যাচ, ভগবান জানে কি মতলব করেছে। সাতবচ্ছর এক বাড়ীতে রইছি, চার গণ্ডা পয়সা চাইলে একটি পয়সা হুদ নেয়, ও মাগী পারে না কি!’

দুর্গা ইতিমধ্যে জল এনে নরেশকে কুলকুচো করিয়েছে, মুখ ধুইয়ে ঘাড় মাথায় জল খাপড়ে দিয়ে শাখা হাতে বাতাস করছে। কানে তার যাচ্ছে সব কথাই কিন্তু ছাওরের গুঞ্জন ছাড়া সব বিষয়ে সে যেন উদাসীন, কারো দিকে তাকাবারও সময় নেই। সুরেশ এতক্ষণ গুম্বু খেয়ে ছিল, মুখ না ফিরিয়ে থেকে থেকে ঝাঁক দৃষ্টিতে তাকাত্তিলা ভাই-এর দিকে। কৃষ্ণেশ্বর এমন মার মেরেছে যে ছ’টো চড়াপাড় দেবারও তার উপায় নেই, এই আপশায় গুম্বুরে উঠছিল তার মনে। হঠাৎ তার ধৈর্যের বাধ ভেঙ্গে যায়, ঝড়ের বেগে ঘরে ঢুকে সে বার করে নিয়ে আসে মোটা একটা বাঁশের লাঠি, নরেশের সামনে দাঁড়িয়ে পাগলের মত চীৎকাব করে ওঠে, ‘এই গুম্বোর হারামজাদা! বল কি করেছিল? সব্বায়ের সামনে বল—কেটবাবু রেয়াৎ করেছে, আমি তোকে খুন করব।’

দুর্গা ফৌস করে ওঠে, ‘না জেনে না শুনে তোমার অত চোটপাট কিসের গো? নিজেকে কত সাধু! খুন করবে! ভাইকে যে খুন করেছে তাকে খুন করবে যাওনা, বুঝি কেমন মরদ?’

একজন লাঠি ছিনিয়ে নেয়, ছ’তিন জন সুরেশকে টেনে নিয়ে যায় দূরে। দুর্গা তখনও চেঁচাচ্ছে, ‘ইবার আশুক তোমার কেটবাবু, একবারটি পা দিক উঠোনে, গাল দিয়ে ভুত ছাড়িয়ে দোব। জজ ম্যাজিষ্টর! মেয়্যা করবে ছেনালি, সবটুকু দোব চাপবে ছোলার খাড়ে। দারোগাবাবু! জজ ম্যাজিষ্টর!’

গজ গজ করতে করতে ছাওরকে ধরে তুলে দুর্গা তাকে ঘরে নিয়ে যায়। রক্ত সাকসকে শুনিবে বলে, ‘তা আমিও বলি, অত কথায় কাজ কি তো’, সেরে। যা শুনবার সব শুনবে আজ নয় তো কাল, চাপা তো রইবে না কিছু, চূপ মেরে যাওনা সব্বাই এখন?’

চুপ অবশ্য কেউ করে না, সেটা অসম্ভব। রামপাল আবার গান আরম্ভ করে, কিন্তু গান আর শ্রমে না। রামপাল নিজে কিছুকণের মধ্যে মসগুল হয়ে যায় এবং তারি মত ভাববিলাসী কয়েকজন মেয়েপুরুষ মন দিয়ে তার গান শোনে, অল্প সকলে চাপা গলার নিজেদের মধ্যে আলোচনা চালিয়ে যায়। থেকে থেকে এখানে ওখানে চাপা হাসি ধ্বনিত হয়ে ওঠে। কৌতূহল চাপতে না পেরে মেয়েদের মধ্যে কেউ কেউ দুর্গার ঘরের দরজায় গিয়ে উকি দেয়, কেউ একেবারে ভেতরে গিয়ে বিছানায় বসে, আত্মীয়তা জমাবার চেষ্টা করে। কিন্তু দুর্গা তাদের আমল দেয় না। চুপি চুপি অন্তরঙ্গ জিজ্ঞাসার স্বাবে বলে, ‘কি হয়েছিল জেনে তোমার দরকার?’ বলে, ‘বাইরে গিয়ে গান শোন না, ছেলেটা জিরোক?’

দুর্গা নিজেই কি জানে কি হয়েছে যে দশজনকে বলবে? জানবার জগ্ন তার নিজের মনটাই করছে ছটকট। নিরিবিলাি যে দুটো কথা কইবে ছাওয়ার সঙ্গে তারও কি উপায় আছে ছাই! মেজাজ তার ক্রমেই চড়ছিল। পাঁচসাত জনকে বিদেয় করার পর ক্ষান্তপিসী ঘরে আসতেই তাকে ঠেলে বার করে সে দড়ায় করে দরজা লাগিয়ে খিল চড়িয়ে দিল। শুধু রজা রইল ঘরে। দুর্গার ছেলেকে ঘুম পাড়িয়ে সে বিছানায় শুইয়ে দিয়েছে। গেঞ্জি ছেড়ে কাপড় বদলে নরেশ চৌকির শেষপ্রান্তে সরে গিয়ে দেয়ালে ঠেস দিয়ে বসে ছিল, এখন আর সে ধুকছে না, কিন্তু মাথাটা ঝুঁকিয়েই রেখেছে। হয়তো মারের জন্ত নয়, লজ্জাতেই মাথা তুলতে পারছে না ছেলেটা। দুর্গা চৌকিতে উঠে সাগ্রহে তার কাছে এগিয়ে গেল। একবার সে তাকায় রজার দিকে, চোখে চোখে দু’জনের কথা হয় আর রজার মুখে ফুটে ওঠে মৃদু কৌতূকের হাসি।

তখন নীচু গলায় দুর্গা বলে নরেশকে, ‘হলতো? কাণ্ড করলে তো দিনতুকুরে। কত করে বললাম, অত ব্যাকুল হোয়ো না গো ছোটকত্তা, টেঁপির সাথে বিয়ে তোমার ঘটিয়ে দেব। সবুর বৃদ্ধি সইল না?’—হাসি চাপতে না পেরে খিলখিল করে হেসে উঠেই দুর্গা মুখে আচল গুঁজে দেয়। তার আর জিজ্ঞাসা করা হয় না ব্যাপারটা কি হয়েছিল, নিজের জিজ্ঞাসার ভূমিকাতেই কাবু হয়ে পড়ে নিজে।

রজা বলে, ‘হেসো না দিদি, এ হাসির কথা নয়। এ নিয়ে কাণ্ড হবে ঢের, সোনামাসী ছাড়বে নি, উঁহুঁ। শোন বলি নরেশ, খুলে বলো দিকি সবকথা, ঢেকোনি কিছু—ডর লাগছে আমার। সোনামাসী বৃদ্ধি হঠাৎ ঘরে ফিরে এল? কি বললে এসে?’

নরেশ মুখ তুলে তাকায়, কিছু বলে না। এখনো তার বিহ্বল ভাব কেটে যায়নি। চোখ ছুটি তার অল্প লাল হয়ে উঠেছে। দুর্গা আর রজার কৌতূহল সে মেটায় না, একটি কথাও তার কাছ থেকে আদায় করা যায় না। পালা করে দু’জনে জেরা করে, তোষামোদ করে, ভয় দেখিয়ে চেষ্টা করে অনেককণ, নরেশ কিন্তু মুখ ধোলে না কিছুতেই, কোণঠাসা প্রকৃত অবোধ শিশুর মত ভীত অসহায় দৃষ্টিতে শুধু তাকাত্তে

থাকে একবার দুর্গা একবার রক্তার মুখের দিকে ।

ঘরের ঢালা থেকে দেয়াল বেয়ে জ্যোৎস্না উঠানে নামতে নামতেই আজ গানের আসরে ভাঙ্গন ধরল । একজন দু'জন করে উঠে যেতে যেতে আধ ঘণ্টার মধ্যে আসর একরকম হয়ে গেল খালি । মেয়েদের মধ্যে শুধু রইল রাণী, পুষ্প আর জগদম্বা এবং পুরুষদের মধ্যে রইল শরৎ, বিন্দে, ফেলনা আর গোপাল । রামপাল গেয়েই চলেছে । গোড়ায় বেশী লোক উপস্থিত না থাকলে রামপাল নিরুৎসাহ বোধ করে, কিছুক্ষণ গান গাইবার পর আসর আস্ত কি ভাঙ্গা এটা তার খেয়ালও থাকে না । অল্পন যদি এখন জনহীন অরণ্য হষে বায় তবু সে আপন মনে গেয়ে চলবে ।

কিন্তু গানে আবার বাধা পড়ল । হঠাৎ গান বাজনা সব বন্ধ হয়ে গেতে সকলে তাকিয়ে ছাথে, কৃষ্ণেন্দু এসে পাড়িয়েছে ।

এ বাড়ীতে এবং এ পাড়ার অনেক বাড়ীতে মাঝে মাঝে বিনা খবরে হাজির হওয়া তার নতুন নয় । অন্তর্দিন কেউ বাস্ত বা বিন্মিত হত না । আজ তাকে দেখেই আকস্মিক উদ্ভেজনা অনুভব করে সকলে অভিমাত্রায় সজাগ হয়ে উঠল আর সেই সঙ্গে বোধ করতে লাগল অস্বস্তি ! দোষ করুক আর ঘাই করুক, এ বাড়ীর একটি ছেলেকে সে অমানুষিক প্রহার করেছে, এখনো দু'ঘণ্টা হয়নি ।

রক্তা মোড়া এনে দিল । বসে কৃষ্ণেন্দু জিজ্ঞেস করল, 'নরেশ মরেনি তো রক্তা ?' রক্তা বলল, 'না ।'

কৃষ্ণেন্দু উঠানে পা দিলেই দুর্গা তাকে গাল দেবে বলেছিল । মনে হয়েছিল, দু'মাস এক বছর পরেও যদি কৃষ্ণেন্দু আসে, মনে সে রাগ পুষে রাখবে, গাল না দিয়ে ছাড়বে না । দু'ঘণ্টার মধ্যে কৃষ্ণেন্দু হাজির হল, দুর্গার কিন্ন সাড়াশব্দ পাওয়া গেল না । অন্তর্দিন খাত্তির করতে এগিয়ে আসে, একটু বাস্ত হয়, আজ দাঁওয়ায় কাঠ হয়ে বসে রইল—এইমাত্র ।

নরেশ আর টে'পির ব্যাপারটা জানা গেল কৃষ্ণেন্দুর কাছে ।

স্বরেশকে সস্থোধন করে সে বলল, 'ভাইটিকে তো তোমার মারলাম আচ্ছা করে স্বরেশ, ভাবলাম, মেরেছি বেশ করেছি, তোমায় একবার বলে যাওয়া উচিত ।'

ব্যাপারটা বিস্তী, তবে এতক্ষণ সকলে যা অন্তর্মান করছিল সেরকম কিছু নয় । সোনামাসীর জমানো টাকা আর সোনামাসীর মেয়েকে নিয়ে নরেশ পালিয়ে যাবার আয়োজন করেছিল । শুধু টে'পিকে নিয়ে পালিয়ে যাবার মতলব থাকলে হয়তো বাধা পড়ত না টে'পি চুপি চুপি বেরিয়ে আসত আর দু'জন চলে যেত যেদিকে দু'চোখ যায় । কিন্তু টাকা তো চাই । সন্ধ্যা থেকে সোনামাসী ঘর আগলে বসে থাকে, আদায়ে বার হয় শুধু দিনের বেলা । বাড়ীতেও লোক থাকে অনেক । দুপুর বেলা শুধু যে বার ঘরে ঘুমোয় । তাই আজ দুপুরে সোনামাসী ভাগিদে বেরিয়ে যাওয়ার পর নরেশ গিয়ে সোনামাসীর টিনের তোরঙ্গ ভেঙেছে, চৌকির নীচে গর্ভ খুঁড়েছে,

টেপির কাছে কেনে নিয়ে আরও যেখানে টাকা লুকানো ছিল, সব খুঁজে বার করেছে জঙ্গর বৌ কি করতে তার ঘরের বাইরে এসেছিল, সে ঘরে ফিরে গেলেই দু'জা বেরিয়ে যাবে বলে অপেক্ষা করছে, হঠাৎ সোনামাসী এসে হাজির। বিকেল পর্যন্ত ঘরে খিল দিয়ে সোনামাসী নরেশকে আটকে রেখেছে, একটু একটু করে জো নিয়েছে সব কথা, তারপর ঘরে তালা দিয়ে দু'জনকে সঙ্গে নিয়ে কুম্ভেশ্বর কা গিয়েছে নাশিশ করতে। পথে নরেশ একবার পালাবার উপক্রম করেছিল, সোনামাসী তাকে শাসিয়েছে, পালাসু যদি তো পুলিশ ডাকব। কুম্ভেশ্বর বাড়ী গিয়ে দু'জনকে আগলে ঠায় বসে থেকেছে তার বাড়ী ফিরবার অপেক্ষায়।

‘ছোড়াকে মারতাম না পরেশ। চোর তো নয়, জ্বরদন্তিও করেনি মেয়েটা ওপর। ভাবলাম দু'জনের মধ্যে যখন এই ব্যাপার দাঁড়িয়েছে, দু'জনের বিয়ে দিলে ম হবে না। সোনামাসীও রাজী হল। আমি সেই কথা বুঝিয়ে বলতে গেলাম ওকে। এসব কুবুদ্ধি করে হাঙ্গামা বাধাস নে, এই মাসে তোদের বিয়ে দোব। তা উ কি জবাব দিলেন শুনবে? যে মেয়ে বেরিয়ে যায় তাকে উনি বিয়ে করবেন ন ও নষ্ট মেয়ে।’

সকলে শুদ্ধ হয়ে বসে থাকে। খানিক পরে উঠানোর এক প্রাস্ত থেকে প্র আসে, ‘এটা কি আপনার উচিত হলগো কেটবাবু?’

কানাই-এর বৌ লক্ষ্মী কখন ঘর থেকে বেরিয়ে দাওয়ার ধাপে বসেছে কেউ লক্ষ করে নি। লক্ষ্মী কখনো গানের আসরে আসে না, গল্প করতেও নয়। হয় ঘরে কা করে, নয় তফাতে ওই ধাপে চুপ করে বসে থাকে।

‘কেন রোগা বৌ?’

‘সব যে জানাজানি করে দিলেন, কলঙ্ক রটল না মেয়েটার?’

কুম্ভেশ্বর হঠাৎ কোন জবাব দিতে পারল না। এক মুহূর্তের জন্ত তাকে বড় বিপন্ন মনে হল। তারপর গলা সাফ করে কুম্ভেশ্বর বলল, ‘কলঙ্ক রটাই ভাল রোগা বৌ ‘ওমা, ইকি কথা বলেন কেটবাবু!’

‘মেয়েটা কম পাজী নয় রোগা বৌ। পীরিত করেছে, পালিয়ে যেত, সে ভি কথা। মার টাকাগুলি বাগিয়ে পালাচ্ছিল কি বলে, এত আদর যত্নে খাইয়ে পরিচো মাহুয় করেছে মা? নরেশকে আমি মারলাম, মেয়েটারও তো সাজা হওয়া উচিত।’

‘সাজা হল সোনামাসীর।’

‘তাও হওয়া উচিত। মেয়েকে অমন আলাদা করল কেন? তাছাড়া কি জা রোগা বৌ, সোনামাসীর সমতানী বুদ্ধি কম নয়। বিয়ে হলে পণের টাকা পাবে বেশী মেয়েটা থাকবে কাছাকাছি, তাই না মেয়েটাকে লেলিয়ে দিয়েছিল।’

লক্ষ্মী আর কিছু বলল না। তার মুখে শুধু হুটে উঠল অবজার হাসি, অল্প আলো মা কারো চোখে পড়ল না।

বাওয়ার আগে কৃষ্ণেন্দু রত্নাকে জিজ্ঞেস করে, 'শরীর ভাল নেই?'

রত্না চুপ করে দাঁড়িয়ে থাকে।

'ও! মন ভাল নেই তবে। কষ্ট হচ্ছে বাপের বাড়ীর জন্তে?'

রত্নার চোখ দিয়ে হঠাৎ জল গড়িয়ে পড়ে ছু'ফোটা। লক্ষ্য করে কৃষ্ণেন্দু নড়েচড়ে স। ভাল করে তাকায় রত্নার দিকে। খানিক ভেবে বলে, 'চলো তোমার র যাই।'

উঠে দাঁড়িয়ে সবাইকে গুনিয়ে বলে, 'আমরা ভাইবোন দুটো ঘরোয়া কথা বলব।

উ যেন এসো না।'

খোলা দরজার কাছেই কৃষ্ণেন্দু বসে। সবাই যাতে তাকে দেখতে পায়। এটা দীর্ঘাধার দরকারী সতর্কতা। মেয়ে পুরুষের সম্পর্ক এখনকার জগতে বড় ঠুনকো। হঠাৎ তাকে শ্রদ্ধা করুক সবাই, অন্তরালে যুবতী মেয়ের সঙ্গে মাথামাথি করলে অস্বস্তি: ছাচারটা মনে খটকা লাগবেই। কিছু বলবে না কেউ, বাতিলও করবে না তাকে। ধর্মের বিকারে সংস্কার জন্মেছে একটা। গুরু মোহন সাধু মহাপুরুষ খেলাচ্ছলে মেয়ে বোকে সম্ভোগ করলে সেটা তুচ্ছ করে উড়িয়ে দেয়া যায়। গোপাল ভাঁড়ের সে গল্প তো আকাশ থেকে মাগনা নামে নি যে গুরু এসে গেরস্ত বাড়ীর বোয়ের কানে মন্ত্র দেয়—তুমি রাধা আমি শ্যাম। বিশেষ ভক্তিজানদের সম্পর্কে যৌন ঈর্ষা নিজীব। হব. মিছিমিছি ছাচারটা মনেও খটকা বাধিয়ে লাভ কি?

'কি হয়েছে রত্না?' জানবার জোরালো সম্বোধন দাবীর সঙ্গে কৃষ্ণেন্দু বলে, 'থুলে

। স্পষ্ট করে বল! তুমি দশটা মেয়ের মত নও। যুরিয়ে ফিরিয়ে দশবার দশ-কম ভাবে জিজ্ঞেস করতে হলে মনে দুঃখ পাব। ভাবব, তোমায় যা ভেবেছিলাম, মি তা নও। বলো কি হয়েছে।'

'কার সঙ্গে বিয়ে দিয়ে দিলেন আমার?'

'সে কি?'

'আপনাকে দোষ দিচ্ছি না। আমারি ভুল হয়েছিল।'

'দোষ দাও বা না দাও তোমার খুসী। ভুলটা কিসের?'

এই সেদিন কোমরে ঝাঁচল জড়িয়ে পিছনে ঘাড় বাঁকিয়ে রত্না গায়ে পড়ে কলহ ধরেছিল তার সঙ্গে, আজ সে মাথা ঝাঁচু করে ঝাঁচলের প্রান্ত জড়ায় আঙ্গুলে। কত স্কার কাঁটা যে ফোটে কৃষ্ণেন্দুর বুকে।

রত্না ধীরে ধীরে বলে, 'খালি গাইয়ে বাজিয়ে আল্লে লোক তা জানতাম না। দশের কাজে অ্যাঁতটুকু ঝাঁক নেই। আপনি যেমন খাটি লোক খোঁজেন, ও তেমনি লে ঝগড়া করেছিলাম না আপনার সঙ্গে। ও ঠিক তার উণ্টো। দশজনকে দিয়ে করাবে দূরে থাক, নিজে কখনো কিছু করবে না। আপনি সভা করলেন দিন খালপারে, কত বললাম নিয়ে যেতে। বললে শিত্যয় বাবেন? হেসে উড়িয়ে

দিলে, ও সভাটলা না কি সব বাজে হাকামার ব্যাপার। সিদ্ধি খেয়ে হৈ চৈ করলে দুর্গাদির সোয়ামীর সাধে।’

আরও নানা কথা বলে রম্ভা, বক্তব্য তার ক্রমে ক্রমে স্পষ্ট হয়, কৃষ্ণেন্দু যতটা আশা করেছিল তার চেয়েও অনেক বেশী। কৃষ্ণেন্দু বিশ্বাসের সঙ্গে শোনেন। শুধু আদর্শ নয়, এতখানি জোরালো স্বভাবগত আদর্শনিষ্ঠা সে যেন রম্ভার মধ্যে প্রত্যাশা করে নি, তাকে আর দশটি মেয়ের মত মনে না করা সন্দেহও।

কে যেন কঁাদছে পাশের বাড়ীতে, রোগে ‘ভুগে কে বৃথি মরেছে তার জন্ত।’ গাঁকারি দিয়ে গলা শানিয়ে কে গালাগালি দিচ্ছে। খানিক তফাতে বিশৃঙ্খল কোলাহল। আশে পাশে উচ্চকণ্ঠ, শিশুর কায়া। বেসরুরো বাঁশের বাঁশী আর হারমোনিয়মের আওয়াজ ছাপানো ঘুঙুরের আওয়াজ। বুড়ো সাতকড়ি কাসছে ওপাশের বাড়ীতে।

‘তুমি ভুল করছ রম্ভা। ছি। স্বপ্ন দেখা বন্ধ কর।’ ইচ্ছে করে কৃষ্ণেন্দু গলায় আওয়াজ অতিরিক্ত কড়া করে। রম্ভা মুখ তুলে চোখ মেলে সোজা তাকায়।

‘রামপাল খাটি চিঁজ। সব মাল মশলা আছে ওর মধ্যে। শুধু ঠিকমত গড়েপিঠে ওঠে নি। সবাই তো স্ত্রয়োগ পায় না। ওকে তুমি হাঁকা ভাবছ, মোটেই তা নয়। মনের মোড়টা ওর ঘুরিয়ে দেওয়া দরকার। ওকে যদি তৈরী করে নেওয়া যায় রম্ভা—’ কৃষ্ণেন্দুকে উত্তেজিত, উদ্দীপ্ত মনে হয়, ‘—জাগিয়ে দেওয়া যায় ওকে, ওর তুলনা থাকবে না। তাই তো ভাবছিলাম আমি, তোমার সঙ্গে বিয়ে হল, তুমি ওর চেতনা এনে দেবে। একটা দুটো তিনটে বছর বাদে ওর মধ্যে আমি একজন আদর্শ কর্মী পাব। তুমি এর মধ্যে হাল ছেড়ে হতাশ হয়ে বসে আছ ?’

কৃষ্ণেন্দু চলে যায়, রামপাল লাউ-চিংড়ি দিয়ে ভাত খায়, নিজে খেয়ে দুর্গাকে রান্না-ঘর ধুয়ে মুছে রাখতে সাহায্য করে রম্ভা ঘরে যায়, পান সেজে নিজে খেয়ে রামপালের মুখে একটা গুঁজে দিয়ে উজ্জসিত কণ্ঠে বলে, ‘কি স্নন্দর তুমি গাইতে পার !’

‘তাই বটে, তাই বটে। রম্ভার দেহ মন সাথ দেয়, তাই বটে, তাই বটে। এ গাঁটি মাহুয়। সে যে অনেক বড় বড় কাজের কথা ভাবে, এই মাহুয়টাকে কাজের মাহুয়ে পরিণত করানোর চেয়ে বড় কাজ তার কি থাকতে পারে ?’

মাঝখানে কিছুদিনের ব্যবধানের পর রামপালের আলিঙ্গনে আবার তার রোমাঞ্চ হয়। রম্ভা তাকে অনেক দিন পনের আগের মত জোরে বৃকে চেপে ধরেছে অল্পভব করে রামপালের সুস্থ সবল দেহ উজ্জসিত হয়ে ওঠে।

‘ও রম্ভা, ও বো। ঝুমুরিয়া নিয়ে যাব তোকে। দু’চার দিনের মধ্যে নিয়ে যাব।’
‘কেন গো মশায়, কেন ?’

‘ঘুরে আসবি। মন খুসী করে আসবি। তোকে আমি খুসী করতে চাই বো।’
রম্ভা বলে, ‘শোন। ঝুমুরিয়া যাব’খন ওমাসে। কাল যাও দিকিন একবার কেটবাবুর কাছে। বলবে রম্ভা ডেকেছে আরেক দিন।’

এমিকে হীরেন বলে, 'না মমতা, তা হয় না। তোমার বন্ধুদের এনে আজ্ঞা দাও, পাটি দাও, এখানে যাও, ওখানে যাও, তাতে কিছু আসে যায়না। কিন্তু চব্বিশ ঘণ্টা তর অভ্যস্ত কুলি মজুর তোমার কাছে যাতায়াত করবে, এ বাড়িতে তা কি চলে ?'

'ওরাই তো আমার বন্ধু।'

'ওদের নিয়ে অল্প কোথাও মিটিং কর, ওদের বস্তিতে যাও, কোথাও একটা অপিস মত করে সেখানে ছু'এক ঘণ্টা ওদের সঙ্গে দেখা সাক্ষাতের ব্যবস্থা কর, এসবে আমি তো আপত্তি করছি না। কিন্তু যতই হোক তুমি এ বাড়ীর বৌ। এ বাড়ীতে কি তোমার হেঁচৈ করা চলে ?'

ঐশ্বর্যের নিশীথ গুঞ্জণ, নীরেনের বাণী, সোমনাথের সাধন সঙ্গীত রঙীন ঘর, দামী আসবাব, বিস্কুরিত আলো। মমতার পরনে শুধু সাদা মিলের শাড়ী, কানে শুধু ছোট ছোট ছুল। মমতার চোখে বিদ্রাং খেলে যায়। সে ঠোঁট কামড়ে থাকে। হৃৎকনের স্তব্ধতা গমগম করতে থাকে ঘরের মধ্যে।

'তবে চলো আমরা অল্প বাড়ীতে যাই।' মমতা বলে।

'অল্প বাড়ীতে ?'

'এ বাড়ীটা পচা, সেকেলে। চলো ভিন্ন একটা বাড়ীতে আমরা নিজের মনে স্বাধীনভাবে থাকবো।' হীরেনের গলা জড়িয়ে মমতা আলগোছে তার কপালে চুমু খায়, 'আমাকে গড়ে তুলতে হবে তো তোমায় ? অনেক বড়লোকী চাল ভোলাতে হবে তোমায়। তোমায় আমি বিপ্রবী করে ছাড়ব।' হীরেনের গালে গাল ঠেঁকিয়ে রেখে সে যোগ দেয়, 'ছাখো, বলেছিলাম পাঁচ বছর বন্ধ রাখবো—তোমার কথায় রাজী হলাম তো একটা ছেলে হওয়া পর্যন্ত, যখনি হোক ? তুমিও আমার কথা রাখো। ভিন্ন একটা বাড়ী নাও। এখানে আমার দমু আটকে আসছে। কত কি করব ভেবে রেখেছি, এখানে থাকলে কিছুই হবে না। এমন করে সবাই এখানে থাকায় আমার দিকে।'

মমতার নিবিড় স্পর্শে কোটি বসন্তের উদ্ভাদনা ঘনিয়ে আসে, সব তুচ্ছ হয়ে যায় ভ্রগতে। কত দীর্ঘ সাধনার পর, কত বিষন্ন দিন ও বিনিদ্র রজনী যাপনের পর মমতাকে সে লাভ করেছে! তা ছাড়া বড় অশান্তিও সৃষ্টি হয়েছে বাড়ীতে নতুন বৌয়ের চালচলন নিয়ে।

অন্তঃপুরের অলস-বিলাসী মেয়েলি জীবনের মৃত শাস্ত ছন্দ সে মেনে নেবে কেউ তা আশা করে নি, কলেজে পড়া একেলে চপল মেয়ে হিসেবেই তাকে মেনে নিতে সকলে প্রস্তুত হয়েছিল। কিন্তু একি মেয়েরে বাবা! বাড়ীর কারো সঙ্গে দুন্দু কথা কইবার তার সময় হয় না, অথচ বাইরের আজ্ঞে বাজে লোকের সঙ্গে তার আলাপ আলোচনার অন্ত নেই, যত ভবঘুরে বরাটে হোঁড়া আর কুলি মজুরের সঙ্গে তার অন্তরঙ্গতা! যখন ইচ্ছা করে আসছে, রাত যে কত হয়েছে গ্রাঙ্কও নেই।

আর যদিই বা ছোটো কথা বলে কারো সঙ্গে, কি সে কথা বলার ঢং ! যেন কোথাকার মহারাণী এসেছেন চাষাভূষোর ঘরে দয়া করে বেড়াতে !

লোকনাথের মুখ অন্ধকার, আত্মীয় কুটুম্বের মুখ বাকা, ছোটদের মুখ বিষণ্ণ, দাসদাসীর মুখ সরতানি কোঁতুকে উজ্জল। চারিদিকে অবিরাম গুঞ্জগুঞ্জানি ফিস-ফিসানি ও ক্রুদ্ধ তীব্র মন্তব্য—হীরেন জানে সমস্তই মমতার সমালোচনা।

সে তাই একটা বাড়ীভাড়া নেয় পার্ক স্ট্রীটে। লোকনাথ তার সঙ্গে কথা বন্ধ করে দেন।

কোনো মধ্যবিত্ত পাড়ার অল্প টাকায় সাধারণ একটি ছোটখাট বাড়ী বা বাড়ীর অংশ ভাড়া নেবার ইচ্ছা ছিল মমতার। কিন্তু এ আন্ডার শুনে এমন করে তাকিয়েছিল হীরেন, যেন বলতে চাইছে, তোমার জন্তে আত্মীয়-স্বজন ছেড়ে ভিন্ন হগাম, তাতেও তুমি সন্তুষ্ট নও ? ছোট বাড়ীতে গরীবের মতো থাকবার সাধটা মমতা তাই চেপে যায়।

সব বিষয়ে মমতার বাড়াবাড়ির জন্ত একটু বা জর্জরিত থাকে হীরেন, নতুবা সে পরম স্নেহেই দিন কাটায় নতুন বাড়ীতে।

মমতার কাছ থেকে অবাচিতভাবে একটু স্নেহতরঙ্গ সেবা যন্ত্র পাবার জন্ত তার মনের গহনে সে লালান্নিত হয়ে থাকে,—যে সেবা যন্ত্রের স্বাদ পেয়েছিল মায়ের কাছে, তার বাড়ির মেয়েরা যা আঞ্জো স্বামী পুত্রকে দিচ্ছে, দিগম্বরী যার নমুনা দেখিয়েছে চমকপ্রদ। কান গরম হয়ে ওঠে হীরেনের। স্ত্রীকে দাসীভাবে পেতে সাধ যায়, একি অসভ্য অসংস্কৃত মন তার, ওরকম দশ বিশটা মেয়েকে সে তো তবে বিয়ে করতে পারত, মমতাকে বিয়ে করার তবে তার কি দরকার ছিল ? এত ভালবাসে মমতা তাকে তাতেও তার মন ওঠে না ? মধ্যযুগীয় মনোবৃত্তি অতিক্রম করে আসার অহঙ্কারকে ভুট্ট করতে হীরেন সব বিষয়ে মমতাকে স্বাধীনতা দেয়, তার কোনো কাঙ্ক্ষের সমালোচনা করে না। স্ত্রী তার সাথী, তার বন্ধু।

মমতার সঙ্গে একা থাকার সময় ছাড়া নিজেকে তার সাথীহীন বন্ধুহীন একাকী মনে হয়, পরিত্যক্ত মনে হয়। মমতা ও তার মেয়ে-পুরুষ বন্ধুদের মধ্যেই যেন তার এই নিঃসঙ্গতার অল্পভূতি চরমে উঠে যায়। নিজেকে মনে হয় অল্প এক জগতের মানুষ। অথচ দূরে সরে থাকবার উপায় তার নেই। মমতা চায় সে তার পরিচিত সকলের সঙ্গে মেলামেশা করুক, নবযুগের এত যে নতুন চিন্তাধারা সে সঞ্চয় করেছে বই থেকে, বাস্তব উপলক্ষিতে সার্থক হোক সে-সব।

মমতা বলে, 'তোমার মুখ ভার কেন ?'

হীরেন বলে, 'কই না ? শরীরটা ভাল নেই।'

মমতার মুখের ভাব পরিবর্তন এক মুহূর্তে হীরেনকে কৃতজ্ঞ, কৃতার্থ, উল্লাসিত করে দেয়। এবং হৃদয় মন হঠাৎ জুড়িয়ে যাওয়ায় সে ভাল করে টের পায় হৃদয় মন তার

কেমন জালায় জলছিল !

‘শরীর খারাপ ? কি হয়েছে ? আমায় বলো নি কেন আগে ?’ মমতা ব্যাকুলভাবে প্রশ্ন করে। বলে, ‘তোমার আজ বেরিয়ে কাজ নেই, আমি কোথাও যাব না।’ সব এনগেজমেন্ট বাতিল করে, যে আনুক তাকেই সে বাড়ী নেই বলে দেবার জন্য দারোয়ানকে চকুম দিয়ে, মমতা নিজে সঙ্গে থেকে হীরেনকে বিশ্রাম করায়।

মমতার রূপ ও আকর্ষণ হঠাৎ বেড়ে গিয়েছে মনে হয় হীরেনেব। গ্রোমের নদীতে জোয়ার এসেছে তাঁটার পর কলোঙ্কাসে। সলা ছিটের ব্লাউজ ঢাকা ও দুটি স্তনেব দাম কি কোটি টাকা ? এ মক্ষি কোমর কোথায় পেল সে ? মোটা মিলেব রঙিন শাডিতে সে কি ইচ্ছে করে ঢেকে রাখে নিজের কোমর থেকে পা তক, কামনায় যাতে পুড়ে না যায় তার প্রিয়তম ?

দীর্ঘনিশ্বাসে যেন হৃদপিণ্ডটা বেরিয়ে আসে হীরেনেব। শরীর ভাল নেই, তার শরীর ভাল নেই ! ভাল না থাকা শরীরটা এখন যদি চায় মমতার শরীরটাকে, কি ভালগার না জানি তাকে ভাবে মমতা !

এর চেয়ে মরণ ভাল নয় কি ? অথবা পাখি মেয়ে চুরমার করে ফেলা এই নিষ্ঠুর রূপসীকে ?

সাদা আলো নিভিয়ে নীল আলো জালিয়ে মোটা মিলের রঙীন শাড়ি আর ছিটেব ব্লাউজ খুলে সিঙ্কের হুন্স রাত্রিবাস গায়ে চাপিয়ে বিজ্ঞানায় এসে অভিমানের ভানে মমতা বলে, ‘নিজেকে কেন এত চেপে রাখ বলত ? চোখ দেখে ঢের পাই না আমি ! বড্ড ছেলেমানুষ তুমি। হ্যাভলক এলিসের ক’থানা বই তোমার জন্য কিনে আনব।’

‘শরীরটা ভাল নেই।’

‘ও !’

শরৎ শেষের স্নিগ্ধতা তপ্ত সহরের নিশ্বাস শুষছে। কুরাশায় সন্ধ্যা হয়ে যাচ্ছে ধোঁয়াটে, তার বেশির ভাগ ঝাঁটি ধোঁয়া, কয়লা খনির কয়লার ধোঁয়া, যেখানে মেয়ে-মজুর পুরুষের সঙ্গে কয়লা কাটতে কাটতে কয়লা-কালো ছেলে বিইয়ে ফেলে। আরিক এলো একদিন সন্ধ্যায় সময় মমতার বাড়ীতে, সঙ্গে তার পুলিশের লোক।

সিঁড়ির নীচের হলে দাঁড়ালো তারা মুখোমুখি।

মমতা বলল, ‘আরিক ! কি হয়েছে আরিক ?’

আরিক বলল, ‘যাচ্ছি মমতা।’

‘যাচ্ছ ? যাচ্ছ মানে ?’

‘জ্বলে যাচ্ছি।’

‘কেন?’

‘দেশের লোককে জাগতে বলে পরপর ক’টা লোকচার দিয়েছি বলে বোধ হয়। ঠিক জানিনে। বিচার-টিচার হবে না। উনি খুব ভদ্রলোক — ওই যে উনি, যিনি ‘আমায় নিতে এসেছেন। তোমার সঙ্গে একবার দেখা করব বলামাত্র রাজী হলেন। ছাখো, হাতকড়া পর্য্যন্ত পরান নি। অতদূরে দাঁড়িয়ে আমার ওপর শুধু চোখের নজর রেখেছেন। আমি ভেতরে চুকে খিড়কি দিয়ে পালিয়ে গেলে বোচারী কি বিপদেই পড়বেন। কিন্তু উনি নাকি আমাদের বিশ্বাস করেন। নিজেই বললেন, আমরা যদি কথা দি, মরে গেলেও নাকি সে কথা রাখি। রীতিমতো যেন শ্রদ্ধা করেন আমাদের! —কেন আছো?’

‘আরিফ!’

ছুহাতে আরিফকে জড়িয়ে ধরে তার মুখে চুমু খেয়ে মমতা বলে, ‘আরিফ! আমায় শক্ত করে জড়িয়ে ধরো। আমায় চুমু খাও।’

মমতা জানত, হীরেন ঘাড়ী আছে। হীরেন যে তার পিছু পিছু নেমে আসবে, তাও সে জানত। কিন্তু আদর্শবাদী মেয়ে বলে জানতো না, কিসে কি হয়।

সিঁড়ির মাথায় হীরেন কাঠ হয়ে দাঁড়িয়ে থাকে, নামবার জঙ্ক উঁচু করা পাটিকে উঁচু করে রেখেই। তাকিয়ে ছাখে মমতার আলিঙ্গন ও চুম্বন, আরিফের নাম ধরে তার আবেগভরা ব্যাঙুল ডাক শোনে। হঠাৎ কি করে বসবে এই ভয়ে দিশেহারী হয়ে তারপর সে ধরে চলে যায়। ইঞ্জি-চেয়ারে তাকে চিৎ হয়ে পড়তে হয়। বুঝতে পারে, তার সর্বাঙ্গ কাঁপছে। বিরাট একটা এলোপাথারি আন্দোলন তাকে গ্রাস করেছে সম্পূর্ণরূপে, তার রক্তমাংসে অস্থিমজ্জায় প্রমত্ত অস্থিরতা অথচ কি যেন একটা স্বরূপ হয়ে গেছে ভেতরে, মরে গেছে। উঠে গিয়ে একেবারে গোটা চারেক আ্যসপিরিন গিলে হীরেন আবার ইঞ্জিচেয়ারে গা ঢেলে দেয়। বহুতা, শুণামি চলবে না। সে সম্ভ্রান্ত পরিবারের শিক্ষিত ভদ্রসন্তান। আ্যসপিরিন খেয়ে হোক, শিরা কেটে রক্ত ধার করে হোক, ভদ্র তাকে থাকতেই হবে।

চোখের জলে আপসো চোখ নিয়ে মমতা ধরে আসে, ধপ করে বসে পড়ে একটা চেয়ারে।

‘আরিফ এসেছিল!’

‘জানি।’

‘একবার গেলে না নীচে? ওকে অ্যাবেস্ট করেছে।’

‘অ্যাবেস্ট করেছে? ও!’ সন্ধ্যার সময় প্রকাশ হল ঘরে নির্ভয় নিশ্চিন্তভাবে মমতার ওরফম আচরণের মানেটা হীরেন বুঝতে পারছিল না। এতবড় বাড়ী, এতগুলি নিরুর্জন ঘর, আরিফকে কোন ঘরে ডেকে নিয়ে গেলেই হত। এবার সে বুঝতে পারে, ‘আসুহারা’ হয়ে মমতা সতর্কতা ভুলে গিয়েছিল। এখানকার প্রায় অসহনীয় মানসিক

বিপর্যায়ের মধ্যেও এক সিনিক ফাজিল বন্ধুর বিশেষ প্রিয় একটি ভ্রাম্যমাণ কথা
হীরেনের মনে পড়ে যায় ; সিফিলিস আর প্রেম গোপন থাকে না । একদিন হাসি
পেত কথাটা শুনে । আজ শব্দগুলি বেন ভারি ধারালো শাব্দ হয়ে মনের মধ্যে
দাপাদাপি করে বেড়ায়, খুঁড়ে ফেলতে থাকে তার মন ।

‘এমন খারাপ হয়ে গেছে মনটা । কান্না পাচ্ছে সত্যি ।’

হীরেন কথা বলে না । এবার সচেতন হয়ে ভাল করে তার দিকে তাকিয়ে মমতা
ব্রিজেন্স করে, ‘কি হয়েছে তোমার ?’

‘নাথা ধরেছে ।’

‘অ্যাসপিরিন খাবে ?’

‘খেয়েছি ।’

মমতা ব্যথিত ক্লিষ্ট চোখে খানিকক্ষণ তাকে লক্ষ্য করে । মুহূর্তের বলে, ‘আরিককে
হুনি পছন্দ কর না ।’

‘সেটা কি আমার অপরাধ ? তোমার সঙ্গে ওর ছেলেবেলা থেকে ভাব, ভালবাসা ।
আমার সঙ্গে দুদিনের পরিচয় ।’

‘আমার সঙ্গেও তো তাই, আমায় পছন্দ হল কি করে তোমার ?’

‘তোমার কথা ভিন্ন ।’

কথা বলতে তার কণ্ঠ হচ্ছিল । মমতা উঠে এসে আলগোড়ে ইজিচেয়ারের হাতায়
বসে হীরেনের একটি হাত ছুঁতে মতো নিয়ে বলে, ‘তা নয় । আরিককে পছন্দ
কর না কেন বলব ? ওর সঙ্গে তোমার ভীষণ জেলাসি ছিল ।’

কথায় ব্যবহারে কি করে এত সহজ, এত অন্তরঙ্গ ভাব বদলায় রেখে চলেছে মমতা ?
আরিকের বুক থেকে খসে তার কাছে এসে আপন হওয়া কি এতই পুরাণো তার
অভ্যস্ত হয়ে গিয়েছে মমতার ? কিন্তু তাই বা কি করে তা ? এতকাল প্রতিদিন
গ্রেপার হয়ে হাজতে দাবার পথে আরিক তো তার সঙ্গে দেখা করে যেতে আসেনি ।
খাপনি আরিকের জন্ত বেদনায় কাণ্ড হয়ে অন্ততঃ কিছু সময়ের জন্ত স্বামীকে পরিহার
করে তার কাছ থেকে দূরে থাকাই তো স্বাভাবিক ছিল মমতার পক্ষে, আরিকের জন্ত
বুকভরা দুঃখ নিয়ে তার কাছে এসে প্রতিদিনের মত তার আপন সে হচ্ছে কি করে ?
হীরেন অন্তর্ভব করে, মমতা তার সহানুভূতি চায় । আরিকের জন্ত মনে সে ব্যথা
পেয়েছে, তাই স্বামীর কাছে সমবেদনা আশা করছে, সাব্বনা খুঁজছে ! মাথার মধ্যে
ঝিম ঝিম করে হীরেনের । একেবারে চারটে অ্যাসপিরিন খাওয়ার জন্ত কিনা কে
জানে !

হাত ছাড়িয়ে সে উঠে পাড়ায় । বলে ‘একটু ঘুরে আসি ।’ কান্নাটা টেনে নিয়ে
গায়ে দিতে দিতে আবার বলে, ‘ঘুরে আসি একটু ।’

‘আমিও যাব চলো । বড় বিস্তী লাগছে ।’

‘না, না। একটা দরকার আছে আমার।’

প্রায় আর্ন্তনাদের মত শোনায় হীরেনের কথা। প্রায় সে ছিটকে পালিয়ে যায় ঘর থেকে।

শুধু ঘর থেকে নয়, মমতার নাগালের সীমা থেকেও যেন চিরদিনের জন্ত। মমতাকে ঘিরে উপগ্রহের মত পাক খাওয়াই ছিল যেন তার জীবনের গতি, মাধ্য-বর্ষের মত অদৃশ্য বাধনটা ছিঁড়ে যাওয়ায় ছিটকে সরে যাচ্ছে দূর থেকে দূরে। কোথায় সে থাকে কি সে করে মমতা জানতে পারে না। কথা সে কয় ভাসা ভাসা, অল্প দু’চারটে কথা। কাজ করার ছুতোয় কাজের ঘরে ঢোকে বাড়ী ফিরে, রাত বারটা একটায় খোঁজ নিতে গিয়ে মমতা ছাথে সেই ধরেই বাড়তি বিছানাটিতে সে ঘুমিয়ে আছে। মাথা ঘুরে যায় মমতার। তার সঙ্গ পাবার জন্ত কাজ যার চুলোয় গিয়েছিল, গভীর রাত্রে ঘুম পেলে যে তার কাছে ছেলেকাম্বলের মত নালিশ জানাত মাঠের ঘুম পাওয়ার বিরুদ্ধে, তাকে ছাড়াই তার দিবারাত্র কাটছে, ঘুম আসছে মমতাহীন শূন্য বিছানায়!

মমতা জিজ্ঞেস করে, ‘কি হয়েছে তোমার? আমায় বলো। বলতে হবে আমাকে।’

‘কি হবে? কিছু হয় নি।’

‘কিছু হয় নি? একি অস্বাভাবিক কথা। তুমি ভাব আমার ধৈর্যের সীমা নেই?’ মমতার স্বর কড়া, ঝাঁঝালো।

‘আমি তো কিছু করি নি তোমার? আমি নিজের মনে আছি।’

‘হঠাৎ কেন তুমি নিজের মনে থাকবে? কারণ আছে নিশ্চয়। আমার জানবার অধিকার আছে কারণটা কি!’

ধৈর্যের সীমা আছে! কারণ জানবার অধিকার আছে! দিগন্তরীণ কথা ভাবে হীরেন, শশাঙ্কের মত স্বামীকেও যে দেবতার মত পূজা করে। তার বাড়ীর বোদের কথা ভাবে হীরেন, যাদের স্বামী-অল্প প্রাণ। অল্প স্পর্শ করতে দেওয়া দূরে থাক, প্রেমালু চোখে পরপুরুষ তাকালে পর্যাস্ত যারা ঘৃণাভরে মুখ ফিরিয়ে নেয়। মমতার স্নান বিবর্ণ মুখ আর সকাত্তর চোখে কঠিন আত্মনিষ্ঠার, অনমনীয় আত্মমর্যাদার স্পষ্ট অভিব্যক্তি দেখে জালাভরা উদ্ধত বেদনার সঙ্গে হীরেনের মনে হয়, সে যদি ওদের মত হত!

শেষে একদিন রাত এগারটার সময় হীরেন মদ খেয়ে বাড়ী ফিরে আসে। কাজের ঘরে গিয়ে শূন্য বিছানায় শোয়ার বদলে শোয়ার ঘরে যায়। মমতা বলে, ‘তুমি ড্রিন্ক করেছ!’

'করেছি।'

'কেন?'

'তোমার স্বস্তি।'

'তার মানে?'

'মানেনই তো বলতে এলাম। জী যদি হতে না পারবে। আমার স্বী হয়েছিলে কেন? আমি কি তোমার ক্রীতদাস?'

'হেঁয়ালি কোরো না। আজ ঘুমোও, যা বলবার কাল বোলো। এসো। শোবে এসো। ও আলোটা জ্বলেছ কেন? নিভিয়ে দিয়ে এসো। আমি তোমায় ঘুম-পাড়িয়ে দিচ্ছি।'

মমতার খোলা কাঁধ, আধ ঢাকা বুক, কোমরের বাঁকা তাঁজ দেখে হীরেন চোখ বোজে। ভাবে, এত মন খেয়েও একটু বেপরোয়া হবার সাতস তার হল না মমতার কাছে! নেশা তিত্তে হয়ে যায়, জীবন বিষাক্ত।

'এখানে থাকতে আমার ভাল লাগছে না মনু। কাল আমরা ওবাড়ীতে চলে যাব। বাবাকে দুঃখ দিয়ে, সবার মনে কষ্ট দিয়ে—'

মমতা চুপ করে থাকে।

'এসব তোমায় ছাড়তে হবে মনু।'

'কোন সব?'

'এই যার তার সঙ্গে মেশা, যেখানে সেখানে যাওয়া। মনু, আমার চেয়ে এসব কি তোমার কাছে বড়, আমি তোমায় এত ভালবাসি?'

মমতা চুপ করে থাকে বিছানায়, মাতাল হীরেন চুপ করে থাকে চেয়ারে। হীরেন ভাবে, মমতা তাকে শুতে ডাকবে। মমতা ভাবে, হীরেন এসে তাকে বলবে, নেশার খেয়ালে কি বলেছি, আমায় মাপ কর।

পরদিন নেশা কেটে গেলে হীরেন কথা ফিরিয়ে নেবে, এ আশাও মমতার পূর্ণ হয় না। নেশার ঝাঁকে হঠাৎ খেয়াল করা কথা হ্রাসে বলে নি যে নেশার সঙ্গে কথাগুলিও উড়ে যাবে অর্থহীন বিকার ঝুড়োনো ধুলোর মত। কদিন পরে মনের মধ্যে যে চিন্তা পাক খাচ্ছিল কিন্তু প্রকাশ করতে পারছিল না হীরেন, মদের নেশা শুধু সেটা প্রকাশ করার প্রেরণা ছুঁগিয়েছে তাকে।

মমতা তবু অবিখাসের স্বরে বলে, 'সত্যি সত্যি তুমি আমায় ফেলে ওবাড়ী চলে যাবে?'

'তোমায় ফেলে কেন? তুমি যাবে না?'

'সাধ করে কেউ জ্বলে যায়? তুমি যে বিপিনিষেধ জারি করেছ সে সব মানতে হলে আমার পদানতীন হয়ে থাকতে হবে ওখানে। সেটা কি তুমি সম্ভব মনে কর আমার পক্ষে? আমি অবাধ হয়ে গেছি হীরেন, বৃথতে পারছি না তুমি কি করে

এমন হয়ে গেলে। মনে হয় তামাসা করছ। কিন্তু তোমার মুখ দেখলে টের পাই
 ভেতরে সত্যি যন্ত্রণা ভোগ করছ তুমি। তারপর কাল ডিঙ্ক করে এলে। কেন
 এমন হ্যা নয় যে আমায় তুমি জানতে না চিনতে না। আমি তো বদলাই নি
 যেমন ছিলাম তেমন আছি। আমি কি ভাবি, কি করি, কি চাই সব জেনে শুনে
 কামান বিয়ে করেছিলে। আজ তোমার মতিগতি বদলে গেল কেন হঠাৎ ? মমতা
 মোটের চুটি প্রাস্ত কাপতে থাকে। সে-ই না ভেবেছিল হীরেনের মতিগতি বদলে
 দেবে—অতদিকে ? তার যেটুকু রক্ষণশীলতা আছে ধীরে ধীরে ভেঙ্গে ফেলবে
 বৈশ্বিক অভিসন্ধি সপায় করবে তার চিন্তার উৎসে, কত কাজ করিয়ে নেবে তাই
 দিয়ে—তার সঙ্গে মিলে, ড'মনে একসঙ্গে। আবস্ত হতে না হতে কি সব শেষ হতে
 দেখে বসেছে ?

নিজেকে অপরাধী মনে হতে থাকায় হীরেনের রাগ হয়। মমতাকে সে পাগলো
 মত ভাববেসেছিল, কথায় ব্যবহারে ইঙ্গিতে সম্বন্ধে একনিষ্ঠ আত্মগত্য ঘোষণা
 করেছিল অসংখ্যবার, সম্মতি না পেলেও পরম অধ্যবসায়ের সঙ্গে সে-ই বার বার
 মমতাকে ডিঙ্কা চেয়েছিল,—এই বৃত্তি তুলে মমতা আজ তাকে কাঁচ করতে চায়
 প্রমাণ করতে চায় সে অক্ষয় করেছে, সে-ই অপরাধী।

‘আমি ভেবেছিলাম’, হীরেন বলে, ‘বিয়ের পর এসব কোঁক তোমার কটা
 ধাবে।’

‘তাই নাকি ?’ কাঁকালো ব্যঙ্গের সুরে মমতা বলে, ‘তুমি ভেবেছিলে আমি
 পাচালি ফ্যাশনে মেয়ের মত ছেলেমানুষী করছি, বিয়ে হলে সেয়ে বাবে ? সব ছেলে
 দিয়ে শাস্ত হয়ে ঘর-কন্না করব ?’ মমতা সজোরে মাথা নেড়ে বলে, ‘না, তুমি
 ভাবোনি হীরেন। ওরকম ভাববার কোন স্বযোগ তোমাকে আমি দিইনি। তুমি
 বরং জানতে বিয়ে করলে আমার কাজের ক্ষতি হতে পারে ভেবেই আমি অনেকদিন
 তোমার প্রস্তাবে রাজী ছই নি। আমার প্রকৃষ্টিও তুমি জানতে। বধা দেওয়ার
 বদলে আমার কাজে তুমি সাহায্য করবে মনে করেই শেষে আমি রাজি হই, তাও
 জানতে।’ বলতে বলতে মমতার মথের কাঠিখ মিড়িয়ে গিয়ে গভীর বিষাদের ছাপ
 ঘনিয়ে আসে, চোখ বুজে একবার টোঁক গিলে মোজা হীরেনের চোখের দিকে
 তাকিয়ে বলে, ‘এক হতে পারে, আমায় তুমি ভালবাসোনি। এমন জোবালো
 আকর্ষণ বোধ করেছিলে যে তোমার তুল হয়েছিল। এখন সেটা কেটে গেছে।
 ওরকম হয়। তাই যদি হয়ে থাকে, খুলে বল না ? সব পরিষ্কার হয়ে যাক। জোড়াতালি
 দিয়ে লাভ কি ?’

হীরেন গোঁয়ারের মত বলে, ‘তোমায় আমি আগের চেয়েও এখন বেশী ভালবাসি।
 তাই না আজ আমার এই দশা। তোমার খেয়ালে বীদর নাচছি।’

মমতার মুখ লাল হয়ে যায়।

হীরেন আবার বলে, 'আমি ভালবাসি কিন্তু তুমি ভালবাসো না। আমি বুকেছি, তুমি আমার ভালবাসো না। তুমি ভালবাসো আরিফকে।'

'তুমি কি পাগল?' মমতা বলে হতভয়ের মত।

'পাগল হতেই বসেছি মমু।'

মমতা আত্মসম্বরণ করে। বিচিত্র চিন্তা ও অল্পভূতিব প্রবল আলোড়ন চলতে থাকলেও এতক্ষণে হীরেনের অসুস্থ পরিবর্তনের কারণটার হৃদিস পেয়ে তার যেন ধাঁধা কেটে যায়। সামনে ঝুঁকে সাগ্রহে সে বলে, 'এই ভাবনা মাথায় ঢুকিয়ে কদিন তুমি এ রকম পাগলামি করছ? দুখ ফুটে বলতে পার নি আমার? তুমি এমন সেক্টিমেন্টাল তাত্তো জানতাম না হীরেন! শোন বলি। আরিফ আমার ছেলেবেলায় বন্ধু, সন্ধের চেয়ে ধনিষ্ঠ, আপন বন্ধু, তার বেশী কিছু নয়। তুমি কি মনে কর ওকে ভালবাসলে ওর বদলে তোমায় বিয়ে করতাম?'

হীরেন উদ্ভ্রান্তের মত বলে, 'ভুল তো হয় মাতালের। সব সময় নিজের মন—'

মমতা জোর দিয়ে বলে, 'না, আমার ভুল হয় নি। আমি নিজের মন জানি।' একটু দ্বিধা ভরে মমতা থাকায় হীরেনের দিকে, একটু ইতস্ততঃ করে। হীরেনের দৃষ্টিভঙ্গি কতখানি সংস্কারমুক্ত ও বাস্তববোধী সে বিষয়ে তার যথেষ্ট সন্দেহ জন্মে গেছে গত কয়েকটা দিনের অভিজ্ঞতায়। হঠাৎ মন স্থির করে সে বলে, 'খোলাখুলি সব বলছি শোন। আগে, অনেকদিন আগের কথা বলছি, দু'একবার আমারও খটকা লেগেছিল, আরিফকে ভালবাসি কি না। কিন্তু সে সন্দেহ অল্পদিনেই মিটে গেছে। দু'চাববার এমনও হয়েছে যে ওর জন্য আমি জোরালো লেক্সার্জ ওষুধ ব্যবহার করেছি। যোগাযোগ হলে হয়তো কিছু ঘটেও যেতে পারত আমাদের মধ্যে। আর এও বঃছি, কিছু ঘটলে আমি আপশোষ করতাম না, মনে করতাম না পাপ করেছি।'

হীরেন বিস্ফারিত চোখে তাকিয়ে পাকে।

মমতা মুদ্র হেসে বলে, 'বুঝলে তো এবার? আরিফ শুধু ঘনিষ্ঠ আপন জন, বন্ধু। ভালো আমি তোমাকেই বাসি।'

'আমাকেই ভালবাসো? তবে তার প্রমাণ দাও?'

'প্রমাণ দেব?'

হীরেন হঠাৎ উঠে এসে পাগলের মত মমতাকে প্রায় চেয়ার থেকে ছিনিয়ে বুকে তুলে নেয়, এলোপাখারি বিশ পচিশটা চুম্ব দায় তার মুখে মাথায় বাড়ে।—'ও বাড়ীতে বাও বা না যাও, এইটুকু তুমি কর আমার জন্তে। দেশের কাজ সমাজের সেবা তোমায় ছাড়তে বলি না, এভাবে না করে অন্যভাবে কর? রেবা, মালতী, মিসেস সেন। এরাও তো কাজ করছে? ওদের মত একটু শুধু সংযত কর নিজেকে। ঘরের দিকে একটু মন দাও, আমার আত্মীয়স্বজন বন্ধু-বান্ধবের সঙ্গে একটু ভাব কর, সামাজিক জীবনটা একটু আমার ভোগ করতে দাও তোমার সঙ্গে। তুমি তো জানো মমু,

কখনো কোন বিষয়ে তোমার ওপর আমি হ্রোর খাটাব না ? এ জীবন আমার সইছে না । আমার মুখ চেয়ে এইটুকু ভূমি কর আমার জন্তে ।’

মমতা ধীরে ধীরে নিজেকে ছাড়িয়ে নেয় ।

‘এইটুকু !’ কঠিন বিজ্ঞপের তীব্র তীক্ষ্ণ হাসি বলকে ওঠে তার মুখে । ‘আমার সব কিছু ছেঁটে ফেলতে হবে—সে হল তুচ্ছ সামান্ত এইটুকু ! দশজন হালকা অপদার্থ মাতৃষের সঙ্গে মেলামেশা করে, পাটি দিয়ে, গান বাজনা গল্পগুজব পরচর্চা করে আর তোমাদের ফ্যামিলি পলিটিকস নিয়ে মেতে থেকে জীবন কাটালে ভূমি আমার ভালবাসার প্রমাণ পাবে ? তুমি তো ভারি সস্তা ভালবাসা চাও ? এ-রকম ভালবাসা দেবার মত মেয়ের তো অভাব ছিল না হীরেন ? ও-রকম একজনকে বেছে নিলে না কেন ? উপলে ওঠা ভালবাসায় তোমায় সে ভাসিয়ে দিত ।’

মমতা কঁদে ফেলে । হীরেন স্নান হয়ে থাকে ।

ভিন্ন

বুদুরিয়ার ক্রোশ দুই তফাতে একখানি বিচ্ছিন্ন শালবন । এটি ছাড়া এ অঞ্চলে আশেপাশে শালবন একরকম নেই । পথের ধারে মাঠে গ্রামের এখানে ওখানে এলোমেলোভাবে ছড়ানো গাছ চোখে পড়ে, বড়জোর কোথাও উঁচু ডাঙ্কায় ছোট একটি চাপড়া, বন না বলে বাকে শালের বাগান বলা চলে । চারিদিকে বহুদূর বিস্তৃত ক্ষেত্র ও ফাঁকা মাঠের মধ্যে এই ছোট শালবনটি যেন পৃথিবীর গায়ে নয়নাভিরাম প্রাগৈতিহাসিক জন্মচিহ্নের মত ।

বন কাটার কাজ চলছে কিছুদিন ধরে । উত্তরের খানিকটা অংশ হাতিমধ্যে লুপ্ত হয়ে গেছে । ডালপালা ছাঁটা ডগা কাটা সিধা লম্বা দৈত্য-দানবের লাঠির মত শত শত শালের স্তূপ জমেছে একস্থানে, শত শত গাছ সবুজ শাখাপত্র নিয়ে হুমড়ি খেয়ে ছড়িয়ে পড়ে আছে মাটিতে । সারাদিন গাছ কাটা, ডালপালা ছাঁটা, জালানি কাঠের টুকরো-গুলি কাটা, মাগে কাচা আদশুকনো কাণ্ডগুলি দুটি লরী আর অনেকগুলি গরুর গাড়ীতে বোঝাই দেওয়ার কাজ চলছে অবিরাম, উর্ধ্বধামে । আধ মাইল তফাতে পাকা রাস্তা, এদিকে রেল স্টেশন থেকে ওদিকে চলে গেছে সাগরতীরের বালিয়াড়ি বহল সহরে । মাঠ ও ফসলভরা ক্ষেতের বৃকের উপর দিয়ে ওই রাস্তা পর্যন্ত লরী ও গাড়ী চলাচলের একটা পথ গড়ে উঠেছে চাকার ছ’টি সমান্তরাল গভীর রেখায় । দরকার মত ক্ষেতের আল ভেঙ্গে দেওয়া হয়েছে । কিন্তু চাকার দাগের সঙ্গীর্ণতা আর আঁকা বাঁকা গতি দেখে অল্পমান করা যায় ক্ষেতের ফসল যতদূর সম্ভব কম নষ্ট করার দিকে নিয়ামকদের নজর আছে খানিকটা !

গাছ কেটে চালান দেওয়ার কাজ সাধারণতঃ ধীরে স্লো শিথিল গতিতেই চলে। কিন্তু গোড়ায় মজুরের অভাবে এবং কন্ট্রোল হেরথ চক্রবর্তী অন্তত বিশেষ ব্যস্ত থাকায় এতদিন কাজ ভাল এগোয় নি। খতে লেখা হিসাব মত সময় শুরুতর ব্রহ্ম সংক্ষিপ্ত হয়ে পাড়িয়েছে, সময় কিছু বাড়িয়ে নেবার চেষ্টাও বার্থ হয়েছে, তাই এক ভাড়াহাড়া। গাছগুলি কাটার পর ভাল করে শুকোলে রস মরে হালকা হয়, গাড়ীতে বেশী বোকা চাপানো চলে। কিন্তু সে সময়ও নেই—মাত্র কয়েকদিনের ব্যবধান রাখা হয়েছে গাছ কাটা আর চালান দেওয়ার মধ্যে। চেষ্টা চলছে আরও গোটা দুই লরী ও কঁতগুলি গরুর গাড়ী সংগ্রহের।

অগ্রহায়ণের সন্ধ্যা ঘনিয়ে আসছে। দূরে শাকালে দেখা যায় অস্পষ্ট কুম্ভাশী রূপ নিচ্ছে। আজকের মত কাজ শেষ। স্থানীয় মজুররা কুম্ভিয়া, নিতাইপুর, মহিষালি প্রভৃতি কাছাকাছি গায়ে তাদের কুঁড়ের উদ্দেশ্যে পা বাড়িয়েছে। কয়েকজন বিহারী মজুরও গায়ের দিকে চলছে। এরা গায়ের লোক নয়, ঘর-টান এদের নেই, কিন্তু বনের ধারে এখানে বিনা ভাড়ায় অস্থায়ী কুটির তৈরী করে দিতে চাইলেও তারা এখানে রাত কাটাতে রাজী নয়, লোকালয়ে ঘর ভাড়া নিয়ে তারা বাস করতে ভালবাসে, এক বাড়ীতে নয়তো এক ঘরে যতজন মিলে একসঙ্গে থাকা সম্ভব। মেয়েপুরুষ সাঁওতাল মজুররাই শুধু এখানে অস্থায়ী ঘর-সংসার পেতে বসেছে। ভালপালা লতাপাতা দিয়ে নিজেরাই তারা তিন চার হাত উঁচু ছোট ছোট কুঁড়ে বেঁধে নিয়েছে, টিক যেন বয়স্ক শিশুদের খেলার ঘর। কাঁকায় মাটির হাঁড়িতে ভাত রাঁধে, বাঁশের চোড়ায় তেল রাখে, পুরু কাগজের মত ঘন মোটা কাপড় কোমরে জড়ায় আর পিঠে ছেলে বাঁধার বা গায়ে দেবার চাদর করে, কাঁঠের চিরুণীতে চুল ঝাঁচড়ায়, খোপায় ফুল গোঁজে আর বাবরিতে লাল কাপড়ের ফালি জড়ায়, শালপাতার মোটা বিড়ি বানিয়ে টানে, মেয়েপুরুষে ভাত বা মহুরাব মদ খায় আর আগুন জ্বলে মাদক বাজিয়ে নাচে গায়—সুস্থ সবল স্ত্রী কালো দেহ আর সরল স্বাধীন দৃঢ় মন নিয়ে তিসাঙ্ঘেযতীন নির্ভয় নিশ্চিন্ত নিরোভ শান্তিপূর্ণ জীবন কাটায়। ব্যক্তিগত স্বাধীনতা আছে ব্যক্তিগত সম্পদের বোধ নেই, ভেদাভেদ বোধে না। দলের প্রধান দসেরই দান, দসের ইচ্ছায় সে প্রধান, অনিচ্ছায় নয়। মেয়েরা স্বাধীন, সমান, সম্মানীয়া—সভ্য জগতের স্বাধিকারচাত্তা সমস্ত নারী যখন পরাধীন পণ্যা মাত্র।

চেরা তক্তার মেঝে ও দেয়ালের উপর খড়ের পাতলা ছাউনী দেওয়া চারকোণা ঘরটির সামনে ক্যাম্প-চেয়ারে বসে হেরথ চক্রবর্তী সন্ধ্যা একটা চুরুট টানতে টানতে চোখ কুঁচকে বনের দিকে চেয়েছিল। তার নিজের চোপের নেশার কুম্ভাশায় দৃষ্টি একটু ঝাপসা হয়ে গেছে। দিনে সে কখনো মদ ছোয় না, আজ মনটা বড় বেশী বিগড়ে থাকায় অনেক দিনের অভ্যাসটাও বিগড়ে গেছে।

পিঠে বাঁধা শিশুকে সামনে ঘুরিয়ে এনে তার মুখে মাই গুঁজে দিয়ে সাঁওতাল রমণী

সামনে দিয়ে চলে যায়, হেরষের নেশায় টনটনে কল্পনা দৃষ্টির সামনে ভেসে আসে তার সাত ছেলের না আঙণের মত উজ্জলবর্ণী হৃন্দরী ত্রীর আবছা মৃতি। তার দশ বছরের বিয়ে করা বৌ, এত দিনের এত শাস্ত, এত ভাল, এত কোমল বৌ, হঠাৎ তার সঙ্গে এমন বৈষাদবি স্কন্ধ করেছে যে মনটা খিঁচড়ে গিয়েছে হেরষের। সতীরাগী যে কি করে এমন অবাধ্য, এত শক্ত হল হেরষ কল্পনাও করতে পারে না। পাঁচ ছ'মাস দেখা সাফাৎ ছিলনা, তারপর দেখা হবার প্রথম দিন থেকে গত পনের বোল দিন ধরে একটানা একগুঁয়ে অবাধ্যতা! আষাঢ়ের প্রথমে তারি মাসে সতীরাগী প্রসব হতে এসেছিল পচোটদলে তার বাপের বাড়ীতে, তখন থেকে হেরষ বনখালির কণ্টাক্তি আর ট্রেডিং সিণ্ডিকেটের সঙ্গে মামলা নিয়ে বাস্তব বিরত হয়েছিল, একদিনের জন্ম পচোটদলে 'খামতে পারে নি, কিন্তু নিয়মিত টাকা পাঠিয়েছে সতীরাগী আর শক্তরের নামে। সতীরাগীকে বাপের বাড়ী পাঠানোই তার বাবা মেয়ে আর নাতি নাতনীর জন্ম বত ধরত হওয়া উচিত তার অনেক বেশী টাকা বরাবর নানা ছলে তার কাছ থেকে আদায় করেন। টাকা সে পাঠিয়ে দেয় হৃৎকণাৎ, মনে মনে শুধু একটু হামে পক্ষাশ পাঁচাত্তরটা টাকা ফাঁকি দিয়ে নেবার জন্ম শক্তরের জন্মীয ফাঁকা বৈফিসৎ পড়ে। এবারও সে চাওয়ামাত্র টাকা পাঠিয়েছে। খিণা করে নি, প্রমাণ করে নি, দেবী করে নি। এ কথাটা বোধ হয় সতীরাগীর মনে নেই। বোধ হয় সে ভুলে গেছে যে হেরষ টাকা না দিলে বাপের বাড়ীর অসীম আদর ভাব কবে বিয়িয়ে যেত — এখন থেকে টাকা পাঠান যদি সে বন্ধ করে দেয়, কয়েক মাসের মধ্যেই সে টের পাবে বাপ তাই আর স্বামী এদের মধ্যে কে তার বেশী আপন।

ছেলে হবার ভয় ?

সাত ছেলের মার ছেলে হবার ভয় ?

সাতবার যে গর্ভধারণ করেছে বিনা বিধায়, 'আটন' মাস পূর্ণ হলে হেরষ বুদ্ধি বিবেচনা পূর্বক যার নিজের ও গর্ভের সন্তানের অনিষ্ট হওয়া নিবারণের জন্ম বৈঠকখানায় গিয়েছে, বাইরে রাত কাটিয়েছে, বলা মাত্র বাকে বাপের বাড়ী পাঠিয়ে দিয়েছে, কোন প্রয়োজন না থাকলেও কলকাতা থেকে ট্রেইনড, নাস আনিয়ে মার কাছে থাব বার বাবস্থা করেছে প্রসবের অনেক আগে থেকে — সে কিনা আজ তার সঙ্গে এক ঘরে এক বিছানায় শুতে অস্বীকার করেছে আবার সন্তান ধারণ করবার ভয়ে!

সতীরাগী যে বছর-বিয়োনী নারী, এ দোষ বেন হেরষের!

স্বাস্থ্য যদি তার খারাপ হত, প্রসব হতে যদি সে কষ্ট পেয়ে থাকতো, তা হলেও হেরষ তার আওঙ্কের মানে বুঝতে পারত। কোন কারণ থাক বা না থাক নিছক অর্থহীন আতঙ্ক হলেও হেরষ তা মেনে নিত। সতীরাগী এসে যদি আবদার করত তার কাছে, কেঁদে যদি তার গায়ে ধরত, কিন্তু তার মানটা শুধু বজায় রেখে যদি বলত যে কিছুকাল তারা তফাৎ থাকবে, হেরষ হাসিমুখে মায় দিত। প্রসব হতে ছ'মাস

করে সতীরাণী যে তফাতে থাকে, কাজের চাপে হেরে যে মাকে মাঝে মাঝে ছ'চার-
দিনের বেণী এবং কখনো ছ'তিন মাস বাড়ী আসতে পারে না, সতীরাণীকে ছাড়া কি
চলে না হেরদের ? মেয়েমানুষের কি অভাব আছে জগতে ?

এই জ্বালাটাই হেরে ছুলতে পারে না যে বিয়ের দশ বছর পরে সতীরাণী তাকে
এস্থানি ছোটলোক ভেবেছে যে স্ত্রী ও সন্তানের জনমীর সঙ্গে মাছের মশক যে
অলালা এটুকু সে জানে না ! আজ আছে কাল নেই মেয়েমানুষের হাট্ট সে যেন
ব্যবহার করে এসেছে সতীরাণীর সঙ্গে দশ বছর করে । এত করে করে এই টাটকা সে
যে রোজগার করেছে তা যে শুধু সতীরাণীর জন্য, এতটুকু কি সে বোঝে না ! তার
ইচ্ছা করলে সে যে প্রচণ্ড শান্তি দিতে পারে হাট্টে, চিরদিনের জন্য ছাপ করতে
পারে, একটা মাসোছারা দিয়ে আরেকটা বিয়ে করতে পারে কয়েক দিনের মধ্যে, এ
জানও কি সতীরাণীর নেই ?

নেই বলেই তো মনে হয় ।

'স্বাগত করো । করো স্বাগত । আমি বাঁচি ।' এই জ্বাল দিয়েছিল সতীরাণী,
বলেছিল, 'করো বিয়ে । বিয়ে করো । আমি বাঁচি ।'

হেরে বগড়া করে নি, ভয়ও দেখায় নি । সতীরাণীকে শুধু এই সখাটা বুকিয়ে
দেবার চেষ্টা করছিল যে তার সঙ্গে তার চিরকাল বাটাতন হবে, তার ইচ্ছা অনিচ্ছার
ওপর তার সমস্ত অবিকৃত নিভর করে, তার সঙ্গে এরকম ব্যবহার করা উচিত নয় । এই
জ্বাল দিয়েছিল সতীরাণী সেই উপদেশের !

কি পক্ষা একটা গরীবের মেয়ের যাকে সে দাসদাসী আত্মীয় কুটুম ভ্রাতা ও টানিবার
কর্তব্য করেছে, তার কোন সখ কোন জ্বাল তার সে অপূর্ণ রাখে নি !

পরাজয়ব জিন্দ বজায় না থাকায়, অসহ্য আকোশে হেরের মন পুড়ে যেতে থাকে ।
একবার, শুধু একটিবার যদি সতীরাণী নাহ তত, এতুম মানো ! পাঁচ বছরের জজ সে
রেহাই দিহ তাপে--দশ বছরের তত রেহাই দিহ । দু'দিনের সমস্ত অধিকার দিয়ে
এতদিন যেমন রেখেছিল তাহে মনি মাগায় করে রাখত কিং নিজে কোনদিন স্বামীর
অধিকার দাবী করত না ।

খানিক তফাতে নতুন বসানো টিউবওয়েল থেকে একটি বাঁওতাল মেয়ে ইঁড়িতে
জব ভরে, হেরে চেয়ে থাকে তার দিকে । অজ্ঞানিনের মতো মেয়েটির সন্তান হবে,
প্রথম সন্তান । মেয়েটির বহু উনিশ কুড়ির কম নয় । বাঁওতালদের সঙ্গে হেরেদের
ঘনিষ্ঠতা বহুদিনের । কম বয়সে কোন বাঁওতাল মেয়েকে সে নাহতে ছাধেনি । সারা
জীবনে ছ'সাতটির বেণী ছেলে-মেয়ে হয়েছে এমন বাঁওতাল রমণীও দেখেছে কদাচিত ।
পূর্ণগর্তী মেয়েটির জলতোলা দেখতে দেখতে এ-সখাটা হেরের মনে পড়ে যায় যে
বাঁওতাল মেয়েদের দুটি সন্তানের মধ্যে কম করেও সাধারণতঃ দু'তিন বছরের ব্যবধান
থাকে ।

মেয়েটিকে সে হাতছানি দিয়ে কাছে ডাকে। খাঁটি সাঁওতালী ভাষায় জিজ্ঞেস করে, 'তোমার পুরুষ কে?'

'নানকু।'

নানকু, দলের প্রধান কানাইয়ার ছেলে! বয়স তার চব্বিশের কাছে। তখন হেরেখের মনে পড়ে যায় নানকু ও এই মেয়েটির বিবাহোৎসবের কথা। মধুজ্বালের বনে শাল কাটাতে সে তখন সাঁওতালী গা গড়পায় আস্তানা করেছিল। মধুজ্বালের বনের ছোট একটা অংশ পেয়েছিল কিন্তু সেই অংশটুকুও কুমুরিয়ার এই বনের প্রায় সাতশুণ বড় ছিল এবং ঠিক এবারের মতই সময়ের টানাটানিতে বিব্রত হয়ে তাকে কাজ চালাতে হয়েছিল উর্দ্ধ্বাসে। গড়পার স্থায়ী বাসিন্দা হেমন্ত সাঁওতালের এই মেয়েটির সঙ্গে তখন ঘাঘাবর দলের নানকুর ভালবাসা হয়। কেবল মেয়ের বাপ নয়, গড়পা গায়ের সাঁওতাল সমাজ এ বিয়েতে আপত্তি করেছিল। কিন্তু এমনি এক মুহূর্তে নীতল সন্ধ্যায় নানকুর সঙ্গে মেয়েটি চলে আসে বনের প্রান্তে এ দলের শিবিরে। তীর, বর্শা বা টাঙ্গির আঘাতে ঘায়েল হবার জন্ত প্রস্তুত হয়ে নানকু গড়পার শেষ মাটির ঘরখানার পচিশ হাত ত্রফাতে জামগাছের নীচ শিয়ালকাঁটার ঝোপে তার জন্ত অপেক্ষা করছিল। বিয়েটা হয়েছিল যথারীতি এবং যথেষ্ট উৎসবের সঙ্গে কিন্তু ছ'পক্ষের রংগড়াটা সামলাতে হয়েছিল হেরেখকে। মিটমাট সে করতে পেরেছিল কিন্তু সেটা তার টাকার জ্বোর, গণ্যামাত্র তার জ্বোর বা দারোগা পুলিশের খাতিরের জ্বোরে সম্ভব হয়নি। সাঁওতাল সমাজের একজন বলে গণ্য হবার অধিকার আগে থেকে পাওয়া না থাকলে মধ্যস্থ হয়ে মিটমাটের চেষ্টা করার স্বযোগও সে পেত না। বছর দুই আগে সাঁওতালদের এক বড় পরবের দিনে সাঁওতালদের এক বিরাট মেলায় তাকে সাঁওতাল হবার অধিকার দেওয়া হয়--প্রায় পনের বছর ওদের সঙ্গে মেলামেশার পর।

উগ্র প্রতিক্রিয়ার বদলে হেরেখের মন আত্ম নিগ্রহের জ্বালাময় বিষাদে ভরে যায়। প্রথম দ্বীপনে প্রথম গুরুতর নৈতিক বা ব্যবহারিক অন্তায় করার পর যেমন চত্রেমনি অস্থিরতা তাকে আকুল করে তোলে। চুরুট ছুঁড়ে ফেলে সে ডাকে, 'ভরত!'

কাঠের ঘর থেকে ছিটের গলাবন্ধ কোট গায়ে শীর্ণকায় মাকবয়সী ভরত বেরিয়ে আসে। বসন্তের ছাঁপের মত মুখভরা অসংখ্য ব্রণের দাগ, চোখা নাকের নীচে বাবুয়ানি ছাটা গৌফ, লোমবৎল মাঠা ভুরু শোভিত কোটেরগত একজোড়া গোল কটা চোখ! পায়ে বাদামী ক্যাশিরের জুতো, চলাফেরায় শব্দ হয় না। হেরেখের সে পুরানো বিশ্বাসী অন্তর ও সেবায়েৎ।

'আরও খানিকটা চোলাই মদ চেয়ে আন দিকি।'

'হইঙ্কি খান না?'

'না না, চোলাই নিয়ে আয়।'

'ব্রাণ্ডির বোতলটা খোলাই হয় নি, সখ করে আনলেন। খুলব? চোলাই

টোলাই আপনার সময় না বাবু। পাঁটখানেক তো হয়েছে আর কেন ?'

'ঘা যা, বকিসনে বেশী !'

হেরষ মিঠে ভাবেই ধমক দেয়। ভরতের ওপর সে কখনো রাগ করেনা। প্রভুভক্ত প্রসাদলোভী উচ্ছিষ্টভোজী এই লোকটির প্রতি তার একটা বিশেষ স্নেহাঙ্গী প্রকাশের ভাব আছে। ভরত যে তাকে সত্য-সত্যই দেবতা মনে করে এবং মদ থেকে তার সব রকম উচ্ছিষ্ট দেবতার প্রসাদ বলে ভক্তির সঙ্গে গ্রহণ করে, অল্পদিন আগে তার এক চমকপ্রদ প্রমাণ পেয়ে হেরষ অভিভূত হয়ে গিয়েছিল।

গত ফাল্গুনের কথা। বনখালিতে সে নিজের উপস্থিত থেকে বন কাটোচ্ছে। মদ টাকাই আজ তার হয়ে থাক, যত লোকজন রাখাই সম্ভব হোক, হেরষ কখনো পরবেতার দিয়ে নিশ্চিন্ত হয়ে দূরে থাকে না, যেখানে তার কাজ সেখানে সে সব সময় গাজির। এই একটি নিষ্ঠা তাকে সাফল্য দিয়েছে, সাফল্য লাভের পরেও এ নিষ্ঠা সে হারায নি। নইলে পুলিশের এক জমাদারের ছেলে হয়ে জন্মে, প্রথম বয়সে ছ'শো একশো টাকার ছোট ছোট কণ্টাক্তি নিয়ে আরম্ভ করে আজ মাত্র বয়সে লাখটাকার কণ্টাক্তি নিয়ে কারবার করার সৌভাগ্য সে কোথায় পেত ?

ভরত নিজেরই যোগাড় বস্ত্র করে কাস্তপুর গায়ের এক গরীব গেরস্ত ঘরের রাখা নামে একটি মেয়েকে জুটিয়ে এনে দিয়েছেন। রাখার বাপ ছিল না, মং মা আর মং ভাইদের কাছে সে মাতৃষ। একদিন এই রোগা ছিপছিপে মেয়েটির চুলের মৃত্ত রক্ষণতঃ আর মুগের বিষাদকরণ শ্রী হেরষের মনে হয়েছিল কলকাতার বিশেষ এক শ্রেণীর মেয়েদের একজন বৃষ্টি প্রসাধনের বালাই চুকিয়ে শুধু রঙটটা ছেঁড়া একখানা তাঁতের শাড়ীতে গা ঢেকে গীয়ে এসে একটি জীর্ণ শীর্ণ গরুর গলায় বাঁধা দড়ি ধরে দাঁড়িয়ে আছে। লিভার একটু খারাপ ছিল হেরষের, বনের মধ্যে তাঁবুতে বাস করছিল একা, শায় আবার বসন্তকাল। চাপা পড়া মর্চে ধরা প্রাথমিক কাব্য কল্পনার আবর্জনার গুপু নাড়া খেয়ে একটু উতলা ও উৎসুক করে তুলেছিল হেরষকে। রাখাকে নিয়ে সে চলে গিয়েছিল কলকাতায়, বাড়ীভাড়া করে দিলে বালীগঞ্জে, বাড়ী আর রাখাকে সাজিয়েছিল হাল ফ্যাসানে। কত কল্পনাই সে করেছিল ওই মিঠে একটা অপ্ৰাপ্য কোন কিছুর জন্তু হঠাৎ জাগা পিপাসায়। ভেবেছিল, দু'দিনে দুরিয়ে যেতে দেবে না রাখার সঙ্গে সম্পর্ক, ওকে সে পড়াবে, গান শেখাবে, নাচ শেখাবে, আদব-কায়দা শেখাবে, ঘষেমেজে দাঁড় করাবে আশে পাশের বাড়ীগুলির তরুণীগুলির চেয়েও অপূর্ণ বসন্তে। আর ওকে গড়ে তোলার সঙ্গে গড়ে তুলবে ওর হৃদয়ের মিহি মধুর কারবার।

কিছু রাখা শুধু কাঁদে। তাঁবুতে এসে ঢোকা থেকে, রেলগাড়ীতে চড়া থেকে, বালীগঞ্জের বাড়ীতে ঢোকা থেকে, পুতুলের মত সাজা থেকে ছাপুস নয়নে শুধু কাঁদে। হেরষের আদর আক্লাদে ভোলে না, উজ্জল রঙীন ভবিষ্যতের বর্ণনায় কাণ দেয় না,— হেরষের লোমশ বৃকে, স্মিং-এর খাটের কোমল শয্যায়, সোফায় চেয়ারে, কার্পেট ও

ঝকঝকে তকতকে মেঝেতে সে শুধু ককিয়ে ককিয়ে কাঁদে ! আর শুধু কি তার কায়া, কাছে এনে সাজিয়ে গুজিয়ে নেবার পর কোথায় যে উপে গিয়েছিল তার মুখের সেই হাইক্লাস কাপচাৰী পেলবতার ছাপ ! প্রথম দিন সাবান ঘষবার সময় যে ময়লা উঠেছিল তার মূণ থেকে তার সঙ্গেই বোধ হয় সেই প্লানিমাটুকুও উঠে গিয়েছিল ।

সাতদিনে হতাশ ও বিরক্ত হয়ে হেরথের খৈৰ্যাচ্যুতি ঘটেছিল । শুধু একটি আকর্ষণ তাকে আরও কয়েকটা দিন রাখার জন্য কলকাতায় আটকে রেখেছিল, তার আলিঙ্গনে রাখার বিস্ফারিত চোখে অস্তিত্ব অদ্ভুত এক ভয়াৰ্ত্ত বিহ্বলতা । জীবনে একবার একজনকে চোখে শুধু হেরথ এই দৃষ্টি দেখেছিল—মৃত্যু ঘনিষে আসবার সময় তার এক সচেতন আত্মীয়ের চোখে । প্রথমদিন এই দৃষ্টি দেখে এক অনির্দিষ্ট ভয়ঙ্কর আতঙ্কে হেরথের স্ববস্পন্দন স্থগিত হয়ে গিয়েছিল । এত জোরে সে চেপে ধরেছিল রাখাকে যে মুখ তার কালি হয়ে গিয়েছিল, চেতনা হারিয়ে চোখ বুজে এসে তার সেই সাংঘাতিক দৃষ্টি অস্তহিত হয়েছিল ।

রাখার চোখে মৃত্যুকে আরেকবার দর্শন করার কোঁতুহল কি জোরালো বিকাৰেই যে দাঁড়িয়ে গিয়েছিল হেরথের । নবদীক্ষিত তাস্ত্রিক শব-সাধকের মত যে ক্রন্দনরতা রাখাকে দেখে ভেবে পেত না তার এই স্মীণ দুৰ্বল দেখে কোথায় লুকিয়ে আছে সেই অতুল গভীর ভয়ানক রহস্য দেখা শেষ হলেই বার বরূপ সে নিজেও আর মনে করতে পারে না । শেষে একদিন কাছে টানা মাত্র অক্ষুট শব্দ করে রাখা চোখ বুজে অচেতন হয়ে গিয়েছিল, একে তাত দিয়ে কিছুক্ষণ স্পন্দন অস্থলভব করতে না পেয়ে হেরথের মনে হয়েছিল সে বুঝি মরেই গিয়েছে । পরদিন হেরথ জোর পালিয়ে গিয়েছিল তার বনখাসির তাঁবুতে ।

আসবাবপত্র ইতিমধ্যেই কিছু বেচা হয়ে গিয়েছিল, বাকী সব তার বাড়ীতে পাঠাবার ব্যবস্থা হয়েছিল । ভরতের উপর তার ছিল ভেলায় করে রাখাকে জীবন সমুদ্রে ভাসিয়ে দেবার অর্থাৎ শহরের বিশেষ কোন একখানা ঘর ঠিক করে কিছু জ্বিনিসপত্র আর টাকা দিয়ে তাকে ফেলে পালাবার ব্যবস্থা করা । কয়েকদিন পরে রাখাকে সঙ্গে নিয়ে ভরত একেবারে বনখাসির তাঁবুতে উপস্থিত হওয়ায় হেরথের তাই বড় রাগ হয়েছিল ।

‘ওকে আবার নিয়ে এনি যে শুমার ?

‘একটা কথা আছে বাবু !’

‘ওরে ব্যাটা ! ওরে শালা ! ওরে হান্নামজাদা !’

‘বাবু, আপনি যদি অস্থমতি করেন, ওকে আমি বিয়ে করব !’

বিয়ে করবে ! ভরতের হাতেই রাখাকে হেরথ ছেড়ে দিয়ে এসেছিল, সখ হয়ে থাকলে ষতদিন ইচ্ছা রাখাকে ভোগদখল করার কোন বাধাই ভরতের ছিল না, কিন্তু তাতে ভরতের মন ওঠে নি । হেরথের এই উচ্ছিন্ন মেয়েটিকে ভরত যথারীতি মন

পড়ে বিয়ে করবে। বৌ করে নিয়ে যাবে দেশের বাড়ীতে তার মা বোনের কাছে, সংসার পাতবে ওকে নিয়ে। কত পাগল যে থাকে সংসারে!

রাধার সং মা ও ভাইয়ের সঙ্গে কথাবার্তা বলে ভরত রাধাকে বাড়ীতে রেখে এসেছিল। কয়েকদিন পরে দেশের গাঁ থেকে আত্মীয়-স্বজন বন্ধুবান্ধবের সঙ্গে এসে বথারীতি রাধাকে বিয়ে করেছিল; ভোজ খাইয়েছিল গাঁ ওক শোককে। বিয়ের জন্ত হেরা তাকে টাকা দিয়েছিল পাচশো।

রাধার নাকি আবার ছেলেপিলে হবে। ক'মাস আগে মার চিঠিতে খবর পেয়ে ভরত এমন ব্যস্ত হয়ে ক'দিনের ছুটি নিয়ে বৌকে দেখতে দেশে ছুটেছিল যে মনে মনে হাসি পেয়েছিল হেরাষের।

চোলাই মদ চালায় হেরাষ ভরতকে চমকে দিয়ে, ভয় পাইয়ে। চড়া বড়া নেশার চেয়েও অধিকী কিছু একটা চাইছে হেরাষ, অজ্ঞান হতে চায়? ভরত জানে, না দিয়ে উপায় নেই। যখন সে আপত্তি করেছিল, তখন বন্ধ করলে করতে পারত, তারপর আরও কিছু চোলাই যখন দিয়েছে এখন আর ঠেকানো যাবে না ব্যবকে। ভয়ে বুক কাপে ভরতের। দেবতার মধ্যে শিবের মত, মাহুষের মধ্যে এই হেরাষ। আজ সে ফেপেছে। প্রলয় ঘটে যাবে আজ পৃথিবীতে—রুমিরিয়ার উত্তরে, এই অর্ধেক পালক-তোলা পাথার মত শালবনের ধারে।

বলে, 'বাবু, শোবেন?'

'আনু তোর বৌকে, শোব। ছেলে হবে! শূঁয়ারকা বাচ্চার ছেলে হবে। ওটা কার ছেলে জানিস?'

'আমার সে তো ভাগ্য বাবু!'

হেরাষের প্রচণ্ড হাসি ছড়িয়ে যায় চারিদিকে—অসভ্য, ভুংসিত, তল্লীস হাসি। টিউবওয়েলের কাছে সাঁওতাল মেয়েটার মনে পড়ে যায় সর্কাদে কাদা মাথা দুটো মহিষের ফোস ফোসানি লড়াই। তার রাগ হয়। হেরাষও সাঁওতাল। সাঁওতাল হয়ে সে এমন অসভ্যতা করে, বর্কর পত্র মত হাসে!

'জল নেয় কে?' ভরতকে শুধায় হেরাষ।

ভরত ভাবে, সর্কানাশ! বলে, 'কে জানে কে। যাকনা বাবু, থাক না বাবু!'

'তুই আমার চাকর না মূনিব রে শালা?'

'চাকর, জুঁর। চাকর।'

'বল্ তবে, জল নেয় কে?'

'কুনাইয়ার মেয়ে ওপা।' ভরত ঢোক গেলে, 'মানকের সাথে ওর বিয়ে হবে ও মাসে।'

'ওপা? শোন এদিক শুনে যা।' হেরাষ ডাকে, হঠাৎ জাগা ভদ্র চালাকিতে গলা সংযত করে।

ওপা এসে দাঁড়ায়। হেরষ সাঁওতাল, তাদেরি দলের সাঁওতাল, ওপার ভয় নেই। সাঁওতাল মেয়ের চেয়ে স্কন্দর দেহের গড়ন পৃথিবীর কোন দেশের মেয়ের নেই সতীরাগী অবশ্য করসা, দুর্ধে আলতা রঙ। ওপার মত সাঁওতালী ছাঁদের একটু ঘে-ইঙ্গিত ছিল সতীরাগীর দেহে—বিয়ের সময়। মদের নেশার চাঁদের আলোয় মৃত্যু-চেয়ে অবশ্যস্বামী একটা সীমান্ত বেন ওপা হয়ে সামনে দাঁড়িয়েছে। হেরষের বিয়ের শানাই বাজছে সাঁওতালী বাঁশের বাঁশীতে।

‘ভিতরে চল্। আয়।’

‘না।’

পালাতে চাইলে ওপা পালাতে পারত। কিন্তু সে পালাবে কেন? মুখ ফিরিয়ে চলে যাবার উপক্রম করেছে, হাত ধরে টেনে তাকে হেরষ নিয়ে গেল তাঁবুর ভেতর। ওপার চকচকে দাঁত লাল হয়ে গেল হেরষের গলার বাঁ দিকের রক্তে। এক কামড়ে নেশা কেটে গেল হেরষের। হেরষ ছেড়ে দিতে ওপা তারই রক্ত মেশানো লাল খুখ ফেলল তার মুখে।

ঘাড় হেঁট করে হেরষ বলল, ‘যা তুই ওপা! যা, প্রধানকে বলিস বেশী মদ খেয়েছি।’

হেরষ জানে। এসব বাজে ওজর। মদ খেয়ে মরে গেলেও কোন সাঁওতাল কোনদিন অনিচ্ছুক মেয়ের হাত ধরে টানে না—মনেও থাকে না, মানেও বোঝে না, এরকম হাত ধরে টানবার। ওপা তাঁবুর পর্দা সরিয়ে বেরিয়ে যায়। এবার টাঙ্গি হাতে আসবে তার বাপ, ভাই অথবা ভবিষ্যৎ স্বামী। কেটে টুকরো টুকরো করে ফেগবে তাকে।

‘ভরত, বন্দুক দে।’

বাবু, এক কাজ করেন, পায়ে পাড়ি আপনার। লরীটা নিয়ে পালিয়ে যান।’

‘পালাব? কেন পালাব? ওরে শূয়ার, কটা সাঁওতালের ভয়ে আমাকে তুই পালাতে বলিস!’ ঘোং ঘোং করে হেরষ, ভরতকে বুঝি মেরেই বসে। গলায় দাঁতেও স্পষ্ট দাগ আর গর্ভ—রক্ত চুঁইয়ে ঘাড়ে নেমেছে। হঠাৎ মেজাজ বদলে যাওয়ায় ভরতকে ছোট চাপড় মেরে বলে, ‘তুই বুঝি ভাবলি ভয়ে ওপাকে ছেড়ে দিলাম? শোন ব্যাটা বলি শেখ। বাঙ্গালী মেয়ে কি করে? চেপে ধরলেই ভয়ে নয় রে ব্যাটা, প্রেমে—যত ভয় থাক, বিজিষ্ঠা থাক, যেম্মা থাক, চেপে ধরলেই সব ভুলে যায়, এলিয়ে পড়ে। বুঝলি? তাইতে হঠাৎ কেমন খেয়াল হল, দেখি সাঁওতাল মেয়ে কি করে। দেখলি তো কি করে? খেয়ালটা না জাগলেই ভাল ছিল রে ভরত! দে বন্দুক।’ রাত গভীর হয়, ঘুমে চোখ জড়িয়ে আসে, বন্দুকটা বাগিশের পাশে রেখে হেরষ শোয়। আনুক ওপার বাপ ভাই হবু স্বামী, কাটুক তাকে। মরণের চেয়ে ঘুম এখন বড়, অনিবার্য। হয়তো আজ রাতে ওরা কেউ আসবে না। কাল বিচার হবে তার।

খুব ভোরে ওঠাই হেরষের অভ্যাস। নেশা করে রাত জাগলেও ছাড়া ছান্দ লোকমেলো উদ্ভাস্ত স্বপ্নে সতীরাগীর নাগাল পেয়ে পেয়ে না পাবার পর ঘুম ভেঙে হাবের বাইরে এসে পাড়ানো মাত্র সব যেন এক মুহূর্তে ফাঁকা হয়ে গেল হেরষের কাছে। সন্ধ্যায় উগ্র নেশার প্রতিক্রিয়া যেন শুরু হল অভাবনীয় শূন্যতায়।

রাতারাতি সাঁওতালরা চলে গেছে। তাদের কুকুর নেই, মূগী নেই, গাছের দলে বাঁদা হাঁড়ি নেই, সকলের ডাকাডাকি নেই, শুধু পাড়িয়ে আছে ডগায় একটা জঘানো মাটিতে পোতা কচি পাশটি। লতাপাতা ভালপালার কঁচেন্ডুলি নার ভেপেচুরে মাটিতে লুটিয়ে বেগে দিশে গিয়েছে।

হেবদকে ওরা তাগ করেছে, বর্জন করেছে। নিজের ডটিল ক্রিমি ডাবাক্রাস্ত মন যাপনের সাথে সাথে সকল সহজ ৬ সংযত একটা জীবন সে যাপন করে লেছিল অনেকগুলি বছর ধরে ওদের সঙ্গে, সে এক রীতিমত স্বদীর্ঘ সাধনায়। ওদের দলের একজন হবার অধিকার পেয়েছিল তারই পুরস্কার স্বরূপ। ওরা তাকে ভাল বাসিত করি দিয়েছে। সে আর সাঁওতাল নয়।

তাকে কিছু না বলে, পোকাপসার স্বযোগ না দিয়ে, সবাই চলে গেল। সতীরাগীর অব্যাপ্যতার চেয়ে একদল অসভা নরনারীর এই নিখিরাবাদ নিঃশব্দ অরণ্যে ম আরও বেশী অসহ্য মনে হয় হেরষের। সতীরাগীকে নোহানো যায়। টা দরদ জানে, তকুমে না আশুক, ভাত ধরে টানলে না আশুক, দাবী করার পদলে কচি সকাতির বাথোজীর্ণ অস্বস্ততার ভাণ করলেই সতীরাগী ছিটকে এসে তার কলগ্না করে। কিন্তু এই সব অসভা বুনো মাছুয়গুলির কাছে ওসব উচ্চদরের ব্যাপবৎতার কোন দাম নেই, সত্য সত্যই অস্বস্ত হয়ে সে যদি গিয়ে পড়ে ওদের সঙ্গে, তার জন্ম যা দরকার সব ওরা করবে এখনো, পৌছে দেবে কোন সভা ভদ্র-লোকের পাশী কিম্বা সদরের হাসপাতালে কিন্তু ওদেরই একজন হবার অধিকার আর পাবে না। পায়ে ধরে কাঁদলেও নয়।

মুহামানের মত হেরষ বনের দিকে তাকায়। কি আরক্ত সূর্য্য উঠেছে বনের স্তম্ভ অংশের ফাঁকে, না কাঠলে এখনো ওই শালগাছের আড়ালে থাকত মুচ বাসায় ক্রুদ্ধ ঢকঢক লগ্ন এই সূর্য্য।

জীবনে আজ প্রথম হেরষ অনুভব করে সে বড় একা, বড় অসহায়, বড় সর্ব্বল, বড় তঃখী। বাকী শালবনের দিকে চেয়ে জীবনে আজ তার প্রথম বর্খোয়াদনার বদলে জাগে গভীর অবেদন, আলস্যের অন্তরায়। এ বন কাটিতে যে তাকে, নির্দিষ্ট সময়ের মধ্যে কাটিতেই হবে! কেন? কার কাছে সে কি অপরাধ করেছে যে কনট্রাক্টের পর কনট্রাক্টের মধ্যাদা রাখতে তাকেই পাটতে হবে? কিম্বাসে, সময়ের সঙ্গে পালা দিয়ে, ঘোড়দৌড়ের ঘোড়ার মত? কে সে? কে আছে তার? কার জন্ম, কিসের জন্ম এই কঠোর সংগ্রাম?

জীবনে এই প্রথম বলেই হয়তো বেলা বাড়ার সঙ্গে এই সহদয় বৈরাগ্যের ও
হেরষের কন্ঠে আসে, শুধু থেকে যায় একটা অনভ্যন্ত অস্থিরতা, অজানা বিঘাদের ছাং

বন কাটতে হবে বৈকি। বাপরে, এত টাকা খরচ হয়ে গেছে ইতিমধ্যে এ
সমসমত কাজটা না করলে কি লোকসানটাই দিতে হবে তাকে! দু'সপ্তাহ স
বাড়াবার জন্য দরখাস্ত পাঠিয়ে হেরষ লোকের সন্মানে খুমুরিয়ায় যায়। খুমুরি
ও তার আশেপাশের গাঁ থেকে লোক সংগ্রহ করে শাঁওতালদের অভাব পূরণ কর
হবে। মুশ্বিল এই যে এখন ধান কাটার সময়! গের্যো নিষ্কর্মা মজুররা পর্ণাস্ত দ
কাটার কাজে লেগে গেছে। ধান পাকলে তা ঘরে তুলতে দেবী করলে চলে ন
গরীব তো চাষীর! বড় গরীব।

ধান কাটতে হবে বৈকি। তা, হেরষের বনটাও তো কাটতে হবে তাই তাই
বনটা কাটা হোক, তারপর সবাই মিলে সারাবছর ধরে ধান কাটুক, কোন আপ
নেই হেরষের।

আপত্তি বীরেশ্বরের। এবং যেহেতু খুমুরিয়ায় বীরেশ্বরের প্রতিপত্তি কম ন
আপত্তি অনেকে, ছ'চারজন ছাড়া। বীরেশ্বর মাথা নেড়ে বলে, 'তা হয় না। ধ
নও হয়ে যাবে। বন তো রইল, ধান কেটে সবাই যাবে'খন বন কাটতে।'

'নবাব পাঞ্জা খাঁর মত কথা কইছ দেগি তুমি?'

'গাল দেবে না জামাই বাবু। ওটা সহ না।'

হেরষ চোখ পাকিয়ে তাকায়। বীরেশ্বর চোখ পাকায় না, সোজা তাকিয়ে ধায়
তার চোখের দিকে। চোখের তার পলক পড়ে কিন্তু পালায় হার মেনে চোখ না
না। হেরষের মনে হয় বীরেশ্বরের পিছনে দাঁড়ানো জন ঘাটেক লোকের প্রায় ঘ
জোড়। চোখ যেন বীরেশ্বরের চোখের মারফতে তার দিকে উদ্ধত ভঙ্গিতে তাকি
মাছে। জমিদারের জামাই সে, একজন প্রজা তাকে তুমি সম্বোধন করছে! কা
'তোও বিশ্বয় নেই, আতঙ্ক নেই। চটে উঠে বজ্জাত কথাটা বলা বোধহয় উচি
হয় নি লোকটাকে। অবশ্য, পা থেকে জ্বতা খুলে লোকটার গালে বসিয়ে দেওয়া
তার কড়বা, তবে কিন গরজটা এখন তার। আপাততঃ এ পাগলাকে না চটান
বোধ হয় উচিত।

হেরষ বাগ সম্বোধন বলে, 'ধান কাটে, না তোমরা, কে বারণ করছে। আমার শু
জা কপি পটিন লোক দরকার। বাকী সবাই ধান কাটে।' বীরেশ্বরকে ডিজি
অন্ত দকলকে ডুনিতে সে বলে, 'চড়া মজুরী দেব—দেব' বাজতি টাইম। বো
বাজতি টাইম পাবে।'

শ্বেত মজুর যারা উপস্থিত ছিল তারা উসখুস করে। শ্বেত তাদের নেই, ধান
কাটি আর শালবন কাটা তাদের কাছে সমান! উদ্ধত দৃষ্টিতে তারা কেউ হেরষে
দিকে তাকায় নি। ওটা হেরষের কল্পনা মাত্র। হেরষের সঙ্গে বীরেশ্বরের কথা

হাটকাটির স্পর্ধায় তার ভয়ে বিষয়ে খাঁ বনে গিয়ে হাঁ করে তাকিয়ে ছিল। হরেশ্বর মনে হয়েছিল ওয়া বুঝি বীরেশ্বরের চাউনিকেই নকল করছে।

জালালুদ্দিন দাঁড়িয়েছিল বীরেশ্বরের পাশে। বীরেশ্বরের চেয়ে তার বয়স বেশী, দাঁড়ি প্রায় সাদা হয়ে গেছে। তরুণ কিশোরের মত ছিপছিপে পুঞ্জ দেহ, গম্ভীর দেহে ফুলকাটা পাতলা কাপড়ের ময়লা পাঞ্জাবী, হালক সবুজের চেককাটা মুগ্ধি, সোমের মত মোলায়েম সাদা বাবরি চুল, চীন তুটি চোখে মোলায়েম স্বগত কাতুক। এই স্থূল, জগৎ আর গুরুভার জীবন যেন অতিশয় মজার ব্যাপার এত স্নেহের বেঁচে থাকা অতীতের ভাঙারে সঞ্চিত স্তম্ভরূপ আশ্রয়নাশ আনন্দবেদনায় স্পাকার অভিজ্ঞতা যেন একটি মাত্র সরল অক্ষুণ্ণ হাতে পুঁজিত হয়ে বুড়োবয়সের প্রতিটি মুহূর্তের বর্তমানকে তাজা শ্রামাসা করে রেখেছে। জালালুদ্দিনের মাটিটি চলেমেয়ে, বাইশটি নাতি নাতনি আর তিনটি পুত্রী—মবাতাজ বাদ দিয়ে। তেঁে সবাই থাকে না, জীবিকার জরুত্বদে মেতে কাচে দেবার। যার আছে তাদের নিয়েই তার মস্ত সংসার, বীরেশ্বরের সংসারের মত।

সাংসারিক মিলের জন্মই হয়েছে দু'জনের মিতানি, নব্বই দু'জনের গুরুত্বতে মে বড় কম। বীরেশ্বর রগচটা বদমেজাজী, জালালুদ্দিন দীর্ঘ ছিব শাখু প্রকৃতির ভূম। এমনিতে মনে করাই কঠিন যে জালালুদ্দিনের মদা দেওজ বকে কিছু আছে। তাদের জীবনে, চাবীর জীবনে, ছোটখাট সময় বেগেই থাকে এর সঙ্গে জবার সুর। বিবাদ করতে বড়ই নারাজী জালালুদ্দিন।

বিবাদ বাধার কারণগুলিকেই সে যতদূর সম্ভব এড়িয়ে চলে, বিবাদের স্তম্ভপাতে ঘেঁষে কিছু ক্ষতি স্বীকার করেও অপর পক্ষকে জিত্তিরে দিয়ে নিজে ছাতিমুখে হাঁ বমানে পোস রফা করে, বড় স্বাথের সংসারেও তার স্বাথই বিবাদের সঞ্চিত হয়ে থাকে। দই জাগে যে মাছবটা বুঝি অপদাখ, ভীক। বিস্তারের সঙ্গে মনে হয় যে, এটে ন তরল সাদাসিন্দে মাছবটা, এতকাল বার এত পট আন বত চালাক মত বইন কঠোর জীবন স গ্রামে অনেক চেয়ে বেশ খানিকটা সাজ ভায়েই টি কল করে। কিন্তু ত'চার বার গুরুতর ব্যাপারে এটে নাটির মাছবটিকেই যার ছাত্তনে রাজা গোষ্ঠার চেয়ে সন্ত হতে দেখেছে, কেঁতুক ভব, দৃষ্টির বদলে দু'চোখে আশিকার বেড়ে জেহাদ ঘোষণা, তাদের সন্মত সমস্ত সব ভিয়ে দেখে। নাবের দীক্ষ কারণে এই জালালুদ্দিন একবার জাটের চালাব ষটিতে বসে আচম্বল লাকের তে তার বদ মতলবের খুঁটিনাটি সব কথা স্বীকার করবে, পান জেল যোগে সঞ্চিত। ভয় আর লোভ দেখিয়ে, ষুমুরিচাপ হিংসি মুলনমান বুঝককে দিয়ে এমন কটা কাজ করতে যাচ্ছিল দীর্ঘ সরকার, যার ফলে গাঁবের তিন্দু মুসলমানে একটা বদরকম মারামারি কাঢ়াকাটি ব্যাপার ঘটে যেত। জালালুদ্দিনকে সেই নাভেবের ক্রতায় অনেক অজ্ঞায় অত্যাচাব সহিতে হয়েছিল। হঠাৎ একদিন সন্ধান বেগে

নায়েব মারা না গেলে কোথাকার জল কোথায় গড়াত বলা যায় না। এ ধরনে কীর্তি আরও আছে জালালুদ্দিনের। লোকে এখনো গল্প করে।

কথা সে কম বলে। গলায় আশুরাজ গুরুগভীর।—‘চারগুণ মজুরি দিলেন গায়ের কেউ যাবে না। যে যাবে তার মুশকিল আছে।’

সবাই শুনল। ক্ষেত মজুরদের উসখুসানি থেমে গেল। কয়েকজনের চোখ শুধু ফুটে উঠল কুটিল, দ্বিধাগ্রস্ত প্রতিবাদ।

বন্য মাইতি নীচু গলায় বলল, ‘জবরদস্তি বটে বাবা।’

কাদের সাথ দিল।

হেরেই কি ভাবল সেই জানে, বীরেশ্বর ও জালালুদ্দিনের সঙ্গে আর কথা কাটাকা না করে জোর গলায় হুক দিয়ে বলল, ‘তোমাদের কোন ভয় নেই। কোন মুশ্কিল হা না। যে জলুম করবে তাকে আমি দেখে নেব। ডবল পরমা পাবে সবাই, চলে এসে।’

এক মুহুর্ত না দাড়িয়ে সে জোরে জোরে পা ফেলে চলে গেল জোতদার নিত্য চক্রবর্তীর বাড়ীর দিকে। নিত্যহইয়ের বাড়ী থেকে সে গেল আবতুল-এর বাড়ী।

নিত্যহই চক্রবর্তী নখিপত্র দেখছিল, ঘুবিয়ে ফিরিয়ে হিসাব করছিল কার ক থেকে কতটা বেশী আদায় করা সম্ভব হতে পারে। শুভদিন, লক্ষীর আশীর্বাদ কুড়ি গুছিয়ে ছিনিয়ে সংগ্রহ করবার দিন আসন্ন, চাপা উত্তেজনাও নিত্যহই চক্রবর্তীকে রীতিমতো উত্তান দেখাচ্ছে। তার গোলায় পড়েছে গোব্দে মাটির নতুন শ্ৰেণে উজ্জল দেখাচ্ছে কপালে চন্দনের ফোটা।

‘বীরেশ্বর?’ জিন্দে ক্রোধ ও বিরক্তির টকাস আশ্রয় করে নিত্যহই ব ‘ও বাটা চিরকাল জালাল। অন্যথ মণ্ডল ওদের প্রদান, সে পর্যন্ত বাটাটাকে উরায় তা আপনি ভাববেন না জামাইবাবু, লোক পাবেন।’ চিন্তিতভাবে নিত্যহই মাথ দোলায়, ‘দান কাটা শুরু হয়ে গেছে, এই যা অন্তবিশেষ। নস তে’ লোকের অভাব কি তা আপনি ভাববেন না জামাইবাবু! লোক পাবেন।’

আবতুল হাই-এর বয়স চল্লিশের ওপর, গোলগাল চর্কি-স্নিক লাবণ্যময় চেহার হাসিমুখে অমায়িক ব্যবহার। অতাসু চালাক ও প্রতিভিসাপরায়ণ। গ্রাম রাজনীতিতে, মামল: মোকদ্দমায় এ মঞ্চলে তার জুড়ি নেই।

হাসিমুখে কথা বলতে বলতেই একবার হাই তুলে এক মুহুর্তের জন্য সে আড়াচোখ খাপছাড়া দৃষ্টিতে তাকাল হেরেশ্বরের দিকে, মনে মনে বলল, হাঁ, ক্যাকাড়া বাধাতে এসে আমাদের মধ্যে। তোমাকে লোক যোগান দিতে জালাল মিঞার সাথে লড়াই বাধাব আমি!

মুখে বলল, ‘হা, হাঁ, চেষ্টা করব বৈকি বাবু। তবে কি জানেন, বীরেশ্বরকে সবাই উরায়। জালাল মিঞার সাথে বড় ভাব। ফের দেখুন, ধান কাটাও শুরু হয়ে গেছে—এই যা মুশ্কিল আর কি।’

খুমুরিয়া আর তার আশপাশের পাঁচনিখে, সাতাইখুর্নী, গদাধরপুর এসব গ্রাম
 কে যে কজন লোক পেল হেরস্ব তাদের সংখ্যা আঙ্কুলে গোণা যায়। এ যে শুধু
 রেখরের প্রভাবে হল তা অবশ্য নয়, চার পাঁচটি গ্রাম দূরে থাক, শুধু খুমুরিয়ার
 কি ভাগ লোককেও বুঝিয়ে শুনিয়ে ভয় দেখিয়ে হুকুম মানাবার কামতাও তার ছিল
 না সন্দেহ। সময়টাই গেল হেরস্বের বিপক্ষে। ফসল কাটার শুধু চাষীর নয়
 মদার, জোতদার, ভাগীদার, মহাজন সকলের স্বার্থই জড়িয়ে আছে। অল্প সময়
 ল একা নিতাই চক্রবর্তী একদিনে বিশ ত্রিশজন লোক জুটিয়ে পাঠিয়ে দিতে পারত
 কাটতে, এমন সে তিনজন প্রায় একেজে বড়োকে পাঠিয়ে হেরস্বের মান ও
 জের কথা বজায় রাখল। বনটা বড় হলে বেশীদিন মোটা মজুরিতে কাজ করার
 ব্যবস্থা থাকলেও তখনই অনেকে লোভে পড়ে কারো হুকুম না মেনে মাঠের কাজ
 লে চলে যেত। কয়েকটা দিনের ডল মজুরির লোভে যাদের সঙ্গে চিরদিনের
 বা সময় তাদের চটানো অনেকেরই ভাল মনে হল না। শাইরে থেকে যারা
 সছিল দান কাটার মরসুমে মাঠের কাজ করতে, এখানে যাদের কেউ নেই, তারা
 শুধু বন কাটতে গেল। এখানে যাদের ঘর কিছু ফসলের সময় ছাড়া সারাটা বছর
 দূর বিদেশে জীবিক অর্জন করে তারাও প্রায় কেউ হেরস্বের ডাকে শাসা দিল না।
 হেরস্ব কিছু দায়ী করল বীরেশ্বরকে। যারা সাহায্য করতে পারত তারাও যে মুখে
 থেকে কথা দিয়েও কাজের বেলায় অস্বগত লোকজনকে বাধা করে দিয়েছে এবং এদের
 দ্বারা অনেকেই যে বীরেশ্বরের বিরুদ্ধে বেশ জোরালো বিদ্বেষ পোষণ করে, এমন
 হেরস্বের মনে এল না। বীরেশ্বর ছাড়া আর কেউ সোজাসজি স্পষ্টভাবে তার
 বিরোধিতা করেনি বলেই একা বীরেশ্বরই দায়ী হয়ে রইল তার মনে।

শ্বরের কাছে সাহায্য চাইতে যাওয়ার ইচ্ছা হেরস্বের ছিল না। সেখানে
 সতীরাণী আছে। কিন্তু অস্বভাবে চেষ্ঠা করারও সময় ছিল না। শ্বরের কাছে
 গিয়ে দাঁড়াতে হওয়া বীরেশ্বরের উপর রাগটা তার আরও কয়েক ডিগ্রী চড়ে গেল।

হুকুম, দমক আর লাঠির শ্রুতোর তাদিনের মধ্যে শপথনের মাস্তমকে হেরস্বের
 মন কাটতে যেতে হল। খুমুরিয়ার মাস্তমেরাই লাঠির শ্রুতোর গেল বেশী—খুমুরিয়া
 থেকেই বেশী লোককে যেতে হল মাঠ ছেড়ে বনে।

পাঁচনিখের দারোগা শৈলেন দাস বীরেশ্বর ও জালালুদ্দিনকে এ তদ্বিন খানার গারদে
 এটিকে রেখে সদরে চালান দিল, দাঙ্গাহাঙ্গামা বাদানোর চেষ্ঠা এবং মারপিটের
 অভিযোগে। পুলিশকে মারপিট নয়—দনা, কাদের ও আরও কয়েকজনকে।

দনা ও কাদেরকে বীরেশ্বর সত্যই মেরেছিল। জালালুদ্দিন বাড়া থেকে বেরিয়েছিল
 শুধু প্রতিবাদ করতে—জর গায়ে।

শৈলেন দাসের বয়স মোটে আটশ বছর। ফর্সা রঙ, ছিপছিপে গড়ন, স্ত্রী
 চাহারা। শিক্ষিত ভদ্র পরিবারের ছেলে, সতক, বুদ্ধিমান, উৎসাহী। একটা কথা

শৈলেন জানে ও বিশ্বাস করে যে কোন বিষয়েই বাড়াবাড়ি করতে নেই, ষড়টুকু প্রা
হেরঘের তার বেশী খুসী তাকে করার গরজ শৈলেনের ছিল না।

শৈলেনের ভেবেচিন্তে হিসেব করে লেখা রিপোর্টে তাই ব্যাপারটা বিশেষ গুরু
রূপ নিল না। বীরেশ্বরের সাজ হল একমাস জেল এবং একশো টাকা জরিমা
অনাদায়ে আরও একমাস হাজতবাদ। জালালুদ্দিনের শুধু তিন সপ্তাহ হাজতবা
তার বিরুদ্ধে মারপিটের অভিযোগ ছিল না। বীরেশ্বরের কাছ থেকে জরিমানা আ
হলে অর্ধেক টাকা ধনা ও কেদার পাবে ক্ষতিপূরণ হিসাবে।

ধনা ও কেদার পাবে তার জরিমানার টাকার ভাগ! শুনেই মাথা বিগড়ে
বীরেশ্বরের। জরিমানা দিতে সে অস্বীকার করল। ছেলেদের বলে দিল, ত
যদি জরিমানার টাকা দাখিল করে, হাজত থেকে বেরিয়ে সে তাদের মুখদ
করবে না।

রস্তা ঝুমুরিয়া এল দিন শুধে, হাজত-ফেরত বাপ'ক আদর করে ঘরে তুলবে। ও
সে পেয়েছিল খথাসময়েই, তাকে নিয়ে অবিলম্বে ঝুমুরিয়া রওনা হবার জন্তু রামপা
আগ্রহও কম ছিল না। রস্তা দিন পিছিয়ে দিয়েছিল। বাপ নেই, সে কিসের বা
বাড়ী। বাপের কথা ভেবে মিছিমিছি কান্না পাবে শুধু।

কলকাতায় বাপের কথা ভাবে নি রস্তা, তার কান্না পায় নি? সত্য কথা বল
কি, খবর শুনে বেশ ভালরকম কান্নাই তার পেয়েছিল। চালাক একগুয়ে মেয়ে কি
কান্নাটা তাই সে গিয়েছিল চেপে। মুখখান: একটু ম্লান পর্যন্ত করল না। ভা
রামপাল দেখুক এবং শিশুক যে অচ্ছাযের বিরুদ্ধে রুখে দাড়িয়ে জেলে যাওয়ার গৌ
কত, কেমন গুটা সৌভাগ্যের বিসং।

‘কষ্ট হচ্ছে না তোমার?’

রস্তা সগর্বে বলেছিল, ‘কিসের কষ্ট?’

যলো রামপাল একেবারে ভাবাচ্যাক: খেয়ে গেছে দেখে শুধরে নিয়ে বলেছি
‘ওম, কষ্ট হচ্ছে না? তোমার বাবা জেলে গেলে কষ্ট হয় না তোমার? কিন্তু
বুকের পাটা ভাবো দিকি বাবার! গায়ের কেউ কথাটি কইলে না, শুধু আমার ব
জমিদারের লোক পুলিশের লোক সবার সামনে তাল ঠুকে দাড়া। বাবা সর্ক
পুজো পাওয়ার যুগি নয়?’ এতক্ষণে চোখ ছল ছল করে এসেছিল রস্তার, পট
করে কবার পলক ফেলে ধরা গলায় বলেছিল, ‘কষ্ট হলে করছি কি বলা? সৃষ্টি
বলত, এদেশে মানুষের মত মানুষ যে হবে জেলে তাকে যেতে হবেই, এমনি
এটা। সত্যি না কথাটা? গান্ধীজি থেকে শুরু করে নাম কর দিকি একটা
মানুষের, আন্দোলক জীবন যে জেলে কাটায় নি?’

রস্তা আজকাল অনবরত এইরকম সোজা স্পষ্ট প্রোপাগান্ডা চালাতে আর

ঘরেছিল, কোন একটা উপলক্ষ পেলেই হল। কেবল রামপাল নয়, বাবীও লোকের গছে। জানাশোনা কথারই পুনরাবৃত্তি রস্তার আন্তরিকতার আবার নতুন করে কলের মন স্পর্শ করে, একটা অস্পষ্ট দুর্কোথা অস্বস্তিবোধ জাগায় সকলের মধ্যে, নদভোলা তাকে তোলা নালিশগুলি আবার কিছুক্ষণের জন্য গুমরে ওঠে বৃকের মধ্যে, কউ মুচক হেসে বলে, 'ও বাবা, স্বদেশী মেয়ে তুমি?' আগে হু হু তে রস্তা রেগে ত হাসি দেখে এবং মস্তব্য শুনে, আজকাল সেও হেসে জবাব দেয়, 'নয় তে কি দেশী মেয়ে? মেম?'

ঝুমুরিয়া পৌছেই রস্তা শুধায়, 'বাবা ছাড়া পাবে করে?'

শ্রামলাল বলে, 'আরও একমাস।'

ব্যাপার শুনে আগুণ হয়ে ওঠে রস্তা। বীরেশ্বর বারণ করেছে বলে জরিমানার কা জমা দেওয়া হয় নি! এমনি সব বাপ-ভক্ত উপযুক্ত ছেলে বীরেশ্বরের! বাপ কটু রাগ করবে, এসে ছুটো মন্দ কথা বলবে বলে ভয় হয়েছে সবার! এই একটা তো পেয়ে বাপকে ছেলেরা জেলে পচাচ্ছে একশোটা টাকা রজত—ভোগ করছে সেই পের টাকাপয়সা জমি-জমা!

'বাবা যদি আত্মঘাতী হতে যেত, ঠেকাতে না তো বাবাকে? রাগের ভয়ে আত্মঘাতী হতে দিতে বাবাকে?'

মুখ কালো করে সবাই শোনে। এ বিষয়ে যে অনেক আলোচনা হয়েছে বাবীতে, বীরেশ্বরের বারণ অমাত্র করেও যে জরিমানা দেবার কথাটা তারা ভেবেছে অনেকবার কিন্তু মনস্থির করতে পারে নি শেষ পর্যন্ত, এসব রস্তাকে কেউ বলে না। স্বিদাসশয়হীন ঠীর ভাষায় এমন জোরের সঙ্গে রস্তা বলে দিয়েছে তাদের কি করা উচিত ছিল যে মনস্থির করতে না পারাটাই মস্ত অমার্জনীয় অপরাধ হবে দাঁড়িয়েছে। তাই বটে। তাই বটে! রাগ না হয় করতই বীরেশ্বর, এসে ছুটো গাল মন্দই দিত, তাই বলে মোড়া বাপকে জেল থেকে খালাস করে না আনার কোন মানে হয়? মেয়ে তো আর স ফেলত না বাবীর সবাইকে।

সকলে চুপ করে থাকে। ছোট মোহনলাল, এ বাবীতে যে সকলের চেয়ে রোগা হার বেঁটে, সেই একা প্রতিবাদ করে রস্তার ঝাঁজালো সমালোচনার, বলে, 'অত ছোটপাট করিস নে ছোড়দি, বাবা তোর একার বাবা নাকি? আমরা ছাড়িয়ে অন্যতম বাবাকে, বাবার মনে কষ্ট হবে বলে আনি নি।'

'কিসের কষ্ট?' রস্তা শুধায় অবাক হয়ে।

'ধন: আর কাদের যে জরিমানার টাকা পাবে?'

'ধন: পাক মন: পাক কাদের পাক ফাদের পাক, মোদের তাতে কি?'

এ প্রশ্নের লাগসই নতুন জবাব মোহন খুঁজে পায় না। সে শুধু বলে, 'বাবার মনে কষ্ট হবে।'

পরদিন শ্রামলাল জরিমানার টাকা জমা দিতে সদরে গেল। টাকা জমা হয়ে গেল সেইদিন, ছাড়পত্র পেয়ে বীরেশ্বরের বাড়ী ফিরতে লেগে গেল পাঁচ দিন। কার কত গরজ পড়েছে পুরাণো নথিপত্র ঘাঁটবার? হবে, সব হবে, ধীরে হচ্ছে। এতই যদি ব্যস্ত তারা, এতকাল জমা দেয় নি কেন টাকা? পুরো একটা মাস কি যুমোচ্ছিল তারা?

শেষে দেবনারায়ণ উকীল বললেন, 'দাঁও দিকি দশ টাকা।'

তৈলাভাবেই শেষ চাকা ঘুরছিল না। তেল পাওয়া মাত্র চাকা ঘুরে গেল বীরেশ্বর ছাড়া গেল সেইদিন।

দেখা গেল বীরেশ্বর রাগ করে নি। সে শুধু একবার আফশোষ করে বলল, 'দরকার ছিল অতগুলো টাকা নষ্ট করার? কটা দিন বেশ কেটে যেত।'

'বড় রোগা হয়ে গেছ বাবা।' রঞ্জা বলে।

বীরেশ্বর হাসে।—'তবে কি মোটা হব?'

রঞ্জা এক বাটি দুধ এগিয়ে দেয়। 'দুধটা খাও দিকি আগে।'

দুধের বাটিতে চুমুক দিতে দিতে বীরেশ্বর জিজ্ঞেস করে, 'কত ধান বরবাদ গেল?'

'এই গেছে কিছু।' শ্রামলাল জবাব দেয়।

'মোদের কথা শুধোইনি। গাঁ শুদ্ধ ধরে?'

'তা মোটামুট মন্দ যায় নি। সবচেয়ে বেশী গেছে ভূতো, ননী, কালীপদ আ রহমতের। আন্দেক-ও ঘরে তুলতে পারে নি। কম বেশী সবারি গেছে।'

'এত গেল?' বীরেশ্বরের এক চুমুকে জাম বাটি ভরা দুধ শেষ করে ফেলে।—
'মোদের কত গেল?'

'এই গেল কিছু।'

'কত?' বীরেশ্বর গর্জন করে ওঠে, 'ছাপাসনে কিছু। সোজা কথা বলে শিখিস নি?'

শ্রামলালের বদলে জীবনলাল জবাব দেয়, 'ডাঙ্গা জমির প্রায় সব নষ্ট। হেরেছবা সারাদিন লরী চালাল কিনা ক্ষেতের ওপর।'

'দখিন জমির আল ডিপোতে লরীর একটা চাকা ভেঙেছে বাবা।' মোহনলাল যোগ দেয়। সাত বিঘে জমির পাক ফসল চাকার পেয়ার প্রায়শ্চিত্ত স্বরূপ একটা চাকা যে অসুতঃ লরীটার জখম হয়েছে তাতে মোহনকে বেশ সন্তুষ্ট মনে হয়।

বীরেশ্বরের বাড়ীর সামনে লাউ কুমড়োর মাচা। ডাইনের মাচায় ঝুলছে অনেকগুলি বড় আর কচি লাউ। এই সবুজ সফল মাচা থেকে চোখ তুলে উত্তরে তাকিয়ে কেমন একটা শূন্যতার অনুভূতি জাগে বীরেশ্বরের। অনেক দিনের চেনা মাছ যেন গৌঁ দাড়ি কামিয়ে সামনে এসে দাঁড়িয়েছে। উত্তরে শাল বনের চিহ্ন নেই, পৃথিবীর উত্তরে মুখটা যেন টেছে সাফ করে ফেলা হয়েছে।

মনটা হুয়ে বাঁকা হয়ে যায় বীরেশ্বরের। জীবনে আর কখনো সে এমন জগদল পাবাণের মত ভারি ভ্রমট বাঁকা বিষাদ অল্পভব করে নি। আজ তার প্রথম মনে হয় মানুষটা যে স্বস্থ স্বাভাবিক নয়, সে সত্যই খ্যাণা, পাগলাটে, খাপছাড়া। লোকে যে বলে তাই ঠিক, মাথায় তার পোকা আছে। এতদিন কার সঙ্গে সে লড়াই করে এল, কিসের সঙ্গে? ভগবান জানেন, লড়াই সে করেছে অবিরাম। বাইরের বড় সংঘর্ষের সুযোগ তার বেশী জ্বোটেনি, দৈনন্দিন জীবনের অনেক অনিয়ম, অনাচার, অবিচার অত্যাচার সে সেরে গেছে নিরুপায় দৈর্ঘ্যের সঙ্গে, কিন্তু মন তার মহত্তম অসঙ্গতিকেও মেনে নেয় নি, উত্তত, উদ্ধত প্রতিবাদ গুমনে গর্জন করেছে। সব তার মাথার বিকারের লক্ষণ—চড়া ব্যায়ের প্রমাণ। কি এসে গেছে তার প্রতিবাদে? বা ঘটবার সবই ঘটেছে, কেউ ঠেকাতে পারে নি। এই হয় তো নিয়ম জগতের। ঝড় এসে ঘর ভাঙে বলে, ঝড়ের নামে নাশিশ করে কে যে এটা, উচিত নয়, এ অত্যাচার, এ অত্যাচার? পাগল করে। মাথা ঝার খারাপ বীরেশ্বরের মত।

সূর্য এসে সামনে দাঁড়ায়।

'খবর পেয়ে দেখতে এলাম।'

মাঘের মিঠা রোদে কেমন প্রাংশুতা মনে হয় সূর্যের রক্তহীন শীর্ণ ফ্যাকাশে মুখ, তার স্তিমিত নিবু নিবু চোখ।

'খপর অনেকেই পেয়েছে।'

সূর্য হাসে। সত্যি হাসে। কি করে যে হাসে ভগবান জানেন।

'আসবে। সবাই আসবে। বাজারে আদ্যক দোকান বন্ধ হয়ে গেছে। স্থলের আদ্যক ছেলে বেরিয়ে এসেছে। দল বেঁধে প্রসেশন করে সবাই আসবে। আসবে কি, আসছে।'

বিষন্ন রোদ দীপ্ত হয়ে ওঠে বীরেশ্বরের চোখে। অসীম শক্ততা পূর্ণ হয়ে যায় অদৃশ্য মানুষের অশ্রুত কলরবে। নিতাই, স্তম্ভ, বলাই, রামপুত্রের খাডীর জানালা দিয়ে অনেকগুলি চোখ যে তার দিকে তাকিয়ে আছে, এতক্ষণে খেয়াল হয়। খেয়াল হয় রক্তা সঙ্গে আছে গোড়া থেকে।

'প্রসেশন?' বীরেশ্বর বলে।

'আপনি বলেছেন সবাইকে প্রসেশন করতে। এ কাজ আপনাদের।' কৃতজ্ঞতার উচ্ছ্বসিত হয়ে রক্তা বলে।

'একজন দুজন করে এলোমেলো ভাবে আসত, আমি ভাবলাম, সবাই দল বেঁধে আসুক। আমার কোন বাহাদুরী সেই রক্তা।'

'আপনি বড্ড রোগা হয়ে গেছেন। দুপ খাবেন একটু?'

'একদিন একটু দুপ খাইয়ে মোটা করে দেবে?'

'একদিন কেন, রোজ খাবেন। দুপ খান না বুঝি? তাই এমন চেহারা হয়েছে। কেন খান না দুপ?'

‘কে খাওয়াবে চুৰ ?’

আধঘণ্টা পরে শোভাযাত্রা আসে, বাঘ মহাস্তির বাড়ী ও দোকানের সামনে রাস্তার বাঁক ঘুরে। দূর থেকেই শোভাযাত্রার লোকসংখ্যা আন্দাজ করে বীরেশ্বর অভিজুত করে পড়ে, রস্তার বুক দশহাত হয়ে ওঠে। অপ্রশস্ত মেটে রাস্তা, পাঁচ ছাঁজনের বেশী পাশাপাশি হাঁটতে পারে না, শোভাযাত্রা তাই অত্যন্ত লম্বা হয়ে পড়েছে। বীরেশ্বরের বাড়ীর পাশে আমবাগান পেরিয়েই তার খুড়তুতো ভাই কালীশ্বরের বাড়ী, শেষ প্রান্ত রাস্তার বাঁক ঘুরে আসতে আসতে শোভাযাত্রার মাথা প্রায় কালীশ্বরের বাড়ীর সামনে এসে পড়ে। শোভাযাত্রার নিঃশব্দ অগ্রগতি রস্তার কাছে বড়ই অদ্ভুত মনে হয়। ডেলেবুডো মিলে এতগুলি গৌরো মাচ্ছ দল বেঁধে আসছে বীরেশ্বরকে সর্ধর্দনা করতে, তাদের সারি দেওয়াতে শুম্বলা নেই, পদক্ষেপও এলোমেলো অথচ হৈ চৈ চৌচামেটি দরে থাক, এতগুলি লোকের শুধু কথা বলাবলিতে যে কলরব গড়ে উঠত, তা পর্য্যন্ত শোনা যায় না। বীরেশ্বরের মুক্তি যেন পরম শোকাবহ ঘটনা, আনন্দের বদলে সকলে শোক প্রকাশ করতে আসছে।

শোভাযাত্রার সামনে জালালুদ্দিনের ভাই মহীউদ্দিনকে এবং তার পিছনে গ্রামের অনেক পরিচিত মুসলমানকে দেখে বীরেশ্বর সকল স্তব্ধতার মানে বুঝতে পারে। তাকে অভ্যর্থনা করার জঁত গায়ের অর্ধেকের বেশী হিন্দু মুসলমান একত্র হয়েছে কেন তাও সে টের পায়। জালালুদ্দিন তার জঁত এই সম্মান ও সহানুভূতি সৃষ্টি করে রেখে গেছে।

অর গায়ে জালালুদ্দিন জেলে গিয়েছিল। দিন পনের পরে সে নিমুনিয়ার মারা যায়।

চার

রুশেন্দু থাকে নরেন্দ্রম দাস লেনে ছোট একটি বাড়িতে, তার দাদা পূর্ণেন্দু সঙ্গে। বয়সে পূর্ণেন্দু তার চেয়ে প্রায় দশ বছরের বড়, পড়াশোনা করেছেন অনেক, এককালে কিছুদিন দেশের কাজে উৎসাহের আতিশয়ো প্রায় পাগল হয়ে উঠেছিলেন। এখন ধীর স্থির সংসারী নিরীহ ভালমাচ্ছম। ছোট ভাইটিকে তিনি অনেকটা বড়দাদার মত শ্রদ্ধা করেন। চাকরী করে সংসার চালিয়ে একঘেয়ে জীবন-যাপন করার জঁত তার মনে বিশেষ কোন ক্ষোভ নেই, কারণ তিনি সতাই বিশ্বাস করেন এবং অকৃত্তিভাবে স্বীকারও করেন যে বড় কিছু করার ক্ষমতা তাঁর নেই, তিনি উপযুক্ত নন। বলেন আমার তো অপদার্থ, আমাদের জীবনের দাম কি? কলেজে পড়ার সময় খোয়ান বয়সে একবার জেল খাটলাম ছ’মাস, বাস, খতম হয়ে গেল দেশের কাজ। কেউ তেমন নয়। ও একটানা চালিয়ে যাচ্ছে। বিয়ে যখন করল, ভেবেছিলাম এবার বুকি টিল পড়বে। ও কি সেই ছেলে? বিয়ের একমাসের মধ্যে শৌমাকে পর্য্যন্ত কাজে লাগিয়ে দিলে! ওর সঙ্গে আমাদের তুলনা?'

পূর্ণেন্দ্র স্ত্রী কণক বিয়ের সময় কলেজে পড়ার আলস্তে বেশ মোটা-সোটা ছিল, পাঁচটি ছেলেমেয়ে বিইয়ে আর সংসারের কাজে অবিশ্রাম খেটে খেটে মের ক্ষয়ে গিয়ে এখন বেশ ছিপছিপে চেহারা হয়েছে।

সে হেসে বলে, 'ওটা ঠাকুরপোর গায়ের বাল ঝাড়া, আমার টানতে পারেনি কিনা।'

আজ সে হেসে একথা বলে, কিন্তু একদিন গায়ের জালাতে সংসারে তীব্র অশান্তি সৃষ্টি করেছিল, শেষ পর্যন্ত কৃষ্ণেন্দু আর সন্ধ্যাকে তাড়িয়েই দিয়েছিল বাড়ী থেকে। তাড়িয়ে দিয়েছিল সন্ধ্যাকে নীচ করার শেষ চেষ্টা বার্থে হবার পর। একদিন বামিরে সে একটি গল্প বলেছিল কৃষ্ণেন্দুকে। হীরেন তখন সর্বদা এ বাড়ীতে আসত যেত। স্বচক্ষে সে দেখেছে হীরেন আর সন্ধ্যা—

কৃষ্ণেন্দু বলেছিল, 'তাই নাকি? তবে তো মুন্সিল!'

মুন্সিল? শুধু মুন্সিল? কণকের এটা সছ হয় নি।

'আমার বাড়ীতে এসব চলবে না ঠাকুরপো। তুমি অন্য কোথাও যাও।'

তারপর কৃষ্ণেন্দু যখন জেলে, একটি মেতেকে জন্ম দিয়ে সন্ধ্যা মরে যায়। সন্ধ্যা কাছে থেকে যে বিকার সৃষ্টি করেছিল কণকের মনে, তার প্রতিক্রিয়া শুরু হয়েছিল সন্ধ্যা দূরে যাবার পর থেকেই। সন্ধ্যা মরে গেছে শুনে কণকের প্রায় মাথা খারাপ করার উপক্রম হয়। একদিন জেলে দেখা করতে গিয়ে কাঁদতে কাঁদতে কৃষ্ণেন্দুর কাছে সে স্বীকার করে আসে তার বজ্রাতির কথা। কৃষ্ণেন্দুর মেয়েকেও একরকম ভিনিয়ে নিয়ে আসে তার দিদিমার কাছ থেকে। কণকের মাই টেনেই সে বড় হয়েছে। এখন তার বছর চারেক বয়স, সবাই পুতুল বলে ডাকে। কৃষ্ণেন্দুর চেহারা যেমন হোক, সন্ধ্যার রূপ দেখে চোখে পলক পড়ত না মাছুষের, মনে হত সে বুকি মাখন দিয়ে গড়া পুতুল। মেয়েটাও অনেকটা মায়ের মত হয়েছে।

সেদিন আকাশে মেঘের সঞ্চার হয়ে আছে বিকাল থেকে। কিন্তু বৃষ্টি নামছে না। রাত সাড়ে এগারোটার সময় বাড়ী ফিরে কৃষ্ণেন্দু জামা খুলতে যাবে, উত্তেজনার একটা বাপুটার মত হাতের হুল মমতা।

পাশের ঘরে কণকের কাছে বাসেই সে এতক্ষণ অপেক্ষা করছিল। তবু সে হাপাচ্ছে। এটুকু আসার পরিশ্রমে অবশ্য নয়, উত্তেজনায়। 'দাঁড়াও, বলছি। দম নিয়ে নি।'

কৃষ্ণেন্দু আর জামা খুললো না।

কৃষ্ণেন্দু অত্যন্ত লম্বা, যেরকম লম্বা হলে লোকে তালগাছ বলে থাকে। রোগ্য বলে তাকে আরও বেশী লম্বা দেখায়। রোগ্যও সে এক অদ্ভুত ধরনের, মোটা-মোটা হাড় ছাড়া গায়ে তার কোথাও মাংস নেই। দেহের স্বাভাবিক গড়নটাই তার এইরকম, রোগে ভুগে মাংসের অপচয় ঘটে রোগ্য হয়নি বলে এবং শরীরের সঙ্গে

মানানসই ধাঁচের লম্বাটে মুখে শীর্ণতা চোখে পড়ে না বলে, জামা গায়ে থাকলে তাকে বিশেষ খারাপ দেখায় না, খালি গায়ে তাকে দেখায় হাড়গিলের মত। মাছুষের সামনে এজ্ঞ সহজে সে জামা খুলতে চায় না—এত যে সে তেজী, আত্মবিশ্বাসী, জ্বাকামি-অভিমান-বিরোধী মাছুষ, এই একটি তুচ্ছ বিষয়ে দুর্বলতা সে জয় করতে পারেনি। গায়ে তার খানিকটা হাফ পাঞ্জাবী ও খানিকটা ফতুয়ার মত হাতকাটা জামা—সর্বদা ও সর্বত্র এই রকম জামাই সে পরে। এও একটা দুর্বলতা বৈকি। সাধারণ সাট পাঞ্জাবীর চেয়ে এই জামাতে যে তাকে ভাল মানায়, বেশ দেখায় তাকে এই জামা পরলে, লোকের দারণ হয় সে বিলাসিতা-বিমুগ্ধ ফ্যাশন-বিশ্রোহী সহজ মাছুষ, দাক্ষিণ্যসম্পন্ন মাছুষ, আনমনে সে নিজেই তা জানে। চণ্ডা কপালের দুটি প্রান্তের ঠাক তার স্তডোল, বড় বড় চুলে টেরি না কেটে সে তাই সোজাগুলি পিছুনে ঠেলে চুল আঁচদায়। লম্বাটে চিবুক, খাড়া নাক দিব্যি মানানসই, কিন্তু বড় বড় ভাসা ভাসা চোখ দুটি অত্যন্ত খাপছাড়া দেখায়।

এদিকে দম নিতে নিতে কি হয় মমতার, হস করে সে ফুঁ পিয়ে কঁদে ওঠে আর নিজের অনভ্যন্ত কান্নায় নিজেই কেমন ভডকে, গিয়ে মুখে হাত চাপা দিয়ে সেটা খামাতে চেষ্টা করে। হাতের চাপেই কান্নাটা যেন থামে। অল্পক্ষণের মধ্যেই সে শান্ত হয়।

বলে, 'এটা কি হল?'

কৃষ্ণেন্দু বলে, 'একটু কাঁদলে, আর কিছু নয়। চাপা না দিয়ে প্রাণভরে কঁদে নিলে পারতে মমু।'

মমতা আর একবার চোখ মুছে বলে, 'না আর দরকার নেই। আমারও কেমন অবস্থা হচ্ছিল, কি যেন হওয়া উচিত, হচ্ছে না, জোলাপ নেবার পর যেমন হয়।' বলে গম্ভীর হয় মমতা। গুরুতর কথা গম্ভীর না হয়ে বলা যায় না, বলা উচিতও নয়।—'শোন। ভয়ানক কাণ্ড হয়ে গেছে। হীরেন আমার তাগ করেছে, আমিও ওকে তাগ করেছি। আমাদের বনল না।'

কৃষ্ণেন্দু বলতে যায়, 'প্রথম কলহ হলে—'

মমতা প্রায় ধমক দিয়ে বলে, 'চূপ কর। দাম্পত্য কলহ কাকে বলে আমি জানি। এ তা নয়। তোমার কথাই ঠিক হল কেষ্টদা। ওকে গড়ে নিতে পারলাম না, আরও বিগড়ে গেল। মাছুষ ভেবেছিলাম ওকে, বেরিয়ে পড়ল অমাছুষ।'

'ওতো অমাছুষ নয়?'

'নয়? শোন তবে।'

অনেক সময় লাগে বলতে। অতি বোধগম্য কথাও বিশ্লেষণ ও ব্যাখ্যা করে বুঝিয়ে না দিলে কি কৃষ্ণেন্দু বুঝতে পারবে। কণক ধৈর্য হারিয়ে নার দাব এসে

উঁকি দিয়ে যায়, বলে যে কৃষ্ণেন্দুর খেয়ে নিলেই পারত, এ রকম অনিয়মে কদিন তার শরীর টিকবে। শেষে সে রীতিমত রাগ করেই বলে যায়, 'বেশ, শয়্যর কামো তোমরা সারারাত। আমি গিয়ে শুলাম।'

খিদেয় ঝিমিরে আসে কৃষ্ণেন্দুর শ্রান্ত শরীর। সখাভুক্তির বদলে বোধ করে বিরক্তি, জাগে একটা ভাবাহীন কঠিন প্রতিবাদ। মমতার সঙ্কটের বিবরণ সে শোনে সমালোচকের মত, দরদী বন্ধুর মত নয়। তার মনে হয়, মমতা যেন তাকেও ছড়িয়ে ফেলতে চাইছে তার দাম্পত্য জীবনের দুর্ঘটনার সঙ্গে, দায়িত্ব আরোপ করতে চাইছে তার ঘাড়ে। মমতা তাকে সব বলছে সেইভাবে, নালিশ না করেও মামুষ যেভাবে তর্ভাগোর জ্ঞান নালিশের ভঙ্গিতেই ভগবানকে জানায়, আমার তো কোন দোষ নেই, তবে কেন এমন হল ভগবান ?

'কেন তুমি অত ব্যস্ত হয়েছিলে কেউদা ? কেন তুমি অত করে বলতে গিয়েছিলে এর হয়ে ? আর কিছুদিন গেলে হয় তো একে ঠিকমত চিনতে পারতাম।'

শুনেন বড় রাগ হয় কৃষ্ণেন্দুর। মমতার নরম গাঙ্গে ঠাস করে একটা চড় বসিয়ে দেবার জ্ঞান হাতটা তার নিসপিস করে গঠে। ফুটন্ত ক্রোধের বৃদবৃদের মত কতগুলি গাল মনের মতো ফুটে উঠে ফেটে যায় — বড়লোকের স্বার্থপর পেয়ালী হতভাগা নজ্জার মেয়ে — ঢাকা মেয়ে !

'তোমার দোষ দিচ্ছি না কেউদা। আমিই ভুল করেছিলাম। আমি শুধু বলছি কি—'

রজ্জাও বলেছিল। এরকম হিসাব করে নয়, গোপাঃ প্রাণের আবেগে উচ্ছ্বসিত হয়ে — কার সঙ্গে বিধে দিলেন আমার ? নালিশ বজাও করে নি, তাকে আত্মীয় ভেবে ওভাবে কথাটা বলেছিল, তার বিয়ের ব্যাপারে কোন সংশয় ছিল না এমন আপন জনের কাছেও সে ওভাবেই দুঃপ নিবেদনের ভূমিকা করত। মমতাও হয়তো নালিশ করছে না, দোষ দিচ্ছে না। নিজের দায়িত্বে এতবড় ভুল করার চিন্তাটা শুধু তার সইছে না। ভুল করার সমর্থনে যত পারে যুক্তি আবিষ্কার করে সে শুধু দায়িত্ববোধটা একটু হাসকা করতে চায়। নিজের ওপর এবার বিরক্তি জাগে কৃষ্ণেন্দুর। দায়িত্ব আছে বৈকি তার, নিজের ব্যক্তিত্বের প্রভাবকে সে কি কাজ করতে দেখনি এদের হৃদয় মনের ওপর, যারা আকৃষ্ট হয়েছে তার দিকে, আপন বলে জেনেছে তাকে, শ্রদ্ধা করতে শিখেছে তার বুদ্ধি বিবেচনাকে, আপনে বিপদে সঙ্কটে সমস্যায় ছুটে আসছে তারই কাছে সমবেদনার দাবী নিয়ে, পরামর্শ চেয়ে ?

'বড় খিদে পেয়েছে মমু।'

'খিদে পেয়েছে !'

'সারাদিন ঘুরেছি। চান করে খেয়ে মাথা ঠাণ্ডা করে আলোচনা করব।'

'আলোচনা করার কিছু নেই। কি করব তা আমি ঠিক করে ফেলেছি। কিন্তু

তুমি গেয়ে নাও। আমি সত্যি বড় স্বার্থপর—খালি নিজের কথা ভাবি।' মমতা পামে।—'নাইবে? নেও না এতরায়ে। মুখ হাত ধুয়ে নাও শুধু।'

দ্বিপাহীন স্পষ্ট নির্দেশ। নিজের অধিকার মমতা সত্যি জানে—একটু বেশী-রকম জানে।

কৃষ্ণেন্দু চান করে খেতে বসলে মমতা তাকে জানায়, সব সে ছেড়ে দেবে ঠিক করেছে চির জীবনের মত—স্বামীকে, বাপকে, আত্মীয়-স্বজনকে, ভত্রলোকের সংসর্গকে। আর আপশোস নয়, একসঙ্গে দুটি জগতে বাস করার মিথ্যা চেষ্টা নয়, যাদের নিয়ে তার কাজ তাদের মধ্যে সে নেমে যাবে এবার। বাড়ী-পর্ষাঙ্ক সে আর ফিরে যাবে না। না, আজ রাত্রেই জন্মেই নয়। নিজের বাড়ীতেও চ'রাত্রি সে ঘুমোতে পারেনি। আজ সে এখানে ঘুমোবে—কৃষ্ণেন্দুর বাড়ীতে। তারপর বসন্তে হোক, গ্রামে হোক, যেখানে কৃষ্ণেন্দু তাকে কাজে লাগাবে সেইখানে চলে যাবে।

না, চ'নৌকোর আর সে পা দেবে না। বাকী জীবনের খানিকটা নয়, সবটা সে খরচ করবে চার্মী মজুরদের জন্ত। ওদের মধ্যে ওদের মত হয়ে থাকবে, ওদের সঙ্গে একেবারে মিশে গিয়ে ওদের একজন হয়ে কাজ করবে ওদের জন্ত। মমতা শাস্ত হুয়েছিল, আবার তার মধ্যে উত্তেজনা ঘনিয়ে আসে। কিন্তু কথা সে বলে ধীর ভাবেই, উত্তেজনা প্রকাশ পায় শুধু তার চোখে আর যুদ্ধ ঘোষণার উদ্ধত ভঙ্গিতে।

ক'ক গিয়ে রাগ করে শুয়েছিল, কিন্তু ছিল সজাগ হয়েই, কান পেতে। উঠে এসে পাড়া ভাত সেই কৃষ্ণেন্দুর সামনে ধরে দিয়েছে। গেলাসের জল ফেলে নতুন করে জল গড়িয়ে দিয়েছে। মমতার কথা শুনতে শুনতে তার মুখ হাঁ হয়ে আসে।

'তোমার কি মাথা খারাপ হবে গেছে ভাই? কি বলছ এসব?'

মমতা বিরক্ত হয়ে বলে, 'চূপ কর বৌদি। তুমি এসব বুঝবে না।'

'মমতা' কোনদিনই ক'ককে বিশেষ কেঁরার করে না, এসব রা'ব-বা'ডা ছেলে-মাস্তুম করা সঙ্ক'র্মনা সাদারণ আত্মপরিভূষণ মেয়েদের প্রতি তার একটা দারুণ অবজ্ঞার ভাব আছে—বিশেষতঃ যে সব মেয়ের কিছু করার স'যোগ ছিল। এরকম হবার জন্মেই যারা মাস্তুম হয়েছ ঘরের মধ্যে, তাদের ধর' সে ক্ষমা করতে পারে, সহিতে পারে, কিন্তু নামকরা কংগ্রেস নেতা নিরঞ্জন বসুর মেয়ে হয়ে, পূর্ণেন্দু স্বী আর কৃষ্ণেন্দুর বৌদি হয়ে যে স্বেচ্ছায় সাগ্রহে ঘরের কোণে এই স্বার্থপর আত্মকেন্দ্রিক জীবন বেছে নিতে পারে, তাকে পছন্দ কর' মমতার পক্ষে অসম্ভব। অথচ মাঝে মাঝে বেশ ভালই লাগে ক'ককে তার! নিজের স্বামী-পুত্র-ছা'ওরকে স্নেহ করার তার অদ্ভুত ক্ষমতা সময় সময় অসতর্ক মুহূর্ত্তে মমতার অবহেলার বর্ধ ভেদ করে মর্ধ স্পর্শ কবে তাকে একেবারে মুগ্ধ করে দেয়। পরক্ষণে মনে মনে হেসে সে অবশ্য সামলে নেয় নিজেকে। এতো উচ্ছ্বাস, এতো ভাবপ্রবণতা, নিছক দাসী মনোবৃত্তি।

কথা প্রসঙ্গে কৃষ্ণেন্দু একদিন একথা স্বীকার করেছিল, বলেছিল, 'নিষ্কর। তবে কি জানো, ওদের পক্ষে এই ভাল। এইরকম প্রকৃতি দাঁড়িয়ে গেছে, এভাবে স্নেহ করতে না পারলেই বিগড়ে যাবে, এমনি তীব্রতার সঙ্গে তখন সবাইকে হিংসা করবে—নিষ্কর লোককে শুধু নয়, পৃথিবীভিত্তক সবাইকে। কত মেয়ে ওরকম হয়ে যায়, তুমি নিজেও তো দেখেছ। রমেশ বসুর স্ত্রীকে মনে নেই? দিনরাত অগভা করছে বাড়ীর আর পাড়ার লোকের সঙ্গে, স্বামীকে এক মুহূর্তের জন্য স্বস্তি দিচ্ছে না, ছেলেমেয়েরা সবসময় সম্বন্ধ হয়ে আছে, ছেলের বৌ দিনরাত কাঁদছে আর গলায় দড়ি দেবার কথা ভাবছে—ওর স্নেহ করার নেশা মিটলে এমন হত না। ওরকম হওয়ার চেয়ে স্নেহপাণ্ডল হওয়া কি ভাল নয়? যার যেমন প্রকৃতি, উপায় কি বলে!'

মমতা বলেছিল, 'নিষ্কর প্রকৃতি বদলাতে পারে না মামুষ? চেষ্টা করলে সংযত করতে পারে না নিজেকে?'

কৃষ্ণেন্দু বলেছিল, 'পারে বৈকি, কিন্তু সে বড় কঠিন চেষ্টা? ভাবের আবেগে ফাঁসি যাওয়া বরণ সহজ, ভাবপ্রবণতা সংযত করার চেয়ে। সীতিমত শাদনার ব্যাপার। নিজে নিজে একা একাকি কি সম্ভব সকলের পক্ষে? একজন মহাপুরুষ বহুকাল একটানা চেষ্টা করলে তবে এসব মামুষের স্বভাব বদল করতে পারেন!—কৃষ্ণেন্দু হেসেছিল, 'বদিও মহাপুরুষ নই, আমি একবার চেষ্টা করেছিলাম বৌদিকে বদল করে দেলে টানতে। শেষে দেখলাম, সব কাজ বন্ধ করে অর্ধেক জীবন বৌদির পেছনে লেগে থাকলে তবে যদি কিছু করতে পারি। তার চেয়ে বৌদি যেমন আছেন তেমনি থাকতে দেওয়াই ভাল।'

কৃষ্ণেন্দু নীরবে খেয়ে যায়। কতকগুলি কাজ কৃষ্ণেন্দু বড়ই হাতে হাতে অনেক সময় নিয়ে করে, তার মধ্যে খাওয়া একটা। তিন জনেই চপচাপ। খুম ভেঙ্গে পুতুল এসে বাপের ১গা ঘোঁসে বসে পড়ে। পাতে তখন অবশিষ্ট আছে তিনটি পটোলের মোরব্বা। পুতুল গাল ঘষে কৃষ্ণেন্দু'র বাঁহাতে। মুখ তুলে চেয়ে একটু হাসে।

কণকও হাসে—'ছট্ট মেয়ে!'

কৃষ্ণেন্দু মাথা নাড়ে।—'না।'

কণক বলে, 'দাও না ঠাকুরপো আধখানা ভেজে? তুমি যেন কি!'

কৃষ্ণেন্দু বলে, 'না।'

কণক বলে, 'দাঁড়া পুতুল, আমি দিচ্ছি তোকে।'

আস্ত একটা মোরব্বা এনে সে পাড়িয়ে দেয় পুতুলের দিকে, বলে, 'নো দব।'

পুতুল নড়ে না হাতও বাড়ায় না। কৃষ্ণেন্দুর গায়ে ঠেস দিয়ে তেমনি ভাবে পরে থেকে একান্ত নিব্বিকার ভাবে বলে, 'খাব না তো।'

মুখ লাল হয়ে যায় কণকের। বাড়ানো হাত ধীরে ধীরে গুটিয়ে এনে সে মর্শ্বাক্ত দৃষ্টিতে তাকিয়ে থাকে।

কৃষ্ণেন্দু বলে, 'থাও পুতুল, নাও। জেঠিমা দিচ্ছে যে ?'

তখন পুতুল সাগ্রহে হাত বাড়িয়ে দেয়। হাতের মোরঝাটি উঠানে ছুঁড়ে দিচ্ছে কণক উঠে চলে যায় ঘরে। পাতের একটি মোরঝা মেয়ের হাতে দিয়ে কৃষ্ণেন্দু বলে, 'পেয়ে নিয়ে জেঠিমাকে হাত ধুয়ে দিতে বলবে, কেমন ?'

মমতা মন্তব্য করে, 'তোমার মনটা তো বড় দুর্বল কেউদা ? দেবে না বলে আবার দিলে, বৌদির একটু ছেলেমানুষী অভিমান হয়েছে বলে ? ডিসিপ্রিন নও করলে ?'

কৃষ্ণেন্দু আনমনে বলে, 'হ্যাঁ, দুর্বল বৈকি। নিশ্চয় দুর্বল। মাষ্টারের মনটা কি জানো—' হঠাৎ সে সচেতন হয়, — 'কি বলছিলে ? ডিসিপ্রিন নও করলাম। ওইটুকু মেয়ের আবার ডিসিপ্রিন কিসের ?'

'গোঁ ডাতেই দিলে না কেন তবে ?'

কৃষ্ণেন্দু যেন অবাক হয়ে তাকিয়ে থাকে মমতার মুখের দিকে। — 'আমাকে তুমি কি ভাব বল দিকি মম ? মানে মানে আমার কি মনে হয় জানে ? আমাকে তুমি মানুষ ভাবো না, যন্ত্রটম মনে কর। আমি যাই বলি যাই করি, সব কিছুই একটু বিশেষ মানে থাকা চাই তোমার কাছে, উদ্বেগ থাকা চাই। কেন বলত ?'

'কি জানি। সত্যি গুরুম ভাপি নাকি তোমাকে ?'

'মনে তো হয়। বেশী মিষ্টি খেলে পুতুলের পেট কামড়ায়, তাই প্রথমে না বলেছিলাম। একটা মোরঝা খেলেই যে পেট কামড়াবে তার কোন মানে নেই। তাই শেষে বললাম, থাও। অত কড়াকড়ি কর বাব না খুঁটিনাটি সব সিনয়ে।'

'তাই নাকি ?' খোঁচা দিয়ে মমতা বলে, 'কড়াকড়ি কিছু কম করা হয়েছে বলে তো মনে হয় না ? তুমি বললে, নিও না, বাব, ওইটুকু মেয়ে বৌদির কাছে থেকে খাবার নিলে না। তুমি বললে, নাও। অমনি ও হাত বাড়িয়ে দিলে। এতো প্রায় মিলিটারি ডিসিপ্রিন ! এটা আপনা থেকে শিখেছে মেয়েটা, না ?'

এবার কৃষ্ণেন্দুর মুখ কৌতূহলের হাসিতে ভরে যায়, — 'বৌদি ঠিক বলেছে মম, তুমি প্যাগল হয়ে গেছ। তুমি ভাবছ আমার ভয়ে পুতুল বৌদির কাছে খাবারটা নিতে চায় নি ? কি বুদ্ধি তোমার ! আমি দেব না বলায় ওর অভিমান হয়েছিল। আমি হার মেনে নিতে না বললে ও কি করে মোরঝা নেয় ? ছোট ছেলেমেয়ের অভিমান চেনো না ? চিনবে, নিজের হোক, তখন টের পাবে।'

'এ জগে আর আশা নেই টের পাবার —'

ঘরে এসে তারা বসেছে। পুতুলের সঙ্গে কণক এসে বলে, 'তোমার মেয়েকে নিয়ে আর পরি নে ঠাকুরপো। মাথা তো খেলে ওর তুমি আন্ধারা দিয়ে দিয়ে ? এত করলাম, কিছুতে শোয়াতে পারলাম না মেয়েকে।'

কৃষ্ণেন্দু কড়া গলায় বলে, 'পুতুল ! শীগ্গির শুয়ে থাক গে ।'

'শোব না যাও !' সোজা এগিয়ে এসে পুতুল কৃষ্ণেন্দুর কোল দখল করে বসে পড়ে। মমতার দিকে চেয়ে কৃষ্ণেন্দু অসহায়ের মত বলে, 'একদম ডিসিপ্লিন মানে না মমু !'

'খুঁচিও না কেঁটদা, ভাল হবে না। আমার বলে মাথা ঘুরছে বৌ বৌ করে, তুমি তামাসা জুড়লে আমার সঙ্গে। নিজে ভেঙে খেলে পেট ভরে, আমি যে এখনো -'

কণক বলে, 'খাওনি এখনো ? বেশ !'

কৃষ্ণেন্দু বলে, 'বলতে পার নি ?'

'খেয়াল ছিল নাকি যে বলব ?'

'কি এখন খাওয়াই তোমাকে আমি !' বলতে বলতে কণক লুচি আর বেগুন ভাজতে যায়। একটু পরেই স্টোভের আগুয়াজ কানে আসে। মমতার এতক্ষণে খেয়াল হয়, তার জীবনের এত বড় গ্লোট-পালোট সম্বন্ধে কৃষ্ণেন্দু এ পর্যন্ত একটি কথাও বলে নি।

'কই, কিছুত বললে না তুমি ?'

'কি বলব ?'

'কি বলবে ! কিছুই বলার নেই তোমার ? তুমি বৃদ্ধি এখনো ভাবছ আমি স্কোকের মাথায় কাছটা করে বসেছি, দুদিন পরে সব ঠিক হয়ে যাবে ?'

'স্কোকের মাথায় কিনা জানি না মমু। তবু আমার মনে হয় তুমি ভুল করেছ !'

মমতা ঠোট কামড়ে অনেকক্ষণ চুপ করে থাকে। কৃষ্ণেন্দু তাকে সমর্থন করবে না, ভুল সংশোধনের চেষ্টাকে ভুল মনে করবে, এটা সে করনাও করতে পারে নি। স্টোভের আগুয়াজের মতই একটা সশব্দ ক্ষোভ যেন পাক দিয়ে উঠে তার সমস্ত সংযমের বিরুদ্ধে বিদ্রোহ করতে চায়, মনে হয়, এই মুহূর্তে উদ্ভট খাপছাড়া কিছু একটা না করলে সে যাবে না। হীরেন তাকে সম্মা মনে করে, তাকে ছাপ মানায়। কৃষ্ণেন্দু মনে করে ভুল করাই তার স্বভাব।

মমতার ক্ষোভটা অভিমানে পরিণত হতে হতে কৃষ্ণেন্দু বলে, 'কি আর তোমায় বা মমু, আমি নিজেই খতমত খেয়ে গিয়েছি। ভেবেছিলাম তুমি বৃদ্ধি এড়িয়ে যেতে পারবে। তা হল না। এতদিন ভাসা ভাসা ভাবে চলছিল, সখ করে নিজেকে কষ্ট দেবার মজা টের পাও নি, এবার বুঝবে। মনটা ঘুরিয়ে নিতে পার না মমু ? আমি জানি, তুমি একটু মন বুঝে চললে, একটু প্রশ্রয় দিলে, হীরেন বদলে যাবে !'

'তুমি আমায় কি ভাব বলত ?'

'তুমি জান না তোমায় আমি কি ভাবি ?'

‘জানতাম, আজ খটকা লাগছে। সখ করে নিজেকে কষ্ট দিচ্ছি মানে? সব আমি ছেড়ে দিয়ে আসছি, এ হল আমার সখ! এরকম সখ কটা মেয়ের মধ্যে তুমি দেখেছ কেউ? সখ দুদিনে মিটে যাবে। তুমি বুঝি তাই ভাবছ? ভাবছ আমি পারব না? সখ মিটে গেলে ফিরে যাব? কি ধারণা তোমার আমার সখকে? সুপ্রভা, কুশলা, কল্যাণী এরা যা পারছে, আমি তা পারব না!’

‘তুমি পারবে না বলি নি। কি ভাবে পারবে সেটাই ঠাউরে উঠতে পারছি না। সুপ্রভারা যতটা পারে ততটা করেছে—আনন্দের সঙ্গে করেছে। গৃহের সব সমস্যা নিজের সঙ্গে লড়াই করতে হয় না। নিজেকে পীড়ন করার দরকার হয় না? তুমি গৃহের মত সহজভাবে স্বচ্ছন্দে কাজ করতে পারবে না মমু, যতই চেষ্টা কর। হয় তুমি গৃহের ছাড়িয়ে অনেক ওপরে উঠে যাবে, অসাধারণ কাজ করবে, নয় তোমার কাজের বিশেষ কোন মূল্য থাকবে না, জিদের বশে মনের জোরে কোন মতে নিজেকে টেনে নিয়ে যাবে। আদর্শের জগৎ ত্যাগ করা আর আদর্শের জগৎ হাসি মুখে দিনের পর দিন গেটে যাওয়া ভিন্ন জিনিস। ত্যাগ করলেই যে কাজও করা যাবে এমন কোন মানে নেই। ত্যাগের দুঃখ বরণ করা যায়, সওয়া যায়। মনে দুঃখ নিয়ে কাজ কর যায় কি? কাজ করে শুখ পাওয়া চাই—আনন্দ থাকা চাই, উৎসাহ থাকা চাই কাজের পিছনে।’

‘হীরেনের জগৎ খুব কষ্ট হবে সত্যি কিম্ব—’

‘শুধু হীরেনের জগৎ নয়। ও দুঃখের কথা বলি নি। এ দুঃখ তো কাজের আনন্দই বাচায়—কাজটাই অবলম্বন হয়ে দাঁড়ায় মান্তবের—অবশ্য যদি কাজের দিকে মন যায়। আমি বলছি নতুন জীবনের দুঃখ কষ্টের কথা। তোমার হয় তো ভাল লাগবে না, তবু তোমাকে জোর করে চালিয়ে যেতে হবে। তখন তোমাকে দিয়ে যেটুকু কাজ হবে, যে কেউ তা পারবে।’

‘ভাল লাগবে না? এতদিন দরে যা করছি তা ভাল লাগবে না?’

‘এতদিন যে একভাবে করেছ। এখন অন্য ভাবে করতে চাইছ?’

‘অগাভাবে মানে?’

‘মানে? এই যেমন ধর, কান্থর ছেলে আর বৌটার বসন্ত হয়েছে শুনে ছুটে দেখতে গিয়েছিলে, নিজে দাঁড়িয়ে থেকে টাকা দিয়ে চিকিৎসার ব্যবস্থা কবে এসেছিলে। তুমি চাইছ এবার থেকে ও অবস্থায় শুধু ওইটুকু না করে একেবারে শিয়রে বসে সেবা করবে।’

‘তাই যদি হয়? সেবা করতে পারব না ভাবছ তুমি?’

‘পারবে না কেন? কিন্তু ভাল লাগবে কি না তাই ভাবছি।’

‘তার মানে তুমি বলতে চাও গৃহের জগৎ আমাদের আসলে দরদ নেই?’

'দরদ থাকাটাই সব নয় মম। হীরেনের জন্ম তোমার দরদ কম নয়, কিন্তু ওর জন্ম তো—'

মমতা অধীর হয়ে বলে, 'এসব হাজে বাজে তক রাখো কেউদা। কাল থেকে আমার কাজে লাগিয়ে দাও।'

সিগারেট ধরিয়ে কৃষ্ণেন্দু একটু ভাবে।

'নিজের বাড়ী ফিরে যাবে না কেন মম? তোমার বাবা কি লোম করলেন?'

'তুমি বুঝতে পারছ না। হীরেন কি মনে করে জানো? আমার বাবার মনেক যাকা আছে বলে আমার এত তেজ, কাউকে গ্রাহ্য করি না। তোমার মত হীরেনও বিশ্বাস করে না, আমি সচি কুলি মজুরকে ভালবাসি, ওদের জন্ম প্রাণ দিতে পারি। বড় লোকের মেয়ে হয়ে জন্মে যেন মস্ত অপরাধ করেছি।'

হীরেনের জন্ম? হীরেনকে 'মমতা' দেখাতে চার তার মদ্যে ভেজান নেই, সে খাটি সোনা। কৃষ্ণেন্দু জানে এটা খাপছাড়া কিছু নয়, দোষেরও নয় মমতার পক্ষে। নিজেদের কক্ষচূতে করার শব্দ মমতাদের এইরকম কারণ থেকেই জাগা স্বাভাবিক। এককম একটা অথবা কতগুলি সান্দ্রণ কাবণ না থাকলে নতুন আবেষ্টনীতে নতুন জীবনে নতুন দার্থকতা খাঁজবার কথাটা ওদের মনেই বা পড়বে কেন। 'তার নিজের এলাতেও টিক এই ব্যাপার ঘটে নি? অজাগাদের চেয়ে তাকে বেশী টেনেছিল ওদের হয়ে লড়াই করার বোমাধিকার আডভেঞ্চার, বাহাত্তরীর মোহ। 'হবু মাতৃস্বের অকস্মাৎ নৈকায়িক আচরণ প্রত্যাশা করার মত বোকামি যে কিছু নেই, কৃষ্ণেন্দু আজ মনে তা ভুলে যায়। মমতাকে তার মনে হয় নিজের মনোব মোহের বাস্পে ফাঁপিয়ে তোলা ফাল্গুন। মনে হয় মমতাকে সে চিনতেই পারে নি এককাল—চিনতে চাখনি বলে। নিচুক নিজের প্রয়োজনেই সে এই স্কন্দবী শিক্ষিতা ভাবময়ী বুদ্ধিবল্যামিনী বালীগঞ্জী দাঁচের সাধারণ বনীকণ্ঠাটিতে অসাপার-৩ আরোপ করে কাছাকাছি রেখেছে। দাবাদিনের কসোর পরিষ্কমের পর যেমন রেখেছে এই নিরালা গৃহের কোণে কংকব ঘনোয়া স্নেহ যন্ত্র, পুতুলের মাথা আর ঘূমের বিশ্রাম, তেমনি রেখেছে রূচ বাস্তবতার দসাব ছুড়ে যাওয়া মনোব জন্ম মমতার সাহচর্যের মলম। মমতার মদ্যে যেটুকু খাপছাড়া সে শুধু তারই প্রভাবের প্রতিক্রিয়া। ওর জগতের অগা যে কোন মেয়ে এভাবে তার সম্পর্কে এলে মমতার মত হতে পারত!

সিগারেট ছুঁড়ে ফেলো হাকিমের বাব দেওয়ার তরে কৃষ্ণেন্দু বলে, 'বেশ। কাল বপ্রভা চাটগা যাবে! তুমিও ওর সঙ্গে যেও।'

কিন্তু বিছানার শুয়ে এপাশ ওপাশ করতে করতে দাতস্ত হয়ে কৃষ্ণেন্দু মত বদলায়। নিজেকে বড় অপদার্থ মনে হয় তার। এতদিন কেটে গেল এত কাজে, এত জ্ঞান মার অভিজ্ঞতা সঞ্চিত হল, এখনো তার এ দুর্বলতা রয়ে গেছে! কবে আর তরে সে জয় করতে পারবে মনের এই দীনতা? কবে সংশোধন হবে? মনু যার গড়ে

উঠতে সে দেয় নি, কেন সে তার কাছে অসম্ভব প্রত্যাশা রাখে, তাকে বিদায় করে হিংস্র সমালোচকের মত ? শাস্তি দিতে, ভেঙ্গে ফেলতে চায় ? অনেকেই চটফট করে কৃষ্ণেন্দু ধুমায়। নরেশকে যেদিন সে মেরেছিল, সেদিন রাত্রেও বিছানার শুয়ে সে এমনিভাবেই চটফট করেছিল।

তাই, বাস্তবের কষ্টপাথরে নিজেকে যাচাই করে নেবার স্বযোগ মমতাকে দেব্দ কৃষ্ণেন্দু উচিত বিবেচনা করল বলে, অজানা অচেনা চাটগাঁর বদলে মমতা বাস করতে এল রক্তাদের বাড়ী। বস্ত্র তার চেনা, বস্ত্রের মামুল্যের সঙ্গে তার কারবার ছিল। এদের সঙ্গেই তার আগে ঘনিষ্ঠতা হোক।

এটা বড়ই পাড়াবাড়ি হল মনেই নেই। কিন্তু পাড়াবাড়িই করতে চাইছিল মমতা। রাতারাতি একটা বিপ্লব না হলে তার চলছিল না—নিজেব জীবনে হীরেনকে তার বৃষ্টিয়ে দিতে হবে তার জীবনে আপোষ নেই, জোড়াতালি সে চায় না। কৃষ্ণেন্দুর কাছেও প্রমাণ দিতে হবে প্রাসাদের চেয়ে খোলার ঘর তার প্রিয়।

‘তুমি মিথো ভাবছ। মিছে তর্ক তুলছ আমার শিক্ষা দীক্ষা সংস্কার কুচি অভ্যাসের। দেখো, সা তদিনের মতো আমি ওদের সঙ্গে একেবারে এক হয়ে যাব।’

‘তা হলে তো মুন্সিল। শেষে তোমায় না ঘণ্টার পব ঘণ্টা খোঁঝাতে হয় পরিষ্কার পরিচ্ছন্ন থাকার দরকার। গা রগঢালে মাটি উঠবে না তো মম ?’

বাড়ীতে ঘর খালি ছিল না একটুও। স্বরেশ আর নরেশকে ঘর ছেড়ে দিতে হয় মমতার জ্ঞান। নরেশের থাকার ব্যবস্থা হয় দুগাঁর ঘরে। দর্জি গোপালেরও দুখানা ঘর, তার পরিপারের মেয়েপুত্র কজনকে চেলে নিয়ে একটা ঘরে তার দুই ভেলে আর জামাইয়ের সঙ্গে স্বরেশকে থাকতে দেওয়া স্থির হল। কাজ থেকে বাড়ী ফিরে খবর শুনে স্বরেশ গেল চটে।

‘ধুব্তোর মতো সব—ওই শালী এসে থাকবে এখনে, ওই বেহ্মা মাণি ? থাকে তোমরা—আমি বাবা চললাম।’ বলে সে সুবালার প্রথমে চলে গেল। দিন তিনেক মতাই তার টিকিটি দেখা গেল না।

মমতা নিজে এসেছিল। মিষ্টি করে হেসে হৃন্দর করে সবাইকে জানিয়ে গিয়েছিল যে তাকে যেন সবাই আপন মনে করে। ভদ্রলোকদের সে ঘেমা করে, তাই একেবারে ছোটলোক বনে গিয়ে এদের সকলের সঙ্গে বন্ধুত্ব করতে চায়।

সে চলে যাবার পর লক্ষ্মী সকলের মনের ভাবকে প্রথমে ভাষা দিল, ‘মোর ছোট লোক !’

দুগাঁ বিশদ করে বলল, ‘খালি ডিঙ্গি মেরে বেণালে বিগড়ে যাবে না মাথ। মেয়েলোকের ? বাপ সোয়ামীর টাকাষ মোটর চাপেশ, পুত্র চাখেন, কিচির-

মিটির করেন দিনরাত। কতকাল আর ভাল লাগে বল ? এমনি চাং করতে হয় তখন।’

‘মোদের তরে জীবন দেবে গো জীবন দেবে !’ বলে বিদ্রের বৌ।

‘এখানে জীবন দিতে আসা কেন ?’ পুষ্প শুধায়।

রম্মা মোড় ঘুরিয়ে দেয় কথার।—‘কি যে বল সব তোমরা ? ছি ছি ! বড়লাকমি দেখলে কোথা গর, টাকার গরম ? কেইবাবু শিগা উনি জানো না ? নিজে গড়ে পথে মানুব করেছেন শুকে কেইবাবু ?’

সবই চেপে গেল তারপর, শুধু লক্ষ্মী ছাড়া।

‘বাচ্চা করেছেন।’ বলল লক্ষ্মী।

দুয়ে মুছে সাফ কবে রাখা হল ঘরখানা মমতার জন্ম। জিনিসপত্র সামান্যই সঙ্গে হানল মমতা। একটি বড় আপ একটি মাঝারি চামড়ার স্রাটকেশ, বিড়ানাপত্র এবং বেতের বাস্কেটে একজনব মত সজা কেন! কম দামী পাটি খটি গেলাস কেটলি চাখের কাপ ইত্যাদি তৈজসপত্র। আসবাব এলো না একটিও। পায়ার নাচে উঁট দিয়ে উচু করা পুরানো সে তক্তপোষটি ছিল ঘরে, তাতেই পাতা হল বিড়ানা। দড়ি টাঙ্গিয়ে ঝুলিয়ে রাখার ব্যবস্থা হল কাপড় জামা গামছা। ভুল করে মমতা মস্ত ভারি ভাবলে এনে বসেছিল কিন্তু স্রাটকেশ থেকে সেটা বার না করে একটা গামছা কিনে ধানিয়ে ভুলটা সে সংশোধন করে নিল সঙ্গে সঙ্গে। আসবাবের অভাবের দিক দিয়ে কেটু বাচ্চাবাড়ি হল মমতার। রম্মার ঘরে, দুর্গার ঘরে, গোপালের ঘরে কাঠের দানলা আছে, দু’একটা চেখাব আছে কাঠ আর লোহার, টেবিলও যে নেই কেবোসিন কাঠের তাও নয়।

কোথায় খাবে মমতা ? কি পাবে ?

বছার সংসারে, তারা যা পায়।

সকালে পৌছেই কথাটা খোলসা করে নিল মমতা।—‘শোন বগি, দুজনে আমবা ভাগাভাগি করে রাখব। তোমরা যা খাচ্ছ আমিও তাই খাব, বেশী কিছু আয়োজন করতে পাবে না আমার জন্মে। আমি খাব বলে যদি একটা পদও বেশী রান্না কর ভাই, ভারি রাগ করব কিন্তু বলে রাখছি।’

‘কি করে জানবেন আমবা কি খাই, কি খাওয়াই আপনাকে ?’

‘সে আমি টের পাব। তুমি বলতে বললাম যে আমাকে ?’

‘বলব—বলব। অভ্যেস কি সহজে কাটান যায় ? কিন্তু এত কষ্ট করবেন কেন ? নিজের পয়সায় খাবেন যখন, ভাল জিনিস খাবেন। আমাদের খাওয়া আপনার সহীবে কেন ?’

‘সহীবে। যত ভাবছ, অত দুখ যি পোলাও খাই না আমি। শাক-চচ্চড়ি খেতে জানি।’

কিন্তু আসবাবহীন সৌদাগস্বামী আধো-আধার ঘরে তত্ত্বাপোষে বিছানা পেতে দড়িতে কাপড় কুলিয়ে শাকচর্কড়ি খেয়ে থাকবার জন্ত প্রস্তুত হয়ে এলেও সকলের খাপছাড়া অভ্যর্থনা তাকে অপ্ৰস্তুত করে দিল। কাল এ বাড়ীতে আসামাত্র সকলে সামনে এসে দাঁড়িয়েছিল, মুহূ উত্তেজনা, হাসি মুখ আর নিরীহ সন্মানসূচক ভঙ্গি দিয়ে নীরব অভ্যর্থনা জানিয়েছিল : এসেছেন ? আমরা খুসী হয়েছি ! আজ সে ভাবে সবাই তো এল না। রম্ভা, দুর্গা, নরেশ, রামপাল, এরা কজন মাত্র কাছে এল। চৌকাঠ ডিন্ধোবার সময় ভিতর থেকে কলরব কানে এসেছিল, ভিতরে ঢোকা মাত্র সে কলরব হঠাৎ গিয়েছিল শুষ্ক হয়ে। তার আদির্ভাব যে সবাই শুধু টের পেয়েছে তা নয়, মমতা বুঝতে পেরেছিল, সবাই রীতিমত প্রতীক্ষা করছিল কখন সে আসে ! অথচ যে যার কাজেই আটকে রইল, কাছে এল না। উঠানে কলতলায় যারা ছিল তারা শুধু ঘাড় ফিরিয়ে চেয়ে দেখল ছুঁচারবার। বাসন হাতে সামনে দিয়ে যাবার সময় বিন্দের বৌ দাঁড়ালো না, একটু হাসি দেখিয়ে চলে গেল।

পরে অবশ্য সকলেই এল, ঘণ্টাখানেক ঘণ্টাদেড়েক পরে। এক সঙ্গে নয়, একে দু'য়ে। তার অপকন্দের সূচনার সময় এরা যেন দায়ভাগী হবার ভয়ে কাছে ঘেঁষেনি, নিজের দায়িত্বে তাকে আরম্ভ করার অবসর দিয়ে কর্তব্য পালন করতে এসেছে,— ছুঁচার মিনিটের জন্ত। আসে আর ছুঁচার কথা বলে চলে যায়। সকলের অস্বস্তি-বোধ, তাকে এড়াবার চেষ্টা মমতাকে বিশ্মিত এবং আহত করে।

দুর্গা এক সময় গম্ভীর মুখে তাকে জানায় : এখানে আসা ঠিক হয় নি আপনার। কদিন গা ঢাকা দিতে পারবেন এখানে ? পাডায় জানাজানি হবে, পুলিশের কানে খবর যাবে। দূর দেশে পালিয়ে যেতে পারতেন কোথাও।

'পুলিসের ভয়ে গা-ঢাকা দিয়েছি ভেবেছ নাকি তোমরা ?'

'হ্যাঁ নি ?' দুর্গার গলার স্বরে চোখের দৃষ্টিতে অবিশ্বাস।

'ও তাই তোমরা ভয় পেয়েছ ! কিন্তু কাল যে তোমাদের বলে গেলাম, তোমাদের সঙ্গে ভাব করতে এসেছি ?'

'বলে তো গ্যালেন।'

রম্ভাকে মমতা বলল, 'এরা এসব ঠিক ভাবছে রম্ভা ?'

'এরা ভাবতেই পারছে না আপনি কেন এখানে এসে থাকবেন। কাল বিন্দে পুলিশের কথাটা তুলল, সবাই ভাবল, তাই হবে বুঝি তাহলে। সত্যি নয়, না ?'

উদ্গ্রীব প্রশ্ন। সত্যি হলে যেন ভারি খুসী হয় রম্ভা !

'না না, সত্যি নয়। কি সব আজগুবি কথা ! তুমি এক কাজ কর তো ডাই, সবাইকে ডাকো একবার। ভাল করে বুঝিয়ে বলি।'

রম্ভা ভেবেচিন্তে বলল, 'থাক না কি দরকার ? যে যা ভাবছে ভাবুক। আপনাকে ঠিক হয়ে যাবে হুদিনে।'

কিন্তু মমতার কি দৈর্ঘ্য ধরে। সে ব্যস্ত হয়ে বলল, 'না না তুমি ডেকে আনো-
ওদের।'

তবু ইতস্ততঃ করে রম্ভা।—'কি লাভ হবে বলুন ? এ কথাটা বুঝিয়ে দেবেন, ওরা
হারেকটা কথা ভাববে। একটা লাগসই কারণ তো থাকা চাই আপনার এখানে
আসার ? মিছিমিছি এমন কেউ আসে ?'

'কারণ তো বলেছি সবাইকে ?'

'ওটা সবাই ঠিক ধরতে পারছে না।'

মমতা স্তম্ভিত হয়ে যায়। এত করে বুঝিয়ে দেবার পরেও তার এখানে আসার
সহজ সরল সঙ্গত ও মহান কারণটা সবাই ধরতে পারছে না ! খাপছাড়া উদ্ভট কারণ
আবিষ্কারের প্রয়োজন হচ্ছে এখানে তার আবির্ভাবকে স্বীকার করতে !

'তুমিও বোধ হয় পারছ না ধরতে ?'

'তা নয়, মানে আর কি, ঠিক বুঝতে পারছি না।'

খানিক গুম্ হবে থেকে মমতা বলল, 'ডাকো তো সবাইকে।'

নিজেকে ব্যাখ্যা করে স্বদীর্ঘ বক্তৃতা দিল মমতা।। তাদের জন্ম যে, স্বামী ছেড়েছে,
স্বামীর ঘর ছেড়েছে, বাড়ী ছেড়েছে, আত্মীয় বন্ধু সবাইকে ছেড়েছে, তাদের সঙ্গে সে
যে এক হয়ে যেতে চায় এবং কেন চায়, সমস্তই সে বিশদভাবে বুঝিয়ে দিল সকলকে।

তবু, এমন ঠা করে তাকিয়ে থেকেই সবাই শুনল কথাগুলি যে তারা বৃন্দ কি
বৃন্দ না এ বিষয়ে বেশ একটু খটকা রয়ে গেল মমতার মনে।

তারপর রম্ভার রান্নাঘরে গিয়ে মমতার মনটা হোঁচট গেল নোংরামিতে।
কনকনিখে উঠল মনটা। এসব বাতীতে সে এসেছে অনেকবার কিন্তু কারো রান্নাঘরে
ঢোকে নি কোনদিন। প্রথমে মনে হল, ধোঁয়ার কালচে মারা সৈঁতপৈঁতে নিরঙ্ক
সদ্বীর্ণতাটাই বৃন্দ চরম নোংরামি। তারপর চোখে পড়ল চলটা তোলা এবেড়োপেবড়ো
মেঝে, শীতকালে পথে পড়া ভিখিরির চামড়ার মত দেয়ালের ফাটল ধরা ফোঁড়। পরা
গোবর-মাটির চোলকা, ধূলা তেল কালি ল্যাপটানো হাঁড়ি কলসী, তেলমসলা
পাত্র রাখার আদ হাত উঁচু বেদী, জল বেরোবার নালা, ভাতের হাঁড়ি, তরকারীর
ঝুড়ি, কয়লা রাখার ভাণ্ডা কড়াই, মাকডসা, টিকটিকি, আর্শোলা।

রম্ভা কথা কয়। মমতা ঠায় বসে থাকে পিঁড়িতে। ক্রমে ক্রমে তার চোখে ধরা
পড়ে, ব্রীতিমত পরিষ্কার পরিচ্ছন্ন রাখা হয়েছে রান্নাঘরটি, যতটা সাধ্য ও সম্ভব ততটা।
নোংরামি যা আছে সেটা স্বাভাবিক, কারো ক্ষমতা নেই সেটা দূর করে, কয়লা ধুয়ে
কালি সাফ করার মত। বাসনগুলি মেঝে ঝড়ঝাকে করেছে রম্ভা, কিন্তু এই গর্ভ আর
ফাটল ধরা মেঝেকে সে ধুয়ে মুছে কি করে মার্বেল পাথর করবে, কি করে তাড়াবে
আনাচে কানাচে নিরাপদ আশ্রয়ের মধ্যে থেকে যে আর্শোলার দল তুঁড় না পড়ে
তারে !

স্নানের আগে মমতা গেল পান্থখানায়। ফিরে এল বিবর্ণ মৃতপ্রায় হয়ে। দশ বছর বয়সে প্রৌঢ় শ্রাইভেট টিউটর ধরনীবাবু অত্যাচার করার পর যে অবস্থা হয়েছিল তেমনি দেহমন নিয়ে।

সাবান হাতে স্নান করতে গেল কলতলায়। পুরো পাঁচ মিনিট দাঁড়িয়ে রইল চূপ করে। চোখ! চারিদিকে চোখ!

দাঁতে দাঁত লাগিয়ে কাঁপতে কাঁপতে গায়ের জ্বারে সাদা ব্লাউজ খুলে ফেলল। গুমোটের গরমে সর্বাঙ্গ ঘেমে গেছে, কিন্তু জল ঢালতে ঠিক যেন জরতপ্ত গায়ের মত ছ্যাং ছ্যাং করে উঠল তার গা।

ছারপোকার কামড়ে রাত্রে তার ঘুম হল না। তক্তাপোষ আর মনের ছারপোকার কামড়ে।

সারাদিনে একজনকেও সে আপন মনে করতে পারে নি। নিজের টনটনে স্নায়ুগুলিকে স্বস্তি দিতে সে ঘরে ঘরে ঘুরেছে সারাটা দুপুর। মেয়েপুরুষের আসবাব নিয়ে সন্ধ্যার পর সকলের সঙ্গে গল্প করেছে, নিজে গান গেয়ে শুনিয়েছে আর রামপালের গান শুনেছে, কথা কইবার চেষ্টা করেছে ভোঁতা অমাজ্জিত ভাষায়, হাসবার চেষ্টা করেছে অভদ্র রকমে। ঘরে ঘরে সবাই হয়ে থেকেছে ভীত, সন্ত্রস্ত, সঙ্কীর্ণ; আসরে সবাই হয়ে থেকেছে কাঠ। যদি বা ছ'চার জন হেসেছে কখনো, সে হাসি হয়েছে সম্মানীয়া একজনের হাস্যকর পাগলামী দেখে বি-চাকর যেভাবে হাসে! আর লণ্ঠনের আলোয় সে কি বিবল হতাশ সন্ধ্যা—বিবলতার ঘনায়মান রাত্রি! কোনমতেই মমতা শেষপর্যন্ত সেই গভীর নিরাশার ক্রমিক সঞ্চারকে ঠেকাতে পারে নি। বিমিয়ে শুক্ন হয়ে গিয়েছিল শেষের দিকে।

আরও কি ভয়ানক স্বাসরোধ করা ফাঁদে সে পড়েছে ঢাখে। হার মানা মানে দাঁড়িয়ে গেছে শুধু হীরেন আর কৃষ্ণেন্দুর কাছে নয় এদের কাছেও হার মানা! এদের আপন না করে এখন পালিয়ে গেলে এরা তাকে টিটকারি দেবে, কোন মর্যাদাই আর থাকবে না তার এদের কাছে! রাতদুপুরে কি অসহায় যে নিজেকে মনে হয় মমতার! স্বযোগ পেয়ে শৈশবের ভূতের ভয় পর্যন্ত যেন ভিড় করে আসে তাকে কাবু করতে!

পরদিন সকালে কৃষ্ণেন্দু আসে। বলে, 'একি চেহারা হয়েছে তোমার মম? ছি. কত করে তোমায় বললাম—'

মমতা উদ্ধত ভঙ্গিতে বলে, 'কি বললে? দোহাই তোমার, উপদেশ দিও না! আমি জানি, তুমি আমার মন ভাঙতে এসেছো! প্রমাণ করতে এসেছ তোমার কথাই ঠিক। তা হবে না কেউদা, আমায় তুমি তেমন মেয়ে পাওনি।'

'তাই দেখছি।'

'কি দেখছো? চেহারা খারাপ হয়ে গেছে একদিনে? চোখের নীচে কালি

পড়েছে? আমিও আয়নার দেখেছি নিজের চেহার। এটুকু তো হবেই। আমি কি আরাম করতে এসেছি এখানে?’

কৃষ্ণেন্দু চলে যাবার আগে কি যেন সব রস্মা তাকে বলে চুপি চুপি। বুকটা জলে যায় মমতার। রস্মা নিশ্চয় কৃষ্ণেন্দুকে তার কালকের পাগলামির বর্ণনা শোনাচ্ছে।

পাগলামি? কিসের পাগলামি! এরা তো মনে করবেই এদের ভালো করার চেষ্টাকে পাগলামি, সেজ্ঞ তার দমে গেলে তো চলবে না! অন্ধকারের বঞ্চিত জীব এরা, এরা কি করে প্রত্যাশা করবে যে আলোর জগৎ থেকে কেউ তাদের এই নরকে নেমে আসতে পারে তাদের আলো দেবার জ্ঞ। চোখ এদের স্বলসে গেছে, এরা চমকে গেছে, ভডকে গেছে, ভয় পেয়েছে, অবিশ্বাস করছে।

‘কদিন তুমি এসো না কেউদা। আমি না ডাকলে এসো না।’

‘বেশ।’

আহত ও বাহত একপ্রায়ে জেদি অভিমানী মানুষের উদ্দীপ্ত উচ্চমে মমতা আবার লড়াই শুরু করে। নতুন ভাবে। মনে হয় তার আত্মবিশ্বাসে যেন জোয়ার এসেছে নতুন করে। সোজাস্তজি আপন করা আর আপন হওয়ার স্পষ্ট মুখর অনাবৃত চেষ্টা সে ছেড়ে দেয়। ভাবে যে কাজের মতো এদের কাছে টানতে হবে, এদের ভালো করার চেষ্টা দিয়ে, সংস্কার ও সংশোধনের সাহায্যে। এখানকার জীবনটা সঠিয়ে নেবার পক্ষে তার নিজেরও তাতে সাহায্য হবে।

চোখ মেলে তাকাব মমতা আর চারদিকে ছোটবড় অদৃশ্য ক্রটি চোখে পড়ে, কথার, কাজের, ব্যবহারের, স্বভাবের, জ্ঞানের, বুদ্ধির, চিন্তার, দাব্যের, ভাবের, অমুভূতির—সব কিছুর খুঁত! তার খাতিরে একটা দুটো দিন সকলে সংযত হয়ে থাকে, অত্যন্ত রুচ ও স্থূল স্বরূপগুলির প্রকাশ চেপে রাখে কোনমতে, কিন্তু তারপর আর ধৈর্য থাকে না কারো। কতদিন থাকবে মমতা তারো তো ঠিক নেই, তার মুখ চেয়ে কাঁহাতক মানুষ স্বভাব এড়িয়ে বাঁচিয়ে ভদ্রভাবে চলতে পারে অনির্দিষ্ট কালের জ্ঞ? বাগড়া, গালাগালি, হীনতা, স্বার্থপরতা, নিষ্ঠুরতা, দুর্নীতি, মাতলামি সব একে একে আবিষ্কৃত হতে থাকে সাময়িক ও সংক্ষিপ্ত অস্থদ্বানের প্রয়োজন শেষ করে, সঙ্কোচের বাধা ঠেলে।

মমতা স্তম্ভিত হয়ে যায়। বুঝতে পারে, মাঝে মাঝে এসে আর মাঝে মাঝে কাছে ডেকে যাদের সে চিনত, এরা তারা নয়। ধরা এরা তার কাছে কোনদিন দেয় নি। নিজে সে যে পরিচয় নিষ্টিষ্ট করে দিতে চেয়েছে এদের জ্ঞ, এরা নির্বিবাদে সেই পরিচয়ই গ্রহণ করেছে তার কাছে পরিচিত হবার জ্ঞ! বাচ্চা বাচ্চা দুঃখের কথা বলেছে, নিরীহ ভীকু হয়ে থেকেছে, সায দিয়ে গেছে তার কথায় ও ইচ্ছায়। এদের সে যেমন ভাবতে চেয়েছিল এরা তাকে তেমনি ভাবতে দিয়েছে। কখনো প্রতিবাদ করে নি। নিজেদের আসল জীবন থেকে এমন একটি টুকরোও তার সামনে উপস্থিত

করে নি, তার ধারণার সঙ্গে যা খাপ খায় না। কত কথাই এদের শত শত মেয়ে-পুরুষ বলেছে তার কাছে, তবু কেন যে কোনদিন কেউ নিজেকে চিনিয়ে দেবার জন্ত একটি কথাও বলে নি, সেটাও মমতা এখন বুঝতে পারে। এরা জানে না পরিচয় দিতে। এরা জানে না পরিচয় দেবার প্রয়োজন। এরা মানেই জানে না পরিচয় দেবার। এরা জানেও না নিজেদের পরিচয় কি!

কি সে ভেবেছিল এদের! বঞ্চিত নিপীড়িত দুঃখী ও নিরীহ একদল মানুষ, ধুকতে ধুকতে ঝিমিয়ে ঝিমিয়ে প্রাণহীন ভোঁতা শূন্য জীবন বাপন করে। আঘাত পেলে কাঁদে, দুঃখাত শূন্যে তুলে আকাশের দিকে মুখ করে বলে, ভগবান!—আবার ঝিমিয়ে যায়। অথচ চোখের সামনে আজ সে দেখেছে এদেরই একটানা বিস্ফোরণের মত সংশয়হীন প্রাণপূর্ণ প্রচণ্ড সংঘাতময় আত্মঘাতী জীবনের লীলা।

পাড়ার কয়েকটি বাড়ী ঘুরে এসে ব্যাপারটা আরও পরিষ্কার হয়ে যায় তার কাছে। আগে যেমন জানত তেমনি যেন হয়ে গেল ওসব বাড়ীর মানুষগুলি তার সামনে, জীবনটা তাদের চলে গেল নেপথ্যে—অল্প জগতের অপরিচিত মানুষের সামনে রুগ্ন শিশুর যেমন যায়।

মমতার মনে হল, এদের সঙ্গে তার ব্যবধান বেড়ে গেছে—অনেক দূরে চলে গেছে এরা। ব্যবধান অবশ্য যা থাকবার তা ছিলই—মমতার কাছে সেটা ধরা পড়ছে মাত্র। কিন্তু সেজ্ঞান বিব্রত বা বিচলিত হওয়ার বদলে সে যেন খুসীই হল ভেবে চিন্তে। একটা গুরুতর সত্য সে আবিষ্কার করেছে, ক্লেশমন্ডুও হয় তো যার হৃদয় পায় নি। সে উৎসাহ বোধ করে। কোমর বেঁধে উঠে পড়ে কাজে লেগে যায়। বলে, 'না। কলতলায় জল নিয়ে ঝগড়া চলবে না। ঝগড়া করে লাভ কি বলে? জলের পরিমাণ কি তাতে বাড়বে? সবারি জল চাই—সবাই যাতে জল পায় সে ব্যবস্থা করতে হবে। এক বাড়ীতে মিলেমিশে শান্তিতে থাকতে হলে কি কে আগে এসেছে কে পবে এসেছে এই নিয়ে ঝগড়া করা চলে? তুমি তো দু'কলসী নিয়েছ ক্ষান্ত পিসী, এবার রাণীর মাকে দু'কলসী নিতে দাও। গোপাল তুমি পুরুষ হয়ে ঝগড়া করতে এসেছ মেয়েদের সঙ্গে? তোমাদের বেশী জল দরকার তা জানি। আমি আজ হিসেব করে নিয়ম বেঁধে দেব, কার পর কে নেবে, কতটা করে নেবে। দু'তিন দফায় জল নিতে হবে তোমাদের। একজন হাড়ি কলসী বালতি সব ভর্তি করবে আর আরেকজনের জলের জন্ত রান্নাবান্না বন্ধ হয়ে থাকবে, সেটা তো ভাল নয়।'

গোপালের বৌ বলে, 'ওতে কি টানাটানি কমবে দিদিমণি? সবার কুলোয় না জলে। ক'বাক জল যদি আনিয়ে ছান মালীকে দিয়ে রান্নার কল থেকে—'

'বেশ তো। সবাই মিলে চাঁদা তুলে—'

'চাঁদা? এর জন্তে আবার চাঁদা?' রাণীর মা তোষাভের হাসি হেসে বলে, 'দুটো'

কি তিনটে টাকা তো নেবে মালী। ঘরে আশনার লাখ টাকা পচছে, দুটো তিনটে টাকার জন্যে চান্দা তুলবেন কি বলছেন, মাগো মা হাসির কথা !'

স্বযোগ পেয়ে মমতা তাদের দশ কথা শুনিতে দেয়। ভাল ভাল কথা, খাটি উপদেশ। নিজেদের উপর নির্ভর না করে পরের ভরসায় থাকলে তাদের যে কোনদিন কিছু হবে না এই বিষয়ে উপদেশ।

'জল আনার ব্যবস্থা আমি করিয়ে দিচ্ছি কিছ তোমরা নিজেরা মিলে মিশে ব্যবস্থাটা করে নিলেই আমি খুসী হতাম।'

সঙ্গে সঙ্গে গুঞ্জন ওঠে চারিদিকে।

'ও বাবা, কাজ নেই জলে মোদের, খুসী মনে না দিলে।'

'তিনটে টাকার জন্যে এত !'

'এতকাল চলে নি মোদের ? মিলেমিশে চালাইনি মোরা ?'

মমতা ক্ষুব্ধ হয়ে বলে, 'তোমরা রাগ করছ কেন ? কথা বুঝছ না কেন আমার ? তোমাদের কি এই একটা অভাব ? এটা মিটলেই সব দুঃখদুর্দশা শেষ হয়ে যাবে ? সবাই মিলে না করলে দুঃখ তোমাদের কোনদিন যুচবে না। কিসে মিলবে তোমরা ? এই সব অভাবের প্রতিকার চেয়ে কাজ করার তাগিদেই মিল হবে তোমাদের। প্রথমে এ বাড়ীর সবাই মিলবে, তারপর পাড়ার সবাই, তারপর দেশ জুড়ে। তখন কে ঠেকাবে তোমাদের ? এই কথাটাই বোঝাতে চাচ্ছি তোমাদের। আবেল তাবোল কথা মনে আসছে কেন তোমাদের ?'

'মনটাই যে মোদের আবেল তাবোল গো দিদিমণি !' বলে লক্ষী হাসে।

পরদিন ভোরে উঠে মমতা খালধারে একটু বেড়াতে গেছে, ফিরে এসে জাখে, কলকাতায় কুরুক্ষেত্র কাণ্ড। তার তালিকা অল্পসারে প্রথম দফায় প্রয়োজন মত প্রত্যেক পবিত্রতার এক থেকে তিন বালতি বা কলসী জল পাবার কথা। গোপালের বৌ বিরাট একটি বালতি এনেছে কোথা থেকে, রাণীর মা এনেছে তার চাল রাখার মাটির জালাটি ! এই হল ঝগড়ার একটা কারণ। আরেকটি কারণ হয়েছে শিউশরণ। বিতরণের প্রথাটা কাল মেনে নিলেও আজ সে গোলমাল শুরু করে দিয়েছে। লোক কম হলেই জল কম লাগবে কেন তার মানে সে বোঝে না। লোক কম বলে ঘরের ভাড়া কি কম নেওয়া হয় তার কাছে ? গোড়ায় বেশী তেজ দেখায় নি শিউশরণ, জগদম্বা আর পুষ্প তার পক্ষ নেওয়ার পর সে একেবারে মারমুখে হয়ে উঠেছে।

দু'বাক জল দিয়েই মালী চলে গেছে, আর সে জল দিতে পারবে না। চার টিন জলের মধ্যে রজ্জা আর দুর্গা নিয়েছিল দু'টিন, গোপালের বৌ নিয়েছিল দেড় টিন। অন্তরা আড় চোখে দেখেছিল চেয়ে চেয়ে। আধ টিন জল নিয়ে মালী যেই গেছে বিন্দের ঘরের দিকে, সে কি রাগ আর গালাগালি বিন্দের ! টিন উল্টে দিয়ে

ফেস ফেস করে সে বলেছে, 'যা যা ওদের দিগে যা। দিদিমণির পেয়ারের লোককে দিগে যা। ওখানে টিন টিন জল দিয়ে দু'ঘাট জল দিয়ে কুলকুচো করতে এসেছো ব্যাটাচ্ছেলে? ফের জল দিতে এসে অপমান করবি তো মাথা ফাটিখে দেব তোর।'

বিবরণ শুনে কথা সরে না মমতার মুখে, সে থ' বনে যায়। মনে মনে বলে, এর শিশু না সয়তান? ঐ্যা, শিশু না সয়তান এয়া?

মমতা বলে, 'রোজ সন্ধ্যার পর আমি তোমাদের একঘণ্টা করে বই পড়ে শোনাব। সকলে হাজির থাকবে কিছু।'

প্রথম দিন প্রায় সকলেই হাজির থাকে। বেশ উৎসাহ দেখা যায় সকলের। রামপালের কীর্তন শোনার মত উৎসুক মনে হয় সকলকে। পরদিন আসর প্রায় পালি পড়ে থাকে, রত্না দুর্গা পরেশ নরেশ আর লক্ষ্মী ছাড়া কেউ আসে না মমতার মূল্যবান পড়া শুনতে। ডাকতে গেলে বলে, 'আসছি, দিদিমণি আসছি।' কিছু আসে না।

মমতা বলে, 'তোমরা এত বোকা কেন? এক বাতীতে এতগুলি উকুন জলে, কত পয়সা নষ্ট হয়। এতগুলি হাড়িতে ভাত সেদ্ধ হয়, মিছিমিছি কত বেশী খাটনি। সবাই মিলে একসাথে রান্নার ব্যবস্থা করলে কত পয়সা আর পরিশ্রম বাঁচে বল দিকি। আচমকা এটা করা যাবে না জানি। কটা দিন যাক, আমি সব ঠিক করে দেব। এ ব্যবস্থা করে তবে আমি নড়ব এখান থেকে।'

শুনে আশঙ্কায় সকলের মুখ লম্বা হয়ে যায়।

এমনি কত কথাই যে বলে মমতা, কত সংশোধন ও পরিবর্তন আনবার চেষ্টাই সে যে করে!

সমষ্টিগত জীবনেই শুধু নয়, ব্যক্তিগত জীবনেও। সর্বদা সে যেন ওং পেতে থাকে কখন কে কি অগ্নায় করেছে, কার কি ভুল হচ্ছে। কদম্বাতা আর বীভৎসত যত অসহ্য হয়ে উঠছে তার কাছে, তত সে মরিয়া হয়ে মেতে যাচ্ছে এই সব হতভাগ্য হতভাগিনীদের জীবনের আবর্জনা সাফ করার কাজে। এদের কিছু করলে তবে তো মুক্তি, তবে সে এখান থেকে চলে গিয়েও বলতে পারবে, দেখলে তো পালিয়ে আসিনি, আমি এই করেছি আর ওই করেছি ওদের জন্ম। তার জন্ম তাই এখানে কেউ সাপ মিটিয়ে অকথ্য ভাষা উচ্চারণ করতে পারে না, প্রাণ কেঁদে ওঠে সকলের সেই অল্পচারিত শব্দ-গ্যাসে। ছেলে মেয়েকে মারতে পারে না, গা চুলকোতে পারে না, পিক ফেলতে পারে না, খোস প্যাঁচডায় ওষুধ না মাখিয়ে রেহাই পায় না, রান্নাখ বালমশলার স্বাদ পায় না, মুথরোচক অথায় থাওয়া হয় না, নেশা করা যায় না, আরও কত কি।

তাছাড়া, সবাই টের পেয়েছে এতটুকু উপকার পাবার ভরসা তার কাছে নেই। একে একে কয়েকজন নানাভাবে দুঃখ ও প্রয়োজন জানিয়ে টাকা চেয়ে গেছে তার কাছে! টাকা দিয়ে কারো উপকার করতে মমতা অস্বীকার করেছে। বলেছে, 'আমার কি টাকা আছে যে দেব? আমি যে তোমাদের মত গরীব।'

তাছাড়া, তার কথা শুনে মেয়েরা কিছু অবাদা হতে শেখায় আর মেয়েদের উচিতমত শাসন করতে না পারায় পুরুষেরা বিরক্ত হয়েছে। মেয়েরা বিরক্ত হয়েছে পুরুষদের এক একজনের সঙ্গে যখন তখন একা একা সে গুজগাঙ্গ ফিসফাস করে বলে।

কয়েকদিনের মধ্যে তাই চারিদিকে বিদ্রোহ মাথা তুলতে আরম্ভ করে। কেবল কথা না শোনার বিদ্রোহ নয়, ঝাঁজালো আক্রমণ। হৃদয়ে হৃদয়ে গভীর বিবেচনায় প্রমত্ত হতে হতে বেড়াতে হঠাৎ স্বিধা ভব সঙ্কোচের সাধন ছিঁড়ে বাইরে বেরিয়ে ছুসতে শুরু করে। মমতা চমকে উঠে দিশেহারা হয়ে যায়।

বিন্দের বৌ দশমাস পোয়াতি। বিন্দের বৌকে ছাঁচারটে কথা জিজ্ঞেস করে মমতা, লজ্জায় কাঠ হয়ে জবাব দেয় বিন্দের বৌ, মানে বুঝতে পারে না তার প্রশ্নের; মনে মনে ভাবে যে পাগল নাকি মাছুষটা? তারপর মমতা লাগে বিন্দের পিছনে। তাকে বোঝায় যে, বৌকে তার এখন বাপের বাড়ী পাঠিয়ে দেওয়া উচিত, নয় তো ভিন্ন শোয়া উচিত তাদের। এটুকু কাণ্ডজ্ঞান নেই বিন্দের? সে কি পশু? বিন্দের কাছে ব্যাপার শুনে বিন্দের বৌ বোঝাপড়া করতে আসে।

বলে, 'কত আর চং করবে দিদি? চং দেপে বাঁচিনে তোমার।' তুমিই তাকে বলে বিন্দের বৌ। এখানে এসে অনেক চেষ্টা করেও 'মমতা' কাউকে তুমি বলাতে পারে নি, আজ বিন্দের বৌ নিজে থেকেই অন্তরঙ্গ সঙ্ঘোপনটা ব্যবহার করে। 'গুড় করি তোমার পায়ে দিদি, ধম্মা দেখালে বটে মেয়ে মানুষের। একসাথে শুই বা না শুই তোমার তাতে কি শুনি? মতলব বুঝিনে তোমার আমি? সে গুড়ে বাপি তোমার দিদি, গদিকে নজব দিও না। বাপের বাড়ী যাই ত্তে গুকে সাথে নিয়ে ঢাক বাজিয়ে যাব, তোমার খপ্পরে রেখে যাব জেবো না। নিজের সোয়ামী ছেড়ে পরের সোয়ামী নিয়ে টানাটানি, দড়ি জোটে না গলায়?...'

সৈরভীকে তার স্বামী মারে। কোনদিন সোহাগ করে, কোনদিন মারে। কোনদিন সোহাগ করে মারে, কোনদিন মেরেও সোহাগ করে। একরাত্রে সে কব্জী আর কলুই ধরে ভেঙ্গে ফেলবার চেষ্টা করেছে সৈরভীর হাত, সৈরভী প্রাণপণে চেঁচাচ্ছে 'বাবাগো, মাগো, মেরে ফেলো গো,' বাড়ীর লোক কেউ শুনছে কেউ শুনছে না, কেউ হাই তুলে তুড়ি দিচ্ছে—মমতার মাথাটা গেল বিগড়ে।

রামপালকে সঙ্গে নিয়ে সে গিয়ে সৈরভীর ঘরের দরজা খোলাল। রঙ্গমুকের রাণীর মত জিজ্ঞেস করল, 'তোমায় মারছিল সৈরভী?'

হাতের অসহ্য যন্ত্রণায় সৈরভীর মাথাটাও তখন বিগড়ে গেছে। সে কেঁদে ককিয়ে বলল, 'একেবারে মেরে ফেলেছে দিদিমনি, মুচড়ে ভেঙ্গে দিয়েছে হাতটা।'

এতকাল মমতা শুধু গুঞ্জব শুনেছে যে পুকবমানুষ মেয়েমানুষকে মারে। সর্বদা তার ঝিম্ ঝিম্ করছিল, প্রাণে উথলে উঠছিল ফুটন্ত প্রতিহিংসা, হীরেনকে আঘাত করতে হবে। রামপালকে সে হুকুম দিল, 'ওর হাতটা মুচড়ে দাও তো রামপাল। জ্বোরে মুচড়ে দাও।' রম্মা রামপালের গেল্লি ধরে টেনে রেখে বলল, 'আপনার মাথা কি খারাপ হয়ে গেছে দিদিমণি? তুমি এর মধ্যে যেও না।'

রামপালের তখন চড়া নেশার অবস্থা। স্ত্রমোটের গরমে স্ততে গিয়ে মমতা গায়ে জমা রাখে নি। শুধু শাভীর আঁচলা সে ভাল করে জড়াতেও জানে না গায়ে। দিব্বল উদ্ভাস্ত চোখে রামপাল তার অর্দ্ধ অনাবৃত পিঠ আর পাহর দিকে তাকিয়ে থাকে।

মমতা প্রায় আর্ন্তনাদ করে ওঠে : 'ওর হাতটা মুচড়ে দিলে না রামপাল? কথা শুনতে পাও না?'

ঐ হাতে রামপাল একটু ঠেলে দেয় রম্মাকে, রম্মা পাঁচ হাত পিছু হটে যায়। এগিয়ে গিয়ে রামপাল সৈরভীর স্বামীর হাতটা ধরে মুচড়ে দেয়। মট করে হাতটা ভেঙ্গে যায়। হাঙ্গামার হৃদিশ পেয়ে অনেকেই ঘর ছেড়ে বেরিয়ে এসে জমা হয়েছিল, তয়্যারের কাছে। সৈরভীর স্বামীর হাত ভাঙ্গার শব্দটা শুনতে পায় সকলেই।

স্বামীর গগনভেদী আর্ন্তনাদে বোধ হয় জ্ঞান ফিরে আসে সৈরভীর। বোধহয় তার মনে পড়ে যায় যে এই লোকটা তাকে খাওয়ায় পরায়—ভাল বোজগার করে, ভাল খাওয়ায় পরায়, সোহাগ করে, ভালবাসে—কষ্টের মাঝে শুধু একটু মারে! ঝড়ের মত ছুটে এসে স্বৈচ্ছায় সে মমতাকে ধাক্কা মেরে ফেলে দেয়, কামড বসায় রামপালের হাতে। তারপর আরম্ভ করে আহত স্বামীকে বুক আগলে নিয়ে হৈ চৈ হা-হতাশ। মেঝে থেকে উঠতে উঠতে তাদের দুজনকে এভাবে একান্ত কাছাকাছি দেখে মমত হাঁ করে তাকিয়ে থাকে। চোখের পলকে সমস্ত ব্যাপারটা তার কাছে গোপাল ভাঁড়ী কমিকে পরিণত হয়ে যায়। লম্বা চওড়া স্থূলকায় সৈরভীর পাশে এমন বঁটে রোগী কীণকায় দেখায় তার স্বামীকে।

হাঙ্গামা মিটতে রাত আড়াইটে বেজে গেল। হাঙ্গামা কি কম। ডাক্তার এ সৈরভীর স্বামীর ভাঙ্গা হাড় সেট করে ব্যাগুেজ বান্ধা, কত টাকা পেলে সৈরভী তার স্বামী মেনে নেবে আজ রাতে কিছুই ঘটেনি সেটা স্থির করা, উত্তেজনা কমিয়ে হৈ চৈ থামিয়ে সকলের ঘরে যাওয়া—বড় বড় গুরুতর সব ব্যাপারের জের।

এ পর্যন্ত রম্মা উপস্থিত থাকে, হাঙ্গামা মেটাতে সাহায্যও করে। তারপর হেঁটমাথ মমতাকে বলে, 'কাল আপনি চলে যাবেন এখান থেকে।'

অবাবের জল্প অপেক্ষা না করেই সে গট গট করে চলে যায়।

তক্তাপোষে মাথা হেঁট করে বসে থাকে মমতা। সামনে দাঁড়িয়ে থাকে রামপাল। ইতিমধ্যে গঙগোলের ফাঁকে ত্রীপদর সঙ্গে সে আরও পানিকটা দেশী মদ খেয়েছে।

‘শোবে যাও রামপাল।’

‘যাই।’

বলে মমতাকে টেনে দাঁড় করিয়ে রামপাল তাকে দুহাতে বুক জড়িয়ে ধরে। সৈরভীর চেয়েও উঁচুগ্রামের তীক্ষ্ণ আর্কনাদে রাত্রির শুকতা চিরে যায়। রাগ করে চলে গেলেও রম্ভা শোয় নি, দুয়ারের বাইরেই ছিল। বিয়ের পর আজ দ্বিতীয়বার রামপাল মদ খেয়েছে। মাতাল রামপালকে ভগবানের নামে ছেড়ে দিয়ে বিছানায় গিয়ে আশ্রয় নেবার ভরসা তার ছিল না।

‘খটাসের মত চেঁচিও না দিদিমণি।’ মমতাকেই রম্ভা ভৎসনা করে। তার গলার আওয়াজেই শিথিল হয়ে যায় রামপালের আলিঙ্গন। মমতাকে ছেড়ে দিয়ে পিছু হটতে গিয়ে টলে পড়বার উপক্রম করে মমতার কাঁদ ধরে সে সামলে নেয়। ধরে নিয়ে গিয়ে তাকে বিছানায় শুইয়ে রম্ভা ফিরে আসে।

সে বোঝাপড়া করতে এসেছে ভেবে মমতা বলে, ‘এই নিয়ে তুমি রামপালের ওপর গ করো না রম্ভা। ওর মাথাটা নিশ্চয় ঠাণ্ডা—’

‘ও আবার কি দোষ করল?’

মমতা স্বস্তির নিশ্বাস ফেলে।—‘তুমি তবে রাগ করনি রম্ভা?’

‘রাগ যদি করি আপনার ওপর করবো, ওর ওপর করবো কেন?’

‘ও! তুমি তাই ভাবছ!’

রম্ভা একটু চূপ করে থাকে।

‘দিদিমণি, আপনার মোটে কাণ্ডজ্ঞান নেই। মদের কাছে আপনি হলেন আকাশের রী, রূপকথার রাজকন্তে। এমনিতে কি ওরা ভাবতেও পারে আপনার হাতটি আর কথা? কিন্তু আপনি যদি এসে গায়ে পড়ে যা তা গুরু করে ছান, মাথা ঘুরে বৈ না ওদের? ও আজ মদ খেয়েছে আপনার ভগ্নে। কদিন থেকে অস্থির চঞ্চল হয়ে ছিল, ত্রীপদ খাওয়াতে চাইলে না বলতে পারে নি। পাড়ীর সবাই জানে, আপনার মাথায় ছিট আছে। ভদ্রলোক আপনার রোচে না, মনের মত পুরুষ খুঁজতে আপনি এখানে এসেছেন, ওকে আপনার পছন্দ হয়েছে। নইলে ওর সঙ্গে এত কি সিসি মসকরা আপনার?’

‘হাসি মসকরা? আমি কারখানার কথা আলোচনা করেছি।’

মমতার সকাতির ভাব দেখে রম্ভা হেসে ফেলে।—‘তা জানি। আপনার ন জানতে বাকী আছে আমার? বড় বোকা আপনি। আপনার মনে কি আছে এখানে কে জানতে যাবে? এরা দেখবে আপনার ব্যাভার। কোন পুরুষের

সঙ্গে ওভাবে কখনো দেখেছেন আমাদের কাউকে মিশতে? পাঁচ সাত জনের সামনে করলেই হত আলোচনা!’

রম্ভা ঘরে গেল। ধুক ধুক বুক বেজে রাত্রি কাটল মমতার। সকাল যখন সূর্য্য উঠবে, সবাই জাগল, তখনও সে ঘুমে অজ্ঞান হয়ে রইল।

ঘুম ভাঙল শান্তি, স্তব্ধ মন নিয়ে। সব কাজ, সব উচ্চম, সবরকম নড়াচড়া আর চিন্তা ভাবনার বিরুদ্ধে গভীর বিতৃষ্ণা। আলস্যই শান্তি, আলস্যই জীবন—নিশ্চিন্ত মনে গা ঢেলে দেওয়া। শুয়ে থাকার আরাম কি নিবিড়!

মেঝেতে মাদুরে বসে কৃষ্ণেন্দু কথা বলছিল রম্ভার সঙ্গে। রম্ভা তাকে খবর দিয়ে ডেকে এনেছে।

রম্ভা বলল মমতাকে, ‘আপনার সাহস আছে। অত কাণ্ডের পর দরজা বন্ধ না করেই ঘুমিয়েছেন? জরের রুগীর মত দেখাচ্ছে আপনাকে। বসুন, চা আনি। চা খেয়ে চাপ্পা হয়ে নিন।’

রম্ভা বেরিয়ে গেলে বিনা ভূমিকায় কৃষ্ণেন্দু বলল, ‘তোমায় তো যেতে হবে রম্ভা: এখান থেকে।’

‘যেতে হবেই?’

‘তাই মনে হচ্ছে! এরা কেউ লাগ না তুমি এখানে থাকো। সবাইকে এমন চটালে কি করে বল তো?’

‘আমি সন্তি! অপদার্থ কেটেদা।’

কৃষ্ণেন্দু বলল, ‘দাড়াও, দাড়াও। ওসব বিচার করব আমি। আমার ওখানেই খাই চলো?’

‘চলো।’

তুচ্ছনকে চা এনে দিয়ে রম্ভা কৃষ্ণেন্দুর মুখের দিকে তাকাল। কৃষ্ণেন্দু নীরবে মাথা হেলাতে সে যেন স্বস্তি বোধ করল স্পষ্ট। বোঝা গেল, তার মনে আশঙ্কা ছিল জ্বরের বশে মমতা হয় তো এখান থেকে নড়তে রাজী নাও হতে পারে। একেপারে কুঁসিয়ে উঠেই আবার নিষ্কলী হযে গেল মমতার মনটা।

রম্ভা বলল, ‘ও তোমায় বলতে বলে গেছে দিদিমণি নিজে গিয়ে মাপ চেয়ে আসবে তোমার কাছে। কাজে যেতে হল কিনা, নইলে আজকেই মাপ চেয়ে যেত।’

মমতা হাসবার চেষ্টা বলল, ‘তোমার কাছে মাপ চেয়েছে তো?’

‘শুধু মাপ চাইবে? প্রাচিন্তির করবে।’ রম্ভাও হেসে জবাব দিল।

বস্তি এলাকা পার হয়ে তাদের গাড়ি বড় রাস্তার গাড়ির ভিড়ে ঝাঁপিয়ে পড়লে মমতা বলে, ‘ব্যাপারটা রম্ভা! এত সহজ ভাবে কি করে নিল ভেবে পাই না। ডান করছিল নিশ্চয়।’

‘ভান করবে কেন ? আমাদের দেখাতে যে ওর মনটা খুব উদার ? না, আমাদের খাতির করতে ?’

‘তুমি কি তবে বলতে চাও এই নিয়ে ওদের ঝগড়া হবে না ? অশান্তি সৃষ্টি হবে না ?’

‘ঝগড়া হতে পারে, অশান্তি সৃষ্টি হবে না। ওরা বাস্তব বুদ্ধি দিয়ে ব্যবহারের দক্ষিণ অক্ষতি বিচার করে। ওর কাছে রামপালের আচরণটা শুধু অসঙ্গত নয়, অস্বাভাবিক। অস্বাভাবিক অবস্থায় একটা অস্বাভাবিক কাণ্ড করে ফেলেছে, আর কিছু নয়। এর মধ্যে আর কোন জটিলতা নেই ওর কাছে।’

কৃষ্ণেন্দু ব্যস্ত মানুষ, সারাদিন তার দেখা পাওয়া গেল না। রাত্রে বাড়ি ফিরে শ্রান করে সে খেতে বসলে মমতা সামনে বসলে, শিষ্কার মত অল্পগত ভাবে। এবার কি করা যায়। তার সব কাজ ফুরিয়ে গেছে। কোন কাজের যোগ্যতাই তার নেই। সারাদিন ভেবেও সে আবিষ্কার করতে পারেনি পৃথিবীতে কি দরকারে সে লাগতে পারে।

কৃষ্ণেন্দু তাকে ভরসা দেখ।

‘আমি তোমাকে কাজ দেব। জগতে কাজের অভাব আছে ? অত হতাশ হয়ে না। নিজেকে অপদার্থ মনে করার কোন কারণ ঘটে নি। একটা প্রবাদ আছে গানো তো, যার কাজ তারে সাজে অল্পে করলে লাঠি বাজে। যে কাজ তোমার নয়, তাই তুমি করতে গিয়েছিলে, তাই লাঠিও বেজেছে। বলা যায়, তুমি ভুল করেছ। কিন্তু এতে প্রমাণ হয় না কোন কাজের যোগ্যতা তোমার নেই। মন খারাপ করো না। কত বড় অভিজ্ঞতা হল বল দিকি। তার দাম কি কম ?’

‘কেমন পদার্থ লেগে গেছে সব বিষয়ে। যেসকল ভেবেছিলাম কিছুই যেন সরকম হল না। হীরেনের জগৎ তো সে সকল মন খারাপ হল না ? এটা অস্বস্তি থেকেছে কেউনা, সবই কি ফাঁকি আমার মধ্যে ?’

‘বিষাদ জমজমাট হয় নি, না ? কি করে হবে বল ? বিরহ বেদনাকেও জোরালো করতে হলে কালচার করা দরকার হয়। রীতিমতো সাধনার ব্যাপার। তোমারও ত, কিন্তু তুমি মোটে স্তব্ধ হয়ে গিয়েছ। নিজেকে নিয়ে আড়ালে সরে যেতে, একলাটি নিজের মনে শুধু ভাবতে যে বিচ্ছেদ যখন হয়েছে একজনের সঙ্গে আর পাঁচ। কন, দেখতে বিরহ কেমন চড় চড় করে করে চড়ে যায়, কি অসহ্য হতে পারে বিরহ।’

‘ভালবাসা, বিরহ এসব তবে মনের বিকার তোমার কাছে ? আশ্রয় দিলে বাড়ে, হলে নিষ্কীর্ণ হয়ে থাকে ?’

‘পাগল ভালবাসাকে বিকার ভাবেতে পারি, ভালবাসার ক্ষমতাই যখন মানসিক সহ্যতার সব চেয়ে বড় লক্ষণ ? কিন্তু ভালবাসাও তো মনেরি দর্শন। অস্ত্রশীলনের নয়মটা ভালবাসার বেলাতেও বাদ পড়ে না, বিরহের বেলাতেও নয়।’

‘কিন্তু আর একটা মুশ্কিল হয়েছে। বিরহের অভাবটা নয় বুঝলাম। কিন্তু বিতৃষ্ণা? বিরহ না হলে কি বিতৃষ্ণা হয়? ওর কাছে ফিরে যাব কিনা ভাবছিলাম। ভাবতেও এমন বিশ্রী লাগছে!’

কৃষ্ণেন্দু ভাতের গরাস মুখে তুলছিল, নামিয়ে রাখল।

মমতা হাই তুলে বলল, ‘আরও সুনবে? আরিফের জন্ত আমার মন কেমন করছে।’

কৃষ্ণেন্দু মাথা নীচু করে গেয়ে যায়। তাদের এখন আর মোটেই গুরু ও শিষ্টাচার মত মনে হয় না।

‘কেন মন কেমন করছে জানি না। কিছুই বলার নেই?’

‘না।’

‘ভাবনার কথা কিন্তু। ভালবেসে বিয়ে করা স্বামীর জন্তে বিতৃষ্ণা, ভাল না বেসে বিয়ে না করা বন্ধুর জন্তে মন কেমন করা। ব্যাপারটা বোঝা দরকার।’

‘কি হবে বুঝে?’

‘আগে তো বুঝি, তারপর ওটা বিবেচনা করা যাবে। হীরেনকে একটা খবর দেবে, আমায় এসে নিয়ে যাবার জন্তে? বলে দিও এসে একটু যেন সাধাসাধি করে।’

পুতুল এসে বসে কৃষ্ণেন্দুর কাছে। মমতা হাত বাড়িয়ে দেয়। পুতুল সরে যায় কৃষ্ণেন্দুর আরও গা ঘেঁষে।

‘পুতুলও চায় না আমাকে।’

‘মন খারাপ করো না মমু। এসব মুডকে প্রশ্নয় দিতে নেই।’

মমতা সুনতে পায় না। বলে, ‘উঃ, আমি কি অস্থখী কেট্টা আমি যদি রক্ত হতাম!’

মাসখানেক পরে একদিন কৃষ্ণেন্দু গিয়ে মমতাকে জানাল, রক্তা তাকে সন্ধ্যার পর সিন্দী খাবার নেমস্তন্ন করেছে।

‘রক্তা নেমস্তন্ন করেছে, না তুমি রক্তাকে দিয়ে করিয়েছ?’

‘রক্তাই করেছে। তবে আমায় জিজ্ঞেস করেছিল তোমায় বলা উচিত হবে কিনা। তুমি রাগ করবে কি না?’

‘আমায় নেবে সঙ্গে? তোমার অজ্ঞাতবাসের জায়গাটি দেখে আসব।’ হীরেন বলল।

‘তুমি যাবে? সবাই অবাক হয়ে যাবে তোমায় দেখে!’ মমতা বলল উৎসাহিত হয়ে।

সন্ধ্যার পর তারা পৌঁছল। গানের আসর বসেছিল কিন্তু গান আরম্ভ করা হয়নি

এদের জন্ত অপেক্ষা করা হচ্ছিল। হীরেনকে দেখে চোখের পলকে আশর স্তব্ধ হয়ে গেল। সকলে শুধু অবাক নয় একেবারে যেন হয়ে গেল হতভম্ব।

দাওয়ায় তাদের জন্ত বসবার বিশেষ ব্যবস্থা করা ছিল। বস্তা তাদের সিন্ধী আর ফল এনে দিল। তারপর স্ক্রু হল রামপালের গান।

রামপাল আজ স্বদেশী গান ধরেছে।

কৃষ্ণেন্দু চেয়ে দেখলো, হাসি আর গর্ক মুখে ফুটিয়ে রামপালের দিকে তাকিয়ে রহা গান শুনছে।

ছটি গানের পর কৃষ্ণেন্দু উঠে দাঁড়াল, বলল, 'কাছেই একটা কাজ আছে, সেরে আসছি একুনি।'

হীরেন বড়ই অস্বস্তি বোধ করছিল। সে বলল, 'চল আমিও যাব।'

ছ'জন যখন রাস্তায় পৌঁছল, অধিকাংশ গেরস্ব বাড়ী আলো নিভিয়ে ঘুমিয়ে পড়েছে। ভেতরের দিকে গলির ডাইনে ঝায়ে এবং দু'পাশের স্ক্রু স্ক্রু শাখা-গলির মধ্যে নিয়ন্ত্রণীর অনেক রূপজীবিনী বাস করে। এই বাড়ীগুলি এখনো পুরোদস্তুর সজাগ। মাল্লবের আসা বাণ্ডয়ার বিরাম এখনো হয় নি, গানবাজনা চৌচামেচিতে খোলার ঘরগুলি জ্বলজ্বলিত হয়ে আছে। গলির মোড়ে পথের দারে এবং বাড়ীর দ্বারে দাঁড়িয়ে অনেক স্ত্রীলোক এখনো প্রতীক্ষা করছে। যেচাকেনা চলছে পান বিড়ি আর ডিম মাংসের দোকানে। পুলিশ মন্থর পদে হাঁটছে, টুংটাং শব্দে রিক্সা ধানাগোনা করছে, মধ্যবিত্ত ভদ্রলোক চোখে পড়ছে অনেক ?

'এসদ মেয়ের অনেকের স্বামী আছে জানিস হীরেন ? স্বামীপুত্র নিয়ে সীতিমত দর সংসার করে। স্বামীর উপার্জনে চলে না, স্ত্রীও তাই এভাবে কিছু উপায় করে। সন্ধ্যার পর রাস্তায় এসে দাঁড়ায়, কেউ এলে দরদস্তুর ক'রে ঘরে নিয়ে যায়, স্বামী আস্তে আস্তে ঘর থেকে বেরিয়ে কাছাকাছি কোথাও অপেক্ষা করে। হয়তো দরের সামনেই বারান্দায় বসে বিড়ি টানে, ছেলেমেয়ে সামলায়। ভাবতে পারিস, চোখের সামনে আরেকজন পুরুষ স্ত্রীকে নিয়ে ঘরের দরজা বন্ধ করল ?'

'পারি ! এরা তো অশিক্ষিত ছোটলোক, আমায় একজন নিজে ডেকে নিয়ে হাদর করে ঘরে বসিয়ে স্ত্রীকে পাঠিয়ে দিত, সে শিক্ষিত ভদ্রলোক, পাড়ায় মানসম্মত আছে, মোটামুটি উপার্জনও আছে। বাপ মেয়েকে, ভাই বোনকে, স্বামী স্ত্রীকে ভাড়া দিয়ে টাকা রোজগার করে, সংসারে এটা তোর এই পাড়ায় প্রথম ঘটছে না।'

'এসব ভদ্রপাষণ্ডের কথা বলিনি। এ পাড়ায় অশিক্ষিত ছোট লোকের মধ্যেও প্রকম মাল্লব আছে। আমি যাদের কথা বলছি, তারা আলাদা জাতের লোক, নিরীহ, শান্ত, ভালোমানুষ। কোন রকমে খেয়ে পরে বেঁচে থাকতে পারলে এরা খুসী থাকে, টাকার জন্ত পাপ করার মত তাগিদ এদের মধ্যে নেই। আমি কয়েকজনকে জানি, বিয়ের পর কয়েকবছর এভাবে টাকা রোজগারের কথা স্বামী-স্ত্রী কল্পনাও করতে পারত

না। ত্রাতিনটি ছেলেমেয়ে হবার পর যখন আর উপায় রইলো না তখন বাধ্য হই এই পথ নিল। এদের প্রবৃত্তি নীচ বাদবাব, ভাঙ্কবার নয়। শুধু ঘর গেরস্থালি বজা রাখবার জ্ঞান এসব মেয়ে পাপ করে, স্বামী মুখ বুজে থাকে। এতবড় পাপ হজম করে শান্তিতে সংসার করার সাধ্য তোমার আমার নেই, ওদের সঙ্গে যায়, গরীব কিন সব চেয়ে আশ্চর্য এইটুকু। ওই দিকটা বাদ দিয়ে এদের ছাখো, অবিকল আর দশ গরীব গৃহস্থের মত জীবন কাটাচ্ছে, না জানা থাকলে দেখে কিছু টেরও পাবে না স্বামী বাজার করছে, ঘরের কাজে সাহায্য করছে, কাজে যাচ্ছে, বৌ রান্না করে বাসন মাজছে, ছেলেমেয়ে মানুষ করছে, স্নেহমমতা মান অভিমানের পালা চলছে সব একরকম। ঘরকন্ঠাকে বড় করে পাপকে ছোট করে নিয়েছে বলেই বোঝায় এটা সম্ভব হয়েছে। পুরুষ যেমন কলকারখানায় গত্তর খাটিয়ে রোজগার করছে বৌও তেমনি গত্তর খাটিয়েই রোজগার করছে, সেটা পরপুরুষ আলিঙ্গন সহিতে গত্তর খাটানো হোক, আর যাই হোক। ব্যাপারটা ওরা বোদহুয় এ ভাবে নেয়।

‘সহরের বস্তিটস্থিতে এরকম ঘটে।’

‘সহরের বস্তি ? গায়ে এমন কত দেখেছি। তোদের একটা ধারণা আসহরের বস্তিতে জগত্তের নোংরামি জড়ো হয়েছে, বস্তির বাইরে কোথায় দারিদ্র্য নে দুনীতি নেই। গায়ে যারা সতি গরীব, সমাজের নীচস্তরের জীব, তাদের মত কিছুদিন থেকে আয়, দেখতে পাবি বেঁচে থাকার জ্ঞান তাদেরও নীতির বাদন কটিলে করতে হয়েছে। আমাদের দেশের দারিদ্র্যের চেহারা দেখিস নি। গড়পড় আমাদের কত রোজগার তার হিসেবটা পড়ে মাথা চুলকে শুধু ভাবিস, তাই আমরা সতি বড় গরীব। গরীব হওয়ার মানে যেন শুধু গরীব হওয়া—আর বিনয়। ছেড়া কাপড় পরা, পেট ভরে খেতে না পাওয়া, কঙ্কালসার দেহ নিয়ে ধুঁক ধুঁকতে বেঁচে থাকা—এই হল দারিদ্র্যের সম্পূর্ণ রূপ। দেশে যেন কয়েক কোটি গ ছাগল বাস করে, ঘাস বিচালির অভাবে তাদের শুধু হাড়গোড় বেঁধে পড়ে—অ কিছু হয়নি।

পাঁচ

লোকনাথ কয়েকমাস আগে একটি রঙের কারখানা কিনেছিলেন। কারখানা যারা কাজ করত তাদের মধ্যে সাতজন ছিল মুসলমান, তিনমাসে একে একে তাে মধ্যে তিনজনকে বিদায় করা হয়েছিল। কদিন আগে বাকী চারজনকে হঠাৎ তাডি দেওয়া হয়েছে। ব্যাপারটা নিয়ে গোলমাল বাধার আগেই খবর পেয়ে কৃষ্ণেন্দু লো নাথের সঙ্গে দেখা করেছিল। লোকনাথ অজুহাত দিয়েছেন, ওই সাতজন দল বে

বাঁট পাকিয়ে নানা ভাবে কাজে অস্থবিধা ঘটান্ছিল, তাই, তিনি ওদের ছাড়িয়ে দিতে
দা হয়েছেন।

‘ঘোঁট পাকাঙ্ছিল কেন?’

‘ওসমান আলির জ্ঞা।

কারখানার আগে যিনি মালিক ছিলেন, তিনি নিজেই ছিলেন মানেজার,—নামে।
সমান আলি ছিল একাধারে ঐর সহকারী ও কারখানার শ্রমিক ও কক্ষচারীদের
দার। মালিক হিসাবেই হোক আর মানেজার হিসাবেই হোক আগেকার মালিক-
মানেজার সমস্ত ব্যাপারে নিদেশ দিতেন ওসমানকে, কারখানার কাজে সোজাসৃষ্টি
স্বরূপ করতেন না। লোকনাম কাঠের কারখানার হাঙ্গামার পর এখানে উমাপদকে
মানেজার নিযুক্ত করেছেন। আফিসে বসে ওসমানের মারফত উমাপদ মানেজারি
বলে কোন গোলমাল হবার কারণ ছিল না, যেমন কাজ চলছিল তেমনি চলত, কিন্তু
মজের গায়সঙ্গত অধিকার চেঁটে ফেলে কারখানার উন্নতির চেঁটা না করে, নিজের
চাপে কাজ কর্ম না দেখে, পুতুল সেজে বসে থাকতে উমাপদ রাজী হল না। যুক্তির
দক থেকে, উমাপদের মানেজারির বিরুদ্ধে ওসমানের বলবার কিছু ছিল না, প্রথম
থকে এই ব্যবস্থায় কাজ করে এলে তার ক্ষোভও জাগত না। কিন্তু শুধু যুক্তি নিয়ে
বক্তাদের চলে না, দাষ্টি হ ও ক্ষমতা অকারণে আইনসঙ্গত ভাবে কেড়ে নিলেও মানুষ
বল্লা পোষ করে। তাছাড়া কাগজে কলমে মানেজার হবার আশাও ওসমানের ছিল।
স আই, এন্-সি পাশ করেছে, এতকাল কারখানার অভিজ্ঞতা সঞ্চয় করেছে, তাকে
মানেজার নিযুক্ত করা অসঙ্গত হত না। তার বদলে তার মাইনে শুধু পাঁচটাকা
দিখে দেওয়া হল।

লোকনাম বললেন, ‘মুসলমান বলে একজনকেও তাড়াইনি কেঁধবাবু। ওরা ভাল
করছিল, আমার কাজ নিয়ে কথা। প্রাতোকে দোষ করেছে, তবে বিদেয় দিয়েছি।’

কৃষ্ণেন্দু বললে, ‘আপনি ভারি হত্যা করেছেন।’

লোকনাম চটে গেলেন।

কৃষ্ণেন্দু বলল, ‘গোড়ায় ওসমানের সঙ্গে বোঝাপড়া করে নেওয়া আপনার উচিত
ছিল। নতুন মানেজার আসবে, নতুন ব্যবস্থা হবে, ওসমানকে কি অবস্থায় কি কাজ
বরতে হবে, এসব ওকে আগে বলে দিতেন। সোজাসৃষ্টি এসব না করে আপনারা
পর সঙ্গে আরম্ভ করলেন লড়াই,—যেমন চলছিল তেমনি চলতে দিলেন কিছুদিন
প্ররপর আন্তে আন্তে ক্ষমতা কেড়ে নিয়ে ওকে অপদস্ত করতে লাগলেন। কি দরকার
ছিল তার? ভাবলেন বুঝি যে আপনার কারখানা, আপনার মাইনে করা লোক, যা
ব্যবস্থা করবেন তাই চলবে?’

হীরেনকে সঙ্গে নিয়ে কৃষ্ণেন্দু ওসমানের খোঁজে গেল। খাল আর ট্রাম লাইনের
নামানামি ওসমানের ছোট্ট পাকা বাড়ী, ট্রাম লাইন থেকে চণ্ডা যে গলিটা একে

বৈকে দক্ষিণে চলতে চলতে ক্রমেই সন্ধ্যা আর নোংরা হয়ে এ অঞ্চলের দরিদ্রতম মুসলমান পাড়ায় পৌঁচেছে, তারই ধারে। ওসমানের বাড়ীটি আগাগোড়া সাদা চুনকাম কর পাশেই একটি পুকুর। পুকুরের অপর তীরে কতকগুলি ছোট ছোট খোলার বাড়ী কেমন যেন তিন দিকের বাড়ীগুলি থেকে পৃথক হয়ে আছে। ওখানে একদল ধাঙ্গা বাস করে। একটি পাকা বাড়ীর পিছন দিকে উঁচু দেয়াল, খানিকটা আবর্জনা ভর পতিত জমি, ডাঙ্গাচোরা রাস্তা, এইসব মিলে এত কাছে রেখেও অল্প সব বাড়ী খেয়ে পাঙ্গড়দের ঘরগুলিকে কত যেন দূরে সরিয়ে রেখেছে।

ওসমান আগে গলি ধরে আরো এগিয়ে মুসলমান পাড়ার একটি খোলার ঘরেই থাকত। অবস্থা ভাল হওয়ায় খানিকটা তফাতে সরে এসে দেড় কাঠা জমি কিনে একতলা বাড়ীটি করেছে। এখানে দাঁড়ালে এই গলির মোড়ে ট্রাম রাস্তার উপরে উঁচু প্রাচীর ঘেরা বিস্তৃত বাগানের মাঝখানে একজন ধনী মুসলমান ব্যবসায়ী প্রকাণ্ড বাড়ীর খানিকটা চোখে পড়ে। ওসমান হয়তো মবারক সাহেবের এই বাড়ীটির পাশে গুইরকম আরেকটি বাড়ী তুলবার স্বপ্ন ছাখে তার এই একতলা বাড়ীর সামনে দাঁড়িয়ে।

ওসমান বাড়ীতেই ছিল, সদর দরজা খুলে বেরিয়ে এসে কৃষ্ণন্দুকে দেখে বলল 'কেষ্টেবাবু! আসেন, আসেন। ছালাম।'

হীরেনের দিকে সে তাকিয়েও দেখল না। অবজ্ঞাটা এতই স্পষ্ট যে হীরেনের ফর্সা মুগখানা লাল হয়ে গেল! কৃষ্ণন্দুর মত সে উদার নয়, নির্বিকারও নয়। কৃষ্ণন্দু ঠিক এই অবস্থায় পড়লে ওসমানের ব্যবহারকে অপমান বলে গ্রহণ করতে অস্বীকার করত, যেচে হাসিমুখে তার সঙ্গে কথা বলত, প্রথমেই তাকে জানিয়ে দিত যে জটিল ব্যাপারটার একটা মীমাংসার জন্তু তার সঙ্গে সে পরামর্শ করতে এসেছে। তবে হীরেনের সহশক্তি আছে। কোন অবস্থাতেই সহজে সে বিচলিত হয় না। কৃষ্ণন্দুকে ওসমানের সম্মান দেখানোর বহর দেখে তার মত অল্প কেউ হয়তো বলে বসত, তোমরা কথা বলো ইন্দু, আমি চললাম,— বলে, গটগট করে হাঁটতে আরম্ভ করে দিত। হীরেন চূপ করেই দাঁড়িয়ে রইল।

কৃষ্ণন্দুকে বসতে দেবার জন্য ওসমান বাস্তব হয়ে উঠেছিল! কোথায় বা বেচারী বসতে দেবে অতিথিকে! বাড়ীর সামনে তার একহাত চওড়া একটা রোয়াক তাড়াতাড়ি ভেস্তর থেকে সে একটা কাঠের চেয়ার নিয়ে এল। কিন্তু চেয়ার পাতলে কোথায়, বাড়ী তার রাস্তার ঠিক ওপরে, রাস্তায় ছাড়া চেয়ার পাতবার যায়গা নেই। বাড়ীর কোণে পুকুরের দিকে একটু ঢালু জায়গা আছে, ওখানেই চেয়ারটা সে পাতল কি? কিন্তু ওখানে বাড়ীর ছায়া পড়ে নি, এই কড়া রোদে কি মানুষকে চেয়ার পেতে বসতে দেওয়া যায়। লজ্জিত অপদস্ত ওসমান অসহায় ভাবে যায়গাটুকুর দিকে তাকালে লাগল, হাত থেকে চেয়ারটা নামিয়ে রাখবার খেয়ালও তার হল না।

কৃষ্ণেন্দু হেসে বলল, 'চলুন ভেতরে গিয়ে বসি। আপনার স্ত্রীর সঙ্গেও আলাপ হবে। দেবেন তো আলাপ করিয়ে পূ'।

বলতে বলতে রোয়াকে পা ঝুলিয়ে বসে পড়ল, হীরেনকেও ডেকে বসাল। আহত করণ চোখে ওসমান তাকিয়ে রইল তার দিকে। দেখে মনে হতে লাগল, এতবড় একটা সবল তেজী মানুষ গৃহে সমাগত ভদ্রলোককে মনের মত সমাদর করতে ন পেয়ে যেন ক্ষোভে দুঃখে লালিত শিশুর মত কাতর হয়ে পড়েছে।

কত কষ্টে এই বাড়ীটুকু সে তুলেছে কেউ তা জানে না। জমি কিনে দু'খানা ঘর তুলতে তার নগদ টাকা ফুরিয়ে গেছে, সামনের এই দেয়াল আর রোয়াক করেছে টাকা ধার নিয়ে। এখন তার মনে হতে থাকে, এসব না করলেই হত। তার খোলার বাড়ীর সামনে চণ্ডা বারান্দায় চৌকী থাকত, নতুন একখানা পাটি বা মতর বিছিয়ে মানুষকে বসতে দিলে না হত ভদ্রতার ক্রটি না হত বেমানান।

'তামাসা করছি আলি সা'ব।'

'নিশ্চয়! তামাসা বুঝিনা কেটবাবু?' ওসমানও হাসবার চেষ্টা করল।

'তবে পর্দা একদিন আপনাদের ঘুচাতে হবে। আমার ছেলের কাছে আপনার ছেলের বৌ পর্দা রাখবে না।'

'ঠিক কথা। কি জানেন কেটবাবু, আমারও একদিন ঝোক ছিল। কলেজ ছেড়ে বরিয়েছি, সাদি করেছি তিন কি চার সাল। বাবার এক ধমকে ঝোক কেটে গেল।'

'আপনার ছেলের ঝোক কাটবে না। তার বাবা তাকে ধমক দেবে না। কি বলেন?'

'খোদা জানেন। ধমক না দেই, হয়তো স্নেহ মার লাগাব।'

ওসমান অনেকটা সামলে উঠেছে। কৃষ্ণেন্দুর কথা ও ব্যবহার নিজের অজ্ঞাতসারেই তার মনে কাজ করছিল, সে শুধু বুঝতে পারছিল মানুষটাকে আজ তার বিশেষ করে এল লাগছে। মানুষের সহজ ও শাস্ত ভাব অতিশয় সংক্রামক, অত্নের গভীর উন্তেজনাও ম্ল সময়ে ফুরিয়ে দিতে পারে। ঝির ঝির করে অপরাহ্নের বাতাস বইতে স্বল্প বেরছিল, তিনজনেরই ঘামে ভেজা শরীর স্নিগ্ধ হয়ে যাচ্ছে। বাসন হাতে একটি ঝিবয়সী স্ত্রীলোক মাটির খাঁজে বাশ দমানো ধাপে পা দিয়ে তালগাছের শ্রুড়িতে তরী পুকুরের ঘাটে নেমে গেল। ওসমান সরে এসে তাদ দিকে পিছন ফিরে দাঁড়াল।

'এঁকে চেনেন না?' কৃষ্ণেন্দু শুধোল।

ওসমান সায় দিয়ে শুধু বলল, 'চিনি।' তারপর এক মুহুর্তে কি ভেবে অমায়িকাবেই হীরেনকে জিজ্ঞেস করল, 'ভাল আছেন!'

হীরেন সম্পর্কে ওসমানের ভদ্রতার অভাবটা কৃষ্ণেন্দু ঠিক মত বুঝে উঠতে পারছিল। শত্রু বাড়ীতে এলে তাকে খাতির করে, এই প্রকৃতি ওসমানের। এতক্ষণে সে টর পেলে যে হীরেনকে শত্রু ভেবে নয়, সে তার দ্বুতপূর্ক মনিবের ছেলে বলে

ওসমানের ভয় হয়েছে তার বিনয়কে হয়তো সে তার বাপের বেতনভোগী মানুষকে স্বাভাবিক দীনতা হিসাবে গ্রহণ করবে, প্রভু যে ভাবে ভৃত্যের নম্রতাকে গ্রহণ করে সেই ভাবে।

শক্তিত দৃষ্টিতে কৃষ্ণেন্দু হীরেনের দিকে তাকিয়ে থাকে! এত দেবী করে কে? রাশ্বেলটা, ওকি ওসমানের কথার জবাব দেবে না? যদি ও তুমি বলে বসে ওসমানকে!

হীরেন কেমন অস্বস্তিক হয়ে গিয়েছিল, হঠাৎ সে যেন সচেতন হয়ে উঠল। বলল 'ভালই আছি। আপনার খবর ভাল?'

চোখের পলকে ওসমানের মুখের ভাব বদলে গেল। খুসী হয়ে তার মধুর গম্ভীর আওয়াজে সে বলল, 'চলছে একরকম। আপনি যে গরীবের বাড়ী পায়ের ধুলে দেবেন—'

হীরেন আর টানতে পারল না, ক্লিষ্টভাবে একটু হেসে সংক্ষেপে শুধু বলল 'বলেন কি!'

কৃষ্ণেন্দুর ওপর রাগে তার গা জ্বল য়াচ্ছিল। মমতা ফিরে আসবার পর থেকে হীরেন যেচে কৃষ্ণেন্দুর সঙ্গে অনেক যায়গায় গিয়েছে, কুলিমজুরদের আরেকটু ঘনিষ্ঠভাবে জানবার জন্তে। তার এই পরাজয়ের উদারতার মমতা যদি খুসী হয় এই উদ্দেশ্যে কিন্তু সে আলাদা ব্যাপার। ওসমান তো গরীব নয়, কথায় ভুলিয়ে ফাঁকি দিবে এখানে কৃষ্ণেন্দু কি বলে তাকে নিয়ে এল?

তারপর তারই সামনে ওসমানের সঙ্গে কৃষ্ণেন্দু যখন কারখানার গুণ্ডগোলের বিষয় আলোচনা শুরু করল, রাগে হীরেনের রক্তে যেন আগুন ধরে গেল একেবারে কয়েক মুহূর্তের জন্ত একথা পয্যস্ত তার মনে হল যে, কৃষ্ণেন্দু তার বন্ধু নয়, আর দশা বড়লোকের ছেলের মত তাকেও কৃষ্ণেন্দু ঘৃণা করে, তাকে নিয়ে এই রকম মজা করা জন্তই সে বন্ধুত্বের ভানটা বজায় রেখে চলে তার সঙ্গে।

লোকনাথকে যেমন বলেছিল, ওসমানকেও তেমনি ভাবেই কৃষ্ণেন্দু বলল, 'আপনি বড় অস্বস্তি করেছেন, আলি সা'ব। এত হাঙ্গামা করবার কি দরকার ছিল আপনার আপনার কদর ওরা বুঝল না, আপনি কাজ ছেড়ে দিলেন, হাঙ্গামা চুকে গেল আপনার কি কাজের অভাব হত কিছু? বেলেঘাটার বসাকবাবু আজ গেলে কা আপনাকে কাজে লাগিয়ে দেবে। ম'বুব, আজিজ, আমিরুদ্দীন, এদের নিয়ে ঘোঁ পাকাতে গেলেন কি বলে?'

ওসমান মুখ অন্ধকার করে বলল, 'আপনি যদি বলেন আমি মুছলমান, ওরা মুছলমান, তাই ওদের বেছে নিয়ে ঘোঁট পাকিয়েছি—'

'তা জানি। অস্বস্তি সবাই এলে তাদের নিয়েও ঘোঁট পাকাতেন, তারা যদি নিয়ে থেকে আসত। তাদের আপনি ভাকেন নি, এদের ডেকেছেন।'

‘আমি ডাকলে ওরা আসবে কেন ? আমি মুছলমান !’

‘এবার জবাব দিন আলি সা’ব। আপনাকে ছাড়িয়ে দিয়ে লোকনাথবাবু তবে কি দোষ করেছেন ? পাঁচ সাত বছর চল্লিশ বিয়াল্লিশ জন লোককে দিয়ে আপনি কাজ করালেন, তারপর যখন নতুন মালিক এসে আপনাকে ছাড়িয়ে দিল, সাতজন মুছলমান ছাড়া আর কেউ আপনার দলে গেল না। কেমন কাজ করেছিলেন আপনি সাত বছর ? জাতভাইদের দিকে টেনে বাকী সকলের ওপর অস্তায় করেছিলেন নিশ্চয়। আপনি যদি এমন লোক, আপনাকে কি করে রাখা চলবে বলুন ?’

ওসমান কথা বলতে যাচ্ছিল, হাত তুলে তাকে থামিয়ে দিয়ে কৃষ্ণন্দু বলে চলল, ‘আরেকটা মানে হতে পারে। আপনি ব্যবহার করতেন ভাল কিন্তু ওই বাকী লোকগুলি খারাপ লোক, আপনি মুছলমান শুধু এইজন্য আপনাকে দেখতে পারত না। বেশ কথা। তাই ধরে নিলাম। কিন্তু তাহলেও লোকনাথবাবু আপনাকে বাহাল রাখতেন কি করে বলুন ? চল্লিশ বিয়াল্লিশ জন লোকের মধ্যে ত্রিশ জনেরও বেশী যাকে পছন্দ করে না, তাকে সন্দ্বার রেখে কি কারণটা চলে ? আপনার সব বাজে অজুহাত আলি সা’ব। আপনার রাগ হয়েছিল, রাগের জ্বালায় ম’বুদ, আজিঞ্জদের ক্ষেপিয়ে আপনি গায়ের জ্বালা মেটাতে চেয়েছেন। আপনি চূপচাপ চলে এলে ওরা কাজ করে যেত, এমন কষ্টে পড়ত না। ওদের ইজ্জৎ রাখতে আপনি কোথায় জান দেবেন, নিজের ফাঁকা ইজ্জৎ রাখতে, গায়ের ঝাল ঝাড়তে, আপনি ওদের মারলেন।’

ওসমান অনেকক্ষণ গুম পেয়ে রইল। তারপর বাঁজালো গলায় বলল, ‘আপনি বডু কড়া কড়া কথা বলেন কেঁটবাবু।’

‘খাটি খাটি কথা বলি আলিসা’ব। এমনি ওদের প্রাণটুকু ধুক ধুক করছে, নিজেদের ভালর জন্তু ওদের দিয়ে কিছু করানো প্রাণস্ব ব্যাপার, আপনি ‘আমি যদি আপনার আমার আজেবাজে কাজে ওদের প্রাণটুকু ফুঁকে দিই ওরা যায় কোথায় বলুন ? কটা লোক দরদ করে ওদের ? আপনার একটু দরদ আছে, আপনিও যদি ওদের কথা আগে না ভেবে নিজের কথা ভাবেন, দুদিন পরে ওরা কবরে যাবে। না আলিসা’ব, আপনার আমার মান অপমান নেই। আপনাকে তাড়ালে চূপ করে আপনি চলে আসবেন। নজর রাখবেন যারা রইল তাদের দিকে। ওদের একজনকে যখন অস্তায় করে তাড়াবে, তখন ফৌস করে উঠে বলবেন— খপন্দার।’

‘ওদেরও তাড়িয়েছে।’

‘কাজের বদলে ঘোঁট করায় তাড়িয়েছে, কাজ করতে গেলেই ফিরিয়ে নেবে। হীরেনবাবুকে তাইতো সঙ্গে আনলাম। জিজ্ঞেস করুন।’

ওসমান কিছু জিজ্ঞেস করল না। হীরেনও চূপ করে বসে রইল। এ বিষয়ে আর উচ্চবাচ্য না করে এতক্ষণের আলোচনাকে একেবারে যেন বাতিল করে দিয়ে কৃষ্ণন্দু বলে বসল, ‘এক গেলস জল দিন তো আলিসা’ব।’

ওসমান ব্যস্ত হয়ে ভিতরে চলে গেল।

জল আসতে কিন্তু দেবী হতে লাগল অল্পত রকম। চাপা গলায় ওসমান ও দুটি নারীকণ্ঠের বাদ্যমুখ্য মাঝে মাঝে কাণে ভেসে আসতে লাগল। জল আনতে গিয়ে ওসমান কি বাড়ীর মেয়েদের সঙ্গে ঝগড়া আরম্ভ করে দিয়েছে? গেলাস নেই বলে তাড়াতাড়ি গেলাস মেজে দিতে বলেছে? অথবা শুধু জল না দিয়ে অতিরিক্ত আরও কিছু দেবার হাঙ্গামা নিয়ে তর্ক আর আলোচনা শুরু হয়েছে?

কৃষ্ণেন্দু ও হীরেন মুখ চাওয়া চাওয়ি করছে, ওসমান এসে সবিনয়ে বলল, 'ভেতরে আসবেন একবার?'

শুধু কৃষ্ণেন্দুকে নয়, হীরেনকেও সে ভেতরে যাবার আহ্বান জানাল।

ওসমান যে সত্যসত্যই তাদের বাড়ীর মধ্যে ডেকে নিয়ে গিয়ে মেয়েদের সঙ্গে পরিচয় করিয়ে দেবে, দুজনে তা কল্পনাও করতে পারে নি। এমন কয়েকজন মুছলমান বন্ধু কৃষ্ণেন্দুর আছে, নতুন জগতের চিন্তাদারার সঙ্গে যাদের ওসমানের চেয়ে শতগুণ ঘনিষ্ঠ পরিচয়, তার চেয়ে যারা ঢের বেশী দুঃসাহসী। মনে প্রাণে পক্ষার বিরোধী হয়েও তারা আত্মীয় পরিজন পাড়াপ্রতিবেশীর মতামতকে উপেক্ষা করতে পারে নি।

ছোট উঠানটি পরিষ্কার। এক কোণে একটি মাত্র মাটির টবে একটি অজানা চারা, ফুল ফোটেনি। একপ্রান্ত থেকে আরেক প্রান্ত পর্যন্ত টাঙ্গানো লোহার তারে একটি ছুরি লুপ্তি ও একটি গাট হলুদ রঙের পাতলা ফিনফিনে শাড়ী শুকোচ্ছে। একটি ঘরের দরজা ভেতর থেকে বন্ধ, জানলার পাট অল্প একটু ফাঁক করে একজন কেউ উঁকি দিচ্ছে বোঝা যায়। ওসমান তাদের অগ্নি ঘরটিতে নিয়ে গেল। খাটে শুধু তোষকের ওপর রঙীন স্ত্রোয় বোনা সস্তা চেক চাদর পাতা। খাটটি বহুকালের পুরাণো, অতিরিক্ত বাহারের কাজ ও বাহলা নক্সায় ভরা। এখন রঙ চটে গেছে, নানা স্থানে মেরামত করা হয়েছে, একটি পায়ী একদম বাদ দিয়ে সাধারণ কাঠের সাধারণ একটি পায়ী বসাতে হয়েছে। দেখলেই বোঝা যায় খাটটি নিলামে কেনা। এ ছাড়া, ছোট একটি টেবিল, কাঠের একটি চেয়ার ও সস্তা একটি কাম্প চেয়ার ঘরের আসবাব। ইটের ওপর কাঠের তক্তা বসিয়ে ঘরে তৈরী পাড়ের ঘেরাটোপ দেওয়া দুটি বাস্তু একপাশে দেয়াল ঘেঁষে রাখা হয়েছে। দেয়ালে তিনটি ছবি টাঙ্গানো, তিনটিই মাসিকপত্র থেকে সংগ্রহ করা। একটি হুরজাহানের, একটি রঙিন পাখীর, অগ্নি রক্তগোলাপ হাতে ওমর খৈদামের।

বাইরে যে চেয়ারটি নিয়ে গিয়েছিল, ওসমান সেটিও নিয়ে আসে। ব্যস্তভাবে সে ঘরে বাইরে আনাগোনা করে, সমাদর জানানোর চেষ্টায় অর্থহীন কথা বলে। ছেলেমানুষের মত সে উত্তেজিত হয়ে উঠেছে; তার এই উত্তেজনায় আসল কারণটি তখনো কৃষ্ণেন্দু অস্বপ্ন করতে পারেনি, একসময় সে হাসিমুখে

অহুযোগ দিয়ে বলে, 'অত খাতির করবেন না, আলি সা'ব। মুন্সিলে ফেলে দিচ্ছেন যে আমাদের!'

বলতে বলতে সবিস্ময়ে তাকিয়ে দেখল, বাইশ তেইশ বছরের একটি মেয়ে অত্যন্ত সঙ্কোচের সঙ্গে ঘরে ঢুকছে। পাতলা ছিপছিপে গড়ন, মুখখানা: হুশ্রী ও কোমল, গায়ে কল্লি-হাতা জামা, পরণে ফিকে সবুজ শাড়ী, পায়ে জরি বসানো চটি। ঘরে ঢুকেই স্থিধাভরে সে দাঁড়িয়ে পড়ল, তারপর আরও ড'পা এগিয়ে এল। মেয়ের দিকেই সে তাকিয়ে রইল, একবার শুধু চকিতের জ্ঞা তার গভীর কালো চোখের দৃষ্টি তাদের দিকে বিলিক দেওয়ার মত খেলে গেল।

ওসমান পরিচয় করিয়ে দিল, 'ইনি আমার স্ত্রী। ইনি কৃষ্ণেন্দু বাবু, ইনি হীরেন বাবু।'

বাস্তব সমস্ত ভাব কেটে গিয়ে ওসমান এখন শাস্ত ও গভীর হয়ে উঠেছে। উৎকর্ষার সঙ্গে সে আমিনার ভাব-ভঙ্গি লক্ষ্য করে। আমিনার অবস্থা সে ভাল করেই বুঝতে পারছিল। ব্যাপারটা শেষ পর্যন্ত হাস্যকর হয়ে না যায়, এখন ওসমানের এই আশঙ্কা। বেশী কিছু আশা করে না সে আমিনার কাছে। পাঁচ ছ'মাস আগে কৃষ্ণেন্দুর বাড়ীতে তার বৌদিদি কেমন সহজভাবে তাকে অভ্যর্থনা জানিয়েছিল, তার সঙ্গে আলাপ করেছিল, ওসমানের মনে পড়তে থাকে। ওদের অভ্যাস আছে, ওদের কথা আলাদা। জীবনে আজ এই প্রথমবারের চেষ্টায় আমিনা কেন ওদের মত হতে পারবে। সে যেন শুধু ভেঙে না পড়ে, হঠাৎ যেন পালিয়ে না যায়!

কৃষ্ণেন্দু তার চেয়ারটি আমিনার কাছে এগিয়ে দিয়ে এসে বলল, 'বসুন।'

আমিনা অফুটস্বরে কি বলল বোঝা গেল না। চেয়ারের পিঠে একটি হাত রেখে সে দাঁড়িয়ে রইল।

কৃষ্ণেন্দু অধ্যবসায়ী, সহজে হার মানেন না।

'বাড়ীর ভেতর চড়াও হয়ে আপনাকে বচই জালা তন করলাম।'

আমিনা একবার চোখ তুলে তাকাল।

'উপেনবাবু আর জলধর বাবুর মেয়েদের সঙ্গে আপনি খুব মেথামেশ করছেন শুনেছিলাম। ওঁরা আমার বলেননি, আমার সামনে ওঁরা বার তন না। আমার বৌদির কাছে শুনেছি।'

আমিনার মুখে ক্ষীণ একটু হাসি দেখা গেল।

'আমাদের বাড়ীটা একটু দূরে। আপনি তো আর যাবেন না, বৌদিকে একদিন নিয়ে আসব।'

আমিনা মুদূস্বরে বলল, 'আনবেন। আনবেন তো?' সংক্ষিপ্ত বিরামের পর সে আবার যোগ দিল, 'আমিও যাব।'

আমিনার কথার স্বর আশ্চর্য্য বকম মিষ্টি। মিহি গলার মৃদু উচ্চারণে ক্ষীণ একটু

বাহারের আভাস মিশে থাকায় তার কথা পাখীর কুঞ্জের মত অপূর্ণ শোনায়। কিছুক্ষণের মধ্যেই স্থিতিসঙ্কোচের ভাব তার অনেকটা কেটে গেল। লেখাপড়া সে বিশেষ জানে না, বাইরের জগতকে একরকম চেনে না। ওসমান নিজে তাকে কিছু কিছু পড়তে শিখিয়েছে, তারই মারফত বাইরের জগতের দুটি একটি খবর সে পায়। অতিপি দু'জনকে সে আম আর দোকানের খাবার খেতে দিল! বার বার কৃষ্ণেন্দুকে মনে করিয়ে দিল নৌদিকে নিয়ে সে যেন একদিন বেড়াতে আসে। আদ ঘটনা একটি অপরিণত শৈশব-আশ্রয়ী মনের সংস্পর্শে কাটিয়ে হীরেন মুগ্ধ ও কৃষ্ণেন্দু বিম্বন হয়ে বিদায় নিল।

'ম'বুব, আজিজদের বলে আসি চলুন আলি সা'ব, কাল থেকে ওরা যেন কাজে লাগে।' কৃষ্ণেন্দু বলল।

ওসমান বলল, 'আপনি কেন যাবেন? ডেকে পাঠাচ্ছি ওদের।'

'চলুন না আমরাই যাই। তাতে দোষ নেই আলি সা'ব।'

অনিচ্ছুক ওসমানকে সঙ্গে নিয়ে কৃষ্ণেন্দু গলি ধরে এগিয়ে চলল। ক্রমে ক্রমে পথ হয়ে এল সন্ধ্যা ও অপরিচ্ছন্ন। পথের ধারে জলের কলের কাছে বালতি কলসী নিয়ে পাঁচ সাতটি স্ত্রীলোক দাঁড়িয়ে আছে। রুক্ষ চুল, রুগ্ন দেহ, সাধা সেমিজের অভাববশতঃ ময়লা শাড়িপানিই ঢুফেরতা জড়ানো। পথের ধারে চাল ডাল তেল মসলার দোকানে নারী পুরুষ দৈনিক সওয়া কিনছে, দু'এক, আধপয়সার। এরা তেল, ছন্ন পয়ান্ত দিন কিনে দিনের প্রয়োজন মেটায়, একসঙ্গে কয়েকটা দিনের সূন্দা কিনে রাখবার পয়সা নেই। একটি খোটা মেয়ে তিনটি ছাগল তাড়িয়ে ডাইনের একটা বাড়ীতে ঢুকে পড়ল, তকমা আঁটা এক চাপরাসী এ্যালুমিনিয়ামের পাত্র হাতে বাড়ীর সামনে দাঁড়িয়ে আছে, কোনো এক বাবু ছেলে ছাগলের দুধ খায়। কোথা থেকে ভিজ্জে কাপড়ে আবির্ভূত হয়ে একটি হুলাঙ্গী বাঙ্গালী যুবর্তী ওই বাড়ীতেই প্রবেশ করার সময় কৃষ্ণেন্দুদের সামনে নির্ভীক নির্লজ্জতার সঙ্গে চাপরাসীকে বিলোল কটাক্ষ হানল, অকারণে থমকে দাঁড়িয়ে ভাল করে নিজেকে ঢাকবার ছলে মুহুর্তের জন্ত বুকের আবরণ সরিয়ে দিল, তারপর জুঁক উপেক্ষার ভঙ্গিতে নাক সিঁটকে মুখ উঁচু করে ভেতরে চলে গেল।

হীরেনের চোখ কপালে উঠে গেছে দেখে কৃষ্ণেন্দু একটু হাসল।

'এটা বিজ্ঞাপন ভাই! পাজীর বিজ্ঞাপনের চেয়ে অল্লীল ঠেকল? চাপরাসীটা যদি কেনে, আজ ওর আট আনা রোজগার হবে, কাল কুঁচো চিড়ি আনিয়ে পেট ভরে ভাত খাবে। জোরালো শরীর বলে ওর খিদের তাগিদটা একটু বেশী। ব্যায়ামে ভুগে যখন শরীরটা ভেঙ্গে পড়বে, খিদে কমে যাবে, তখন আর এরকম অভদ্রতা করবে না।'

'একে চিনিস?'

‘চিনি। ওর নাম কালী। ভীষণ দঙ্কাল। বেচারীর কপালটা বড় মন্দ। না খেয়ে না খেয়ে স্বভাবটা বেশ নরম হয়ে আসে, একজন কাউকে পাক দিয়ে তার সঙ্গে কয়েকদিন খুব ভাল ব্যবহার করে। পেটভরে খেয়ে গায়ে জোর হলে আবার আসল মূর্তি বেরিয়ে পড়ে। কাউকে নিজে দূর দূর করে তাকিয়ে দেয়, কেউ আপনার থেকে পালায়।’

দীর্ঘ দিকে হুঁহাত চণ্ডা একটা গলির মধ্যে প্রথমেই ম’বু’র বাড়ী। তিনজনে গলিতে ঢুকতেই কয়েকটা মুরগী উচ্চকিত হয়ে পালিয়ে গেল। গলির দুদিকেই টিন আর খোলার ঘর, পুরাণে এবং জীর্ণ। আবরু রক্ষার জগ হুঁপাশের বাড়ীতেই এখানে এখানে জীর্ণ চটের পর্দা ঝুলছে। তবু দরজার ফাঁক দিয়ে ম’বু’র উঠানের খানিকটা চোখে পড়ে। সেখানে কতগুলি খুঁটে গাদা করা, কাছে শুয়ে হাপাচ্ছে একটা লোমপুটা ঘেঘো কুকুর। চোখ ফিরিয়ে নিতে কৃষ্ণেন্দু নজরে পড়ল, এদিকের বাড়ীর ঠিক সামনের ঘরখানার ভেতরে একটি পনের যোল বছরের ছেলে এই অবলায় পড়াশোনা করছে। ঘরটি খুব ছোট, ভেতরে আবছা অন্ধকার। বেড়ার গায়ের ছোট জানালাটিতে বাঁশের বাতা বসানো। মাটির মেঝেতে চাটাই-এর আসন পেতে ছেলেটি বসেছে, সামনে একটা কেরাসিন কাঠের চৌকো বাস্তু হয়েছে তার টেবিল, তাতে কয়েকটি বই খাতা আর দোয়াত কলম। একটি বই খুলে অল্প আলোর জলু বইয়ের পাতার ওপর ঝুঁকে ছেলেটি একমনে পড়ে চলেছে।

বাড়ীটা নেওয়াজের। কৃষ্ণেন্দু আনমনে বাঁশের বাতা বসানো জানালার ফাঁকে অবদানরত ছেলেটির দিকে তাকিয়ে রইল। কার কাছে সে যেন শুনেছিল নেওয়াজের ছেলে থার্ড ক্লাসে উঠেছে। এতদিন খবর নেয়নি কেন?

‘ম’বু’র, আজিজ, নেওয়াজের গোলমালটা মিটে ৬ মটল না। ওসমান বেলেঘাটার বসাকদের কারখানায় ঢুকেছে, এদের সাতজনকে লোকনাথের কারখানায় ফিরিয়ে নেওয়া হয়েছে। এরা আর কোন গোলমাল করতে চায়নি, কিছু উমাপদ ছাড়বার ছেলে নয়, সে এদের পেছনে লেগেছে। এদের ফিরিয়ে নেবার ইচ্ছা তার ছিল না, কৃষ্ণেন্দু আর হীরেন লোকনাথকে বুঝিয়ে রাজী করানোর সে আর কিছু বলতে পারে নি। সেই রাগটা সে ঝাড়াতে আরম্ভ করল এই বেচারীদের ওপর। এই ছোট কারখানার সামান্য ব্যাপারটা যে কতখানি গুরুতর হয়ে উঠেছিল, হিন্দু-মুসলমান মজুরদের মধ্যে ধর্মগত একটা বড় রকম হাঙ্গামা বাধাবার চেষ্টা তলে তলে আরম্ভ করে দিয়েছিল হিন্দু ও মুছলমান দুই ধর্মেরই কয়েকজন ওস্তাদ ব্যক্তি, সেটা বুঝবার ক্ষমতা উমাপদের ছিল না। বুঝিয়ে দেবার চেষ্টা করতে গিয়ে কৃষ্ণেন্দু ব্যর্থ হয়ে ফিরে এল।

লোকনাথের সঙ্গে দেখা করলে তিনি বললেন, ‘কেটবাবু, দয়া করে হাঙ্গামা সৃষ্টি করবেন না।’

সেদিন সকালে ভারতের হিন্দুদের স্বার্থ রক্ষার জন্ত জীবন উৎসর্গের লাভজনক ব্যাপারে উৎসাহী একজন নাম করা ধনী হিন্দু নেতা যে লোকনাথের সঙ্গে দেখা করে গিয়েছিলেন, কৃষ্ণেন্দু তা জানত না।

ভেবে চিন্তে সে কারখানার সব মজুরকে জড়ো করে হীরেনকে সঙ্গে নিয়ে যায়।

হীরেন যথ অনিচ্ছার সঙ্গে কিন্তু বিনা প্রতিবাদে।

প্রতিবাদ করে না, কিন্তু আপশোষ জানায়। নিঃশ্বাস ফেলে বলে, 'ঘরে বাইরে এত অশান্তি আমার নয় না কেটে।'

'অশান্তিটা কিসের!' কৃষ্ণেন্দু শুধায় ?

'এই ঘরে মমতাকে নিয়ে, বাইরে তোকে নিয়ে।'

বলে সে একটু হাসবার চেষ্টা করে। ভীকু অপরাধীর মত কেমন এক দরনের হাসি। তার জীবনে অশান্তি কথাটা যেন অত্যায, তারই দোষ। এভাবটা হীরেনের দিন দিন বাড়ছিল। মমতা আর কৃষ্ণেন্দুর সঙ্গে কথা বলার সময় নিজেকে সে যতদূর সম্ভব লোপ করে দেয়—তার নিজস্ব পছন্দ-অপছন্দ ভাল-লাগা ভাল-না-লাগার কথা মুখে এলে উচ্চারণ করেই গিলে ফেলে। ভেতরটা তার পুড়ছে। ঘুঁটের মত ধীরে ধীরে গোপনে। এটাও সে মানতে চায় না—জ্বালাটা পর্যাস্ত। সে কি ছোট লোক, অমার্জিত, অসভা, স্বার্থপর যে আরিফ জেলে আছে, মমতা শাস্ত হয়ে ফিরে এসে সন্ধি করেছে, তবু সে ঈর্ষায জ্বলবে, সর্বদা মনে হবে মমতা তাকে ঠকিয়েছে, ঠকাচ্ছে, ঠকাবে।

যদি সে ভাবতে পারত যে মেয়ে জাতটাই এরকম। এটা ভাবতে গেলেই দিগম্বরীর কথা মনে ভেসে আসে—গেয়ে। অশিক্ষিতা দিগম্বরী, স্বামী ছাড়া যার জগতে দ্বিতীয় পুরুষ নেই, সেবা আর শ্রদ্ধা যার স্বভাব।

কৃষ্ণেন্দুও হয়তো তাকে তুচ্ছ অনাবশ্যক মনে করে এ সন্দেহের জ্বালাটা যখন বেড়ে যায়, নিজেকে বড় একা মনে হয় হীরেনের, গভীর বিষাদ ঘনিয়ে আসে।

সন্দেহ সত্য হয়ে দাঁড়বার ভয়ে সে কৃষ্ণেন্দুর ওপরে বন্ধুত্বের জোর খাটায় না, নিব্বিরোধ ব্যবহারের চেষ্টা করে।

তাই, কৃষ্ণেন্দুকে চটাবে না বলে হীরেন মজুরদের সভায় গেল। ছুঁচার জন ছাড়া লোকনাথের কারখানার সকলে প্রায় একসময়েই মিস্ত্রীদের ঘরে এসে জড়ো হল। কারখানা থেকে তারা সোজা এখানে এসেছে। কৃষ্ণেন্দু তাদের জন্ত খাবার বো গাড করে রেখেছিল,—রুটি, তরকারী আর একটি করে শুভের সন্দেশ। পরিশ্রাস্ত ও ক্ষুধার্ত মানুষগুলি এই খাওয়া উদরস্থ করে যখন ঢক্ ঢক্ করে এক ঘটা জল খেল, স্পষ্ট অনুভব করা গেল তাদের উপস্থিতির প্রকৃতিই যেন বদলে গেছে। অধীর উত্তেজনাপ্রবণ মানুষগুলি কয়েক মিনিটের মধ্যে হয়ে গেল ধীর ও শাস্ত। এ বিষয়ে কৃষ্ণেন্দুর অভিজ্ঞতা

আছে। সে জানে, পেট ঠাণ্ডা না করে মাথা ঠাণ্ডা রেখে আলোচনা করার ক্ষমতা এদের হয় না।

আলোচনার গোড়াতেই জানা গেল, ম'বুব আজিজদের সম্পর্কে কারখানার অল্প সকলের মনে এতটুকু বিরুদ্ধভাব নেই, অনেকদিন তারা একসঙ্গে কাজ করছে। প্রতিবাদ না করলেও ওদের প্রতি যে অত্যয় ব্যবহার করা হচ্ছে সেটা তারা সমর্থন করে না। ক্ষমতা থাকলে প্রতিবাদও তারা করত।

কৃষ্ণেন্দু বলল, 'তাই তোমাদের করতে হবে।'

এদের মধ্যে দীননাথ সবচেয়ে বিচক্ষণ, মাথায় কাঁচাপাকা চুল আর গায়ের ফতুয়াটির জন্তু তাকে আরও বেশী বিচক্ষণ দেখায়। হীরেনের দিকে একনজর তাকিয়ে সে উদাসভাবে বলল, 'আমরা কি করতে পারি বলুন?'

'এরা সাতজন যা করে, তোমরাও তাই করবে। এদের একজনকে উমাপদবাবু অপমান করলে বাকী ছ'জন গা পেতে নেয়, এবার থেকে তোমরা সবাই গা পেতে নেবে। দরকার হলে ওদের সঙ্গে তোমরাও বেরিয়ে আসবে কাজ ছেড়ে দিয়ে।'

কেউ কথা বলে না। কৃষ্ণেন্দুর কথা শুনে শুনে বার বার সকলের দৃষ্টি পড়তে থাকে হীরেনের ওপর। এই সভায় হীরেনের উপস্থিতি তাদের কাছে দাঁড়ান মত হয়ে উঠেছে, সকলেই দারুণ অস্বস্তি বোধ করছে; প্রথমে সকলে ভেবেছিল মদ্যাহ হয়ে ব্যাপারটা মীমাংসা করে দেবার জন্তু সে এসেছে, কর্তৃপক্ষ থেকে সে তাদের ভরসা দেবে যে ভবিষ্যতে আর কারখানার কারো প্রতি কোনরকম দুর্ব্যবহার করা হবে না। আপোষ আলোচনার পরিবর্তে যখন প্রতিকারের ব্যবস্থার কথা উঠল, হীরেনের সামনেই অত্যন্ত স্পষ্ট ভাষায় উমাপদের সমালোচনা করে কৃষ্ণেন্দু যখন বুঝিয়ে দিতে লাগল, ওই একটি লোকের গোঁয়ার্ত্বমির জন্তুই বিত্তী ব্যাপারটা সৃষ্টি হয়েছে এবং সে আর লোকনাথের একগুঁয়েমির জন্তুই ব্যাপারটা মেটানো যাচ্ছে না, সকলে তখন এমন বিব্রত হয়ে পড়ল বলবার নয়। কারো কারো একথাও মনে হল যে এমনিভাবে বাপভাই-এর নিন্দা শুনিয়ে অপমান করার উদ্দেশ্যেই হয়তো কৃষ্ণেন্দু ভুলিয়ে-ভাগিয়ে হীরেনকে সভায় এনে হাজির করেছে।

হীরেনও প্রথমে কল্পনা করতে পারেনি তাকে ডেকে এনে কৃষ্ণেন্দু এভাবে অপদস্থ করবে। তারও ধারণা ছিল, সকলের অভিযোগ শুনে প্রতিকারের ব্যবস্থা করবে বলে সে কথা দেবে, এইটুকু কৃষ্ণেন্দু তার কাছে আশা করে। এ ব্যাপারে হস্তক্ষেপ করতে যতই সে অস্বীকার করুক তাকে দিয়েই কৃষ্ণেন্দু যে একটা মীমাংসা করিয়ে ছাড়বে, তাও হীরেন জানত।

প্রথমে অসহ্য বিষয় জাগল, তারপর অপমানে দুটি কান ঝাঁ ঝাঁ করতে লাগল। কৃষ্ণেন্দুর ঝিঁদা নেই, সঙ্কোচ নেই। লোকনাথ বা উমাপদের নিন্দায় যেন হীরেনের কিছু এসে যায় না, তার সামনে কারখানায় স্ট্রাইক শুরু করার পরামর্শ করতে যেন

বাধা নেই, সে তাদের লোক, সে বিভীষণ। আগেও অনেকবার মনে হয়েছে, এখন আবার হীরেনের মনে হয়, এই অত্যধিক লম্বা, হাড়িসার কুদর্শন পুরুষটি তার সবচেয়ে নির্ধম, সবচেয়ে হিংস্র শত্রু, এমনিভাবে ফাঁদে ফেলে তাকে আঘাত করার তীব্র আনন্দের জন্ম দিনের পর দিন তার বন্ধ হয়ে থাকে। বন্ধুত্বের ভান করেনা, সত্য সত্যই বন্ধ হয়ে থাকে। নিকটতম, শ্রিয়তম বন্ধু। হৃদয়মন রামময় করে রাখতে চেয়ে, নামের হাতে মরতে চেয়ে, রাবণ নামের শত্রু হয়েছিল। সেও শত্রুতার ভান করেনি। জগতের দনী আর স্নবের প্রতিনিধি হিসাবে সব সময় তাকে ঘৃণা করতে চেয়ে, তাকে আঘাত করার আনন্দ চেয়ে, কৃষ্ণেন্দু নিজেই তার মিত্র করেছে।

‘চূপ কর! স্টুপিড, রাঙ্কল, চূপ কর বলছি।’

হীরেন উঠে পাড়িয়েছে। আকস্মিক স্তব্ধতায় কৃষ্ণেন্দুর বিস্মিত প্রশ্ন কি যে কর্কশ শোনাগো বলবার নয় : ‘কি হয়েছে?’

হীরেন তার প্রশ্নের জবাব দিল না। উপস্থিত সকলকে সম্বোধন করে বলল, ‘শোন বাবু, সকলে মন দিয়ে শোন। এসব বাজে ছেলেমানুষী বুদ্ধি ছেড়ে দাও। ম্যানেজার বাবু তোমাদের কারো সঙ্গে আর খারাপ ব্যবহার করবেন না।’

কৃষ্ণেন্দু বলল, ‘তুমি যদি সেটা করে দিতে পার, তাহলে তো ভালই হয়।’

এ মন্তব্যও হীরেন কানে তুলল না। ম’বুপ সকলের সামনে বসেছিল, তার দিকে তাকিয়ে বলল, ‘তোমাকেই জিজ্ঞাসা করি ম’বুপ। ছ’তিন মাস ধরে কারখানায় তোমর নানা রকম গোলমাল করেছিলে, ম্যানেজার বাবুর যদি একটু রাগ হয়ে থাকে তোমাদের ওপর, সেটা কি অদ্ভুত ব্যাপার কিছুর? আবার যখন কাজে লাগলে, সবাই মিলে একবার গেলেন। কেন ম্যানেজার বাবুর কাছে, নরমভাবে বললে না কেন ম্যানেজার বাবুকে, আগেব কথা মনে করে তিনি যেন রাগ না রাখেন? মানিয়ে চলতে শেখোনি তোমরা।’

এবার থেকে ওসমান বলে উঠল, ‘ছ’তিন মাস ধরে কেউ কিছু অণ্যায় কাজ করেনি হীরেন বাবু। যেচে ম্যানেজার বাবুর কাছে ঘাট মানতে যাবে কেন?’

হীরেন চটে গেল।—‘তা যদি বলে—’

‘এবার তুই চূপ কর।’ কৃষ্ণেন্দু বলল, ‘আর কথা বাড়িয়ে কাজ নেই আলিসা’ব।

হীরেন বাবু যখন কথা দিলেন ম্যানেজার বাবু আর খারাপ ব্যবহার করবেন না, বাস্ এইখানে সব কথা খতম হোক।’

সকলে চলে যাবার পর অনেকক্ষণ গুম থেয়ে থেকে হীরেন জিজ্ঞেস করল, ‘এট কোনদেশী রসিকতা হল?’

‘কোনটা?’

‘আমার কারখানার কুলিমজুরের কাছে আমায় অপমান করা?’

‘অপমান কিসের? কারখানা তোর নয়। ওরা তোর কুলিমজুর নয়। তুই ওদের।’

‘আমার হয়ে সেটা বুঝি ঠিক করেছিল তুই ?’

‘আমি তাই ধরে নিয়েছি।’

‘বেশ করেছিল। ঘরে মমতা, বাইরে তুই। বেশ বীরের নাচাচ্ছিল দু’জনে আমাকে।’

আজ আবার একগাদা মদ খেল হীরেন। সেবার হোটেল থেকে মাতাল হয়ে বাঁড়ী ফিরে মমতার সঙ্গে ঝগড়া করেছিল আজ একটা বেটে লোকের সঙ্গে মদ খেতে গেল একটা মেয়ের বাঁড়ী। তিনদিন সেখানেই তার কাটল।

মমতা ড্রাইভারের হাতে চিঠি পাঠিয়ে দেওয়ার তাকে উদ্ধার করে আনল কৃষ্ণন্দু।

তারপর থেকে হীরেন মাঝে মাঝে মদ খায়।

দিন কাটতে থাকে, হীরেনের মদ্যো মদের পিপাসা জাগরণ কোন লক্ষণ দেখা যায় না। হঠাৎ এক সন্ধ্যায় পাঞ্জাবীর ছ’পকেটে নোট বোঝাই করে কোন এক মেয়ের ঘরে গিয়ে হাজির হয়। তাকে দেখেই মেয়েটির ত’চোখ লোভে জল জল করে পড়ে, বাঁড়ীর ঘরে ঘরে মেয়েদেব মদ্যো সাদা পড়ে যায়, পা ছাড় খবরটা বটে যায়, সেই তিনি এসেছেন!

মেয়েটি তাকে ঘরে নিয়ে বসাতে না বসাতে বেঁটে ফর্সা নিরীহ একটি লোক হাজির হয়। আনন্দ জানায় না, উজ্জ্বল প্রকাশ করে না, একদম জিজ্ঞাসা করে না কেমন আছেন। কাল যেন তার হীরেনের সঙ্গে দেখা হয়েছিল।

তারপর সে ফিরে গিয়ে মদ পাঠাতে থাকে, ছোট বড় নানান আকারের নানা পোতলে। একে একে পাঁচ সাতটি দিন কেটে যায়, হীরেন বাঁড়ী ফেরে না, এ বাঁড়ীর বাইরেও পা দেয় না। মেয়েটির ঘরে মদ খাব আর ঘুমায়, ঘুমায় আর মদ খায়। ত’একদিন কাটবার পরেই কয়েকটি বিশিষ্ট বন্ধু কি ভাবে যেন আন্দাজ করে নিয়ে আসা শুরু করে, কোন কোনদিন সন্ধ্যায় পর মেয়েটির ঘরে উজনখানেক মাজুঘের সমাবেশ পর্যন্ত ঘটে যায়। নিরীহ বেঁটে লোকটা উত্তিমদ্যো একবারও মদ্যো দেয়া দেয় না। দুপুরে হোক, সন্ধ্যায় হোক, রাত্তি তিনটেব হোক, খবর পাঠানো মাত্র পোতল পাঠিয়ে দেয়।

তারপর খবর আসে কৃষ্ণন্দুর কাছে। খবর যে দিতে আসে তাকে কৃষ্ণন্দু গভীরভাবে জিজ্ঞাসা করে, ‘আর ছ’চার দিন চালিয়ে মরবে মনে হয়? যদি মরতে পারে ছ’চার দিনে, তবে কটা দিন পরেই যাব।’

আধঘণ্টার মধ্যে কৃষ্ণন্দু মেয়েটির ঘরে গিয়ে পৌঁছায়। হুয়ত দেখা যায় মেয়েটি তার চেনা, আগেও ছ’একবার এর ঘর থেকেই হীরেনকে সে উদ্ধার করে নিয়ে গেছে।

‘কখনা গয়নার দাম তুললে ভাই?’ কৃষ্ণন্দু তাকে জিজ্ঞেস করে।

‘বন্ধুকেই শুধোন না?’ মেয়েটি হাসে, ‘মদের দেনা পাড়িয়েছে।’

‘মদের দেনা, তোমার দেনা, সব মিটিয়ে দেবে ভাই, ভেবোনা।’

‘তা দেবে। আনা পাই হিসেব করে দেবে। মদের দামের একশো ভাগের এক ভাগ যদি আমি বখশিস চাই, বলবে, তোমার দেবো কেন? তুমি তো কমিসন পাবে।’ বলে ছুড়ি দিয়ে মেয়েটি মুখে শব্দ করে, ‘হুস্!’

হয়তো কয়েক ঘণ্টার বিরাম গেছে, হীরেনের নেশা তখন কম। কৃষ্ণেন্দুকে দেখে বালিশ থেকে মাথা তুলবার চেষ্টা করে সে শুধু হাসে। খাটে উঠে জোড়াসন হয়ে বসে কৃষ্ণেন্দু বলে, ‘কিরে হতভাগা!’

‘শনি এলে তো?’ হীরেন বলে।

‘গাড়ি দাঁড়িয়ে আছে, দয়া করে গা তুলুন।’

আগে থেকে অসুস্থ হয়ে টাকা কৃষ্ণেন্দু সঙ্গে নিয়ে যায়, বন্ধুকে নিয়ে চলে আসবার আগে সব দেনা সে মিটিয়ে দেয়। টাকা সে পরে হীরেনের কাছ থেকে আদায় করে নেবে, নিজের কাজে তার অনেক টাকা দরকার, মদের দাম মিটিয়ে সে টাকা চেয়ে নিতে কুলে যাওয়ার মত খাতির এ জগতে কারো সঙ্গে তার নেই। বের্টে ফর্সা নিরীহ লোকটি আসে, টাকা বুকে নিয়ে চলে যায়।

কৃষ্ণেন্দু মেয়েটিকে জিজ্ঞেস করে, ‘তোমার কত দেব ভাই?’

মেয়েটি বলে, ‘যা খুসী দিন।’

হীরেন হয়তো এতক্ষণ চোখ বুজে থাকে, কৃষ্ণেন্দু কাকে কত দিচ্ছে সে বিষয়ে তার কিছুমাত্র মনোযোগ আছে মনে হয় না। এইবার হঠাৎ সে সজাগ হয়ে ওঠে।

‘আজ কি বার?’

‘বুধবার।’

‘আরেক মঙ্গলবার এসেছিলাম। আজ পরে ন’দিন। প্রথম দিন ত্রিশ টাকা, তারপর পঁচিশ টাকা করে। ওকে দুশো ত্রিশ টাকা দে।’

মুখ কালো করে কৃষ্ণেন্দুর দিকে চেয়ে মেয়েটি বলে, ‘দেখলেন?’

হীরেন বলে, ‘দেখলেন কি? যা কথা হয়েছে তোমার সঙ্গে তাই দেওয়া হচ্ছে। এক পয়সা কম দিচ্ছি যে ওকে সাক্ষী মানচ?’

কৃষ্ণেন্দু নিঃশব্দে দুশো ত্রিশ টাকা গুণে মেয়েটির হাতে দেয়। নোটগুলি হাতে নিয়ে ভয় বিন্দু ও বিস্ময় মেশানো এক অদ্ভুত দৃষ্টিতে মেয়েটি তাকিয়ে থাকে হীরেনের দিকে।

হীরেনকে ট্যাক্সিতে বসিয়ে কৃষ্ণেন্দু হঠাৎ একবার নেমে যায়। চট করে বাড়ীর ভেতর গিয়ে কতগুলি নোট মেয়েটির হাতে গুঁজে দিয়ে বেরিয়ে আসে।

হীরেন সন্দ্বিগ্ন মনে বলে, ‘তুই ওকে টাকা দিয়ে এলি ইন্দু।’

কৃষ্ণেন্দু বলে, ‘না। কিছু ফেলে এসেছিল কিনা দেখে এলাম।’

এতক্ষণ পরে তাকে ভয়ানক গভীর দেখায়। হীরেন আজ বাজে কথা বলে,

সে গুম খেয়ে থাকে। বাড়ীর কাছাকাছি গিয়ে কৃষ্ণেন্দু বলে, 'টাকা দেবার জন্তে, কিছু ফেলে এসেছি কিনা দেখবার জন্তে তোকে আর কিরে যেতে হবে না। মনে থাকবে?'

তখন হীরেন কাতরভাবে তার চিরস্তন কৈফিয়ত জানায়। বলে, 'ঘরে বাইরে এত অশান্তি আমার সয় না ইন্দু।'

ছয়

কয়েকটি ছোট বড় হাঙ্গামার ব্যাপার নিয়ে কৃষ্ণেন্দু বিভ্রত হয়ে ছিল। সবগুলিই শ্রমিক সংক্রান্ত ব্যাপার। এক সময়ে ছোট বড় এতগুলি ভিন্ন ভিন্ন কল কারখানায় এত বিভিন্ন কারণে গোলমাল সুরু হতে সে কখনো গাখে নি। নতুন চেতনার লক্ষণ আবিষ্কার করে পুলকিত হবার চেষ্টা তার ব্যর্থ হয়ে যায়। চেতনা কই? জোরালো একটা অসন্তোষ সাড়া দিচ্ছে, রূপ নিচ্ছে, এইটুকু শুধু সে অচুড়ব করতে পারে। অধিকারের দাবী কেউ তুলছে না। কয়েকটা অন্য় ও অবিচারের প্রতিকার শুধু চাইছে। তাও আবার পুরোপুরি নিজেদের ভেতরকার তাগিদে নয়!

অনেক সঙ্ঘ ও সমিতি তাদের ব্যাপারে কৃষ্ণেন্দুর হস্তক্ষেপ পছন্দ করে না। চেষ্ট করেও কৃষ্ণেন্দু সেখানে আমল পায় না।

'এই নিয়ে ধর্মঘট করবেন না। অনর্থক শক্তি ক্ষয় হবে।' কৃষ্ণেন্দু বলে।

'আপনি ওসব বুঝবেন না।' বলে গন্ধর পরিচিত সোনার চশমা লাগানো ফ্রেক কাট দাড়িয়ে সমিতির সভাপতি।

'বুঝব বৈকি। কাল পরশু সুরু করে দিন সাতেক স্ট্রাইক চালাতে পারলে ফাগে কিছু টাকা আসবে।'

'তবে তো বুঝতেই পারছেন। টাকা সম্পর্কে আপনার মত জানি না, আমরা টাকাটা খুব দরকারী মনে করি। আমরা দেখেছি, টাকা দিয়ে এদের যত ভাল করা যায়, বকুতা দিয়ে উপদেশ শুনিয়ে তার সিকিও হয় না। প্রোপাগান্ডার পেছনেও আমরা টাকা খরচ করি না যে তা নয়।'

'চিন্তামণি মিল কি খুব বেশী টাকা দেবে?'

'মন্দ দেবে না। তাই বা পাচ্ছি কোথা বলুন?'

'কিন্তু এরা যদি অর্ডারটা না পায়—স্ট্রাইক সুরু হলে পাবেও না—এদের অবস্থাটা কি দাঁড়াবে ভেবেছেন কি? এদের কাজ কমিয়ে ফেলাতে হবে। বহু লোককে ছাড়িয়ে দেবে।'

'তেমনি চিন্তামণি যদি অর্ডারটা পায়, ওদের কাজ বাড়াতে হবে। বহু লোকও নেবে।'

'খুব বেশী নেবে কি? বাজার মন্দা চলছে, এর অল্প কাজ কমিয়ে দেবে
আপনার। কার লাভ দেখছেন বুঝতে পারছি না।'
'আপনি বুঝবেন না।'

এই সময় ঝুমুরিয়া থেকে বীরেশ্বর একদিন তার সঙ্গে এসে দেখা করল। তার
সাহায্য ও পরামর্শ চায়।

গ্র্যাণ্ড ট্রাঙ্ক রোড থেকে একটি পাকা রাস্তা শ্রীনাথপুর হয়ে সদরে চলে গেছে।
মাটল দশেক পশ্চিমে গড়গাপুরের পথ। শ্রীনাথপুর থেকে একটি নতুন রাস্তা ঝুমুরিয়ার
পাশ দিয়ে নিয়ে গড়গাপুরের রাস্তায় মিলিয়ে দেওয়া হবে। ঝুমুরিয়ার আগের ও পরের
মাটল পাঁচেক পথ তৈরী করে দেবার কন্ট্রাক্ট হেরষ চক্রবর্তীর। অল্প কাজের ভিত্তি
নিজে সে প্রথমে রাস্তা তৈরীর কাজটার দিকে বিশেষ নজর দিতে পারে নি, এতদিন
কাজে এগোন নি একেবারেই। সময় সংক্ষিপ্ত হয়ে আসায় হেরষ এবার প্রবল বেগে
কাজ আরম্ভ করে দিয়েছে। সেই সঙ্গে শুরু হয়েছে মানি আত্মচারণ। রাস্তার বাকী
অংশ যারা ঠিকে নিয়েছে প্রথম থেকে আশেপাশের সাওতাল কৃষীদের তারা কাছে
লাগিয়ে দিবেছিল। হেরষ আসা মাত্র তারা কাজ ছেড়ে চলে গেছে। দূর থেকে
লোক এনেও হেরষ কলোতে পারতে না। ঝুমুরিয়া আর আশেপাশের গ্রামে তার
প্রভাবের দরে বেঁদে কাজে লাগিয়ে দিচ্ছে। যেখানে যাব গরুর গাড়ী পাচ্ছে তাই
দখল করবে। বসার আগে এখন চাষের জগৎ জমি ঠিক করতে হবে, জমি ফেলে
রেখে বন্ধ লোককে গাছ আর মাটি কাটতে হচ্ছে, গরুর গাড়ীতে রাস্তার মাল মশল
বইতে হচ্ছে। সেখানে একটু তফাৎ থেকে মাটি আনবার দরকার হয় সেখানে
কাঁচাকাঁচি ফসলের জমি খুঁড়ে মাটি তোলা হচ্ছে, জমির মালিককে দিয়ে সই করিয়ে
দেওয়া হচ্ছে গর্তে। কৃষিদের জন্য কম দামে জবরদস্তি চাল কেনা হচ্ছে। এইরকম
আরও অনেক কিছু।

বীরেশ্বর এবং আরও কয়েকজনের সঙ্গে হেরষের বাড়তি ঠোঁকটুকি চলাছিল
তাদের কিছু ভাল ডাঙ্গা জমি রাস্তার করলে পড়েছে। চার বছর আগে যখন
এই জমি কেনা হয়েছিল, চাষের যোগ্য দামী ডাঙ্গা জমি গণ্য করেই তখন
দাম ঠিক হয়। পতিত মেঠো জমিকে চাষের জমি বলে ঘোষণা করার জন্তে
বীরেশ্বর এবং আরও তিনজনের নামে হঠাৎ নালিশ হয়েছে। হেরষের শ্বশুর
জমিদার, সে স্বীকার করেছে এই জমিতে কোনদিন চাষ হত না। বীরেশ্বর কে
দলিলাপত্র দাখিল করেছিল সেগুলি কাছাকাছি অল্প জমি সম্পর্কে। রাতারাতি
৫ইসব জমিতে হেরষ ছোট ছোট কয়েকটি ঘর তুলে কয়েকজন লোক বসিয়ে দিয়েছিল।
তারা ঘোষণা করেছে যে বহুকাল ওইখানে তাদের বসবাস, এই জমিতে কখনে

লাঙল পড়ে না, ঘর তুলবার জ্ঞান বছরে তার। এত এত খাজনা দেয় বীরেশ্বরকে।
এই যে খাজনার রসিদ।

এক রাত্রে ঘেরা ভাল ফেলে বীরেশ্বরের পুত্র থেকে দে'শ' ছাঁশো টাকার মা'চ
তুলে হেরষ কুলি মজুরদের বিলিয়ে দিয়েছে।

বাশেপাশে আরো কয়েক আছে। বীরেশ্বরের বাড়ি ভে'তরের উঠানের কয়েক
থেকে সাবা'দিন খাবার জল নেবার জ্ঞান লোক আসছিল। ত'তিন দিন চূপচাপ সম্ব
করে কাটাল বীরেশ্বর, তার ছুই ছেলে আর গাঁয়ের কয়েকটি লোক দা' লাঠি
হাতে দরজার কাছে দাঁড়িয়ে থেকে তাদের ভে'তরে ঢুকতে দেয় নি। এবার কি হবে
ভগবান জানেন!

'হেরষ চক্রবর্তী'র এত রাগ হবার কারণ কি?'

'কারণ তো সব বললাম। আমরা গাঁয়ের অনেকে একত্র হয়ে অ'গ্রাথ অ'গ্রাচারে
বাদা দিচ্ছি, এইটাই আসল রাগ। মেয়েমানুষ সংক্রান্ত একটা ব্যাপারও আছে।'

ত'এক দিনের মধ্যে একবার কুমুরিয়া যাবে কথা দিয়ে কৃষ্ণেন্দু তাকে বা'দী পাঠিয়ে
দিল। যেতে যেতে তার দে'দী হয়ে গেল দিন পা'চেক। বিকাল চা'বটার সময়
কুমুরিয়া পৌ'ছে শু'নল, দু'দিন আগে বীরেশ্বর খুন হয়ে গেছে।

সজ্জার আব'হা অ'ন্ধকারে দা'ঙ্গা বা'ধা বা'ধা অব'স্থায় পুলিশ এসে প'দে।
বীরেশ্বরের দলকে ছ'ত্র ভ'ঙ্গ করবার জ্ঞান পুলিশ ব'ন্দুকের ফাঁকা আ'গ্রা'জ করে— তারপরেই
দেখা যায়, ব'ন্দুকের গুলি লেগে বীরেশ্বর শেষ হয়ে গেছে। পুলিশের গুলিও ন'য়,
পুলিশ ফাঁকা আ'গ্রা'জই করেছিল, গাদা ব'ন্দু'ক দিয়ে বীরেশ্বরকে মারা হয়েছে।
পরীক্ষার পর জানা গেছে ব'ন্দু'কটি ব'হু পুরানো দা'চের, গুলি বা' ছ'দ্রার ব'দলে পে'রেক,
লোহার টুকরো, পাথরের কু'চি দিয়ে গাদা হয়েছিল। ব'ন্দু'কটি কা'র, কে ছ'র্দে'ছিল,
কিছুই জানা যায় নি। আ'গ্রা'জ হ'ওয়ার পর তৈ' চৈ গ'ওগোলের মধ্যে অনেকক্ষণ কেউ
এটা খে'রাল ও করতে পারে নি যে অ'গ্রা' ব'ন্দু'ক ছ'র্দে' কেউ বীরেশ্বরকে খুন করেছে।

কৃষ্ণেন্দু গাঁয়ে থাকবার জ্ঞান প্র'স্তুত হয়ে আসেনি। পরদিন বেলা দারটার গা'টীতে
সে চলে এল। অন্ততঃ এক সপ্তাহ কুমুরিয়ায় থাকবার জ্ঞান প্র'স্তুত হয়ে তাকে গিরে
যেতে হবে। বা'দী পৌ'ছিল সে রাত দশটা'য়।

ক'থক বলল, 'র'স্তা ছ'বার তোমার খোঁজ করে গেছে ঠাকুরপে।'

'র'স্তা খবর পেয়েছে নাকি?'

'খবর জানতে এসেছিল।'

রামশালের বাড়িতে খবর দিতে যাওয়ার আগে হীরেনকে সে ফোন করল। বলল,
'কিছু টাকা খসাতে হবে ভাই। কাল বারোটোর মধ্যে হা'ঙ্গার থানেকের একটা চেক
ভা'দিয়ে রাখিস।'

'আমার টাকা নেই।'

‘রস্তার বাবা খুন হয়েছে।’

‘রামপালের বৌ রস্তা ? কবে ? কোথায় ?’

খবর দিতে কৃষ্ণেন্দু এত রাতে রামপালের বাড়ী যাবে শুনে হীরেন একটু ভেবে বলল, ‘দাঁড়া, আমিও আসছি।’

কৃষ্ণেন্দুর গলার আওয়াজ পেয়ে রস্তা বিছানা ছেড়ে উঠে এসে বলল, ‘ভিতরে আসেন মেজবাবু।’

একটি মাত্র বেতের মোড়া রস্তার সখল। মোড়াটি হীরেনকে দিয়ে সে পিঁড়ি পেতে কৃষ্ণেন্দুকে বসতে দিল। রামপালকে আগেই জাগিয়ে দিয়েছিল, আবার সে পাশ ফিরে শুয়ে ঘুমিয়ে পড়ার উপক্রম করছে দেখে জোরে জোরে ঠেলা দিয়ে কানে কানে ফিস্ ফিস্ করে বলল, ‘ক্যামনধারা মাল্লু তুমি ?’

উঠে বসে হাতের আড়ালে রামপাল মস্ত হাই তুলল, কৃষ্ণেন্দু আর হীরেনের সম্মান রাখতে চোঁকী থেকে নেমে মেঝেতে বসে নিদ্রালস চোখে ছ’জনের দিকে তাকিয়ে রইল।

রস্তার চোখে গভীর ঐশ্বর্য্য এবং উৎকর্ষা। বারবার সে কৃষ্ণেন্দুর মুখের দিকে তাকাতে লাগল, কিন্তু হঠাৎ কিছু জিজ্ঞাসা করতে তার সাহস হল না। মুখচোখের ভাব একান্ত নির্বিকার রেখে কৃষ্ণেন্দু জিজ্ঞেস করল রামপালকে, ‘তোমার শরীর কি ভাল নেই রামপাল ?’

মাথায় একটা ঝাঁকি দিয়ে লজ্জিতভাবে রামপাল বলল, ‘আজ্ঞে, যা বলেন।’

‘সিদ্ধি গিলেছ, না ?’

রামপাল চুপ।

‘তুমি একটি অদ্ভুত জীব, রামপাল।’ কৃষ্ণেন্দু মূহু ও অমায়িক হাসির সঙ্গেই বলে, ‘তোমার মত আর দেখলাম না। এমন আলসে অকর্ষণ্য হয়ে থাক কেমন করে ?’

‘দিনভর কাঠ চিরি মেজবাবু।’

‘আর কেউ চেরে না ? তারা তো তোমার মত নিখুম মেরে যায় না ?’

এসব বাজে কথা। রস্তার আশঙ্কা বাড়তে থাকে। কৃষ্ণেন্দুকে সে জানে। যত গুরুতর বিষয় হয়, কথা আরম্ভ করতে তার ব্যস্ততা দেখা যায় তত কম, তুচ্ছ কথা নিয়ে ঘাঁটাঘাঁটি করে তত বেশী। ভেতরে সে যে খুব উদাসীন হয়ে থাকে তা নয়, বাইরে এই ভাব দেখায়। অল্পদিন হয়তো তার এই খেয়ালকে রস্তা প্রশয় দিত, আজ সে আর সব্ব করতে পারল না।

‘খবর পেয়েছেন কেটবাবু ?’

‘খবর ভাল নয় রস্তা।’

শুনে মুখ পাংশু হয়ে যায় রস্তার।

‘জানি বাবাকে জেলে দিবে, ছাড়বে নি।’

‘জেল নয় রজ্জা, তোমার বাবার জেল হলে তো বলতাম, ধবর ভাল। তোমার বাবা, কি জান রজ্জা—’ কৃষ্ণেন্দুকে একবার ঢোক গিলতে হয়,—‘বেঁচে নেই।’

রজ্জার বাবা ভাল আছে এই ধবরটা যেমন তাচ্ছিল্যভাবে জানানো চলে তার বাবার অপমৃত্যুর সংবাদটাও ঠিক তেমনি ভাবে জানিয়ে দেবে ভেবেছিল, রজ্জা যাতে বুঝতে পারে যে কেবল ছোটখাট ব্যাপারে নয়, মৃত্যুর মত উন্নয়নক ব্যাপারেও ভাবপ্রবণতা তার কাছে প্রশ্নর পায় না, সে পাথরের মত কঠিন। বলার সময় দ্বিধা বোধ করে, রজ্জার বাবাকে খুন করে ফেলা হয়েছে বলতে চেয়ে শুধু সে বেঁচে নেই বলে, নিজের মুখের চেহারা বদলে গেছে টের পেয়ে, কৃষ্ণেন্দু অনেকদিন পরে নিজের কাছে মানিকর লজ্জা বোধ করল। নিজের তার ভাব-প্রবণতা সেই, নিজের সম্বন্ধে এই ধারণা যে তার ভাবপ্রবণতা থেকেই জন্ম নিয়েছে, এটা আর কোন মতেই অস্বীকার করা গেল না। বরং রামপালের অবিচলিত, সম্পূর্ণ না হোক প্রায় অবিচলিত, ভাব দেখে সে মনে মনে একটু ঈর্ষাই যেন বোধ করতে লাগল।

কয়েক মূহূর্ত্ত সজ্জিত হয়ে থেকে ডুকরে কঁদে উঠল রজ্জা। এ আশঙ্কাও তার মনে মনে ছিল, তাই বাপকে যে তার মেরে ফেলা হয়েছে, স্বাভাবিক মরণ তার ঘটেনি, এটুকু তাকে আর বলে দেবার দরকার হল না। কৃষ্ণেন্দু কি কি বলতে যাচ্ছিল, হীরেন বাধা দিয়ে বলল, ‘চুপ। কঁাদতে দে।’

রজ্জা শুনে পেয়ে কান্নার মধ্যেই বললে ‘এটুকু কঁদে নি—এটুকু খানি কঁদে নি।’

দুর্গা ও লক্ষ্মী একটু পরেই ঘরে ঢুকে রজ্জাকে ঘিরে বসল, নিমাই ও পরেশ পাড়িয়ে রইল দুয়ারের কাছে। ব্যাপারটা তাদেরও জানা ছিল, রজ্জার মডা কান্নার অর্থজ্ঞাতক শব্দগুলি শুনেই তারা মোটামুটি অনুমান করে নিতে পারল কি ঘটেছে। ঘটনা নয়, ফলাফলটা।

রজ্জা একা কঁাদলে হয়তো অল্পক্ষণের মধ্যেই কান্না স্থগিত করে দরকারী কথা আলোচনার স্বযোগ দিতে পারত, লক্ষ্মী আর দুর্গা তার সঙ্গে যোগ দেওয়ার কান্নার আবেগ তার ফুলে ফুলে উথলে উঠতে লাগল। কান্নায় ভীটা পড়ার অপেক্ষায় বসে থাকলে রাত ভোর হয়ে যাবার আশঙ্কা আছে দেখে কৃষ্ণেন্দু এক সময় বাধা দিয়ে বলল, ‘শুধু কঁদে আর কি করবে রজ্জা, কঁদো না। এর একটা বিহিত করা চাই।’

‘আর কি বিহিত করবেন কেউবাবু!’ রজ্জা বলল কঁাদতে কঁাদতে।

‘সেই কথাই বলছি রজ্জা। কান্না থামিয়ে শোনো।’

বার কয়েক জোরে জোরে শ্বাস টেনে রজ্জা থামলে। তবু, থেকে থেকে নাক আর ঠোঁট তার ফুলে ফুলে উঠতে লাগল, ভেতর থেকে শোক ঠেলে উঠতে চাইছে। লক্ষ্মী ও দুর্গা মাঝে মাঝে মাঝে অশ্রুট স্বরে আপশোষের আওরাজ করতে লাগল, হৃদয়ের কোমল অস্থি যেন বেদনার ভারে মচ মচ করছে। হীরেন ভেবেছিল, বাপকে তার

গুলি করে মারা হয়েছে শুনে রজ্জা না জানি কি কাণ্ডটাই করবে, এদের শোক করার রকম দেখে সে একটু খুঁই বনে গেল। রামপালের ব্যাপারটা সে মোটেই বুঝতে পারছিল না। চোখ ঢাট রামপালের এতক্ষণ চল চল করছিল, মুখখানা অত্যন্ত করুণ বারসে তাকিয়ে ছিল রজ্জার দিকে। আগাগোড়া সে চুপ করে আছে, কোন প্রশ্ন করে নি, মন্তব্য জানায় নি। বৌ-এর শোক দেখে সে যদি হৃদয় বেদনাতে কাঁতর হয়ে থাকে, উজ্জ্বল হয়ে কিছু জানবার বুঝবার কৌতূহল তার নেই কেন? এবার সে বিছানার হাতখানেক পিছনে সরে বেড়ার খুঁটিতে ঠেস দিয়ে চোখ ঢাটী অন্ধকের বেশী বুজিয়ে দিল। মুখে তার ফুটে রইল সেই অসহায় করুণ ভাব, দীনতায় ব্যাথা প্রকাশের ভঙ্গির মত। রজ্জার দুঃখে তার সমবেদনা জেগেছে সন্দেহ নেই, কিন্তু সেই অল্পকৃতিরই আবেশে নিজে সে যেন হয়ে গেছে বিভোর।

‘তুমি যে একেবারে চুপ করে গেলে রামপাল?’ হীরেন শুধোল।

‘কি বলব বলুন?’ রামপাল বলল, ভেজা করুণ গলায়।

‘তোমার রাগ হয় না? গা জ্বালা করে না?’

‘রাগ হলে আর করছি কি!’—চোখ মেলে রামপাল যেন একটু সজাগ হয়ে উঠল, জ্বোরে একটা নিঃশ্বাস ফেলে বলল, ‘তাও বলি বাবু, শত্রুর মশাখেরও বাড়াবাড়ি ছিল খানিক। হেরম্ববাবু লোক কি সোজা না মানুষটা সে হেজিপেজি যে তার সাথে গায়ে পড়ে লাগতে বাগ্গা? লাখোপতি লোক। সবাই তার বশ—পুলিশ তুৎ। পেটে পেটে তার পাঁচ। নয়তো পুলিশের ফাঁকা আঙুয়াজের সাথে পুরাণো গাদা বন্দুক ছুঁড়বার বুদ্ধি কি যার তার মাথায় আসে? সে সনাক্ত হবে না। হয়তো লাইসেন নেই, কিছু নেই, কেউ জানে না সে বন্দুকের খবর।’

কৃষ্ণেন্দু ব্যঙ্গ করে বলল, ‘তুমি তবে সব শুনেছ রামপাল? আমার মনে হচ্ছিল তুমি বুঝি ঘুমিয়ে পড়েছ, এসব কথা শুনে তোমার ভাল লাগে না।’

রামপাল নির্লিপ্তভাবে বলল, ‘মুখ বুজ থাকলে কানে শুনে তো বাধা কি কেঁটবাবু? কথা না কইলে তো কালা হয়ে যায় না মানুষ!’

কৃষ্ণেন্দু রেগে বলল, ‘কথা কইতে হয় রামপাল। বৌয়ের বাপকে একজন কুকুর বেড়ালের মত গুলি করে মেরেছে শুনলে কথা কইতে হয়। মনে মনে যদি বুঝতেও পেরে থাক বীরেশ্বর শোকামি করেছে, যেমন কক্ষ তেমন ফল হয়েছে তার, তবু কথা কইতে হয়।’

শুনে রামপাল দমে গেল। ডান হাতের তালুতে একবার মুখ মুছে বিড়বিড় করে বলল, ‘কি জানি কেঁটবাবু, জানি না। হ্যাঁ, চুঃখু হয় বৈকি আজ্ঞা, নিশ্চয় হয়। শুনলে মনটা খারাপ হয়ে যায়।’

তারপর রামপাল আর মুখ খুলল না। কথা কইল কৃষ্ণেন্দু। নিষ্ঠুর সরলতার সঙ্গে কাঁটাছেড়া সহজ ভাষায় সে বলে গেল মানুষের সঙ্গে মানুষের ব্যবহারের কথা।

বীরেশ্বরের অপমৃত্যু বার নমুনা। এর চেয়ে ভীষণ, এর চেয়ে বীভৎস, এর চেয়ে মর্মান্তিক আলোচ্য বিষয় মানুষ তো আজ পর্যন্ত কল্পনাতেও আবিষ্কার করতে পারে নি, কৃষ্ণেন্দু নিজেকে সামলাতে পারল না। মানুষ ভাগ হয়ে গেল হেরষ আর বীরেশ্বরের : দুগুণাস্তর ধরে হাজার হাজার হেরষের চোরা গুলিতে কোটি কোটি বীরেশ্বর মুখ খুঁড়ে পড়ে যেতে লাগল। অহরহ যে গভীর স্কোভ গমথম করে কৃষ্ণেন্দুর মনে, রক্তার শোকে তখনে আজ বুঝি তাতে ঢেউ উঠেছে, কি যে মাজিক এসেছে তার কথা। রামপালের খোলার ঘরে আজ মান্ন রাতে অনায়াসে যে অদ্ভুত এক প্রভাৎ সে সৃষ্টি করল, উৎসাহী, চিন্তাশীল দরদী মান্নষের বড় বড় আসরে প্রাণপণ চেষ্টাতে সে তা কোনদিন পেরে ওঠেনি। সে চূপ করে যাবার পরেও কিছুক্ষণ পর্যন্ত মনে হতে লাগল, পুরাণে লঠন থেকে যেমন অবিরাম ক্ষীণ লালচে আলো ঘরের চারিদিকে ছড়িয়ে পড়েছে, তেমনিভাবে এই মান্নষটার ভেতর থেকে বিচ্ছুরিত হচ্ছে সারা বিশ্বের নিপীড়িত শাস্ত্রার, শুধু আজকের নয়, গত এবং আগামী কালেরও, অক্ষরস্থ স্পন্দন। তার তার মুখের দিকে তাকিয়ে ঘরের নরনারী ক'জন স্তম্ভিত হয়ে বসে রইল। আজ তাদের প্রথম ভারবাহী পশুর জীবনের উপলব্ধি এসেছে।

প্রতিবাদ করল রামপাল। সে বিরক্ত হয়ে উঠেছে।

'এমন করে শোকটা কি উল্লেখ দিতে হয় কেঁটবাবু? বাত ভোর গোড়াতে লাগবে।'

দমকা বাতাতে যেমন ধোঁয়া উড়ে যায়, রামপালের মস্তবো তেমনি উড়ে গেল এতগুলি হৃদয়ের তীব্র তপ্ত অহুভুতির বাষ্প। মুখে মুচ হাসি দেখা দিবেছে পেড়াল হওয়া মাত্র হীরেন তাড়াতাড়ি মুখখানা অত্যধিক গভীর করে ফেলল। তা বুঝে আবার চোখ ছলছলিয়ে এল রক্তার। খাল ধার থেকে ফুরফুরে হাওয়া আসছে ছোট জানলাটি দিয়ে, জানলার পাটে লেজ ঠাকিয়ে পোক। পরছে একটা টিকটিকি। এদিকে দুম ভেঙে কাঁদছে দুর্গার ছেলে।

কথা কইতে মনে হল কৃষ্ণেন্দুর গলাটা যেন একটু ভোঁতা হয়ে গেছে।

'বেশী কাঁদাকাটা কোরো না রক্তা কাল এখানকার সব ব্যবস্থা করে পরন্ত কুমুত্রিয়া যাব। তোমার কাছে প্রতিজ্ঞা করে যাচ্ছি, তোমার বাবার মরণের একটা বিধিত না করে ফিরব না।'

শুনে রক্তা আবার কাঁদবার উপক্রম করে বলল, 'আমিও যাব কুমুত্রিয়া।'

কৃষ্ণেন্দু বলল, 'আমি তো আর তোমার নিয়ে যেতে পারব না রক্তা, রামপালকে বল।'

রক্তা সজল চোখে রামপালের দিকে চেয়ে রইল। কিছুক্ষণের জল্প মনে হল রামপাল বুঝি কোন জবাব দেবে না। তারপর দীরে দীরে সে বলল, 'তা একবার নিয়ে যেতে হবে বৈকি।'

খানিক পরে কৃষ্ণেন্দু আর হীরেন বিদায় নিল। নরেশ ঘরের বাইরে দুয়ারের

কাছে উবু হয়ে বসে ছিল, সেদিন মার খাওয়ার পর থেকে সহজে সে কৃষ্ণেন্দুর ধারে কাছে ভিড়তে চায় না। বাবার সময় হঠাৎ সে আজ কৃষ্ণেন্দুর দু'পা ছুঁয়ে প্রশাম করে বসল। তার মনের বাষ্প তখনো উপে ঝায় নি।

‘এ আবার কি?’

‘কিছু না মেজোবাবু।’

‘তুমি একটি আস্ত উল্লুক, নরেশ। ওসব ভক্তি টাক্তি আমার কাছে চলবে না।’

‘আজ্ঞে না।’

তখন নরম হয়ে কৃষ্ণেন্দু জিজ্ঞেস করল, ‘কোথায় ছিলি এতদিন?’

নরেশ ঢোক গিলে বলল, ‘হেথায় হোথায় ছিলাম। আমাকে বুঝিয়ে লেবেন সাথে? আমিও একচোট লডব মেজোবাবু।’

‘কার সাথে লডবি?’

‘হেরথবাবুর সাথে।’

কৃষ্ণেন্দু মুহূ হেসে হীরেনকে বলল, ‘হুকুম দিলে ও এখন হারাকিরি পর্যাস্ত করতে পারে হীরেন।’

হীরেন মাথা নেড়ে বলল, ‘আমার সন্দেহ আছে। ছুরিটা পেটে ঠেকাতে পারবে, তারপর কি করবে বলা কঠিন। আমি ভাবছি রামপালের কথা। লোকটা এমন অপদার্থ জানতাম না।’

‘ওরা সবাই এরকম। কত চেষ্ঠায় ওদের কাছে কতটুকু সাভা পাই জানলে চোখে তোর জল আসত। চেহারা দেখে মনে হয় রামপালের মধ্যে বুঝি কিছু আছে, অস্তুতঃ থাকা উচিত, ওর সন্ধে তাই বেশী হতাশা জাগে। নয়তো আর দশজনের চেয়ে বেশী অপদার্থ লোকটা নয়।’

দাওয়া থেকে নামবার আগে হুঁজনেই মুখ ফিরিয়ে একবার ঘরের মধ্যে তাকাল। রামপাল শুয়ে পড়েছে। গানের মত মিহি স্বরে রস্তা আবার শোক শুরু করেছে। নরেশের আবেদনের জবাব দিতে ভুলে গিয়ে হীরেনের সঙ্গে কৃষ্ণেন্দু চলে গেল।

ঘণ্টা দুই পরে রামপালের ঘুম ভেঙে গেল। ঠেলে ঠেলে তাকে জাগিয়েছে রস্তা। জাগিয়েই একটু তকাত্তে সরে গিয়ে সে বিনিয়ে বিনিয়ে কালা শুরু করে দিল। ‘একবার সে রামপালের বুক আসতে চায়, একটু সহায়ত্ব চায় তার কাছে।’

রামপাল তাকে হঠাৎ সজোরে বুক চেপে ধরল। আবেগে অথবা ঘুম ভাঙানোর রাগে বুঝতে না পেরে রস্তা একটু ভয় পেয়ে গেল, আলিঙ্গনে দম আটকে আসায় কালাও বন্ধ হয়ে গেল আচমকা।

‘এখন তবু কাঁদছিস্ সোনা? আহা রে চুক্ চুক্।’

‘মুই সইতে লাগছি গো, সইতে লাগছি।’

'চুক্ চুক্ ।'

'কাল মোকে নিয়ে চল ঝুমুরিয়া । পরশু তুক্ থাকতে লারব ।'

'কাল ঝুমুরিয়া বাবি ? নিয়ে যাব । সোনাটি আমার কান্দিস নে, ঝুমুরিয়া তোকে নিয়ে যাব কাল ।'

তখন নিশ্চিন্ত হয়ে রজ্জা গা এলিয়ে দিল । রামপাল তার চুলের ছাণ নিচ্ছে । এখন কয়েকদিন, হয়তো সাতদিন, হয়তো তারও বেশীদিন, রামপাল তাকে পাগলের মত ভালবাসবে ।

সাত

পরদিন রজ্জাকে সঙ্গে নিয়ে রামপাল ঝুমুরিয়া গেল । নিশ্চিন্ত রাতে রজ্জাকে কথা দিয়েছিল বলে নয়, নিজেকে সে হিসেব করে দেখল, কৃষ্ণেন্দুর একদিন আগে ঝুমুরিয়া যাওয়াই ভাল । বীরেশ্বরের মৃত্যুর সঙ্গে সঙ্গে ঝুমুরিয়ার সব হালাশা যে চুকে গেছে এ ভরসা রামপালের ছিল না । হেরষ চক্রবর্তী কেবল বীরেশ্বরকে নিপাত করেই ভালমাছুষ হয়ে গেছে কিনা বলা কঠিন । বীরেশ্বরের যোয়ান যোয়ান ব্যাটা আছে তিনটি, বাপের অপমরণকে তারা কি ভাবে গ্রহণ করেছে, একদম চূপচাপ হয়ে গেছে অথবা প্রতিশোধের সন্ত্র কোমর বেঁধে হৈ চৈ কাণ্ড শুরু করেছে, দূর থেকে তাও ঠিকমত অনুমান করা অসম্ভব । বড় ছেলে শামলাল হিসেবী ও শান্ত প্রকৃতির মাছুষ, তার পের চার পাঁচটি ছেলেমেয়ে থাকায় বিশেষভাবে সংসারীও বটে । সে হয়তো কিছু করবে না । মেজো ছেলে জীবনলাল একটু ডাবুক ধরনের, একবার সন্ন্যাসী হয়ে গিয়েছিল, তারপর বাড়ী ফিরে বিয়ে করে আবার সংসারী হয়েছিল বটে কিন্তু একটি ছেলে রেখে বৌটা তার সম্প্রতি মরে গেছে । তার এই আত্মহারা অবস্থায় সব কিছুই সম্ভব । ছোট মোহনলালের কোন সাংসারিক বন্ধন নেই, বুদ্ধি বিবেচনা আছে কিনা সন্দেহ, রক্তও যে তার অত্যধিক গরম রামপাল তা ভাল করেই জানে । চূপচাপ মতায় অত্যাচার সহ করার ছেলে সে নয় । সে যে কি আশঙ্ক করেছে ভগবান জানেন । বীরেশ্বর ছাড়া ঝুমুরিয়া আরও কয়েকজন হেরষ চক্রবর্তীর সঙ্গে শত্রুতা করেছিল, তারা অবশ্যই ইতিমধ্যে তার অজুগত হয়ে যাবনি । স্তবরাং ঝুমুরিয়ার অবস্থা এখন বিপজ্জনক হওয়ার সম্ভাবনাই বেশী ।

এই অবস্থায় কৃষ্ণেন্দু সেখানে চলেছে বীরেশ্বরের অপমরণের বিহিত করতে । রজ্জাকে সে কথা দিয়েছে । তার গৌ রামপালের অজানা নয় । ঝুমুরিয়ার মাছুষগুলি যদি কিমিয়ে পড়ে থাকে, সে গিয়ে তাদের ক্ষেপিয়ে নিবু নিবু আগুনে বাতাস দিয়ে, নেভা আগুনের ছাই-এ তেল ঢেলে, আবার দাউ দাউ করে আগুন জালিয়ে দেবে । তখন ঝুমুরিয়া বাস করা মোটেই সম্ভব হবে না ।

রজ্জাকে একবার না নিয়ে গেলেও নয় । সবদিক বিবেচনা করে রামপাল তাই

কৃষ্ণেন্দুর একদিন আগে ঝুমুরিয়া গিয়ে অবস্থা বুঝে ব্যবস্থা করাই ভাল মনে করেছে। যদি বোঝে ব্যাপার সুবিধে নয়, একরাত্রি সেখানে বাস করে কৃষ্ণেন্দু গিয়ে পৌঁছবার আগেই রত্নাকে নিয়ে কলকাতা ফিরে আসবে। ফিরে যদি রত্না আসতে না চায়, জোর করে ফিরিয়ে নিয়ে আসবে। কাঁদাকাটা যদি একটু করে তো করবে, উপায় কি।

এত সব চিন্তা করে সকাল আটটার গাড়ীতে রত্নাকে নিয়ে রামপাল ঝুমুরিয়া রওনা হল। গাড়ীতে ছিল অসম্ভব ভিড়, প্রত্যেকটি খার্ডক্লাস কামরার গুরুত্বাংশেই গানগানাদি করে মানুষ উঠেছিল, চিরদিন যেমন গুঠে। ভিড় ঠেলে উঠবার সময় এত একেবারে একে বেকে তুলে উঠে পিশ্তিভাবে মুখ ঝাঁকিয়েছিল।

দাঁতে দাঁত চেপে রামপাল শুদিয়েছিল, 'কেরে? কোন লোকটা?'

রত্না: জবাব দেয়নি। শুধু মাথা নেড়েছিল।

'দেখা ভাড়ার টিকিট কিনি?'

না।'

একদিকের লম্বা বেঞ্চের শেষ প্রান্তে বসেছিল মাঝবয়সী একটি স্ত্রীলোক এবং তাঁকে পুরুষের স্পর্শ থেকে বাচাতে তার এপাশে ছিল কানে আধপোড়া সিগারেট গোড় টেরিকটা তার সঙ্গী। মোলায়েম হাসির সঙ্গে রামপাল সক্রমণ আবেদন জানাতে রত্নাকে জায়গা ছেড়ে দিয়ে দু'টি বেঞ্চের মাঝখানে নিজের বোচকার ওপর বসল। রামপাল কৃতজ্ঞতাও বোধ করল না, খুসীও হল না। লোকটার চাউনি সাপের মত, মস্তমুগ্ধ সাপের মত। স্ত্রীলোকের পাশে বসবার সুরযোগ রত্না পেয়েছে কিন্তু একপাশে তার গৌণওয়ালার যোয়ান মদ পুরুষ। বিব্রত হয়ে পাশের মানুষকে ঠেলা দিয়ে লোকটা তার আর রত্নার মধ্যে ব্যবধান বাড়ানোর চেষ্টা করেছে বটে, একটু কাত হয়ে রত্না দিকে ঘাড় ফিরিয়ে বসেছে, তবু গায়ে গায়ে ছোঁয়াছুঁয়ি হয়ে আছে খানিকটা।

এত করে বলে রামপাল, মেয়েদের গাড়ীতে রত্না কিছুতে যাবে না। কি মতিগতি এর কে জানে। মনে মনে হয়তো সে এইসব চায়, ভিড়ের চাপ, অজান পুরুষের বজ্জাতি, লোভাতুর দৃষ্টিপাত। মেয়েমানুষকে বিশ্বাস নেই!

ঘন ঘন রামপাল তার মুখের দিকে তাকায। কিছু নেই রত্নার মুখে। গভীর বিষাদ ছাড়া আর কিছুই হৃদিস মেলে না। কে ছোঁয় আর কে চায় যেন গ্রাছই নোং তার, এসবে কিছু যেন আসে যায় না, মানুষের এই সব অপব্যবহার যেন উর্চি অল্পচিত্ত বিবেচনার পর্যায়েই পড়ে না। এসব কৃষ্ণেন্দু শুকে শিখিয়েছে। অন্ধর বাস্তব একাকার হয়ে যাওয়া ভাল, স্ত্রীলোকের দিকে পুরুষের তাকানো খাবারের দিকে মানুষের তাকানোর মতই স্বাভাবিক, খাগে ক্ষুধাতুর, নারীতে কামাতুর। মেয়েরা পুরুষের সঙ্গে সমানভাবে এগাবে, ধাক্কা খেলে ধাক্কা দেবে, মাথা উঁচু করে চোখ তুলে তাকাবে কৃষ্ণেন্দুর কাছে এই সব কথা শুনে মাথাটা রত্নার বিগড়ে গেছে। ও শিক্ষা সে কাছে লাগাচ্ছে মাত্র। আর কিছু নয়

অপরাজে তারা ট্রেন থেকে নামল। স্টেশন থেকে কুমুরিয়া প্রায় দু'কোশ পথ, গরুর গাড়ীতে বেতে হয়। পৌঁছতে সন্ধ্যা হয়ে যাওয়া গাড়ী চলাতে শুরু করলে রক্তার মনে হল গাড়েয়ান তার চেলা।

'কুমুরিয়া ঘব বটে না?'

'নাহুক। মোর ঘর পাঁচনিখে। তুমাকে চিনে গায়েবে মোরা।'

দিবসু গাড়েয়ানের কাছে কুমুরিয়ার খবর পাওয়া গেল। অল্প সব কায়েদুর কাছে শোনা পুরাণে খবর, নতুন খবর শুধু এই যে কুমুরিয়ায় এখন কোন গোপমাল নেই। ছাপামার দিন পুলিশ কয়েক জনকে গ্রেপ্তার করেছিল, দু'দিন পরে আবার তিনজনকে দাব নিয়ে গেছে। না, রক্তার ভাই তারা নয়, রক্তার ভায়েরা তিনজনেই মৃত শরীরে কাঙ্কর্য করছে। গাঁ এখন শাস্ত, সকলে শিশু ভালমাসুণ হয়ে আছে।

মানে রামপাল অনেকটা নিশ্চিত হল কিছ পুরোপুরি খুসী হতে পারল না। মনে পাব কি যেন একটা পাঁচ আছে, মানুষের এই নিষ্কিয় ভালোমাসুণী চরদিন তার মনে অসমর্থন জাগিয়ে তোলে। মৃত অসংখ্য মৃষ্ট করে। কেবলি মনে হয়, এরকম হওয়া যেন উচিত ছিল না। নিজে সে সবরকম ছাপামা এড়িয়ে চলাতে ভালবাসে কিছ মজের বীর্ঘাতীন সহনশীলতা তার সদ্য না। তার দিক থেকে ভালই হয়েছে যে কুমুরিয়া চূপ করে গেছে, রক্তাকে কদিন বাপের বাসী থাকতে দেওয়া চলবে, কাল পরশু যেনে তিঁচড়ে তাকে কলকাতা নিয়ে যাবার ব্যবস্থা হবে না, কিছ রক্তার ভাইগুলি, শীরপরের যোথান মন্দ ছেলেগুলি? কুমুরিয়ার পুরুষগুলি? ছি!

নতুন রাস্তা কুমুরিয়ার কাছাকাছি স্টেশনের এই পথকে অতিক্রম করে কুমুরিয়ার গায়েবে গেছে। মোড়ের কাছাকাছি নতুন রাস্তার কাজ এখন কিছু কিছু চলেছে। মোড় দাড়াতে দেখা যাব, রাস্তা কতদূর এগিয়েছে। প্রায় সিকি মাইল দূরে বাকের কাছে চাপাশে সারি সারি গোথার স্থপ, আদ্য পেশা রাস্তায় ছোট বড় তিনটে বালার, বাকের ওদিকে হযতো আরও আছে। নশীন সামস্তের আমবাগানের প্রান্তে তিনটি ছোট ছোট তাঁবু আর ভালপাতার ছাউনি দেওয়া অস্থায়ী ঘর। একটি তাঁবুর সামনে ভর করে রাগা তুরমুদ, গাঁইতি, কোদাল প্রভৃতি যন্ত্রপাতি। পথের ওপাশে এক সারি গরুর গাড়ী, গাড়েয়ানেরা গরু খুলে প্রকাণ্ড এক শিমুল গাছের নীচে তাদের বেধে খড় ও জল দিচ্ছে, গলায় বাঁধা ঘণ্টার সমবেত টুংটাং শব্দ কানে আসছে অনেক মন্দিরে অনেক সন্ধ্যারতির ইঙ্গিতের মত। একটা লরী এতক্ষণ দাঁড়িয়ে ছিল, এবার সংকে সমুখ দিয়ে স্টেশনের দিকে চলে গেল। আজকের মত কাজ শেষ হয়েছে, বকীরা অনেকে চলে গেছে, অনেকে এখনো যাচ্ছে। বাকের কাছে রাত্রির বিরামের ব্যবস্থায় কতকগুলি মানুষ বাস্তভাবে এদিক ওদিক চলাফেরা করছে। এখানে ওখানে চলছে ছাড়া ছাড়া কয়েকটা আগুন।

এই মোড় আর ওই বাকের মাঝামাঝি এক অনির্দিষ্ট স্থানের দিকে হাত

বাড়িয়ে কঠোরকে যথাসম্ভব শোচনীয় করে দিব্বু বলল, 'ওই হোথা সামন্ত মশায় গুলি খেয়েছে।'

গাড়ী থেমেছিল. আবার চলতে আরম্ভ করল। রক্তা একটু কাঁদল। গভীর উপভোগ্য বিবাদ ঘনিয়ে এসে রামপালের মন হয়ে গেল উদাস। চর্চা করে করে তার অল্পশিক্ষিত মনের কল্পনা আশ্চর্য্যরকম উর্বর হয়ে উঠেছে। সামান্ত ও সংক্ষিপ্ত বিবরণকে আশ্রয় করে তার মানসচক্ষে ঘটনা ও আবেষ্টনীর ছবি ফুটে ওঠে। আসন্ন সন্ধ্যায় এই গৈরী পরিবেশ, রক্তার মনোবেদনার হোয়াচ আর সেই সঙ্গে কল্পনায় আন জাম শাল পিয়ালের সবুজ দৃশ্যপটে দিনান্তের আবছা আলোর মুখোমুখি হুঁদল মাল্লুস। বীরেশ্বরের বাড়ীর দুয়ারে গাড়ী দাঁড়ানো পর্যন্ত রামপালের চোখের সামনে বীরেশ্বর কেবলি অতর্কিতে গুলি খেয়ে মাটিতে লুটিয়ে ছটফট করতে লাগল।

গাড়ী থেকে নেমে রক্তা বাড়ীর চৌকাঠ ডিডিয়ে ভেতরে যাবার ক্ষণেক পরেই চার পাঁচটি নারী কণ্ঠে কান্না ধ্বনিত হয়ে উঠল। কারা কাঁদে? কেন কাঁদে? ও. বীরেশ্বরের মেয়ে, বৌ ও ছেলের বৌ'রা শোক করছে। অন্তমনা হওয়ার জন্য লজ্জিত হয়ে রামপাল তাড়াতাড়ি গাড়ী থেকে নেমে পড়ল।

পিঠাপিঠি দু'ভায়ের মধ্যে বয়সের তফাত যত কম হওয়া সম্ভব, শ্রামলাল ও জীবনলাল ততটুকু ছোটবড়, কিন্তু দু'জনের চেহারা থেকে সেটা অনুমান করা যায় না। বত্রিশ বছর বয়সে শ্রামলাল ভূঁড়ি বাগিয়ে মাংসপেশী টিল করে মুখে ভারিভি ভাব এনে নিজের চেহারাটি দাঁড় করিয়েছে চল্লিশ পেরোনো গেরস্তের মত, জীবন লালকে তার চেয়ে অনেক ছোট দেখায়। বাপের মত তার শরত্ব বাধুনির জোরালো দেহ। শ্রামলাল রোগা এবং লম্বা। নতুন গোপ তার এখনো তামাকের ধোঁয়ায় বিবর্ণ হয়ে যায়নি। অশৌচের খাওয়া, জামাই বাড়ী এলেও অল্পসময়ের মধ্যেই সংস্কেপে সব চুকে গেল। বডঘরের দাওয়ার চাটাই পেতে তারপর কথা বলতে বসল রামপাল, রক্তার তিন ভাই এবং তাদের খুড়ো কাশীশ্বর। ছোট কলাবাগানটির ওপাশেই কাশীশ্বরের ঘর। তার অপরিপুষ্ট শীর্ণ দেহে আর পরণের ছেঁড়া ময়লা কাপড়ে দারিদ্রের ছাপ অতি স্পষ্ট। একটু ভাল অবস্থার ভাইপোদের সঙ্গে বসে আলাপ করায় ভক্তিটাও পাগছাড়া রকমের বিনয়পন্ন।

খুড়োর দিকে পিছন ফিরে বসে তামাক টানতে টানতে শ্রামলাল ধীরে ধীরে গোড়া থেকে সমস্ত ব্যাপারের ইতিহাস রামপালকে বিশদভাবে শুনিয়ে দিল। শুনতে শুনতে রামপালের মনে হল, সে যেন একটু হেরষ চক্রবর্তী দিকে টেনে কথা কইছে. একেবারে সমর্থন করতে না পারলেও খুব বেশী দোষ দেখতে পাচ্ছে না লোকটার। আহা, হেরষ চক্রবর্তী কি আর ভালমাল্লুস দেবতা, তা বলছে না শ্রামলাল। ওসব লোক ওইরকম হয়। বীরেশ্বর বেশীরকম বাড়াবাড়ি করেছিল। অতটা না করলেই হ'ত।

'বাড়াবাড়ি হয়েছিল কিছুটাকা' কাশীশ্বর সায় দিল।

‘কিসের বাড়াবাড়ি?’ বাঁজালো করে মোহনলাল জিজ্ঞেস করল।

শ্রামলাল একবার তীব্র দৃষ্টিতে তার দিকে তাকাল, কোন জবাব দিল না। হাঁকোটা কাশীঘরের কাছে বেড়ায় ঠেস দিয়ে নামিয়ে রেখে উঠে একবার ঘরের ভেতর থেকে ঘুরে এল।

না, হেয় চক্রবর্তীকে পিতার হত্যাকাণ্ডী বলে ধরে নিতে শ্রামলাল রাজী নয়। কার বন্দুক কোথা থেকে ছুঁড়েছিল না জেনে আন্দাজে একজনকে ঘাড়ে দোষ চাপালেই তো হয় না। দোষ কার সঠিক জানা গেলে তাকে শাস্তি দেবার জন্য যথাসর্বস্ব ব্যয় করে পথের ভিখারী হতে সে রাজী আছে, জীবনটাই নয় দিয়ে দেবে। কিন্তু অন্ধকারে টিল সে ছুঁড়বে কোনদিকে, কার দিকে?

‘সে নয় তো কে ছুঁড়বে বন্দুক?’ মোহনলাল মন্তব্য করল।

শ্রামলাল মাথা নেড়ে বলল, ‘কে জানে কে ছুঁড়বে। শত্রুর কি একটা ছিল, লোকের পেছনে লাগা রোগ ছিল বাবার।’ সজোরে শ্রামলাল নিঃশ্বাস ফেলল।—‘ভগবান আছেন। মোদের যে সর্বনাশ করেছে সে ধরা পড়বে। পুলিশ খোঁজ করছে।’

‘পুলিশ! পুলিশ ও ব্যাটার দলে।’

মোহনলাল এক একটা ছাড়া ছাড়া কাটা কাটা বাঁজালো মন্তব্য করে আর মুখ ঘুরিয়ে একদৃষ্টে তাকিয়ে থাকে অন্ধকার উঠানের দিকে। মনের জ্বালার তাপে মুখ চোখের যে অবস্থা হয়েছে ছেলেটার, একশো-পাঁচ ডিগ্রি জ্বর হলে তেমন হয়। একটু উষ্ণ দেবার কেউ থাকলে যে কোন মুহূর্তে সে গিয়ে হেরথকে খুন করে আসতে পারে।

জীবনলাল কম কথা কয়। সে বলল, ‘মোরাও তলে তলে সাক্ষীপ্রমাণ খুঁজছি। কেঁটবাবু এসে পড়লে শলা পরামর্শ মিলত। দাঙ্গার ব্যাপারটাতে মোদের জড়িয়ে দিলে মুশ্কিল হয়ে যাবে।’

শ্রামলাল যেন একটু জোর দিয়েই বলল, ‘মন করে যা তা জড়াবে না। অ্যাড্বিনে তবে টেনে লিয়ে যেত।’

দাঙ্গা হয়নি, বাধবার উপক্রম শুধু হয়েছিল। মোট যে আটজনকে গ্রেপ্তার করা হয়েছে তাদের নাকি দাঙ্গা করার অভিযোগেই চালান দেওয়া হবে। ওরা আট-জনেই অবশ্য হেরথের বিরুদ্ধে দাঁড়িয়েছিল কিন্তু সেদিন ঘটনাস্থলে সকলে তারা উপস্থিত ছিল না। শ্রামলালদের তিন ভাইকে কেন যে ধরা হয়নি এটা বড় আশ্চর্য্য ব্যাপার মনে হয়েছে সকলের।

শ্রামলাল সেদিন গায়েই ছিল না সত্য কিন্তু বৈকুণ্ঠ দাসও তো ছিল না গায়ে, তাকে ছুঁদিন পরে ধরে নিয়ে যাওয়া হয়েছে। জীবন ও মোহন বাপের সঙ্গেই ছিল, ওদের ছুঁজনকে পুলিশ অনায়াসে ধরতে পারত। সত্য কথা বলতে কি, বীরেশ্বরের ছেলেরা রেহাই পাওয়ায় গায়ের লোক, বিশেষ করে ঘাদের ধরা হয়েছে তাদের

আত্মীয়স্বজন, তাদের ওপর নাকি একটু চটে গেছে। পুলিশের এই পক্ষপাতিত্বের মানে তারা বুঝতে পারছেন না।

কিছুক্ষণ পরে দু'একজন করে গ্রাম থেকে আটদশজন লোক এসে বীরেশ্বরের ঘরের দাওয়ায় জড়ো হল। তাদের মধ্যে কেউ কৃষ্ণেন্দু কবে আসবে জানতে এসেছে, কৃষ্ণেন্দু এসে পড়েছে শুনে কেউ এসেছে তার সঙ্গে দেখা করতে। সকলে উদগ্রীব হয়ে কৃষ্ণেন্দুর প্রতীক্ষা করছে টের পেয়ে রামপাল একটা আশ্চর্য হয়ে গেল। গ্রামে কৃষ্ণেন্দুর যাতায়াত খুব বেশী নয়, গ্রামের লোকের ওপর তার এতখানি প্রভাব সে কল্পনা করতে পারেনি। অনেকদিন থেকে মুখে মুখে কৃষ্ণেন্দুর বিষয়ে নানা কথা গ্রামে রটেছে, তার সম্বন্ধে গ্রামের লোকের দারণা গড়ে উঠেছে সেই সব শোনা কথাকে ভিত্তি করে। কৃষ্ণেন্দুর অসাধারণ বিজ্ঞা-বুদ্ধি ঠাগ ও ক্ষমতায় এদের বিন্দুমাত্র অবিশ্বাস নেই, কল্পনায় বড় হতে হতে কৃষ্ণেন্দু এদের কাছে প্রায় মহাপুরুষ হয়ে উঠেছে। সকলের কথায় এই মনোভাবটাই প্রকাশ পেতে লাগল যে কৃষ্ণেন্দু একবার এসে পড়লেই সব ঠিক হয়ে যাবে। যেখানে থেকে যাদের জগৎ কৃষ্ণেন্দু কাজ করেছে এদের মত শ্রদ্ধা ও বিশ্বাস তাদের মধ্যে রামপাল কখনো দেখতে পারেনি। নিজেদের গোলমাল মিটিয়ে দেবার ভার কৃষ্ণেন্দু হাতে তুলে দেবার জগৎ এমন আগ্রহও তাদের দেখা যায় না।

মন দিয়ে সকলের আলাপ আলোচনা শুনতে শুনতে একটা ব্যাপার রামপাল টের পেয়ে গেল। কৃষ্ণেন্দু এসে হেরেশ্বরের অগায় অত্যাচারের প্রতিশোধ নেবার ব্যবস্থা করতে বলে সকলে তার পথ চেয়ে নেই। অত্যাচার যা হয়ে গেছে তার প্রতিকারের জগৎ সকলে তারা বিশেষ উৎসুক নয়। আর যেন অত্যাচার না হয়, শান্তিতে ও স্বস্তিতে তারা যেন দিন কাটাতে পারে, এইটুকু শুধু সকলে চায়। কৃষ্ণেন্দু এসে এ ব্যবস্থারটুকু করে দিক।

কৃষ্ণেন্দু এসে সন্ধির বদলে লড়াই করতে চাইলে এরা সেটা কি ভাবে গ্রহণ করবে ভাবতে ভাবতে বিছানায় শুয়ে অনেক রাত্রে রামপালের চোখ ঘুমে জড়িয়ে এসেছে। শ্যামলাল এসে নীচু গলায় বলল, 'ঘুমুলে নাকি হে?'

'নাহঁক।'

শ্যামলাল বিছানার ধারে বসল।

'সবর সামনে বলতে পারি নি, ভেতরে ব্যাপার আছে অনেক। ধরে আমাদের নিয়ে যেত তিনজনা কে, অনেক কষ্টে সামলেছি। হেরেশ্বাবুর কাছে গেছলাম।'

'বটে?'

'বাবার জেঞ্জো আপশোষ করলেন টের। আর বললেন, মোদের মাপ করেছেন। পুলিশকে সামলেছেন উনি। নয়নো তিন ভাইকে মোদের ঘনি টানতে পাথর ভাঙতে হত পাঁচ সাত বছর।'

খানিক অপেক্ষা করে রামপালের সাজা না পেয়ে শ্যামলাল আবার বলল, 'কি করি

বল ? সংসার এখনে ঘাড়ে চাপল মোর, আমি ছাড়া দায়িত্ব কার ! সবাই মিলে উচ্ছন্ন যাব, ভেবে চিন্তে গিয়ে তাই ঘাট মেনে এলাম বাবু কাছেরে । না তো করার কি ছিল বল ?

‘বটে তো !’

কিছুক্ষণ বসে শ্রামলাল চলে গেল । সেই যে ঘুম চটে গেল রামপালের, মনে হল ঘুম বৃষ্টি আর আসবে না । রক্তাণ্ড আসে নি । আসবার ভরসাও আর নেই । কোন ঘরে মেয়েদের সঙ্গে সে গল্প করছে অথবা কথা কহিতে কহিতে ঘুমিয়ে পড়েছে । পাপের বাড়ী এলে এইরকম করে রক্তা ।

অন্ধকার ঘরে খালি বিছানায় একা শুয়ে থেকে রক্তার ওপরে রামপালের রাগ ক্রমে ক্রমে বাড়তে লাগল । অল্প কোন চিন্তা মনে তার স্থান পেল না ।

কৃষ্ণেন্দুকে অভ্যর্থনা করে আনবার জন্ত ঝুমুরিয়ার কয়েকজন অপরাহ্নে স্টেশনে খাবে ভেবেছিল । তাদের মনে আশাভঙ্গের বেদনা দিয়ে সকালবেলাই কৃষ্ণেন্দুরা গায়ে এসে হাজির হল । একটা গোটা দিনের চেয়ে একটা রাত নষ্ট করা ভাল ভেবে গাঁয়েন আর নরেশকে সঙ্গে নিয়ে কৃষ্ণেন্দু সন্ধ্যার প্যাসেঞ্জারে রওনা হয়ে গিয়েছিল ।

নরেশকে সে ডাকে নি । নরেশ কিন্তু তাকে তাকে ছিল । ট্রেন ছাড়বার মিনিটখানেক আগে সে একগাল হাসি নিয়ে তাদের কামরায় উঠে দুজন গাড়ীর মধ্যকার তিন ইঞ্চি ফাঁকটুকু বসবার মত প্রশস্ত করার চেষ্টায় ব্যাপৃত হয়ে গেল ।

‘টিকিট করেছিল ?’

‘ইস ! টিকিট ! পিলেটফারম টিকিট কেটেছি একটা তাই বাগাটাদের ভাগি !’

রেল কোম্পানীকে ফাঁকি দেওয়ার ঝোঁকটা নরেশের চিরস্থল । পয়সা বাচানোটা অবশ্য তার আসল উদ্দেশ্য নয়, সর্বদা সতর্ক থাকতে আর এক দরজা দিয়ে চেকারকে উঠতে দেখে আরেক দরজা দিয়ে নেমে যেতে তার বড়ই মজা লাগে । তার মনের বাসনা কৃষ্ণেন্দুর জানা আছে । বিনা টিকিটে একদিন সে দেশদেশান্তরে বেড়িয়ে আসবে,—দিল্লী বোম্বাই পুরী মাদ্রাজ সিমলা দার্জিলিং, যেখানে যেদিকে যতদূর বেলগাড়ী যায়, বজ্রবজ্র জয়মণ্ডহারবার পর্যন্ত বাদ দেবে না । এরকম পাগলামি না থাকলে কি টেঁপিকে নিয়ে এ ছেলে পালাতে চায় কিন্তু ঘরে বসে সর্বসম্মতিক্রমে টেঁপিকে পাওয়ার স্বযোগ প্রত্যাখান করে ! টেঁপিকে সে চায় নি, চেয়েছিল টেঁপিকে নিয়ে শুধু পালাতে । পরে এটা বুঝতে পেরেছিল বলেই গুকে মারার ক্ষোভটা এত কড়া হয়ে উঠেছিল কৃষ্ণেন্দুর ।

বড় একটা স্টেশনে গাড়ি অনেকক্ষণ দাঁড়ায়, টিকিটও দেখা হয় । নীচে নেমে গাড়ী ছাড়া পর্যন্ত প্র্যাটফর্মে পায়চারি করাই নিরাপদ ভেবে নরেশ উঠতে যাবে, কৃষ্ণেন্দু তাকে চেপে ধরে জোর করে বসিয়ে দিল । আলপাকার জীর্ণ মলিন কোট গায়ে চেকারকে গাড়ীতে উঠতে দেখে নরেশ আরেকবার ব্যাকুলভাবে দাঁড়াবার চেষ্টা করল, কিন্তু

কৃষ্ণেন্দুর এক হাতের জোয়ের সঙ্গেই বা পারবে কেন ! যুঁহু হেসে মাথা নেড়ে কৃষ্ণেন্দু বলল, 'পালালে চলবে না। বসে থাক্ !'

হতভম্ব হয়ে নরেশ ফ্যাল ফ্যাল করে তাকিয়ে রইল। অল্লাদিন আগে কৃষ্ণেন্দু তাকে মারতে মারতে প্রায় বেহঁস করে দিয়েছিল, সে তো ভুলবার কথা নয়। আজ আবার তাকে নিয়ে সে কি নিষ্ঠুর খেলা খেলবার মতলব করেছে অল্লামান করবার ব্যাকুলতায় দৃষ্টি ঘেন তার সঁটে রইল কৃষ্ণেন্দুর মুখে।

চেকার কাছে এলে কৃষ্ণেন্দু তাকে ছেড়ে দিল।

'আমরা তোমার টিকিটের দাম দিতে পারব না, নরেশ, চেয়ো না কিন্তু। গোডায় বললে টিকিট কিনে দিতাম, এখন একটি পয়সা দেব না।'

চেকার টিকিট চায়, নরেশ একদৃষ্টে কৃষ্ণেন্দুর মুখের দিকে চেয়ে থাকে। এতক্ষণে সে উদ্বেগ বৃদ্ধিতে পেরেছে। চোচোখে তার তাই ভৎসনা ও অন্তঃস্বার্থের যেন সীমা নেই তার এই নিঃশব্দ অভিযোগের গুরুত্ব। এত বেশী স্পষ্ট ও অভিনব যে কৃষ্ণেন্দু যুঁহু বিশ্বাসের সঙ্গে একটু অস্বস্তিও বোধ করতে থাকে।

'বেশ লোক আপনি !'

কৃষ্ণেন্দুকে এই কঠোর মন্তব্য শুনিয়া নরেশ ধাঁ করে তার সার্চের পকেট থেকে এইটুকু একটি চামড়ার ব্যাগ পার করল এবং তার ভেতর থেকে অনেক ভাঁজে ছোট করা আশ্রু একটি পাঁচ টাকার নোট বার করে চেকারকে শুধোলো, 'চেষ্টা হবে মশাই ?'

সেই থেকে কি যে হল নরেশের, সব উৎসাহ উদ্দীপনা নিভে গিয়ে মনমরা হয়ে চুপচাপ হয়ে বসে রইল। মাঝে মাঝে ক্ষণেকের জন্য কৃষ্ণেন্দুর দিকে তাকায় আর মুখ ফিরিয়ে নেয়। ছোট স্টেশনে একদল যাত্রী নেমে যেতে জানালার ধারে গিয়ে মাথাটা বাইরে গলিয়ে বহুক্ষণ একভাবে বসে রইল। হীরেন বাডী থেকে দশ বার জনের খাবার সঙ্গে এনেছিল, পথে উপোস করে মারা যাওয়ার আতঙ্কটা তার অতিশয় প্রবল। খাবারের ভাগ নিয়ে নরেশ আনমনে ভেঙ্গে ভেঙ্গে মুখে পুরতে লাগল। খিদেও যেন তার পায় নি।

কি যে খাপছাড়া মনের গতি এসব পাগলাটে ছেলের ! মেরে রক্তপাত করে দেওয়ার পর দেখা হতে যে ভক্তি-গদগদ চিহ্নে পায় হাত দিয়ে প্রশংসা করে বসেছিল, সামান্য একটু শিক্কা দেবার চেষ্টা করায় আজ সে অভিমানে আতঙ্কিত হয়ে গেছে। কিন্তু অভিমান যদি করে থাকে, অভিমানের কথাই কিছু বলুক, অন্তঃস্বার্থ দিক। কৃষ্ণেন্দু দৈর্ঘ্য হারিয়ে ফেলল।

'টাকা কোথায় পেলি ?'

'চুরি করেছি।'

কৃষ্ণেন্দু বিশ্বাসে কৃষ্ণেন্দুর মুখে কথা সরল না।

'পরের স্টেশনে পুলিশ ডাকবেন না ?'

এ তো অস্বাভাবিক জানানো নয়, রীতিমত গায়ের ঝাল ঝাড়া। নরেশ যে তার মুখের ওপর এভাবে কথা বলতে পারে কৃষ্ণেন্দুর দুঃস্বপ্নেও তা সম্ভব হতে পারত কি না দন্দেহ। ছেলেটার কথাই রাখা হীরেনও খ' বনে রইল। থেমে থেমে মছর গভিতে পাসেঞ্জার গাড়ী চলেছে। লোকাল প্যাসেঞ্জাররা নেমে গিয়ে গিয়ে একটু বায়গা হয়েছিল গাড়ীতে, গুটিগুটি হয়ে কোনরকমে শোয়া চলে। শোয়ার আগে কৃষ্ণেন্দু চাঁৎ আশ্চর্যরকম মোলায়েম গলায় বলল, 'কাজটা একটু অন্ডায় হয়ে গেছে নরেশ। হত ভেবে দেখি নি।'

নরেশের কাছে এইভাবে একরকম ক্ষমা চেয়ে কৃষ্ণেন্দু তাড়াতাড়ি গুয়ে পড়ে চোখ বুজল। ঘণ্টা দুই পরে একবার ঘুম ভেঙে চাখে, নরেশ ওপাশের বেঞ্চে গিয়ে গুয়েছে। কৃষ্ণেন্দুর মনে হয়, ছেলেটা তাকে জয়ের মত তাগ করছে, এজীবনে কখনো সে আর তার মন পাবে না। সে গভীর বিষাদ অনুভব করে, সেই সঙ্গে অপরাধ করার একটা কষ্টকর অনুভূতি। ভগবানের মত ভক্তকে কষ্ট দেবার স্বভাবটি সে কেমন চমৎকার আয়ত্ত করেছে! কত অন্ডায়ের পাশ কাটিয়ে চলে, তাকে যে মানে না তার ক্রটি বিচ্যুতি সংশোধনের চেষ্টা কখনো করে না, শুধু যে অন্ডাগত তার ভাল করার উগ্র চেষ্টায় চটকে চটকে সম্পর্কটা তিতো করে দেয়। কত সে সাবধানী আর হিসেবী! যেখানে অধিকার আছে জানে, যেখানে ধরে মারলেও প্রতিবাদ আসবে না জানে, সেইখানে দেখায় বাহাদুরী। শুধু কথা বলে যদি কাজ হয় তাতে তার মন গুটে না, জমকালে প্রক্রিয়ার প্রয়োজন হয়।

সকালে দেখা গেল, কৃষ্ণেন্দুর আশঙ্কাটাই ঠিক, ক্ষমা চেয়ে নরেশের মন ভেঙানো যায় নি। কাছে থেকেও সে যেন এক যোজন দূরে সরে গিয়েছে। ঝাঁঝালো কথা সে আর বলল না, অবিশ্বাস গাঙ্গীর্ষ্যের সঙ্গে সমালোচকের দৃষ্টিতে কৃষ্ণেন্দুকে থেকে থেকে নিরীক্ষণও করল না। কথাবার্তা চালচলন তার প্রায় স্বাভাবিক হয়ে এল। তবু বেশ বোঝা গেল কৃষ্ণেন্দুর বিরুদ্ধে মন তার ক্রুদ্ধ হয়ে আছে। কৃষ্ণেন্দুর সঙ্গে তার অতিরিক্ত উদ্র ও সংযত ব্যবহারে পদে পদে তার প্রমাণ পাওয়া যেতে লাগল।

কৃষ্ণেন্দুর একটি হাসির কথায় হীরেন হেসে আকুল হয়ে গেল, নরেশের মুখের একটি রেখাও ঝাঁকল না। তখন আর কোন ভরসাই রইল না যে কৃষ্ণেন্দুকে সে আর কোনদিন ভক্তি করবে।

সারাটা দিন সময় আছে ভেবে শশাঙ্ক কৃষ্ণেন্দুদের অভ্যর্থনার কোন আয়োজনই করে নি। আয়োজন আর কি, দাড়িটা কামিয়ে রুপা একখানা কাপড় পরে নিজে একটু ফিটকাট হয়ে থাকত, বাগান ও সদরটা একটু সাজ করিয়ে রাখত। অর্থিত্তর আদর যত্নের অন্ড সব আয়োজন করবার তার ক্ষমতা কই, সে অক্ষম, তার উপার্জন নেই। হীরেনরা কেউ ছুঁচার দিনের জন্ম দেশে এলেও বাড়ীতে পা দিয়েই খরচ-পত্রের কয়েকটা টাকা

শশাঙ্কের হাতে দেয়। শশাঙ্ক তাই দিয়ে তাদের খাতির যত্ন করে। সবটা দিয়ে নয়, কিছু পারিশ্রমিক সে রাখে বৈকি! এবার ক্লক্ষেন্দু তাকে বড় বিপন্ন করল। বাড়ী ঢুকে ছুঁদণ্ড বসল না, খরচপত্রবাবদ টাকাপয়সা দিল না, পারিবারিক কুশল প্রশ্নাদিত্ত জবাবগুলি ভাল করে দিতে না দিনে সঙ্গী ছ'জনকে সঙ্গে নিয়ে আবার বাড়ী থেকে বেরিয়ে গেল। বেলা বাড়তে লাগল, তার দেখা নেই। চা জলখাবারের আয়োজন করতেও তো সময় কম লাগে না গাঁয়ে। ছুঁদ চিনি চা সব কিছুই সংগ্রহ করে আনতে হয়। কেনার লোক কম বলে সহরের চেয়ে গাঁয়ে তুধ অনেক সস্তা, কিন্তু তুধের বড় অভাব গাঁয়ে। গরু যদি বা থাকে ড'চারটা, রোগা পাঁটকা মুমূর্ষু গরু, তুধ দেয় এত এতটুকু। বেশী বেলা হলে তুধও হয়তো শশাঙ্ক একেবারেই যোগাড় করতে পারবে না। তুধপূরের পাওয়ার জন্ম মাছ'তরকারী কিনতেও দেড় ক্রোশ দূরে লোক পাঠাতে হবে, সে সব কিনে নিয়ে এলে তবে চড়াবে রান্না। শাক চচ্চড়ি দিয়ে তো অথিতিদের ভাত দেওয়া যাবে না! শশাঙ্ক এখন করে কি?

শেষ পর্বস্তু শশাঙ্ক বাড়ীর মধ্যে স্ত্রীর সঙ্গে পরামর্শ করতে গেল। দিগম্বরী সকাল-সকালবেলার জলখাবারের ফেন-ভাত নামাচ্ছিল, মুখ না ফিরিয়ে বলল, 'নিজের পয়সা পরচ করেই সব আনো। ঠাকুরপো তাড়াতাড়ি দরকারী কাজে চলে গেছেন, ফিরে এসে তো টাকা দেবেন? অত ভাববার কি আছে!'

তাঁই বটে! এই সহজ কথাটা তো তার খেয়াল হয় নি? শশাঙ্ক নিশ্চিন্ত হয়ে তুধের জন্ম লোক পাঠিয়ে নিজেই রাঘব মহাস্তির দোকানে চা চিনি প্রভৃতি সওদ আনতে গেল।

বীরেশ্বরের বাড়ী বেশী দূর নয়, এইটুকু পথ অতিক্রম করতে সম্ভাষণ ও প্রশ্নের বাধায় বারবার হীরেন ও ক্লক্ষেন্দুকে থামতে হল। কখন এল, কতদিন থাকবে, কোথায় যাচ্ছে, বাড়ীর খবর কি ইত্যাদি সব কিছুই প্রত্যেকে জানতে চায়, পথে দাঁড় করিয়ে দীর্ঘ মন্তর অন্তরঙ্গ আলাপের মধ্যে জানতে চায়। এরা ঝুমুরিয়ার ভদ্র অধিবাসী। গরীব চাখী মজুরেরা শুধু প্রণাম জানায় দাঁড় করিয়ে আলাপ করার স্পৃহা তাদের নেই নরেশ একসময় কোথায় সরে পড়ল জানা গেল না। ক্লক্ষেন্দু আর হীরেন যখন বীরেশ্বরের বাড়ী পৌঁছাল তখন বেলা হয়েছে, ত্রিতীয় দফা চায়েও আদা দেওয়ার জন্ম রামপাল নিন্দে করছে গ্রামা রুচির।

কথার অনিবার্য অপচয় যথাসম্ভব নংক্ষেপে চুকিয়ে দিয়ে ক্লক্ষেন্দু কাজের কথা পড়ল। 'সবার আগে তোমাদের সঙ্গে চারটে কথা কয়ে নেওয়া দরকার মনে করছি শ্যামলাল। তোমাদেরি সর্বনাশ হ' গেছে বেশী। তারপর অল্প সকলের সঙ্গে আলাপ করব।'

'আজ্ঞে হ্যা। চা'টা আনিয়ে দি কিছু?'

'গাড়ী থেকে নেমে স্টেশনে আমরা খেয়ে নিয়েছি, ওসব নিয়ে ব্যস্ত হ'য়ো না। তোমরা কি করবে ঠিক করছ?'

‘কিছুই ঠিক করি নি।’

‘কিছুই না? কোন পরামর্শ হয় নি তোমাদের?’

‘আজ্ঞে না। আপনার পথ চেয়ে ছিলাম।’

কৃষ্ণেন্দু অসহিষ্ণু হয়ে বলল, ‘নিজদের মধ্যে পরামর্শ কর নি, একি একটা কথা হল?’

হীরেন বলল, ‘আহা, অত কথাই মারপ্যাচ দাঁড়ো না। সেরকম পরামর্শ হয়েছে দৈকি, অনেক হয়েছে। ও বলতে চায়, পরামর্শের কোন ফল হয়নি।’

শ্রামলাল কৃতজ্ঞ হয়ে বলল, ‘ঠিক বলেছেন বাবু। আপনা আপনার ভিতরে উই চাড়া কি আছে মোদের, কিন্তু কথা কবে থই মিলছে না কো।’

কথা কয়ে কৃষ্ণেন্দুও থই পাবে মনে হল না। বাপের মৃত্যুকে এরা তিন ভাই কি ভাবে গ্রহণ করেছে, সেই অত্যাচারের কিরকম প্রতিকার এরা চায়, সে জন্ম কতগানি হ্যাগ স্বীকার করতে এরা রাজী আছে, এসব মোটামুটি আন্দাজ করে নেবার উচ্ছ্বাস কৃষ্ণেন্দুর ছিল। বহুক্ষণ চেষ্টা করে একটি স্পষ্ট দাবীও সে আয়ত্ত করতে পারল না। তিন ভাই কথা কয় তিন রকম, আবার ভিন্ন ভিন্নভাবে ধরলে প্রত্যেকের কথা উলটোপালটা, পরস্পরবিরোধী, অর্থহীন। এখন একজন তার যে কথায় সাহা দেয় একটা পরে একেবারে তার বিরুদ্ধে কথাতেও সে-ই আবার সর্বস্বামী সমর্থন জানিয়ে বসে। ক্রমে ক্রমে যখন গাঁয়ের অনেকে এসে পৌঁছাল এবং বিশেষ ভাবে বীরেশ্বরের মৃত্যুতে সীমাবদ্ধ না থেকে হেরম্ব চক্রবর্তীর অনাচার অত্যাচার সম্পর্কে সাধারণ ভাবে আলোচনা আরম্ভ হল তখনও কৃষ্ণেন্দু কারো মনের কুলকিনারা খুঁজে পেল না। প্রতিশোধের বদলে নিছক প্রতিকারের ব্যবস্থাই যে এরা তার কাছে প্রত্যাশা করছে, এটুকু বুঝতে অবশ্য তার রামপালের চেয়ে বেশী সময় লাগে নি। এটা বুঝতে তার মুমূর্ষিয়া আসবার দরকার ছিল না, দূর থেকেই অনুমান করে নিতে পারত। বর্তমান মহাজনতায় যে অবস্থা পাড়িয়েছে এদের দেহমনের, কোনরকম শান্তিতে থাকার উপায় না খুঁজে লড়াই করতে চাইলেই এদের পক্ষে বিশ্বাস করা হত। সে কথা নয়। আরও বেশী হান্দামার ভয়ে সন্নত হয়ে থাক, হেরম্বের প্রতি একটা নির্দিষ্ট মনোভাব তো এদের আছে? ক্রোধ ক্ষোভ ঘৃণা পিছেবের জালা তো এরা করে? মনে মনে কামনা তো এরা করে যে হেরম্বের সর্বনাশ হোক, সে উচ্ছ্বাসে যাক? সকলের এই মানসিক বিরুদ্ধতার গভীরতা আবিষ্কার করতে গিয়ে কৃষ্ণেন্দু যেন দিশেহারা হয়ে গেল। রাগ তঃখ হিংসা ঘৃণা বিরক্তি অসন্তোষ সব আছে এই মানুষগুলির মধ্যে, কিন্তু একজন ছাড়া—কমবয়সী দায়িত্বজাহীন উত্তেজনাপ্রবণ দু’একজন ছাড়া, সকলেই যেন কমা করেছে হেরম্বকে। বীভৎস রোগে অকথ্য যন্ত্রণা পেয়ে আজ যদি হেরম্ব মরে যায়, শিয়াল কুকুরে যদি টেনে ছিঁড়ে খায় তার দেহ, সকলের হাতে বাতাস লাগবে। তবু তাকে আঘাত করতে কেউ চায় না।

জগৎ দাসের একটা ছেলেকে ধরে নিয়ে গেছে। ছেলেটা হাল্লামার দিন বাতী থেকেই বার হয় নি, সর্দিজ্বর হয়েছিল। জগৎ বলল, 'দশঘর সাঁওতাল প্রজা আছে তাদের ছাড়াইনি কো। সেই রাগে ছেলেটাকে ধরিয়েছে। বড় চড়া রাগ মানুষটার। চোখ যেন লাল হয়ে আছে জবাফুলের নাথান চক্ৰিশ ঘটা। মাথাটাখা বিগড়ে যাবে এবারে, পাগলা হয়ে যাবে। ঘরে বসে ওসব তত্ত্বের সাধন কি নয় মান্‌সের, বিষয়ী মান্‌সের কারবার চলে ডাকিনী যোগিনী নিয়ে !'

বিপিন কুমার সার দিয়ে বলল, 'ঠিক কথা। মানুষটা, জানো কেটেবাবু, নেহাৎ মন ছিল নাকো। ওই করে বেঠিব হয়ে গেছে গা মাথাটা।' শিবু নন্দী সেদিন মাং খেয়েছিল, বা হাতটা জখম হয়েছে। পুলিশের টানাটানির ভয়ে জখমের কথা কে কাউকে বলে না, সর্বদা গায়ে চাদর শড়িখে গোপন করে রাখে। শিবু, বলল, 'মো-কথাও তাই। বলি, সংসার যদি করবে তো সংসারী হয়ে সংসারে থাকো, না তে সয়েসী হয়ে বনে শ্রমশাতে গিয়ে কর ওসব। রাতভোর মড়ার বৃকে আসন পিড়ি ব-থেকে ভোরে সিন্দুকের পয়সা গোণা, ও হয় না কো।'

আগেও আলোচনা বহুবার বিপথে চলবার উপক্রম করেছিল, কৃষ্ণেন্দু বজ্র হ-ওঠে নি। এবার সে বাধা না দেওয়ায় পুরাদমে তত্ত্বমন্ত্র সাধনভঞ্জন সাধু সন্ন্যাসীর গা শ্রু হয় গেল। কৃষ্ণেন্দুর কাটাকাটা কথা আর জেরায় সকলে একটু শ্রান্ত হ-পড়েছিল। দশটা আজ্বেবাজ্বে খেই ছাড়া কথার মিশাল না দিয়ে এতক্ষণ একম-কেবল একটা বিষয়ে তারা কথা বলতে পারে না, তা সে যতবড় গুরুতর বিষয়ই হোক হেরষের একটি গুরু ছিলেন, একজন বিখ্যাত তান্ত্রিক সাধু। এখন তিনি দেহরক্ষ করেছেন। তাঁর অলৌকিক, শক্তি ও ক্রিয়াকলাপের কাহিনী শুনতে শুনতে সক-আরাম বোধ করে। অল্পমনে একথা সেকথা ভাবতে ভাবতে কৃষ্ণেন্দু খানিক শো-খানিক শোনে না।

স্নানাহারের তাগিদে একসময় বৈঠক খতম হয়ে যায়। বিদায় নেবার জন্ম প্রস্থ হয়ে সকলের মুখপাত্র হিসেবে জগৎ দাস বলে 'তবে ওই কথা রইল কেটেবাবু?'

'কোন কথা?'

হীরেন তাডাতাড়ি বলল, 'হ্যাঁ, ওই কথাই রইল বৈকি। চারিদিকের অবস্থা কে-বুঝে শুনে কেটেবাবু যাহোক একটা ব্যবস্থা করবেন।'

এত বেলায় গায়ের পথঘাট নির্জন হয়ে এসেছে। গাছে গাছে শুধু হুহুমা-লাকলাকি। এ অঞ্চলে খুব হুহুমান দেখা যায়। কৃষ্ণেন্দু গম্ভীর বিমর্ষ হয়ে ৭ চলাছিল, বড় একটা নিমগাছের কাছে দাঁড়িয়ে সে একপাল হুহুমানের লীলাখেলা চে-দেখল। তিনটি হুহুমতী উকুন বেছে বেছে পালের গোদার অঙ্গসেবা করছে, সে ৫ হাঁটুতে হাত রেখে আরামে চোখ বৃজে বসে আছে। হঠাৎ বলা নেই কওয়া নেই। অপরাধে একটি সেবিকাকে সে সজোরে চড় বসিয়ে দিল। লাকিয়ে তৎকালে স-

খানিকক্ষণ কিচির মিচির করে সেবিকাটি যেন অভিমান করেই গোদার দিকে পিচন করে বলল এবং সম্ভান বুক নিয়ে অবিকল মালুকের ভঙ্গিতে স্তন দিতে লাগল।

হীরেন বলল, 'আমার খিদে পেয়েছে।'

কৃষ্ণন্দু চলতে আরম্ভ করে বলল, 'লিভারের যা অবস্থা পাঁড়িয়েছে, খিদে তোর কখনো পায় না। মনটা ধারাপ হয়ে গেল ভাই। হেরষকে ওরা এত ভয় করে কেন বুঝতে পারলাম না। আমাকে দেখে ওরাও কেমন হতাশ হয়ে গেছে মনে হল শেষের দিকে।'

'আগাগোড়া শুধু ছাবলামি করলি, ওদের দোষ কি? হেরষকে কেন এত ভয় করে সেটা তো ওদের কথাবার্তা শুনেই বোঝা যাচ্ছিল।'

'আমি তো পারলাম না বুঝতে।'

'হেরষ ধার্মিক বলে তাকে ওরা ঘাঁটাতে চায় না।'

'হেরষ ধার্মিক নাকি?'

'অতবড় একজন তান্ত্রিক সাধুর শিষ্য, নাম করতে লোকের গা ছমছম করে। নিজেও নাকি সাধন টাধন করে, অমাবস্তার রাত্রিগুলি মড়ার বুক আসন পিঁড়ি হয়ে কাটিয়ে দেয়। ওদের কাছে সে ভয়ঙ্কর ধার্মিক।'

কৃষ্ণন্দু থমকে দাঁড়াল। ডাইনে পথের ধারে মাইলের সংখ্যা লেখা মাটিতে পৌতা শিলের মত পাথরটিতে কে যেন তেলসিঁদুর মাখিয়েছে। একটু দূরে পুকুরের ধারে ছোট একটি মন্দির,—পুরোণো, ভাঙ্গা এবং বটগাছে ধরা।

'তাই হবে। ঠিক!'

হীরেনের অল্পমানে সায় দিয়ে হিংস্র চোখে কৃষ্ণন্দু তার দিকে তাকিয়ে থাকে। সিগারেট ধরিয়ে নিতে হীরেনের হাতে বার বার সিগারেটটা কঁপে যায়।

'আমি পারলাম না, তুই ধরতে পারলি কেন কথাটা এত সহজে?'

'তুই ওদের সঙ্গে কথা বলছিলি, আমি ওদের কথা শুনছিলাম।'

কৃষ্ণন্দু বিমর্ষ ও চিন্তিত হয়ে পড়েছিল। তার মুখের দিকে তাকিয়ে হীরেন অস্বস্তি বোধ করতে লাগল।

'দেশ সম্বন্ধে কতগুলি কথা তুই ভুলে থাকিস ভাই। ধর্ম আর সংস্কার যে এদেশের মন কি ভাবে গ্রাস করে আছে খেয়াল থাকলে কেন ওকে সকলে এত ভয় আর খাতির করে তুইও সঙ্গে সঙ্গে ধরতে পারতিস। এদেশে ধর্ম ছাড়া কথা নেই। চারিদিকে তার প্রমাণ তো দেখতেই পাস সর্বদা। ধর্মের দোহাই ছাড়া এদেশে রাজনীতি হয় না, আন্দোলন চলে না। এদেশে নেতাকে হতে হয় মহাত্মা। আধ্যাত্মিকতার স্তরে টেনে তুলতে না পারলে এদেশে কিছুই করার উপায় নেই। এটা তোরা ভুলে থাকিস। ধর্ম আর সংস্কারের কথা শুনলে অবশ্য তোরা বাস্তবপর্যায়ী অসন্তুষ্ট হোস, কিন্তু যা আছে তা আছে।'

কৃষ্ণেন্দু বলল, 'অসম্ভব হই কিন্তু তুলে থাকি না। উপেক্ষা করি। আমরা বলি, অন্নহীন, পরাধীন অত্যাচারিতের ধর্ম নেই। আমরা বলি, সমস্ত সংস্কার ভাঙতে হবে।'

হীরেন বলল, 'কেন বলিস? ভাষা শুধু বকবক করার জন্তু সৃষ্টি হয় নি, বোঝারও কাজে লাগে। নিজের মন যা বলে শুধু সেই কথা না বলে, যাদের জন্তু বলা তারা যা জানে বোঝে আর মানে সে কথা বললেই হয়! শ্রোতার ভাষা না জেনে বক্তৃতা দিয়ে লাভ কি? অন্নহীন পরাধীন অত্যাচারিতের ধর্ম নেই বললে যখন কেউ কানে তোলে না তখন বললেই হয় ওরকম হয়ে থাকা অধর্ম, মহাপাপ—বললেই হয় অন্নভাব, পরাধীনতা, অত্যাচারের প্রতিবাদ আর প্রতিকারই ধর্ম।'

'তফাৎ কি হল?'

'যারা ধর্ম-খ্যাতি তারা বুঝতে পারে, সাজা দেয়। এদেশে ধর্ম আর সংস্কারের সর্বব্যাপী প্রভাব যখন অস্বীকার করা যায় না, সে সত্যটাকে মেনে নিয়ে কাজে লাগানোই তো বুদ্ধিমানের লক্ষণ। কিন্তু তোদের কথা আলাদা। ওসব কাজে লাগাতে তোদের সঙ্কোচ হয়। পাছে তার মানে দাঁড়ায় যে তোরাও মেনে নিয়েছিস, প্রসন্ন দিয়েছিস। স্বর্গে যেতে হবে, কিন্তু ফ্যাশেনেবল পথটি ছাড়া অল্পপথে তোরা চলতে রাজী নোস্।'

কৃষ্ণেন্দু একটু হাসল। নীরবে কিছুক্ষণ পথ চলে বিনা ভূমিকায় হঠাৎ বলল, 'দূরে দূরে না থেকে কাজে নেমে যা না হীরেন? আমার চেয়ে তুই ভাল কাজ করতে পারবি। আমার শুধু সখ, তোর দরদ আছে, ওদের তুই আমার চেয়ে ভাল বুঝিস।'

'আমার সত্যি পিঁদে পেয়েছে ইন্দু।'

নিঃশব্দে বাকী পথ অতিক্রম করে বাড়ীর সামনে পৌঁছে ছ'জনে একসঙ্গে দাঁড়িয়ে পড়ে, যেন একই তাগিদে।

'কাজে নামার ইচ্ছে তোর আছে। আমি জানি।'

'তা আছে।'

'তবে?'

'ইচ্ছে থাকলেই কি হয়? আমার সংযম নেই, সহিষ্ণুতা নেই, ধৈর্য নেই। কাজে নামতে ভয় করে ভাই।'

'আজ পর্য্যন্ত বার দশেক প্রশ্ন করেছি। আজ তবু একটা জবাব দিলি।' বলে হীরেনকে ফেলে কৃষ্ণেন্দু হন হন করে বাড়ীর মধ্যে ঢুকে গেল।

মাথায় কাপড় তুলে দিগম্বরী বলল, 'চান্ করবেন না ঠাকুরপো? তবে খেতে বহন।'

শশাঙ্ক আমতা আমতা করে বলে, 'হাতে একটি পয়সা নেই, খাবার দাবারের ভাল ব্যবস্থা করতে পারিনি ভাই।'

হীরেন টাকা বার করলে শশঙ্ক হাত বাড়িয়ে আডট হয়ে পাড়িয়ে থাকে। টাকা চাইতে তার লজ্জা করে নি, টাকা চেয়ে হাত পেতে নিতে সত্বে তার লজ্জা করছে। চাইতে তো হয়নি কোনবার।

হীরেন টাকা বার করলে বরাবর সে পিন্ধিত হয়ে গেছে, টাকা নিয়ে অল্পযোগ দিয়ে বলেছে, 'কি দরকার ছিল বলত ?'

দুপুরে ঝুমুরিয়ার কয়েকটি ছেলে দেখা করতে এল। তাদের সঙ্গে দেখা গেল নরেশকে। এপধাস্ত নরেশের কোন পাত্তা মেলেনি, কোথায় পাওয়া দাওয়া করেছে সেই জানে। অচেনা গায়ের সমবয়সী অচেনা ছেলের দলেই বা সে কি করে ভিড়ে গেল ঠিক বোঝা গেল না। সকলের সঙ্গে ভাবটাও যেন বেশ ভয়িয়ে নিয়েছে এইটুকু সময়ের মধ্যে।

কৃষ্ণেন্দুকে নিয়ে ছেলেরা একটা শোভাযাত্রা করতে চায়। এখান থেকে শোভাযাত্রা শুরু করে সমস্ত গ্রাম ঘুরে তাদের লাইব্রেরিতে গিয়ে শেষ হবে। সেখানে সভা করে ছেলেরা তাকে অভিনন্দন দেবে।

'এই দুপুর রোদে ?'

'আজ্ঞে না। বিকেলে।'

'তোমাদের লাইব্রেরীতে কত বই আছে ?'

'একাত্তরখানা হবে। দু'টো ম্যাগাজিন নিই।'

হীরেনের দিকে চেয়ে কৃষ্ণেন্দুর মুত্ হাসি মিলিয়ে গেল।

'আজ নয় ভাই, কাল শোভাযাত্রা করব। দুপুরবেলা। শোভাযাত্রা করে একেবারে নতুন রাস্তার গিয়ে হাজির হব।'

ঘরের অগ্ৰপ্রান্তে হীরেন তাকিয়ায় পিঠ দিয়ে কাত তথ্যে ছিল, দীপের দীপের উঠে বসল।

'তাই তবে ঠিক করলি ?'

'হ্যাঁ।'

'প্রথমে আপোষের কথাবার্তাও বলে দেখবি না ?'

'না। তাতে কোন লাভ হবে না জানি। ওরা পেয়ে বসবে, এরা আরও বিম্বিয়ে পড়বে।'

'কে জানে !'

হীরেন আর কথা কইল না। ছেলেরা মুখ চাওয়া-চাওয়ি করছিল, হঠাৎ যেন বিপাকে পড়ে গেছে। দু'টি ছেলে কৃষ্ণেন্দুর মুখ চেনা, কিছুদূর পড়া শোনা করে বাজীতে বসে আছে। দলের হয়ে তারাই এতক্ষণ কথা বলছিল। অনাথ নামে পাঞ্জাবী গায়ে ছেলেটি বন্ধুদের সঙ্গে খানিক পরামর্শ করে দু'পা সামনে এগিয়ে এল।

'এরা আপনার কাছে একটা কথা জানতে চায় কেউদা। আপনি কোন দলে ?'

‘দল ? কিসের দল ?’

‘আপনি যদি মোহনলালের দলে হন, এরা কালকের শোভাযাত্রায় যোগ দিতে পারবে না বলছে। আপনাকে নিয়ে আমরা তাহলে বরং আরেকদিন মিটিং করব।’ কৃষ্ণেন্দুর দৃষ্টি দেখে অনাথ আর দলের প্রতিনিধির উপযুক্ত গাঙ্গীর্ষ্য ও ধীরতা বজায় রাখতে পারল না, একটা টোক গিলে ছেলেমানুষ সে ছেলেমানুষের মতই আত্মারের ভক্তিতে যোগ দিল, ‘আজ বিকেলেই চলুন না আমাদের ওখানে ?’

কৃষ্ণেন্দু বলল, ‘বোসো দিকি সবাই। তোমরা কারা জেনে নি। একটা পাটি বিছিয়ে দে তো নরেশ।’

নরেশ সকলের পিছনে চুপ করে দাঁড়িয়েছিল। পাটি আনতে সে ঘর থেকে বেরিয়ে যেতে না যেতে দিগম্বরী নিজেই একটা পাটি এনে বিছিয়ে দিল। একগাল হেসে বলল, ‘বোস বাবারা, বোস। কেটবাবুর কথা শোন।’

হীরেন খতমত খেয়ে তার দিকে চেয়ে রইল। খাওয়ার সময় দিগম্বরী ঘোমট দিয়ে নীরবে পরিবেশন করেছিল, তাকে এখন বাড়ীর বুড়ী গিন্নীর ভাষা স্বর ও ভক্তিতে কথা কইতে দেখে সে অবাক হয়ে গেল।

বেরিয়ে যাবার আগে হীরেনের দিকে চেয়ে বুড়োমানুষের মতই নিঃসঙ্কোচে দিগম্বরী বলল, ‘বড মানুষ, নামকরা মানুষ কেউ গাঁয়ে এলে ছেলেরা বড খুসী হয়। পোড়া গাঁয়ে কেউ তা আসে না সাত জন্মে।’

কৃষ্ণেন্দু ছেলেদের জিজ্ঞাসা করল, ‘তোমাদের দল কোনটা ?’

‘এই এটা। আরও কয়েকজন আছে, তারা আসতে পারে নি।’

গাঁয়ের পনের ষোলটি কিশোর ও তরুণকে নিয়ে সজ্জবদ্ধ করার সে এক বিচিত্র ও গৌরবময় কাহিনী। অনাথ আর সহদেবেরই গৌরব, তারাই দলটা গড়েছে। আগে কিছুই ছিল না কুমুরিয়ায়। নমো নমো করে একটিমাত্র বারোয়ারী পূজো হত, সভাসমিতি, খেলাধুলার ব্যবস্থা, লাইব্রেরী, নাইটগুল, কিছুই ছিল না। এরা সব কিছু গড়ে তুলেছে। বছরে এখন পাঁচ ছ’টি পূজা পার্করণ উপলক্ষে উৎসব হয়, দুর্গাপূজায় এত সমারোহ হয় যে আশেপাশের সব গ্রাম হার মেনেছে। সদর থেকে বিখ্যাত বাস্তিদের আনিয়ে মাঝে মাঝে গাঁয়ে গণা সভা করায়। হেরষের কাছ থেকে একটি খেলার মাঠ আদায় করেছে, তাদের টিম এবারে সদরে কাপ খেলায় প্রথম রাউণ্ডে জিতেছিল। পালা করে এরা পাহারা দেওয়ার গাঁয়ে এখন আর চুরি হয় না। নাইট স্কুলে চাষাভূষাদের পড়ায়। অসুখ বিষমুখে সেবা করতে যায়। জল সাক করে, মশা নষ্ট করে, আরও কত কি যে তারা করে হিসাব হয় না।

‘আগে কিছুই ছিল না কৃষ্ণেন্দু বাবু। সব আমরা করেছি।’

দুঃখের বিষয়, মোহনলালও একটা দল করেছে, চাষাভূষো ছেলেদের নিয়ে। কাজ তারা কিছুই করে না, অনাথদের দলের সঙ্গে শুধু শত্রুতা করে আর তাদের টিটকারী হয়।

কৃষ্ণেন্দু বলল, 'এই ব্যাপার ? তা, তোমাদের ভিলেজ পলিটিক্স নিয়ে মাথা ঘামাবার সময় আমার নেই ভাই। হেরষবাবু বড বাড়াবাড়ি আরম্ভ করছেন, তার একটা বিহিত করতে আমি এসেছি। আমি কোন দলে নই। তোমাদের দলেও নয় মোহনলালের দলেও নয়। কাল কোন দলের প্রেসেসন হবে না, গাঁয়ের লোকের প্রতিবাদের প্রেসেসন হবে। এতে দলাদলির কোন কথাই নেই। আশেপাশের গাঁ থেকেও লোক আসবে। তোমরাও এসো।'

'আমাদের একটু অনুবিধা আছে।'

'কিসের অনুবিধা ?'

'আমরা—আমাদের মতবাদ অন্তরকম।'

কৃষ্ণেন্দু অসহিষ্ণু হয়ে বলল, 'মতবাদ ? এর মধ্যে আবার মতবাদের কথা আসে কোথেকে ? একটা লোক যাচ্ছেতাই অত্যাচার করছে, ধরে বেধে সকলকে দিয়ে মজুরের কাজ করছে, জমি কেড়ে নিয়ে রাস্তা বানাচ্ছে, মাটি তুলে নিচ্ছে, এসবের বাতে প্রতিকার হয় আমরা সে চেষ্টা করব। তাতে মতবাদের কি আছে ?'

'আমরা বিশ্বাস করি, গ্রামের উন্নতির জন্য ভাল রাস্তাঘাটের দরকার আছে। রাস্তাটি তৈরী হলে আমাদেরই উপকার হবে।'

কৃষ্ণেন্দু কিছুক্ষণ চুপ করে রইল। তারপর গম্ভীর গলায় বলল, 'রাস্তা তৈরী করতে আমরা বাধা দেব না। আমরা অত্যাচারের প্রতিবাদ করব।'

সহদেব রোগা ছিপছিপে ভারি স্তদর্শন ছেলে। মুখখানা দেখলেই ভাল বলতে ইচ্ছা করে। সে বলল, 'ও একই কথা। রাস্তা তৈরীতে বাধা দেওয়া হচ্ছিল বলেই হেরষবাবুকে একটু আধটু অত্যাচার করতে হয়েছে। আর বিনা মজুরিতে তিনি তো কাউকে খাটাচ্ছেন না, প্রত্যেককে মজুরি দিচ্ছেন। অলস যাত্রা গোলমাল করে তাদের বেলা—'

অনাথ বলল, 'আপনাকে সত্যি কথা বলি কৃষ্ণেন্দুবাবু, হেরষ চক্রবর্তীকে আমরাও পছন্দ করি না। তবে এক্ষেত্রে আমাদের পলিসি হচ্ছে, চুপ করে থাকা। রাস্তাটা হচ্ছে, হয়ে যাক। অন্য ব্যাপারে হলে হেরষবাবুর অত্যাচার আমরাও সহ্য করতাম না, অনেক আগে আমরাই একটা বিহিত করতাম। আমরা রাস্তা চাই। বধাকালে তিন চার মাস এখানকার রাস্তায় সাইকেল পর্য্যন্ত চালান যায় না।'

'কি হবে সাইকেল চালিয়ে ? রাস্তা দিয়ে ? গরু ছাগলের চলতে ফিরতে সাইকেল লাগে না, ভাল রাস্তারও দরকার হয় না।'

ছেলেরা চুপ করে থাকে। কৃষ্ণেন্দু মনে মনে নিজের ওপর বিরক্ত হয়। এদের মেজাজ দেখিয়ে, কড়া কথা শুনিয়ে লাভ কি ?

আবার সে বলে, 'এই সোজা কথাটা কি তোমরা বুঝতে পার না ? রাস্তাঘাটের উন্নতি, লাইব্রেরী, নাইটস্কুল, পূজাপার্ক এ সবের কোন মানে হয় না, গাঁয়ের লোক

যদি মাছুম না হয়, যদি শুধু মুখ বুজে অত্যাচার সহ্য করে যায় ? রাস্তাটা কি হেরষ তৈরী করে দিচ্ছে ? ঘরের পরিসা খরচ করে ? না, গাঁয়ের লোকের স্বেচ্ছাধার জ্ঞত তৈরী হচ্ছে ? ওদের স্বেচ্ছাধার কথা কৰ্ত্তারা ভাবলে অনেক আগেই রাস্তা তৈরী হয়ে যেত । রাস্তা হচ্ছে ভালই । কিন্তু ওটা হেরষের অত্যাচার বা দান ভাবছ কেন ? হেরষ তো কণ্ট্রাক্টে মোটা টাকা লাভ করবে । রাস্তার জন্তে সকলের কাছ থেকে ট্যান্ডা আদায় হবে । এককাল যে রাস্তাটা হয় নি সেটাই তো হয়েছে ওদের মস্ত অত্যাচার । আজ রাস্তা তৈরীর নামে কড়া জুলুম চলাবে আর তোমরা মুখ বুজে থাকবে ? দলাদলি বড় হবে তোমাদের ? যে গাঁয়ে—' একমুহূর্ত্ত থেমে সে যোগ দেয়, 'যে গাঁয়ে অত্যাচার সঙ্গে লড়তে জালালুদ্দিন প্রাণ দিল, বীরেশ্বর প্রাণ দিল, ক'জন জেলে গেল ?'

ছেলেরা মুখ ভার করে চলে গেল । নরেশ গেল না, যেখানে বসে ছিল সেইখানে বসে পাটি খুঁটতে লাগল । কেউ কথা কয় না । দিগম্বরী এসে মুখ খুলতে গিয়ে কিছু না বলেই আবার চুপচাপ চলে যায় ।

'গাঁয়ের ভদ্রলোকের ছেলে এরা । বড় হয়ে এরা ভদ্রলোক হবে !'

'ওরা তো খারাপ ছেলে নয় ?' দিগম্বরী বলে ।

হীরেন বলে, 'সবাই ওরকম ভদ্রলোক হবে না ইন্দু । স্বর্ঘ্যও এ গাঁয়ের ভদ্র-লোকের ছেলে ।'

'স্বর্ঘ্য ? স্বর্ঘ্য এদের দলে থাকত না—মোহনলালের চাষা-ভূষোর দলে যেত ।'

চারিদিক দুপুরের মাটিফাটা চড়া রোদ । বাইরে তাকালে দেখা যায় পাক গেয়ে তাপ ওপরে উঠছে, দূরত্ব তলে তলে চোখে লাগিয়ে দিচ্ছে ধাঁধা । এই দুপুরবেলা কৃষ্ণেন্দু শোভাযাত্রা করবে, গা শুদ্ধ লোককে দু'মাইল পথ হাঁটিয়ে নিয়ে যাবে হেরষের রাস্তায়, গরুছাগলও যখন গাছের নীচে আর ঘরের কাণাচে ছায়া খুঁজে নিয়ে ধুকতে থাকে । প্রকৃতিকে হিসাবে ধরতে কৃষ্ণেন্দুর চিরদিন ভুল হয়ে যায় । গরমে ঘোমে, বর্ষায় ভিজে, শীতে কেঁপে আর বসন্তে হঠাৎ সঞ্জীবিত হয়েও সে যেন শ্রেফ ভুলে থাকে স্বর্ঘ্য এক যায়গায় দাঁড়িয়ে নেই ।

'জা ? রোদ ? হোক রোদ । রোদে সকলের তেজ বাডবে ।'

'সেরেছে !' বলে হীরেন নড়ে চড়ে সোজা হয়ে বসে, মিট মিট করে তাকায় বজুর দিকে ।

'বীরেশ্বরের পথটা নেওয়া কি ভাল নয় ? শহিদ হতে পারব—বীরেশ্বরের কাজটাও হবে ।' কৃষ্ণেন্দু পাল্টা প্রশ্ন করল তার প্রশ্নের জবাব না দিয়ে । কৃষ্ণেন্দুর কথা শুনে হঠাৎ হীরেনের মাথার মধ্যে ঝিম ঝিম করে উঠল । কিছুদিনের অকথা অত্যাচারের প্রতিবাদেই তার দেহমনের স্বাস্থ্য এই শোচনীয় কৌতুক স্বরু করেছে তার সঙ্গে, জয়মন একটু গভীরভাবে নাড়া খেলেই মাথার মধ্যে যেন কেমন করে ওঠে । ব্যাকুল

হয়ে সে বলে, 'এদের তুই জানিস না, বুঝিস না। এরা কি ভাবে, কেন ভাবে, কি চায়, কেন চায়,—কিছু না জেনেই তুই এদের নেতা হতে চাস। নিজের খেয়াল মত যা তা একটা কাণ্ড করে এদের সর্বনাশ করে বসবি?'

কৃষ্ণেন্দু বলে, 'পাগল হয়েছিস? আমি ইচ্ছে করে দাঙ্গা হাঙ্গামা বাধাতে চাইব? ওটা' কথার কথা বলছিলাম—যদি কোন কারণে হাঙ্গামা একটা হয়ে যায়, আমি যদি সামলাতে না পারি। আমার উদ্দেশ্য হল, সকলকে একত্র করে জোরালো আন্দোলন সৃষ্টি করা। মিটিং আর প্রেসসনটা যদি সফল হয়, একদিকে হেরাধ ভয় পেয়ে যাবে, অগ্নিদিকে এদের ভরসা বাতবে, জোর বাতবে। ফ্রোপে আছে অনেক, কিন্তু তার আছে ছড়িয়ে—বীরেশ্বর ওদের একসঙ্গে আনতে পারেনি। মানুষটা রগচটা—দশজনের দাঙ্গা করার চেয়ে যে একশো জনের দমকের জোর বেশী তা ও জানত না। এই কথাটাই মিটিং-এ ভাল করে বুঝিয়ে দেব, কোনরকম হাঙ্গামা না করেও হেরাধকে অন্যায়সে কাবু করা যায়। আমি কি আশা করছি জানিস? যারা চূপ করে আছে, যারা ভয়ে রাস্তায় খাটছে, পরশু তারা আমাদের দলে আসবে।'

'কিন্তু হেরাধ যদি দাঙ্গা বাধায়? প্রেসসনে কি বীরেশ্বরের মত রগচটা কেউ থাকবে না?'

'সে ভয় তো আছেই।'

হীরেন ভরসা পায় না। সে জানে, কৃষ্ণেন্দু আদর্শবাদী। নতুন যুগের পুরাণে আদর্শবাদী। তার মত মানুষের এরকম মনোভাব জাগলে ফলাফলটা ভাল হয় না। আদর্শবাদীও নিজেকে আঘাত না করতে পারলে স্বস্তি জোটে না কিছুতেই। কৃষ্ণেন্দু তাই করবে। ঝুমুরিয়ার লোকদের কি উপকার হবে সেটা এখন জানেন ভগবান, কৃষ্ণেন্দু ভয়ানক একটা কিছু করবেই। এমন একটা আঘাত সে হেরাধকে দেবে যার প্রতিঘাত অগ্নি কাউকে স্পর্শ করুক বা না করুক তার গায়ে এসে লাগবেই।

কলকাতা থেকে কৃষ্ণেন্দু গায়ে এল, সঙ্গে সঙ্গে হয়ে গেল দাঙ্গা। পুলিশকে বলে দিতে হবে না কার জন্ম দাঙ্গা হয়েছে। দাঙ্গাটাও কৃষ্ণেন্দু ভালভাবেই বাধাতে চায়। হুপুদের রোদকে পর্যাস্ত সে লোকের মাথা গরম করার কাজে লাগাবে!

'ব্যাপার কি ভয়ানক দাঁড়াতে পারে ভেবেছিস?'

'ভেবেছি বৈকি। ওই ভয়ে তো চূপচাপ বসে পাকা যায় না?'

'দশ বিশটা খুন হতে পারে।'

'তা হতে পারে। নাও হতে পারে।'

ঘরের ঠিক বাইরে টুপ করে একটা আম খসে পড়ার শব্দ কানে এল। সিগারেট টানতে টানতে দু'বার কথা বলতে গিয়ে হীরেন চূপ করে গেল। সেও বাইরে থেকে এসেছে, দাঙ্গাকারীদের নেতা কৃষ্ণেন্দুর সঙ্গে। অস্বস্ত: আগামী দশটা বছর হাঙ্গামাবাস না করে তার আর বোধ হয় উপায় নেই। মুখ থেকে সিগারেট নামাতে গিয়ে

হাতটা থর থর করে কাঁপছে দেখে হীরেন একটু আশ্চর্য হলে গেল। ক্ষুণ্ণ ও হল। এত বেশী ভয় তো সে পায় নি! অথবা মনের মধ্যে যে অজুত প্রক্রিয়া চলেছে তাকেই ভয় বলে?

এমন সময় নরেশের সঙ্গে এল রত্না। হেরষ সম্পর্কে কৃষ্ণেন্দু ঠিক কি ঠিক করেছে জানবার জন্ত সে উতলা হয়ে উঠেছে, বেলা পড়ার জন্ত ঘরে বসে অপেক্ষা করতে পারে নি। কদিনে তার মুখখানা শুকিয়ে গেছে, সেই মুখ রোদের ঝাঁকে লাল হওয়ায় লাবণ্যের এমন ক্ষতি হয়েছে যে দেখলে আপশোষ জাগে। রুক্ষ চুল এলোমেলো হয়ে আছে। গারে জামা দেয় নি, ঝাঁচলটাও জড়িয়েছে অসভর্কভাবে। রত্নার এমন মূর্তি হীরেন কখনো দেখেনি। হঠাৎ সে মদের পিপাসা অনুভব করে, যে পিপাসা আজকাল মন নাড়া খাবার সঙ্গে এমনি হঠাৎ স্তম্ভভাবে জাগে আর মিনিটে মিনিটে জোরালো হতে হতে একেবারে অদম্য হয়ে পীড়ায়, অকথ্য যন্ত্রণায় কেবলি সাধ হতে থাকে মদের পুকুরে ডুবে আত্মহত্যা করবার। এক মুহূর্তে হীরেনের মূখ পাঁশুটে হয়ে যায়, স্নায়ুগুলি শির শির করে গঠে। কাল যদি তার কৃষ্ণেন্দুর সঙ্গে জেলে যেতে হয়, মদ সে পাশে কোথায়! মদ না খেলে তার চলবে না। আজ তার সব খেয়াল আছে, কালও হয়তো কিছু কিছু থাকবে, কিন্তু পিপাসা বাড়তে বাড়তে পরশু তো তার কাছে আত্মীয় বা বন্ধু বলে কিছু থাকবে না, সমাজ সংসার শূন্যে মিলিয়ে যাবে। মদ খেয়ে অজ্ঞান হয়ে থেকে সে নিজের সাময়িক অসচ্ছ যন্ত্রণা সারায়, মদ তার গুণ্ড, চিকিৎসা। মদ না পেলে সে যে পাগল হয়ে যাবে একেবারে!

‘শোভাযাত্রা করে কি করবেন কেঁটবাবু?’ রত্না জিজ্ঞেস করল।

‘দেখি কি করি।’

‘দশজনে মিলে চটেচিয়ে গাঁয়ে পাক দিয়ে এলে ও লোকটার কি হবে! মোর বাপের মরণের আসল বিহিত কিছু করুন কেঁটবাবু, পায়ে ধরি আপনায়।’

‘আসল বিহিত? আসল বিহিত মানে কি রত্না?’

‘ওকে—ওকে—, ওর নাক কান কেটে দিন, ছুঁচোখ কানা করে ফেলুন, সবার সামনে র্থোটায় বেঁধে চাবকে দিন। ছুঁরাত ঘুমোইনি কেঁটবাবু, ও লোকটার কথা ভাবলে মাথায় আগুন ধরে যায়।’

রত্নার ছুঁচোখ জল জল করে, সত্যই যেন চোখের আড়ালে মাথার মধ্যে তার আগুন ধরে গেছে। মুখপোড়া ভগবান তাকে মেয়েমানুষ করেছে, তার ভাইগুলোকে করেছে মেয়েমানুষের বাড়া, নইলে কুকুর বেড়ালের মত বাপকে মেরে হেরষ কি আজও বাহাল তবিয়েতে ঘুরে বেড়াতে পারে বুক ফুলিয়ে! রত্না তাকে দেখে নিত। ঠোঁটে চেপে চেপে, দাঁতে কেটে কেটে রত্না বলে আর তার সেই তেজের প্রকাশ দেখে হীরেন মুগ্ধ হয়ে যায়। প্রথমে রত্নার গুণ্ড ছিল শোক আর বাপের হত্যাকারীর বিরুদ্ধে সাধারণ স্বাভাবিক বিবেক, স্বর করে মড়াকান্নার সঙ্গে কণ্ঠগুলি ভয়ঙ্কর অভিশাপ দিতে দিতেই যার জালা

কয়ে বাওয়া উচিত ছিল। কিন্তু রক্তার জ্বালা যেন হীরেনের মনের পিশাসের মতই ক্রমে ক্রমে বেড়ে সন্তের সীমা ছাড়িয়ে গেছে। দিব্যারাত্রি এই এক চিন্তা তার মনের মধ্যে পাক খেয়ে বেড়ায়, হেরষকে শাস্তি দেওয়া। আর কিছু সে ভাবে না, ভাবতে পারে না।

হীরেন বলতে যায় : 'কিন্তু হেরষ যে তোমার বাপকে মেরেছে রক্তা—'

'কে মেরেছে তবে ? কে মেরেছে ?'

তীব্র তীক্ষ্ণ গলায় রক্তা যেন আর্ন্তনাদ করে ওঠে। তার চীৎকার শুনে দিগম্বরী ছুটে এসে থমকে দাঁড়ায়। রক্তা গ্রাহ্যও করে না, গলা একটু নামিয়ে বলতে থাকে, 'আপনারা পুরুষ মানুষ, পাঁচালো কথা কয়ে এড়িয়ে যেতে সরম লাগে না ? সিধে কথা বলুন না, পরের জন্ত কেন বিপদ ঘাড়ে করবেন !'

কৃষ্ণেন্দু বলল, 'আহা, মাথা গরম কর কেন ? তোমার মনের মত ব্যবস্থা করব।'

'কি ব্যবস্থা ?'

'বোসো। বলছি। মাথা ঠাণ্ডা কর আগে।'

দিগম্বরী মুচকে হেসে সরে গেল। সরে গেল বাড়ীর একবারে অপর প্রান্তে, সেখান থেকে প্রাণপণে চেষ্টা করে প্রতিবেশিনী কার সঙ্গে কথা বলে গলার আওয়াজ কৃষ্ণেন্দুর কানে পৌঁছে দিল, তারপর নিঃশব্দে দ্রুতপদে ফিরে এল এঘরের পাশে তাঁতার ঘরে। দেয়াল ঘেসে দাঁড়িয়ে কান খাড়া করে শুধু বোঝা গেল কৃষ্ণেন্দু কথা বলছে, কথাগুলি শোনা গেল না। হাসিমুখে ঘাড় কাত করে সে কিছুক্ষণ পাথরের মূর্তির মত দাঁড়িয়ে রইল, কিন্তু গলা কৃষ্ণেন্দুর চাটল না। মুখে হাসি নিয়েই দিগম্বরী তখন শোবার ঘরে ফিরে গেল, শশাঙ্ককে বলল, 'ঠাকুরপো! কি যেন মতলব আঁটছে। আমরা না বিপদে পড়ি।'

কৃষ্ণেন্দুর কথা শেষ হলে রক্তা হতাশ ভাবে বলে, 'কিন্তু হেরষের কি শাস্তি হবে কেঁটবাবু ? ও নয় আর অত্যাচার না করল, সবাইকে ক্ষতিপূরণ দিল, ওস্তে ওর কি হবে ? মোর বাপকে মেরে ওতো টেকা মেরে পেঁচে থাকবে, গায়ে আঁচড়টি লাগবে না।'

'আঁচড় লাগবে রক্তা। বৃকে আঁচড় লাগবে। কেটে কেটে লম্বা বাটা লাগিয়ে দেয়ার চেয়ে বেশী জ্বলবে ওর বুকটা—নিজের বুকটা—নিজের জ্বালায় নিজে পুড়ে মরবে। তুমি বুঝতে পার না, এ অঞ্চলে আর কোনদিন ও জ্বলুম চালাতে পারবে না, মাথা তুলতে পারবে না। কেউ আর ওকে ভয় করবে না। শুধু হেরষ নয়, আর যে কেউ অত্যাচার করতে আসবে, এখানকার লোকেরা জানবে কি করে এক হয়ে তার সঙ্গে লড়ে তাকে হারাতে হয় ? হেরষকে মারলে তো একটা হেরষ মরবে, আর এ ভাবে আমরা সব হেরষকে ধ্বংস করার কাজ শুরু করতে পারব। বীরেশ্বরের প্রাণ দেওয়া সার্থক হবে।'

আরও কিছুকণ রম্ভাকে বুঝিয়ে কৃষ্ণেন্দু বাইরে যায়। কয়েকজন লোক তার সঙ্গে দেখা করতে এসেছে।

কোভে ও হতাশায় রম্ভাকে নিঝুম হয়ে যেতে দেখে হীরেন বলে, 'নরেশ, তুই একটু বাইরে যা দিকি।'

কুরিয়ে কুরিয়ে তার দিকে চেয়ে নরেশ চলে গেলে হীরেন বলে, 'কেন তুমি ভাবছ রম্ভা? হেরম্বের ব্যবস্থা কেঁপে করবে। ওর মতলব আছে। সব কথা কি ফাঁস করা চলে? তোমায় তাই বাজে কথা বুঝিয়ে গেল। কাল দেখো কি হয়।'

রম্ভাকে যেন বিদ্যুৎ চোঁয়। চোখ দুটি তার জলে ওঠে।—'কি হবে ছোটবাবু কাল?'

'দেখো। কেঁপের মতলব ঠিক আছে।'

'কি মতলব? বলুন মোকে। পায়ে দরি বলুন।'

একটু ইতস্ততঃ করে হীরেন তার আশঙ্কার কথা এমন ভাবে বলে রম্ভাকে যে তার মানে দাঁড়ায় এই: দাঙ্গা বাধিয়ে হেরম্বকে বীরেশ্বরের মতই কৌশলে মেয়ে ফেলবার আশাতেই শোভাযাত্রাটা কৃষ্ণেন্দু বার করছে। কৃষ্ণেন্দুকে চেনে না রম্ভা? হেরম্বকে শেষ না করে সে কলকাতায় ফিরে যাবে?

কৃষ্ণেন্দুর দাঙ্গার পট্টকল্পনার কথা শুনে রম্ভার মুখ ঠাঁ হয়ে গিয়েছিল। নাক কান কাটা নয়, চোখ কানা করা নয়, একেবারে খুন হয়ে যাবে হেরম্ব!

'দাঙ্গা যদি না বাধে ছোটবাবু?'

'বাধবে। কয়েকজন মাথাগরম ছেলেকে তালিম দিয়ে নিয়ে যাবে। আরও কি সব আয়োজন করেছে, আমি সব জানি না।'

মুতরাং পানিক পরে কৃষ্ণেন্দু ফিরে এলে সড়য় ভক্তিতে গদগদ হয়ে রম্ভা গলায় আঁচল জড়িয়ে তার পায়ের কাছে মাটিতে মাথা ঠেকিয়ে প্রণাম করল।

'আপনি সত্যিকারের মাহুষ। আপনাকে গড় করি কেঁপেবাবু।'

কৃষ্ণেন্দু খুসী হয়ে বলল, 'বুঝতে পেরেছ তৌ আমার কথা? আমি জানতাম তুমি বুঝতে পারবে রম্ভা।'

বিদায় নিয়ে রম্ভা বাগানদ্বার গেছে, হীরেন উঠে গিয়ে বলল, 'এসব কথা কাউকে বোলো না রম্ভা।'

'তাই কি বলি ছোটবাবু!'

খুসীতে উত্তেজনার জোরে কয়েকবার শ্বাস টেনে রম্ভা উঠানে নেমে গেছে, কৃষ্ণেন্দু বেরিয়ে এসে তাকে ডেকে বলল, 'মোহনকে একবার পাঠিয়ে দিও রম্ভা।'

থমকে দাঁড়িয়ে রম্ভা কাছে সরে এল।

'আমার ভাই মোহন?'

'হ্যা, একটু দরকার আছে।'

এ দরকার যে কি দরকার অস্বপ্ন করা শুরু নয়। কয়েকজন মাথাগরম ছেলেকে কপিয়ে কুঞ্জেদু দাঙ্গা বাধাবে। রক্তার ভাই মোহনলালের মাথাটা যথেষ্ট গরম, তাকে নিয়ে ভালভাবেই কাজ চলাবে কুঞ্জেদুর। বিবর্ণ মুখে ঠায় দাঁড়িয়ে রক্তা কুঞ্জেদুর মুখের দিকে অসহায় দৃষ্টিতে তাকিয়ে থাকে।

‘একাই আসতে বোলো।’

‘একা?’

‘হ্যা, আগে ওর সঙ্গে পরামর্শ করতে হবে। ওর দলের কোন ছেলেটা কেমন ছামি তো জানি না।’

রক্তা বলে, ‘ওতো একদম ছেলেমানুষ কেটেবাবু?’

কুঞ্জেদু বলে, ‘তোমার অন্ত ভাইগুলি সত্যি মেয়েমানুষেরও অধম রক্তা। মোহন সেরকম নয়। ওর মধ্যে খাঁটি জিনিস আছে।’

রক্তার ভীত সঙ্কল্প করণ মুখভঙ্গি দেখে হীরেন মনে মনে কৌতুক বোধ করে। গাড়ায় রক্তার উদ্ধত কাঁঝালো তিরস্কারের অপমানে মনটা বেশ জালাই করেছিল এখন। পরের জন্ত সে বিপদ ঘাড়ে করতে চায় না, পুরুষ বলে প্যাঁচালো কথা কয়ে এড়িয়ে যাবার চেষ্টা করে, তার সম্বন্ধে এই ধারণা পোষণ করে রক্তা! রক্তার ধারণা মধ্যে নয় বলে, বিপদ সে সত্যি এড়িয়ে যেতে চায় বলে, রীতিমত বিচলিত হয়ে পড়েছে বলে, রক্তার কথা ভুলে গেলেও জালাটা আত্মমানি হয়ে জলছিল। এখন রক্তাকে কাবু হতে দেখে হীরেন একটু আরাম পায়। ভাইকে রেহাই দেবার জন্ত রক্তা এবার নিশ্চয় কুঞ্জেদুর হাতে পায়ের ধরে কাঁদাকাটা শুরু করে দেবে। আড় চোখে রক্তার ভাবভঙ্গি দেখতে দেখতে হীরেন তার ভেঙ্গে পড়ার প্রতীক্ষা করতে থাকে।

রক্তা তিনবার চৌক গিলে বলে, ‘গিয়ে পাঠিয়ে দিচ্ছি।’

হীরেন বিস্ময়িত চোখে তার দিকে তাকিয়ে থাকে। বন্ধুর দৃষ্টি দেখে কুঞ্জেদু ভাবে সে বৃষ্টি রক্তার অপূর্বি দেহসম্পদ দেখছে। ভেবে কুঞ্জেদু একটু বিরক্ত হয়।

তারপর প্রথম সূযোগে হীরেনকে একা পেয়ে দিগম্বরী হাসিমুখে সামনে গিয়ে হুলছল চোখে জিজ্ঞেস করে, ‘আপনি আমায় এত অবিশ্বাস করেন ঠাকুরপো? ও গাড়ীর রক্তাকে যেটুকু বিশ্বাস করেন, আমায় সেটুকু বিশ্বাসও করেন না!’

‘তা কেন বোঠান, তা নয়।’

‘তাই ঠাকুরপো, তাই। কেন চাকছেন! কোনদিন আপনার কাছে কোন অবিশ্বাসের কাজ তো করিনি ঠাকুরপো আমি!’

মুখে অল্প অল্প হাসি দিগম্বরীর লেগেই রইল, চোখের জল গাল বেয়ে নেমে এল সেই হাসিতে। হীরেন অবাক হয়ে চেয়ে রইল তার মুখে হাসিকান্নার এই অকৃত দমাবেশের দিকে। মাথা চুলকে বোকার মত একটু হাসল। দিগম্বরী সোজা হুজি কঁদে ফেললে সে এমন বিব্রত বোধ করত না।

‘কি জানেন বোর্ঠান, শুদ্ধন বলি। রজ্জাকে বা বললাম সে ব্যাশারে ও জড়িয়ে আছে, ওসব কথার সঙ্গে আপনার কোন যোগ নেই। আপনাকে অবিশ্বাস করি বলে গোপন করিনি।’

‘বিশ্বাস করেন আমাকে ?’

‘করি বৈকি, নিশ্চয় করি ?’

‘তবে বলুন। রজ্জাকে বলবেন, আমাকে বলবেন না, সে হবে না ঠাকুরপো। হিংসায় আমি মরে বাব দম ফেটে।’ দিগম্বরী আঁচলে চোখ মুছল।

‘কি হবে ওসব শুনে ?’

‘ওমা ! এই বুঝি বিশ্বাস করেন আমাকে ? এই বললাম আমি এখানে, না শুনে উঠছি না।’

হীরেনের সামনে সে জেঁকে জোড়াসন হয়ে বসে পড়ল।—‘নিন্ বলুন এবার চট করে। বোর্ঠানের কাছে কথা লুকানো, কেমনধারা ঠাকুরপো আপনি ?’

হীরেনের যেন ধাঁধাঁ লেগে যায়। দিগম্বরী আর প্রৌচা গিন্নীর মত কথা বলছে না, ছেলেমানুষী করছে আফ্লাদী কচি খুকীর মত। কথা, হুঁর, ভদী সব তার নিখুঁত। এই দিগম্বরীকে যে আবার গিন্নিবান্নী মনে করা কখনো সম্ভব হয়েছিল তা যেন এখন আর কল্পনা করা যায় না।

‘আপনি তো সবাইকে বলে বেড়াবেন।’

‘না। সত্যি কাউকে বলব না। মা কালীর দিব্যি।’

হীরেন তখন খুব সংক্ষেপে তাকে মোটামুটি ব্যাপারটা শুনিয়ে দিল।

শোভাযাত্রা করে গিয়ে হেরষের দলের সঙ্গে তারা মারামারি করবে। দিগম্বরীর চোখ দুটি বড় বড় হয়ে খেল। কিছুক্ষণ ঘাড় কাত করে সে ভাবল।

‘রজ্জার বাপ বেচারায় তাই করতে গিয়েছিল, ঠাকুরপো।’

‘জানি।’

‘এটা কি ঠিক হবে ? আবার একজন গুলি খেয়ে মরবে, ধড়পাকড় চলবে—’

হীরেন একটু হাসল।—‘এইজন্ম আপনাকে কিছু বলতে চাইনি বোর্ঠান।’

এতক্ষণে দিগম্বরীর মুখের হাসি মিলিয়ে গেছে। তার ব্যাকুলতা দেখে হীরেনের মনের একটা শুকনো দিক একটু ভিজ্জে গেল। পরের জন্ম মেয়েদের এমন দরদ খুব কমুঁদেখা যায়। তাকে একটু শাস্ত করার চেষ্টায় হীরেন হাফা হুঁরে বলল, ‘আমাদের জন্ম ভাববেন না, গুলি খেয়ে মরণেও আমরা মরব না।’

‘ওঁর যদি কোন বিপদ হয় ? ওঁকে নিয়ে যদি টানাটানি করে ?’

দিগম্বরী শশাঙ্কের জন্ম ব্যাকুল হয়েছে, তার স্বামীর জন্ম ! তারা মরুক, গাঁয়ের সকলকে ধরে পাকড়ে নিয়ে যাক, সেজন্ম দিগম্বরীর অত ভাবনা নেই। শশাঙ্কর কিছু না হয়। হীরেনের মনটা ছাঁৎ করে উঠল। দিগম্বরী কলকাতার বাড়ীতে তাকে

ক বিশ্বয় দিয়েছে, কিন্তু সে সব যেন ছেলেখেলার ম্যাজিক দেখিয়ে ছোট ছেলেকে
ক করা। এইবার একেবারে তার আঁতে যা দিয়ে তাকে সে খ বানিয়ে ছেড়েছে।
সে বলে, 'শশাঙ্কদার বিপদ হবে কেন ? গর সঙ্গে এ ব্যাপারের কি সম্পর্ক ?'
দিগ্বরী বলে, 'পুলিশ কি তা শুনেবে !'
হীরেন সায় দিয়ে বলে, 'তা শুনেবে না ! আমরা দু'টি নেতা যখন এ বাড়ীতে
ছি—'

'গগো মা, কি হবে !' দিগ্বরী ডুকরে কঁদে ওঠে।

এবার হীরেন যায় চটে। মনটা তার এমনিই হু হু ছিল না।

'দেখুন বোঠান, অ্যাকামি করবেন না। আমরা এদিকে দশ বিশ বছরের জন্ত জেলে
নছি, হয়তো প্রাণটাও যাবে, শশাঙ্কদার কি হবে না হবে তাই ভেবে এখন থেকে
পনি মুক্তি যেতে বসলেন। শশাঙ্কদা শোভাযাত্রায় থাকবে না, যেতে চাইলেও গকে
মরা নেব না, আপনার ভয় নেই। তবু যদি গকে পুলিশে ধরে, দরবে। বাড়ী
সে একেবারে অপদার্থ অমানুষ হয়ে গেছে, কিছুদিন জেল থেকে ঘুরে এলে
তো একটু মনুষ্যত্ব ফিরে পাবে।'

'মুখ সামলে কথা কইবেন ঠাকুরপো !'

দিগ্বরী ফোঁস করে ওঠে। অসহ ক্রোধে কিছুক্ষণ তাঁর দৃষ্টিতে হীরেনের দিকে
চর থেকে যোগ দেয়, 'আপনাদের তুলনায় উনি দেবতা, তা জানবেন।'

'গাঁজাখোর ভিক্ষুক দেবতা !'

'তচ্চরিত্র তো নন ? বাজারে আর কুলিবস্তিতে মেয়ে চেপে বেড়ানোর চেয়ে
পুজা পাওয়া ভিক্ষে করা ভাল।' দিগ্বরী গটগট করে ঘর থেকে বেরিয়ে গিয়েই
দরক সেকেন্ডের জন্ত ফিরে এসে বলে দিয়ে যায়, 'গাঁজা উনি ছেড়ে দিয়েছেন, ভিক্ষেও
এর বেশীদিন চাইবেন না আপনাদের কাছে।'

তার তেজ দেখে হীরেন বলে, 'বাপ্‌স্ !'

হীরেন আর কৃষ্ণেন্দু চা খাচ্ছে, শশাঙ্ক একটু লজ্জিতভাবে কাছে এল।

'আমাকে একবার সহরে যেতে হচ্ছে ভাই। কটা জিনিষ না আনলেই নয়।'

কৃষ্ণেন্দু বলল, 'বেশ তো।'

হীরেন জিজ্ঞেস করল, 'কবে ফিরছেন ?'

'কাল রাতেই ফিরব, নয়তো পরশু সকালে। কদিন পরে বাব বললাম, তা উনি
জার করেই আজকে পাঠিয়ে দিচ্ছেন। চা ফুরিয়ে গেছে। আর সব পরে আনলে
সন্ত, চা পরশুর মধ্যে চাই। ভাল চা আবার ধারে কাছে পাওয়া যায় না।'

হীরেনের সঙ্গে মস্ত এক প্যাকেট দামী চা ছিল, কিন্তু সে চূপ করে রইল। সহর
থেকে তাদের কিছু আনবার দরকার আছে কি না জিজ্ঞেস করে, হীরেনের কাছে কটা
সাকা আদায় করে শশাঙ্ক চলে গেল।

‘সত্যি সত্যি স্বামীকে তাহলে তাড়াতাড়ি সরিয়ে দিচ্ছে !’ হীরেন বলল
‘সরিয়ে দিচ্ছে মানে ?’

‘কাল যদি কোন হাঙ্গামা হয়, উনি যদি বিপদে পড়েন। স্বামীর সন্ত এ
মাথাব্যথা কখনো দেখিনি।’

‘তুই যার স্বামী তার ?’

‘কখনো দেখিনি।’

হীরেন কথাটা বলে নীরবে করেকবার মাথা নাড়ল।

‘দেখবার চোখ নেই, ইচ্ছা নেই, তাই দেখতে পাওনি। এরকম নাটুকে স্বামীত
ছাড়া আর কিছু তো পছন্দ হয় না।’

‘মমতার নাটুকে স্বামী অভক্তির চেয়ে বোধ হয় এটা ভাল।’

ঘনিয়ে আসা সাঁজের ছায়া, গাঢ় হয়ে আসা গুমোট। ধোয়া বারান্দা থেকে
ভেদ করে যেন ভাপসা গরম উঠছে, অগ্নন থেকে বাঁঝ সিধে উঠে যাচ্ছে উ
খোলা আকাশের দিকে। জীবন আজ গুরুগম্ভীর—ছ’জনের কাছে। হীরেনের ক
গুরুভারও বটে।

‘মমতার কথা নিয়ে তোর সঙ্গে কখনো আলোচনা করিনি। কেন জানিস ?
তুই ভাববি ওর হয়ে ওকালতি করছি, নয় ভাববি আপোষ করিয়ে তোদের
করার ইচ্ছায় যা মনে আসে বানিয়ে বলছি। আরেকটা কারণ ছিল। মম
নিজেকে ও ভারটা নিয়েছে। তোকে ও মাহুষ করবে, তোকে স্ত্রী করবে, নি
স্ত্রী হবে।’

‘মাহুষ করবে ? ও আমায় মাহুষ ভাবে না জানি। এটা জানিয়ে জানিয়েই
আমায় মদ ধরিয়েছে, একধাপ এগিয়ে দিয়েছে মাহুষ হবার পথে।’

‘এটা তুই ভুল করছিস হীরেন। তোর এই দিগম্বরী বৌদির মত ভক্তিত
পদসেবা করে না বলে তোর অভিমান জাগে, করলে কিন্তু খুসী হবার বদলে ওবে
তুই অশ্রদ্ধা করতিস। মাহুষ তুই চিনিস না। তোর মূল্যজ্ঞান নেই। এর স্বামীভা
দেখে ধাঁধাঁ লেগে গেল ? এতো অন্ধ আবেগ মাত্র ! ধাক্কা খেলে, অল্প পথ পে
সেইদিকে চলতে আরম্ভ করবে। মমতা দেশকে ভালবেসে, সর্বহারাাদের ভালবে
তনে তোকে ভালবেসেছে। ওর কোন কোন বুঝবার মধ্যে ভুল থাকতে পারে, বি
ওর মধ্যে ফাঁকি নেই, ও অনেস্ট। তোর সঙ্গে সংঘাতটাই তার কতবড় প্রমাণ বুঝ
পারিস না ? ভুল বুঝতে পারলে ও সংশোধন করে নেয়, জোড়াতালি দিচ্ছে চাল
না। ওর মত জেদি একগুঁয়ে তেজী মেয়ে আজ কি ভাবে নিজেকে বদলে ফেলে
বলতো ? তুই যতটুকু অধিকার দিয়েছিল ততটুকু বাইরের কাজ করে খুসী আছ
চম্বিশঘণ্টা যে কাজে ও মেতে থাকতে চায়। বাকী সময় তুই যেমন চা
তেমনি হয়ে চলছে—’

‘চলছে বৈকি। ধীরে ধীরে শান্তশিষ্টে হাসিখুসী উদার—আমার মাতলামির জন্ত
স্কোভ নেই, ক্ষমা করে চুকিয়ে দেয়।’

‘হীরেন তুমি মিথ্যুক। নরক থেকে তোকে তুলে নিয়ে যাবার পর আমার সামনে
কেন্দে ফেলেছে—তুমিও দেখেছিস।’

‘সে তো গায়ের জ্বালার কারাম। আমায় মাহুস করতে পারছে না বলে।’

কৃষ্ণেন্দু নিশ্বাস ফেলে বলে, ‘আমার বিশ্বাস ছিল মমতা পারবে। আজ খটকা
গছে। মাহুসকেই মাহুস করা যায়, তোর মাহুস নষ্ট হয়ে গেছে হীরেন।’ একটু
সে বলে, ‘মমুর জীবনটাও না নষ্ট হয় তোর জন্তে।’

‘কেন? ওর কুলিমজুর আছে, দুদিন বাদে আরিক ছাড়া পাবে। আমি তো
ল দিয়েছি দিনরাত যত খুসী কাজ করুক, আমি কিছু বলব না। বৌদির মত বৌ
লে খুসী হতাম, তাই বলে আমি শশাঙ্কদা নই।’

কৃষ্ণেন্দু নানা কথা ভাবছিল, আরও কিছুক্ষণ চুপচাপ ভেবে সে বলল, ‘স্বী কাছে
থাক, তোর বন্ধু আছে। তুমিও শশাঙ্কদা’র সঙ্গে চলে যা হীরেন।’

‘বটে?’

মনে মনে হীরেনও কথাটা ভাবতে আরম্ভ করেছিল। জেলে যাবার সপটা তার
ই কম।

কৃষ্ণেন্দু আবার বলল, ‘তুমি থেকে আর কি করবি? হাঙ্গামা হলে জড়িয়ে পড়বি
। তার চেয়ে চলে যাওয়াই ভাল।’

‘সবাই বলবে ভয়ে পালিয়ে গেল।’

‘কেউ তা বলবে না। এ ব্যাপারে তোর সংশ্রব কি?’

‘দেখি ভেবে।’

এটা ছলনা। চলে যাবে ঠিক করেই হীরেন ভাবতে আরম্ভ করেছিল চলে
কি না।

নিজেকে অপরাধী মনে করবার কোন কারণ নেই জেনেও মনট। হীরেনের খু ত
করতে থাকে। শশাঙ্ককে দূরে সরিয়ে দিচ্ছে তার সন্তীসাক্ষী স্ত্রী, স্নেহমমতাপ
ও, হয়তো বা ভালবাসারই তাগিদে। তার সঙ্গে সেও যদি সরে যায়, সে বাদে
জের গরজে, নিজেকে বাঁচাতে। সোজা ভাষায়, বন্ধুকে বিপদের মুখে ফেলে নিজে
পিটুটান দেবে। অথচ কথাটা আসলে তা নয়। কৃষ্ণেন্দুর সঙ্গে তার এমন কোন
কাপড়া ছিল না, মৌখিক অথবা মানসিক যে রক্তার বাগের খুন হওয়ার প্রতিবাদে
কন্দু যাই করুক তাতে তার যোগ দিতে হবে। সে শুধু সঙ্গে এসেছে, তার নিজের
মলে, বেড়াবার জন্ত। টাকা দরকার হবে বলে কৃষ্ণেন্দু টাকা চেয়েছিল, সে টাকা
রছে। এ ব্যাপারের সঙ্গে ওইটুকুই তার সম্পর্ক। সঙ্গে এসেছে বলেই যে
যারিতেও তার যোগ দিতে হবে এমন প্রত্যাশা কৃষ্ণেন্দুর মনেও নিশ্চয় জাগে

নি। তাছাড়া হেরথ সম্পর্কে কৃষ্ণেন্দুর এই ব্যবস্থায় তার সমর্থনও নেই। তখন চলে যাওয়াতে তার অন্তায় কি আছে? তাতে ভীকৃতার পরিচয় দেওয়া হবে। হীনতার পরিচয়?

এই সময় মোহনকে সঙ্গে নিয়ে রজ্জা আবার এল। হীরেন ঘর থেকে বেরি গেল। সে চলে যাবে, আজ অথবা কাল সকালে। মোহনের সঙ্গে কৃষ্ণেন্দুর পর শুনবার ইচ্ছা তার নেই। ওদের শাস্ত নির্ধিকার আলাপ শুনলে মনটা তার বি যাবে। শশাঙ্ক চলে গেছে কিনা কে জানে! আজ তার একটু মদ চাই, অল্প এক শশাঙ্ক নেশাখোর মানুষ, হয় তো বলতে পারবে কোথায় মদ পাওয়া যায় এই বুয় গ্রামে। আজ একটু মদ খেয়ে কাল কলকাতা রওনা হয়ে যাবে। তারপর বেশী থাকবে মদ।

রান্নাঘরের দাওয়ায় বসে দিগম্বরী গা খানিকটা উদ্বা করে পাথর খাচ্ছিল, আনমনে ঠোট কামড়ে প্রাচীর-ঘেঁষা পেঁপে গাছের দিকে চেয়ে। লগ আলোয় তাকে দেখে হীরেন একটু বিস্মিত হয়ে গেল। দিগম্বরীর দেহটি তো তখন এতবার দেখেও এটা তার কল্পনাতে আসে নি। মমতার বাপের বাড়ীতে মম একদিন বলেছিল, 'আমার চেয়ে আমার ঝি টের বেশী সুন্দর, শুধু রঙ ময়লা। দেখবে?' সে ঝিকে হীরেন কতবার দেখেছিল তার হিসাব হয় কিন্তু সে বড়ী না যুবতী তাও তার কোনদিন খেয়াল হয় নি। পরদিন কৌশল করে মমতা ঝির নিরাবরণ দেহটি দেখিয়ে দিয়েছিল। সে এক রূপ শিল্পীর কল্পনা, অবিশ্বাস্য। অথচ মমতা দেখিয়ে না দিলে সে রূপ তার চোখে পড় কি না সম্ভেহ। তারপর কস্তা পেড়ে শাড়ী জড়ান সেই ঝির দেহটি তার সুন্দর হয় নি, ভাল করে চেয়ে দেখে গলা থেকে পা পর্যন্ত ভাল করে ঢাকা সে বেচারী তার মনে হয়েছে একটু অস্বীল। মমতার মত সাজপোষাকে তাকে কি রূপসী ম হত? সাজ না থাকলে ভিন্ন কথা, কিন্তু একটা বিশেষ ফ্যাসানে শাড়ী জামা গাড়ে জড়ালে মেয়েদের রূপ কি তার কাছে চাপা পড়ে যায়?

উঠানে ঘাস, পায়ের শব্দ হয় না। হীরেনের আবির্ভাব টের পেয়ে শশাঙ্ক দিগম্বরী বলল, 'আসুন ঠাকুরপো, বসুন। চেয়ার এনে দেব? ভাঙ্গা চেয়ার কি কেউ দেশে আসেন না, আসবাবপত্র কিনে দেন না। উনি একবার লিখেছিল একটা টেবিল আর কটা চেয়ারের জন্ত, জবাব পেলেন, মাদুর আর পাটি হলেই হয় খুব চোটে গেছেন, না? অতটা মেজাজ দেখানো আমার উচিত হয় নি।'

হীরেন জোর দিয়ে বলল, 'বেশ করেছেন। স্বামীর বিপদে স্ত্রীর মাথা গরম হওয়া দোষের নয়। শশাঙ্কটা চলে গেছেন নাকি?'

'আপনাদের বলেই তো গেলেন?'

'এত আগে গেলেন? গাড়ী তো শুনলাম রাত নটার?'

‘দিনে দিনে স্টেশনে পৌছে যাবেন। পরমকালে রাখার সাপের ভয়।’

হীরেনের মনে হল, কোনরকমে শশাঙ্ক যদি মরে যেত আর সে যদি দিগম্বরী শোকটা দেখবার সুযোগ পেত! এই অল্পত সাধের জন্য নিজের কাছেই হীরেন লজ্জা বোধ করল। কতগুলি অল্পত প্রশ্ন তার মনে ডিড় করে আসছে, দিগম্বরীর স্বামীর ঘর করা সম্পর্কে কতগুলি প্রশ্ন দিগম্বরীকে যা জিজ্ঞেস করা যায় না। জবাবও হয়ত সে জানে না। কোন দিন ভেবেও দেখে নি। জীবনকে যাচাই আর বিশ্লেষণ করে দেখবার শিক্ষা সে পায়নি, প্রচলিত প্রথায় জীবনকে গ্রহণ করে সুখী হওয়াই তার স্বভাব। তবু দু’একটা প্রশ্ন না করে হীরেন পারল না।

একটু তফাতে দাঁড়িয়ে সে বসতে যাবে, দিগম্বরী ব্যস্ত হয়ে বারণ করে আসন এনে পেতে দিল।

‘আপনি কতদূর পড়েছেন বৌদি?’

‘আমরা মুখ্য-সুখ্য মাল্লব ঠাকুরপো। বাংলা বইটাই একটু যা পড়তে পারি।’

‘কি বই পড়েন?’

‘এই রামায়ণ মহাভারত। নাটক নভেল যদি কখনো পাই তো পড়ি।’

‘নাটক নভেল কি পড়েছেন দু’একখানার নাম কখন না বৌদি?’

‘অত কি মনে থাকে ঠাকুরপো? দাঁড়ান, সেদিন একটা বই পড়েছি বটে, ত্রিলোচনবাবুর ‘সতীর জয়’। পড়েছেন? স্বন্দর বই, পড়তে পড়তে চোখে জল আসে। এক চরিত্রহীন লম্পটের সঙ্গে একটি মেয়ের বিয়ে হল, বিনা দোষে সন্দেহ করে স্বামী তাকে ত্যাগ করল। তারপর কত দুঃখ কষ্ট বিপদ আপদ প্রলোভনের সঙ্গে লড়াই করে শেষে মেয়েটি আবার সব ফিরে গেল। স্বামীর বসন্ত হয়েছিল, সবাই তাকে ফেলে পাগিয়ে গিয়েছিল, মেয়েটি পথের পেয়ে একা যমের সঙ্গে লড়াই করে তাকে বাঁচিয়ে তুলল। ওর স্বামী আবার ওকে গ্রহণ করল, সেই থেকে তার চরিত্রও শুধরে গেল। বইখানা পড়ে দেখবেন ঠাকুরপো।’

‘কিন্তু সংসারে কত অসতী মেয়েও তো কখনো দুঃখ কষ্ট না পেয়ে স্বখে জীবন কাটিয়ে দেয়।’

‘ছাই দেয়। আর দিলেই বা, এ জীবনটাই তো সব নয়, পরজন্মও তো আছে।’

পরজন্মের কথা ভেবে বুঝি মেয়েরা সতী হন?’

দিগম্বরী হেসে ফেলল। দিগম্বরীর হাসিটিও বেশ, পানে রাগা দাঁতগুলির জন্য বড় মোলায়েম আর মিষ্টি। হাসিমুখেই সে বলল, ‘সতীত্ব হল মেয়েদের ধর্ম। এমনিই তারা সতী হন, ভেবে চিন্তে হয় না ঠাকুরপো।’

হীরেন একটা অস্পষ্ট জবাব দিয়ে উঠে দাঁড়াতেই দিগম্বরী একটু ব্যাকুলতার সঙ্গেই বলল, ‘উঠেছেন কেন, বসুন না একটু? আপনি বড়লোক মাল্লব, পরীষের বাড়ী এসে খুব কষ্ট হচ্ছে, না ঠাকুরপো?’

হীরেন আবার বসে জিজ্ঞেস করল, 'কষ্ট হচ্ছে কে বলল আপনাকে ?'

'একি বলে দিতে হয় ঠাকুরপো ! পাড়াগাঁয়ে থাক। তো অভ্যাস নেই আপনারদের। না পাওয়া যায় একটা জিনিস না পাওয়া যায় কিছু। ওখানে আপনার কতগুণ চাকর বাকর, এখানে আমি গৈয়ে মাছুষ—'

'আপনি যা আদর যত্ন করছেন বৌদি—'

দিগম্বরী খুসী হয়ে বলল, 'বান ! বাড়াবেন না ঠাকুরপো। আপনার স্ত্রী নাকি কটা পাশ দিয়েছেন ? তাই শুধোচ্ছিলেন, আমি কন্দূর লেখাপড়া করেছি ! আমার মত মুখ্য মেয়েমাছুষ দেখে আপনার নিশ্চয় বেগ্না হয়।'

এমনি আলাপে দিগম্বরী অনেকক্লম সময় কাটিয়ে দিল। তার কথা আর সুরে বরাবর একটা চাপা সত্নম আর ঈর্ষার ভাব হীরেনকে খুসী করে তুলেছিল। অতি সহজেই সে নিজেকে দিগম্বরীর ঘরোয়া সীমাবদ্ধ মানসিক স্তরে নামিয়ে নিয়ে আলাপ জমিয়ে তুলল। হাঁটু ভেঙ্গে মাটিতে বাঁ হাতের ভর দিয়ে একটু কাত হয়ে দিগম্বরীর বসবার ভঙ্গী, ঠোঁটে পানের রসের শুকনো দাগ, কানের মাকড়ি, চোখের নশ্রতা, চুল বাঁধার কায়দা এই সব লক্ষণ কখনো ভিন্ন ভিন্ন ভাবে কখনো মিলিতভাবে তাকে মনে করিয়ে দিতে লাগল, এই মেয়েটি সাধারণ, কিন্তু এ জগতে শশাঙ্ক ছাড়া কারো ক্ষমত। নেই ওকে স্পর্শ করে। একগ্লাস জল চাইতে দিগম্বরী তাকে সরবৎ এনে দিল, তারপর আচমকা বলে বসল, 'একটা কথা বলব ঠাকুরপো ? ওর একটা চাকরী বাকরী করে দিন না ? কত চাকরী আপনার গড়াগড়ি যাচ্ছে ! আপনি ইচ্ছে করলেই হয়ে যাবে।'

হীরেনের প্রথম মনে হল, কোনদিন কোন অবস্থাতেই দিগম্বরী বোধ হয় শশাঙ্কের কথা ভুলতে পারে না। এতক্লম যে তার সঙ্গে আলাপ করেছে তাও স্বামীর কথা ভাবতে ভাবতে করেছে। এক মুহূর্তে চিন্তার ভান করে হীরেন বলল, 'শশাঙ্কদার যদি চাকরি করে দিই, দেড়শ' দুশো টাকার চাকরি হয়, আপনিও কলকাতায় গিয়ে থাকবেন তো ?'

দিগম্বরীর মুখের ভাব পরিবর্তনের মানেটা হীরেনের এমন অদ্ভুত রকম স্পষ্ট মনে হল !

'আমাকে কেন ?'

'আমার স্ত্রীর সঙ্গে আলাপ করিয়ে দেব—মেলামেশার একটা লোক পাবে।'

কৈকিয়তটা বড়ই খাপছাড়া শোনাল। কলকাতা সহরে তার স্ত্রীর মেলামেশার লোকের কি এতই অভাব যে মেলামেশার জন্তু খুঁড়িরা থেকে তাকে লোক নিয়ে যেতে হবে। হীরেনের কিন্তু খেয়ালও ছিল না, সে নিজের চিন্তাতেই মসঙল। দিগম্বরী একবার হীরেনের মুখের দিকে চায় আর মুখ নামিয়ে নেয়, গালে রঙ এসে আবার বিবর্ণ হয়ে যায়, যদিও রঙ তার তেমন কঙ্গা নয় বলে সেটা তেমন স্পষ্ট হয় না।

‘ভা উনি কলকাতায় চাকরি করলে আমিও সেখানে থাকব বৈকি। চাকরি মেবেন ঠাকুরপো?’

হীরেন একটু হেসে বলল, ‘আপনার বৃষ্টি সন্দেহ হচ্ছে চাকরি করে দিতে পারব কি না?’

‘ওমা, আপনি চাকরি করে দিতে পারবেন কিনা তাতে সন্দেহই!’ দিগম্বরীও এবার একটু হাসল।

হীরেন বলল, ‘চাকরী খালি না থাকে আমার আপিসে চাকরি তৈরী করে দেব। আমাদের বাড়ী কাছাকাছি আপনাদের জন্য একটা বাড়ী ঠিক করে রাখব’খন। আচ্ছা, আমাদের বাড়ীতেও তো থাকতে পারেন গিয়ে? আমার স্ত্রী তাহলে সব সময় আপনার সঙ্গ পাবেন?’

‘আপনার স্ত্রীর কি কোন অন্তঃসঙ্গ?’

‘মনের অন্তঃসঙ্গ।’

‘ও, বুঝেছি।’

তাদের উপকার করতে হীরেনের আগ্রহের কারণটা এতক্ষণে যেন দিগম্বরী ধরতে পেরেছে মনে হল। শশাঙ্ককে চাকরি দিয়ে তাকে হীরেন বিনা মাইনেতে আরেকটা চাকরি করিয়ে নেবে। কিন্তু হীরেনের স্ত্রীর কোন অন্তঃসঙ্গের কথা তো কৃষ্ণেন্দু বলে নি? একবার জিজ্ঞাস করতে হবে।

হীরেন গম্ভীর মুখে ভাবছিল, নিজের মনে মাথা নেড়ে সে বলল, ‘না, আমাদের বাড়ীতে থাকাটা ঠিক হবে না। একটা ভাড়াটে বাড়ীই ঠিক করে রাখব আপনাদের জন্যে।’

দিগম্বরীকে ধাঁধায় ফেলে হীরেন চলে গেল। একটু ভয় ভয় করতে লাগল দিগম্বরীর। হীরেনের পাতলা পাঞ্জাবী ঘামে ভিজ গিয়েছিল। অতি মৃদু, অতি অদ্ভুত একটা স্বগন্ধ দিগম্বরীর নাকে লাগছিল, আতর কি এসেছে কে জানে। বডলোকের ছেলে, এমন স্বপুরুষ, সে কেন এলোমেলো কথা বলে? তবে চাকরিটা সে নিশ্চয় করে দেবে—দু’শো টাকার চাকরি! এতদিনে কি তার লক্ষ্মীপূজার ফল ফলল, মা লক্ষ্মী মুখ তুলে চাইলেন? নিজের হাতের দিকে চেয়ে দিগম্বরীর চোখে জল আসে। শুধু সঙ্গ দু’গাছি চুরি। আর কানে দুটি মাকড়ি। আর কিছুই তার নেই—একে একে সব গেছে। হাতে টাকা হলেই আগে সে চুড়ি গড়িয়ে নেবে, তিনগাছি করে। তারপর হার। বিছে হারই তাকে ভাল মানায়।

মোহনের সঙ্গে কৃষ্ণেন্দুর আলোচনা তখনো শেষ হয় নি। মোহন কয়েকটা বাস্তব প্রশ্ন তুলেছে, কৃষ্ণেন্দু তার জবাব দিচ্ছে।

রস্কা একমনে শুনেছে, ভুল কুঁচকে তাকাচ্ছে তার ভায়ের দিকে। এবারও নরেশ রস্কার সঙ্গে এসেছে। সে কিছু শুনেছে কিনা সন্দেহ। অদ্ভুত বিহ্বল দৃষ্টি, বন্ধ পাগলের যেন এসেছে আবেশের বিহ্বলতা। রস্কা কে জাখে অনেককই, হীরেনও কতবার দেখেছে। নরেশের দেখাটাতে একটু বেশীরকম বাড়াবাড়ি আছে। আগেও নরেশকে

সে এভাবে রক্তার দিকে তাকিয়ে থাকতে দেখেছে। হয় তো ঠিক এভাবে নয়, এই রকম একাগ্রতার সঙ্গে সকাতির হিংস্র দৃষ্টিতে। আজ তার চোখে যেন উঁকি মারছে হাজার হাজার চাঁদে পাওয়া কিশোর লম্পট।

জামা গায়ে দিয়ে জুতো পরতে পরতে হীরেনের মনে পড়ল টেঁপির ব্যাশারটা। টেঁপিকে নিয়ে নরেশ পালাবার চেষ্টা করেছিল কিন্তু মিলন ঘটিয়ে দিতে চাইলে তাকে বিয়ে করতে রাজী হয়নি। তার এলোমেলো পাগলামির মানেটা খানিক অহুমান করেছিল শুধু হীরেন। এতো সংসারে হরদম ঘটে। একজন জ্বালায় আর জ্বালাতন করে, আরেকজনকে তাই দয়কার হয়। কৃষ্ণেন্দু নরেশকে ভয়ানক মেয়েছিল বলে হীরেনের বড় রাগ হয়েছিল, এ যেন দাক্ষা খেয়ে একজন আছাড় খেয়েছে বলে তাকে শাসন করা। মার খেয়েও কৃষ্ণেন্দুর প্রতি নরেশের টান আর ভালবাসা দেখে হীরেন একটু খতমত খেয়ে গিয়েছিল, একটু ঈর্ষাও তার হয়েছিল বৈকি! আজ জুতোর পা টোকাবার কয়েক মুহূর্তে তার যেন একটা নতুন জ্ঞান জন্মে গেল। নরেশের কৃষ্ণেন্দু-ভক্তির মূল নেই, মূল্যও নেই। কৃষ্ণেন্দুর প্রতি রক্তার ভক্তিতাই নরেশ অচুভব করে। রক্তা তাকে ভক্তি করায়।

‘কিরে নরেশ!’

নরেশ বোকার মত একটু হাসল।

‘রক্তা যে চূপ চাপ?’

রক্তা ভুরু কঁচকেই বলল, ‘আপনি নাকি পালাচ্ছেন? পালান—পালান, প্রাণ নিয়ে নীগণির পালান।’

হীরেন রাগ করল না। সহজ ভাবেই বলল, ‘পালাচ্ছি না রক্তা। কিরে যাচ্ছি।’

‘হুদিন পরেই নয় যেতেন! না, ডর লাগছে থাকতে?’

‘ডর লাগছে রক্তা। আমি ভীষণ ভীরা মানুষ।’

রক্তা একটু ডড়কে গিয়ে চূপ করে রইল! এতক্ষণ বোধ হয় তার খেয়াল হ’ল, সহরে কতখানি সম্মান করে সে হীরেনের সঙ্গে কথা কইত আর কাল থেকে কি স্পর্ধা সে দেখাচ্ছে তার কাছে। তার বাপ খুন হয়ে গেছে বলে সে যেন রাণী মহারাণী হয়ে গেছে, সকলকে ধমক দিতে আর বাবা নেই।

হীরেনের পিছু পিছু বেরিয়ে গিয়ে সদরের কাছে তাকে সে পাকড়াও করল।

‘কিছু মনে করবেন না, হীরেনবাবু। মাথাটা ঠিক নেই মোর।’

‘কিছু মনে করিনি রক্তা।’

‘রাগ করেন নি?’

রক্তার বেয়াদবির বদলে এই অন্তরঙ্গতা হাপনের চেষ্টা হীরেনকে চটিয়ে দিল। বাড়ীর খি অথবা কারখানার মেয়ে মজুরের সঙ্গে কথা বলার মত গম্ভীর মুখে কড়া গলায় সংক্ষেপে বলল, ‘না।’

রস্তা গ্রাহ্য করল না।—‘কখন যাবেন আপনি?’

‘কাল সকালে যাব।’

‘একটা কাজ তবে করুন হীরেনবাবু। নরেশ ছোঁড়াকে সঙ্গে নিয়ে যান। এখানে থেকে ও কি করবে?’

‘ও যায় তো চলুক।’ হীরেন বলল, উদাসীনভাবে।

রস্তা মিনতি করে বলল, ‘ধমক ধমক দিয়ে নিয়ে যান হীরেনবাবু। বড় জ্বালাতন করছে আমাকে। এইটুকু বয়সে শয়তানের ধাতী হয়ে উঠেছে ছেলেটা।’

গাছের একটা পাকা সিঁড়রে আমে চোখ রেখে আরও উদাসীন ভাবে হীরেন বলল, ‘তুমি প্রশ্ন দাও কেন?’

‘ওমা! সে কি কথা? কত গাল দিইছি, ঝাঁটাপেটা করব বলেছি—’ নরেশকে আসতে দেখে সে থেমে গেল। তাদের দিকে তাকাতে তাকাতে খানিক তফাত দিয়ে কি উদ্দেশ্যে নরেশ কোথায় চলেছিল বল’ যায় না, রস্তা তাকে ডাকল, ‘নরেশ শোন, ইদিক আয়। হীরেন বাবুর সাথে তুই কাল কলকাতা ফিরে যাবি, বুঝলি?’

নরেশ কিছু বলার আগেই হীরেন পেরিয়ে গেল। নরেশ কলকাতা যেতে অস্বীকার করলে তার সামনেই হয় তো তার রস্তা ঝাঁটাপেটা করতে চাইবে, সেটা সহ করার মত মনের অবস্থা হীরেনের ছিল না।

আবছা অন্ধকারে ঝুমুঝিরার ফুৎসিং গ্রাম্য চেহারা ঢাকা পড়েছে। সকলে বলে তাই হীরেন চিরকাল সায় দিয়ে এসেছে, কিন্তু গ্রামে গিয়ে কোনদিন খুঁজে পায়নি ঘর বাড়ী বন জঙ্গল মাঠ ঘাট পথের মধ্যে কোথায় লুকিয়ে আছে গ্রামের সেই বিখ্যাত স্ত্রী। খড টিন বাঁশ কাঠ মাটি দিয়ে গড়া বাড়ীগুলি আদিম স্থাপত্য শিল্পেরও ফুৎসিং বাস। বদরঙ্গা একটু তলানি জলের দীঘি, ডাঙ্গা ইটের পুরানো স্ত্রীহীন ঘাট, আগাছা ভরা পচা মাটির গর্ভে পচা ভোবা-পুকুর, এবড়ো খেবড়ো কর্কশ বর্ণহীন মাঠ। আর কি বিল্লী পোষাক আর চেহারা মাঝুঝুগলির, কি দৃষ্টিকটু সব গরু বাছুর। এখন ওসব চোখের আড়ালে। হীরেন আরাম পেল।

ধূলোয় ভরা কাঁচা উঁচু পথ দিয়ে চলতে চলতে এক মোড়ে এসে হীরেন দাঁড়াল। গামছা কাঁধে গরু তাড়িয়ে বাড়ী ফিরছিল কাণ্ডিক। মাঝবয়সী জোয়ান মাছব, বুকে পিঠে ছড়ানো দাদ। বাঁদিকের গালেও একটু দাদ হয়েছে, বেশী না ছড়ালেও বেশ জমকালো।

‘মদের ছকান? বলতি পারতাম বাবু। ওই যে বুড়া বটগাছ দেখতিছেন, ওনার গায়ে হাট। হাটের শিছে মাসিদের ঘর—তু’রশি তফাতে চরণ সা’র ছকান।’

হীরেন ধীরে ধীরে এগিয়ে গেল। অতি প্রাচীন এক বটগাছের কাছে কতগুলি শুল্ল চালা। আজ হাটবাজার নয়। পূর্বে একটু তফাতেই গায়ে গায়ে লাগান ছোট

আট দশখান টিনের ঘর, অল্প খানিকটা জমির মধ্যে জমাট করা ঘরগুলির মধ্যে ছুঁহাত চণ্ডা গলিও আছে। বাইরে ছুঁতিনটে স্ত্রীলোক দেখা গেল। দেখলেই বোঝা যায় তারা দেহের ব্যবসা করে, অতি গরীব এবং ছোট জাতের মেয়ে। খোঁপা বেঁধে ফুল গুঁজছে, পান খেয়ে কাল ঠোঁট রান্নিয়েছে, সেমিজ ছাড়াই সস্তা তাঁতের শাটী পরেছে, আর পাড়িয়েছে ভঙ্গি করে, যে ভঙ্গি এদের অভ্যাস হয়ে যায়।

কিছু দূরেই বাগি পাড়া। দেখলেই চেনা যায়। বিশ্ব যাদের বর্জন করেছে, চারদিকে অনেক খালি জমি পড়ে থাকতেও যারা একটুখানি জমিতে ছোট ছোট ভাঙ্গাচোরা কুঁড়ে তুলে গড়ে তোলে নিজেদের পাড়া, কত সন্তোষ আর চিন্তাই যে থাকে তাদের সেই সীমাবদ্ধ জগতের! মানুষ-সমান উঁচু পচা-খডের পুরাণো কুঁড়ের লেপামোছা তকতকে একটুখানি মাটির দাগুয়া, সেখানে সোনালবনের চেরা বাঁশের শিল্প।

এটা ঝুমুরিয়ায় এক প্রান্ত। পূর্বদিকে পথটা খানিক সোজা গিয়ে বৈকতে বৈকতে স্টেশন থেকে ঝুমুরিয়ায় চুকবার পথে মিশেছে। কতগুলি আলো দেখে ও লোকের কলরব শুনে হীরেন এগিয়ে গেল। চরণ সাঁর মদের দোকান দেখে সে গেল ভড়কে। টিনের চাল আর মাটির দেওয়ালের একটা ঘর, দেয়ালের গায়ে একটা ফোকর দিয়ে মদ বিক্রী হচ্ছে। এদিকে একটা চালার নীচে ছেঁড়া চাটাইয়ে বসে ক্রেতারা সেই মদ খাচ্ছে। লোক মন্দ হয়নি। গ্রীষ্মের সন্ধ্যা হয় দেবীতে, সাড়ে আটটায় মদ বিক্রী বন্ধ। দিনের আলো শেষ হবার আগেই তাই অনেকে রাতের নেশার জোগাড়ে ছুটে আসে। কারো গায়ে সার্ট ফতুয়া, কারো শুধু ধুতি বা লুঙ্গি, কারো শুধু গামছার মত ছোট আর ছেঁড়া কিছু কোমরে জড়ান। গেলাস, বাটি, টিনের মগে কেউ মদ নিরেছে, কারো পাত্রটি মাটির, কেউ বা তৃষ্ণা মেটাচ্ছে সোজা বোতল থেকে। বোতলগুয়ালাদের সংখ্যা খুব কম। বোতলের জল পয়সা জমা রাখতে হয়।

দেয়ালের ফোকর ঘিরে লোক ছিল, হীরেনকে দেখে ভয়ে বিস্ময়ে পথ ছেড়ে দিল। ফোকরের ওপাশের লোকটির ঘামে ভেজা ভূঁড়িটি শুধু দেখা যায়।

‘বিস্তি আছে?’

‘নাঃ। এক নম্বর আর দু’নম্বর পাবেন।’

‘কোনটা ভাল?’

‘এক নম্বর।’

একটা এক নম্বর পাইট কিনে হীরেন সরে এল। সবাই তাকে কৌতূহলের সঙ্গে দখছে। তার মত ভদ্রলোক নিজে এখানে মদ কিনতে আসে না, লোক পাঠিয়ে দয়। তার চেয়ে অনেক কম দামী জুতো জামা পরা ভদ্রলোক যদি বা কেউ আসে, বাতল কিনেই সে এখান থেকে সরে পড়ে। হীরেন এখানে বসেই থাকে সন্দেহ করে কলে গভীর বিস্ময় আর অস্বস্তিকর কৌতূহলের সঙ্গে তার চালচলন লক্ষ্য কবতে

লাগল। এখনো সকলের নেশা জমে নি। ঘণ্টাখানেক পরে হলে হয়ত বেশীর ভাগ লোক তার দিকে চেয়েও দেখত না। দু'চারজন একটু মুচকে হাসত, কেউ পাশেই চাটাই ঝেড়ে বসতে ডেকে তাকে দেখাতে চাইত ভদ্রলোকের খাতির সে জানে।

অসহায়ের মত এদিক ওদিক চাইতে চাইতে হীরেন আধিকার করল রামপালকে। রামপাল গা ঢাকা দেবার চেষ্টায় ছিল, হীরেন নাম ধরে ডাকাতে অপরাধীর মত কাছে এল।

‘ও রামপাল, এ যে বড় মুন্সিলে পড়লাম। বিলিতি কিছু পাওয়া গেল না।’

‘আজ্ঞে এখানে—’

‘তুমি এটা খেয়েছো, এক নম্বর না কি?’

‘আজ্ঞে আমি—’

হীরেন অসহিষ্ণু হয়ে বলল, ‘ওসব রাখো রামপাল। এটা খাওয়া যাবে কিনা তাই বলো।’

রামপাল সবিনয়ে বলল, ‘আজ্ঞে জিনিসটা মন্দ নয়, তবে বিলিতির মত কি আর হবে!’

বিক্রীর সময়েই বোতল খুলে দিয়েছিল। আর একবার শুঁকে দেখে হীরেন বলল, ‘কিন্তু গন্ধটা একেবারে বিশ্রী। একি খেতে পারব?’

খানিকটা মদ মুখে ঢেলে গিলে ফেলেই হীরেন বোতলটা ছুঁড়ে ফেলে দিল। রামপাল তৎক্ষণাত্ সেটা হুড়িয়ে আনল।

হীরেন উদাসভাবে বলল, ‘তুমি খাবে রামপাল? খাও। গন্ধ কি, খাও।’

এটু তফাতে সরে হীরেনের দিকে পিছন ফিরে পাঁচ মিনিটের মধ্যে রামপাল বোতলটা খালি করে দিল। অর্ধেক মদ পড়ে গিয়েছিল, নতুন তিন পাঁচমিনিটে এক পাইট মদ গিলবার ক্ষমতা রামপাল অর্জন করেনি। ফোকার গিয়ে বোতল ফিরিয়ে দিয়ে পয়সাও সে নিজে এল।

হীরেন করুণ স্বরে বলল, ‘কিন্তু আমার কি হবে রামপাল? বিলিতি কোথায় পাব? বিলিতি নইলে তো আমার চলবে না।’

রামপাল আপশোষ করে বলল, ‘এ লক্ষ্মীছাড়া গায়ে বিলিতি কোথায় পাবেন বাবু। কে আর ওসব খায়, অত দামী জিনিস? এক গুই হেরষপাবু পায়, সদর থেকে গুর বাব্ব বোঝাই মদ আসে।’

দুঃসহ অনিবার্য বিপদের মত রাত্রি বাড়তে থাকে। মাথার মধ্যে আতঙ্ক চাপ দিচ্ছে। আগে জানলে সে সদরে চলে যেত। এখন তাও সম্ভব নয়। কি বোকার মতই সে ভেবেছিল শ্রাম্পেন হইকি ত্র্যাণ্ডি না হোক, দেশী মদ খেয়েই আজ নেশা করবে—তার দরকারী নেশা, অপরিহার্য নেশা। দেশী মদ যে খাওয়াই যায় না সে কি তা জানত!

‘আরেকবার চেষ্টা করবে ?

রামপাল আরেক পাইট মদ নিয়ে এল। একটা টুলও কি করে যেন যোগাড় করল। চালার খানিক দূরে টুলে বসে অতি কষ্টে জল মিশিয়ে কিছু মদ হীরেন পেটে চালান করে দিল। তখন মনে হল খেতে কষ্ট যেন আর বেশী হচ্ছে না। ইচ্ছে করলে এইখানে টুলে বসে বোতলের পর বোতল এই দেশী মদ সে চালিয়ে যেতে পারে। আতঙ্ক করে গিয়ে একটু স্বস্তি সে বোধ করল কিন্তু বিলিতি মদের তৃষ্ণাটা যেন ক্রমেই বেড়ে চলেছে।

হেরষের কাছে বিলিতি মদ আছে।

হেরষের কাছে বাস্ক ভরা মদ আসে। হেরষ যদি বন্ধু হ’ত তাদের ! একটু যদি ভাব থাকত তার হেরষের সঙ্গে !

চালার নীচে, সাফ করা অঙ্গনে কোলাহল বাড়ছে। ডিড বেড়েছে এখন। কোথা থেকে এত লোক এল ? কুমুরিয়া কি খালি হয়ে গেছে, ঘরে ঘরে শুধু নারী আর শিশু ? এত লোক মদ খায় কেন, এত গরীব লোক ?

‘গরীবরা তাড়ি খায়।’

‘এরা সব বড়লোক বুঝি ?’

‘বড়লোক নয় বটে, ছ’চার গুণা পয়সা না নিয়ে হেথায কে আসবে ! কিন্তু এসবের চাইতে তাড়ি ভাল বাবু, খাঁটি পচাই ভাল। দেহ ভাল রাখে, গায়ে জোর করে। দিনভর যারা খাটে, খেতে পায় তারা ? তাড়ি খেয়ে, পচাই খেয়ে তারা বেচে থাকে।’ রামপালের বেশ নেশা হয়েছে, বকতে ভাল লাগছে। মুখে অদ্ভুত একটা শব্দ করে সে বলতে থাকে, ‘বাবু! আবার মিটিং করে উপদেশ ঝাড়ে, মদ খেও না, তাড়ি খেও না, পয়সা নষ্ট কোরো না। বলি ওরে ছুঁচো পাজী হারামজাদা, তবে খেতে দে—পচাই খাবনা তো পেট ভরে খেতে দে, ওষুধ দে—’

‘ওষুধ—?’

‘মদ খেলে রোগ বালাই কম হয় বাবু। ডেক্সী জিনিষ তো। পটলদা বলে—’

‘পটলদা কে ?’

‘মোর স্মাডাং। হেরষবাবুর বেয়ারা। পটলদা বলে, পচাই খা, তাড়ি খা, খব্দার নছুরী মাল ছুসনি রাম—ওতে ওষুধ যেমাল দেয়। নেশা জমে কিন্তু দেহের দফা শেষ।’

বিক্রী বন্ধ হবার সময় ঘনিয়ে এসেছে। ফোকরের কাছে ঠেলাঠেলি, মারামারি। কয়েকজন চলে গেছে, নতুন কয়েকজন এসেছে। চারিদিকের গোলমালে কান পাতা যায় না। সবাই কথা বলছে, হট্টগোলে নিজের কথা নিজের কানে পৌঁছে দিতে চেষ্টা করে কথা বলছে—বন্ধু বান্ধব চেনা অচেনার মধ্যে সে এক প্রচণ্ড কলরব তুলে আলাপ করা।

ছ'চারজন শুধু একেবারে চূপচাপ। অতি দুর্বল অক্ষম রক্ত তাদের বেহ, মুখে কৃত্যর অসম্পূর্ণ ছাপ, একটু একটু মদ খাচ্ছে আর ঢুলছে। কোন নেশাই আর এ জীবনে তাদের কয়েক মূর্ত্তের জন্তও উত্তেজিত, জীবন্ত করে দিতে পারবে না।

‘দশটা পরস্য দাও বাবু। বাবুগো, দশটা পরস্য দাও।’

বছর চল্লিশ বয়সের একটি স্ত্রীলোক, ময়লা আটহাতি একখানা কাপড় পরা, মুখ বুক আমসির মত শুকনো।

রামপাল ধমক দিল, ‘ভাগ।’

চালার নীচে থেকে মাটি আর স্তরকির ছাপ মারা চোঁড়া হাফ প্যাশ্ট পরা একটি বিশ বাইশ বছরের ছেলে উঠে দাঁড়াবার টাল সামলে স্ত্রীলোকটির সামনে এগিয়ে এল।

‘ফের তুই কেথা এইছিস মাসী?’

‘তুই যে এইছিস বড়?’

‘তুই আর আমি সমান? তুই পুরুষ? তোর মত বজ্জাতি করতে আসি আমি? যা বলছি এখান থেকে, না যাবি তো তোকে আজ -’

‘একটু কিনে দে তরে। ও গোপাল, সোনা মানিকটি আমার, দে বাবা একটু কিনে।’

হীরেন বিস্ফারিত চোখে তাকিয়ে থাকে। বোনপোর অশ্রাব্য গালগুলির প্রত্যেকটি কান দিয়ে ঢুকে মাথার মধ্যে বন্ বন্ শব্দে পরিণত হয়ে যায়। তারপর কোথা থেকে উঠে আসে লুন্ধি পরা জোয়ান এক মরদ। এক ধাক্কায় বোনপোটিকে পাঁচ হাত ভাঙতে সরিয়ে দিয়ে সে মাসীকে বলে, ‘চল যাই।’

‘আগে কিনে দে।’

কোমরে গৌজা পরস্য বার করে লোকটি চ'তিনবার গোণে। পরস্য আছে মোটে তিন গণ্ডা। একটু সে ইতস্ততঃ করে একবার চোখ বুলিয়ে নেয় স্ত্রীলোকটির সর্কাদে। তার মনের দৃশ্য যেন হীরেনের চোখের সামনে ঘটনা হয়ে ঘটতে থাকে, দুই ঘেয়ো কুকুরের মারামারির মত, দুই বেণের দরদজ্বরের মত। আরও মদ, না এই বড়ী?—এ সমস্তা যেন দুমড়ে মুচড়ে দিয়েছে লোকটার মুখ। তীব্র অসহ কৌতুহলে হীরেন প্রতিজ্ঞা করে থাকে।

লোকটি স্কোকরের কাছে গিয়ে টিনের মগে মদ এনে বলে, ‘এক চুমুক খাই?’

স্ত্রীলোকটি বলে, ‘আগে আমায় দে।’

মগটা হাতে পেয়েই একচুমুকে সে সবটা মদ গিলে ফেলে, মুখ তুলে মগটা ধানিক-কণ ধরে থাকে যাতে এক ফোঁটাও না নষ্ট হয়। লোকটি তিৎস্ত দৃষ্টিতে তাকিয়ে থাকে, কিছু বলে না। মাথা ঘুরে পড়ে বাবার উপক্রম করে স্ত্রীলোকটি সামলে নেয়, বারকয়েক মাথায় কাঁকুনি দিয়ে লোকটির সঙ্গে মিশে যায় চরিতিকের আলোছায়া অন্ধকারে।

হীরেন দীর্ঘনিশ্বাস ফেলে বলে, 'কৃষ্ণেন্দুকে দিয়ে কিছু হবে না রামপাল। ও কিস্তি জানে না। এক নম্বরের বোকা।'

'আজ্ঞে হাঁ।'

'এবার যাওয়া যাক।' হীরেন উঠে দাঁড়াল।

রামপাল নিশ্বাস হয়ে বলল, 'আর যাবেন না?'

'ও, হ্যাঁ। ঠিক। তিনচারটে বোতল কিনে রাখা যাক।'

বগলে এক একটি বোতল নিয়ে দুজনে বেরিয়ে পড়ল। কাছে দূরে দু'টি একটি আলো মিট মিট করছে। চাঁদ উঠেছে আধখানা। মুহূর্তে জ্যোৎস্নায় জীবনের রূপ ঢাকা পড়ে নি। হাটের পাশে টিনের চালের অনেকগুলি ঘরে আলো। একটা সস্তা হারমোনিয়ামের চেরা চেরা আওয়াজ কানে আসছে। কোথায় তারা যাবে কিছু ঠিক নেই। রামপাল কি ওই দরগুলির দিকে এসেছে? রজ্জার স্বামী রামপাল? চলুক যেখানে খুসী। ওটাও তো মানুষের আশ্রয়।

কৃষ্ণেন্দুকে বিপদের মুখে ফেলে যাবার সঙ্কোচ আর হীরেনের নেই। মন হালকা হয়ে গেছে। লাখপতি বাবার ছেলে আর লাখপতি খত্তরের জামাই হীরেনের আজ কোথায় এষ্ট মুমুরিয়ার এক প্রান্তে জীবন দেখে বেড়াচ্ছে, খুঁজে বেড়াচ্ছে জীবনের মূলমন্ত্র, এক ভয়ে মিশে গেছে বঞ্চিত নিষ্পেসিত বিকৃত মানুষের সঙ্গে! কৃষ্ণেন্দু নিজেই তো স্বীকার করেছে সে মত সহজে গেরো অশিক্ষিত মানুষকে বুঝতে পারে, সে তা পারে না। কৃষ্ণেন্দু চুপোথাক, তার ভুল পথ, তাকে দিয়ে কিছু হবে না। সে নিজে এবার কাজে নামবে, নিজের সময় দেবে, অর্থ দেবে আর দরকার হলে কৃষ্ণেন্দুর মত জেলে যেতে বা প্রাণ দিতে রাজী থাকবে,—কৃষ্ণেন্দুর মত মাথা গরম করে নয়, যাতে সত্যি কিছু কাজ হয় দেশের। কৃষ্ণেন্দুকে ফেলে সে পালাবে না, সে চলে যাবে কাজ করতে!

বহুদিন ঈশ্বরকে অস্বীকার করে এসে এখন মুমুরিয়ার এক প্রান্তে ধূলোভরা কাঁচা রাস্তায় মুহূর্তে জ্যোৎস্নায় দাঁড়িয়ে হীরেন নিঃশব্দে তারাবসানো আকাশের দিকে মুখ তুলল। পথ খুঁজে পাবে বলে কি সেই অদৃশ্য শক্তি তাকে মুমুরিয়ার আসবার প্রেরণা দিয়েছিল? ভবিষ্যৎ জীবনটা তার যাতে সার্থক হয়, দেশের মানুষকে মানুষ করার চেষ্টায়, নীচে যারা পৃষ্ঠ হচ্ছে তাদের উপরে ফুলে আর উপরে যারা অভিশাপের মত চেপে আছে তাদের নীচে নামিয়ে আনার সাধনায়?

মদ খাওয়া সে ছেড়ে দেবে। কলকাতায় ফিরে ডাক্তারের চিকিৎসায় নিজের এই পাগলামিকে জয় করবে। ওষুধের পর ওষুধ খাবে, ইন্জেকশনের পর ইন্জেকশন নেবে, কিন্তু মদ আর ছোঁবে না। জীবনে এই শেষ মদ খাওয়া।

মমতা খুসী হবে। তাকে শ্রদ্ধা করবে, ভক্তি করবে, ভালবাসবে। কাজে নামতে চাইলে মমতাকেও সে সঙ্গে নেবে! চিয়াং-কাই-শেক দুজনের মত তারা স্বামী-স্ত্রী—

যাক। এসব ভবিষ্যতের কথা। অনেক দূর ভবিষ্যৎ। রামপাল তাকে টিনের
ঘরগুলির কাছে এনে ফেলেছে।

‘না রামপাল। এখানে চুকতে পারব না।’

‘তবে কোথায় বসে থাকবেন?’

হীরেন এ কথার জবাব দিল না। বলল, ‘রামপাল?’

‘আজ্ঞে?’

‘তোমার সেই সাড়াং পটলকে দিয়ে কিছু বিলিতি যোগাড় হয় না? বত টাকা
চার দেব। দশ টাকার মাল পঞ্চাশ টাকায় কিনব।’

‘বলে দেখা যায়। আপনি বসবেন কোথায়? যেতে আসতে সময় নেবে।’

‘আমিও সঙ্গে যাব চল। বোতল চারটে কারো ঘরে রেখে এস। বিলিতি না
পেলে এখানে আসব।’

রামপাল দু’হাত চওড়া গলির একটাতে চুকে দশ মিনিটের মধ্যে ফিরে এল।
হেরষের আন্তানা প্রায় দু’মাইল দূরে। হীরেনের নেশা হয় নি, রামপালের নেশা কেটে
গেছে। দুজনে প্রায় নিঃশব্দে সমস্ত পথটা হেঁটে গেল। কার একটা ছোট একতলা
বাড়ী হেরষ ভাড়া করেছে, বাড়ীটা নতুন। এখানকার কেউ বিদেশে গিয়ে বড় লোক
হয়ে সখ করে বাড়ী তৈরী করেছিল, নিজে বিদেশেই থাকে, সখ চাপলে দেশের
বাড়ীতে দু’চারদিন এসে সখের বাস করে যায়। বাড়ীর কাছে তিনটে তাঁবুও পড়েছে
হেরষের। কাছেই একটা লরী, খানিক তফাতে অনেকগুলি গরুর গাড়ী। ছোট
আমবাগানের ধারে কতগুলি পাতার ঘরের কাছে মশাল জালিয়ে কুড়ি বাইশটি স্ত্রীপুরুষ
আড্ডা দিচ্ছে। চার পাঁচটা চুল্লীতে হচ্ছে রান্না।

হীরেন একটু দূরে দাঁড়িয়ে রইল। রামপাল গেল তার সাড়াং পটলকে খুঁজতে।
কিছুক্ষণ পরেই আরও দু’জন লোককে সঙ্গে করে সে ফিরে এল। একজনের হাতে
লঠন, চাকর-বাকর কেউ হবে। আরেকজন মোটাসোটা ভুঁড়িওয়াল। বেঁটে নিরীহ
চেহারার বাঙালী ভদ্রলোক, পায়ে চটি, গায়ে হাকসার্ট। হাকসার্টটি এইমাত্র
গায়ে চড়িয়েছেন বোঝা যায়, হীরেনের সামনে এসে ভৃতীয় বোতামটি লাগানো
শেষ করলেন।

রামপাল কাছে এসে ফিস্ ফিস্ করে বলল, ‘ইনি হেরষবাবু।’

হীরেনের মনে হল রামপাল তামাসা করছে। আলোচনা শুনে শুনে কল্পনা
তাকে সে ভেবে রেখেছিল দীর্ঘ বলিষ্ঠ দেহ একপুঁয়ে বদরাগ্নি একটা মানুষ হিসেবে, যে
হাটার হাতে ঘুরে বেড়ায় আর মন খেয়ে যুবতী কুলি মেয়েকে টেনে হিঁচড়ে ঘরে নিয়ে
যায়, পুলিশ যাকে খাতির করে, গ্রামসভা লোক যার ভয়ে কাঁপে - তার এমন মাঝবয়সী
মুদি দোকানের মালিকের মত নিরীহ গোবেচারী চেহারা!

‘হীরেনবাবু তো? আমার নাম শ্রীহেরষ চক্রবর্তী। নমস্কার।’

‘নমস্কার ।’

‘আপনার চাকরের কাছে শুনলাম, মশায় নাকি বড় মুন্সিবে পড়ে গেছেন । তা সেটা আশ্চর্য্য কি ! অমনি হয় মশায় । থাকলে দু’টোঁক খেলায় তো খেলায়, না খেলায় তো না খেলায় । কিন্তু না থাকলে তখন আলবৎ চাই ! কি বলেন ? হা ! হা !’

জোরালো কিন্তু ক্ষণিকের হাসি ।

‘তা দয়া করে যদি এলেন, বাইরে দাঁড়িয়ে থাকবেন ? আহ্নন, পায়ের ধুলো দিন গরীবের বাড়ীতে ।’

হীরেন আমতা আমতা করে বলল, ‘আমি ভাবছিলাম একটা কি দুটো বোতল কিনে—অবশ্য আপনার যদি বাড়তি থাকে—’

হেরথ হাত জোড় করল ।

‘আমায় লজ্জা দেবেন না হীরেনবাবু । আপনার কাছে দাম নেবো ! নেহাৎ যদি এসে বসে গরীবের সঙ্গে খেতে না চান আধ ডজন নিয়ে যান । দামের কথা বলবেন না ।’

লোকটা কি ব্যঙ্গ করছে ? বাডীর মধ্যে নিয়ে গিয়ে বিপদে ফেলবার মতলব করেছে ? কৃষ্ণেন্দু আর সে যে তাকে জব্দ করতে মুমূরিয়া এসেছে, এ খবরটা হয় তো ও জানে । এতটুকু গ্রামে এ সব কথা চাপা থাকে না । হেরথের বুকটা একটু টিপ্ টিপ্ করতে লাগল ।

বারান্দার কাছে গিয়ে দেখা গেল, ফর্সা তোয়ালে ঢাকা ছোট একটি টেবিলে মদের বোতল মাস আর ডিস সাজানো রয়েছে । ছদিকে ছুটি চেয়ার ।

হেরথ বলল, ‘যাবার সময় যত খুসী নিয়ে যাবেন, কিন্তু অল্পগ্রহ করে আমার সঙ্গে বসে একটু খেয়ে আমায় কেতাখ করতে হবে মশায় । লোকনাথবাবুর ছেলেকে একটু এন্টারটেন করবার ভাগ্য যদি হল আমার, বঞ্চিত করতে পারবেন না দাদা ।’

‘আপনি আমার বাবাকে চেনেন ?’

‘তাকে কে না চেনে ? মহাশয় ব্যক্তি—অতি মহাশয় ব্যক্তি । ধুলোমুঠো ধরে সোনা করছেন, আমরা কি তাঁর পায়ের ধুলোর যোগ্য ।’

লোকটি ব্রাহ্মণ । ধার্মিক অর্থাৎ সাধন-টাধন কি সব করে বলে গাঁয়ের লোকে ভয়ের সঙ্গে একটু ভক্তিও নাকি করে । কয়েক মিনিটের মধ্যে লোকটার মুখে এতবার তার আর তার বাবার পায়ের ধুলোর উল্লেখ শুনে হীরেন একটু অস্বস্তি বোধ করতে লাগল । চেয়ারে বসে, রঙীন পানীয় ভরা বোতলটির দিকে একদল্লর তাকিয়েই সে খুসী হয়ে উঠেছিল । যেখানে যার কাছে যে অবস্থাতেই পাওয়া যাক, সে জাগ পেয়েছে । এত কষ্ট যে তার হচ্ছিল মদের জন্য এতক্ষণ বেন ভাল করে বুঝতেই পারে নি ।

দ্বিতীয় গেলাস শেষ করে এনে সে বলল, 'আপনি যে এত ভাল লোক তা জানতাম না হেরষবাবু। কলকাতা গেলে—'

'নিশ্চয়, নিশ্চয়। সেকথা বলতে! শীগগির একবার কলকাতা গিয়ে আপনার পিতাঠাকুরের সঙ্গে দেখা করে আসব। একটু পরিচয় করিয়ে দেবেন কিঙ্ক ?'

'নিশ্চয় দেব। বাবা খুব খুসী হবেন। আপনাকে একটু এটাৰটেন করার সুযোগও আমি পাব।'

টেবিলে একসঙ্গে মদ খেতে বললে অল্পসময়েই হুগুতা জমাট বেঁধে যায়। আলাপ আলোচনা সহজ হয়ে আসে। ভদ্রতা ও অমায়িকতার সীমা কোন পক্ষেই থাকে না।

'হঠাৎ ঝুমুরিয়া বেড়াতে এলেন ভাই ?'

'বন্ধুর সঙ্গে এসেছি। ঝুমুরিয়ায় তার বাড়ী।'

'হা হা, তাই বটে। দু'জন নতুন ভদ্রলোক গীয়ে এসেছেন শুনছিলাম বটে। বন্ধুকে নিয়ে এলেন না।'

'সে এসব খায় টায় না।'

হেরষ হাসল দেখে হীরেনও হাসল। তার হাসি গল্প কমে এল রাত এগারটার সময়। ভেতরে তার একটা উদ্বেগ জেগেছে। নেশা চড়াতে চড়াতে কখন যে জ্ঞান হারিয়ে ফেলবে ঠিক নেই। আরও মদ তাকে খেতে হবে, এ পর্যন্ত খেয়ে সে কোনদিন খামতে পারে নি। কিঙ্ক এখানে তো আর এগোনো যায় না। এবার তার বিদায় নেওয়াই ভাল। কথা বলতেও আর ভাল লাগছে না। চূপচাপ মমতার কথা ভাবতে ইচ্ছা হচ্ছে। মমতা সতী না অসতী ভেবে ভেবে তার বার করা চাই—আজ রাতেই বার করা চাই। চুলচেরা হিসাব করতে হবে সব ঘটনার, মমতার কথাবার্তা আর চালচলনের। কৃষ্ণেন্দু কি যেন সব বলেছে মমতার সম্বন্ধে? কথাগুলি তুলিয়ে বুঝতে হবে। মমতা হয়তো ধোঁকা দিয়েছে কৃষ্ণেন্দুকে। যা চালাক মেয়ে মমতা! আর কৃষ্ণেন্দুর মত বোকা তো জগতে নেই।

বিদায় নেবার পালা শেষ হতে সময় লাগল। হীরেনকে বড় ভাল লেগেছে হেরষের, আরেকটু বসে যাবে না হীরেন, আরেকটু খাবে না? মদ চেয়ে নিতে হীরেনের বড়ই সঙ্কোচ বোধ হচ্ছিল, হেরষ নিজেরই কাগজ মোড়া দুটি বোতল রামপালের জিন্দা করে দিল। পথ পর্যন্ত এগিয়ে দিয়ে আপশোধ করে বলল, 'কাল সকালেই যাবেন ভাই? আরেকটা দিন থেকে যান না?'

'আমাকে যেতেই হবে।'

'তবে আর কি বলব! দু'চার দিনের মধ্যে আমিও যাবছি কলকাতা। আপনার বাবার সঙ্গে পরিচয়টা করিয়ে দেবেন।'

ঝুমুরিয়া ঘুমিয়ে পড়েছে। আকাশের কোণে ডুবু ডুবু চাঁদ। কই, কই তো

হীরেনের কমে নি ! কড়া আঁচে আবেগের ভিড়ান চড়েছে, আঠার মত যেন ব্যথার তাপে মন জলে গেল। মমতার কথা ভেবে লাভ নেই, চুলচেরা হিসাবে ফল হবে না। মমতা ভাল হোক খারাপ হোক, কিছু তাতে এসে যায় না। সে জানে। তার মন জানে। মমতা তাকে ভালবাসে না, জগতের অস্ত্র সব মেয়ে তাদের স্বামীদের যেমন ভালবাসে। দিগম্বরী যেমন পূজা করে তার স্বামীকে, স্বামী জ্ঞান স্বামী ধ্যান স্বামী সর্বস্ব করে জীবন কাটায়। কি অসহায়, বঞ্চিত জীবন হীরেনের, কি অকথা অদ্ভুত তার ভাগ্য ! কোন অভাব তার নেই, শুধু সেই জিনিসটি সে পেল না, সকলে যা আপনা থেকে পায়, বিয়ে করা স্ত্রীর শ্রদ্ধা ভালবাসা। শশাঙ্কের মত মানুষ যা পেয়েছে, তার কাছে সেই স্তলভ সাধারণ জিনিস আকাশের ওই ডুবু ডুবু চাঁদটির মত অপ্রাপ্য !

না, আরও অনেক মদ খেতে হবে। খেতে খেতে অজ্ঞান হয়ে পড়তে হবে। কৃষ্ণেন্দু বিরক্ত হবে, কিন্তু বাধা দেবে না। কৃষ্ণেন্দু তার ভীষণ যন্ত্রণার কথা জানে। যদিও সে মাঝে মাঝে বলে, এটা তার মাথার একটা দোষ, একটা অস্থখ, চিকিৎসা করালে সেরে যাবে, কিন্তু ওসব কৃষ্ণেন্দুর মুখের কথা। মনে মনে কৃষ্ণেন্দু সব বোঝে। কৃষ্ণেন্দুর মত বন্ধু তার নেই।

‘রামপাল ?’

‘আজ্ঞে ?’

‘হেরম্ববাবুর বাড়ী গিয়েছিলাম এ কথাটা গোপন রেখো।’

‘আজ্ঞে, তা আর বলতে ! ও কথা কি প্রকাশ করা যায় !’

বড় দীঘিটার কাছে পৌছে হীরেন রামপালকে একটা বোতল দিয়ে বিদায় করে দিল।

‘বাড়ী তকু পৌছে দি’ না বাবু ?’

‘না, তুমি বাড়ী যাও। এটুকু যেতে পারব।’

দিগম্বরী আজ একলা শুয়েছে। হয়ত তার ঘুম আসছে না। শশাঙ্কের কথা ভাবছে। শশাঙ্ককে সে চাকরীটা দেবে। লোকটা অপদার্থ, কোন কাজে লাগবে না, পচিশ ত্রিশ টাকার বেশী ওর মাইনে হওয়া উচিত নয়। তবু দিগম্বরীর জ্ঞান ওকে সে দুশো টাকা মাইনে দিয়ে রাখবে। মমতার সঙ্গে সর্বদা দিগম্বরীর মেলামেশার ব্যবস্থা করা সম্বন্ধে হীরেনের আর উৎসাহ ছিল না। এই উদ্ভট কল্পনাকে কি করে প্রস্তর দিয়েছিল ভেবে এখন সে বরং আশ্চর্য হয়ে যাচ্ছে। মমতা বদলাবে না। এ জগতে এমন কোন শক্তি নেই মমতাকে বা বদলাতে পারে। অত্মকে দেখে কেউ স্বামীভক্তি শিখতে পারে ?

শুধু দিগম্বরীর জ্ঞান সে শশাঙ্ককে চাকরীটা দেবে। দিগম্বরী স্বামীকে ভালবাসে বলে, ভক্তি করে বলে—তার অপদার্থ নেশাখোর স্বামী তার জীবন-দেবতা বলে।

সদর দরজা বন্ধ ছিল। ধাক্কা দিতে দিতে হীরেনের মেজাজ চড়ে গেল, কেউ

দরজা খুলল না। তখন সে জুতো পায়ে দরজায় লাথি মিতে আরম্ভ করল। খানিক পরে বোঝা গেল আলো নিয়ে কেউ উঠান পার হয়ে আসছে।

বন্ধ দরজার ওপর থেকে ভীত স্বরে দিগম্বরী শুধোল, 'কে?'

'আমি। হীরেন।'

দিগম্বরী দরজা খুলতেই সে ক্রুদ্ধ কণ্ঠে বলল, 'কতক্ষণ ধরে দরজা ঠেলছি, সবাই কি অজ্ঞান হয়ে ছিলেন?'

দিগম্বরী কঁাদ কঁাদ হয়ে বলল, 'ভেতরের ঘরের দরজা বন্ধ করে ছিলাম, শুনতে পাইনি। সর্বনাশ হয়ে গেছে ঠাকুরপো, কেউ ঠাকুরপোকে ধরে নিয়ে গেছে।'

সন্ধ্যার একটু পরেই পুলিশ এসেছিল। কৃষ্ণেন্দুর স্টাটকেশ খুলে, বিছানাপত্র ঘেঁটে, এদিক ওদিক একটু খোঁজাখুঁজি করে তাকে নিয়ে চলে গেছে। যাবার সময় নাকি মোহনকেও ধরে নিয়ে গেছে।'

'কি সর্বনাশ হল ঠাকুরপো।'

'এ সর্বনাশ তো হতই বোঁঠান। এ বরং কম সর্বনাশ হল। কিন্তু পুলিশ খবর পেলে কি করে?'

'মোহন একটা দল করেছে না, পুলিশ ওকে নাকি ধরব ধরব করছিল।'

'কিন্তু কৃষ্ণেন্দু? ওকে ধরল কেন?'

'তাতো জানি না ঠাকুরপো।'

কৃষ্ণেন্দুকে আগেও দু'বার পুলিশে ধরেছে, কিছুদিন করে জেলও খাটিয়েছে। এত রাত্রে তার ধরা পড়ার ব্যাপার নিয়ে দাঁড়িয়ে দাঁড়িয়ে আলোচনা করে লাভ নেই। হীরেন দরজা বন্ধ করতে গেল।

দিগম্বরী ভয়ে ভয়ে বলল, 'ঠাকুরপো, এ বাতীতে আপনি কেমন করে থাকবেন?'

'কেন?'

'আমি যে একলাটি আছি ঠাকুরপো? পঞ্চুর মাকে আজ রাত্রে আমার কাছে শুতে বলেছিলাম, সে আসেনি। পুলিশের হাশামায় ভয় পেয়েছে বোধ হয়।'

'আমি কি তবে এত রাত্রে রাস্তায় রাস্তায় ঘুরে বেড়াব?'

'একটু যদি সকাল সকাল ফিরতেন ঠাকুরপো।'

'সে কথা ভেবে তো এখন লাভ নেই।'

'লোকে যে নিশ্চয় করবে ঠাকুরপো, যা তা বলবে।'

হীরেন চটে বলল, 'একটা মাত্র টাহুর দিন, আমি ওই গাছতলায় ঘুমোইগে।'

দিগম্বরী সঙ্গে সঙ্গে বলল, 'রাগ করলেন ঠাকুরপো? আপনাকে কখনো গাছতলায় ঘুমোতে দিতে পারি! দিন, দরজাটা বন্ধ করে দিন। লোকে দু'কথা বলে তো বলবে। আমরা তো বেশীদিন থাকছি না এখানে, দু'দিন বাদেই কলকাতা চলে যাব।'

মদের দরজা বন্ধ করে উঠানে নেমে দিগম্বরী কতকটা যেন নিজের মনেই বলল,
'সব সুনলে উনিও রাগ করবেন না।'

'ওনার রাগ করবার কি আছে?'

'ওমা! আপনি যেন ছেলেমানুষের মত কথা বলেন ঠাকুরপো। খালি বাড়ীতে একলাটি পর-পুরুষের সঙ্গে বৌ রাত কাটালে স্বামী কিছু ভাববে না, একটু চটবে না? তবে আপনার কথা ভিন্ন। আপনি তো পর নন।'

কৃষ্ণেন্দু আর হীরেন দু'জনের বিছানাই ওলট পালট হয়ে আছে। দুটি স্ম্যটকেশ খোলা, জামাকাপড় এলোমেলো ভাবে ছড়ানো। দিগম্বরী হীরেনের বিছানা ঠিক করে দিল।

'আপনার খাবারটা এনে দি? রান্না কিছু হয় নি, যা হাকামা গেল। শুধু ডাঙ্গা আর মাছের ঝোল। তুধটুকু দিয়ে কোনরকমে খেয়ে নিন।'

'আমি খাব না বৌঠান। খেয়ে এসেছি।'

'ওমা, কোথায় খেলেন?'

'খেয়েছি এক জাগায়।'

মদের বোতলটার দিকে দিগম্বরী বার বার তাকাচ্ছিল। তারপর চেয়ে দেখছিল হীরেনের মুখ। খানিকক্ষণ চূপ করে দাঁড়িয়ে থেকে সে মুহূর্তে বলল, 'আপনি মদ খান ঠাকুরপো?'

হীরেন জবাব দিল না। একি বোকার মত প্রশ্ন?

'মদের বোতল নয় গুটা?'

হীরেন বিরক্ত হয়ে বলল, 'হ্যাঁ, গুটা মদের বোতল। মদ খেয়েছি, আরও খাব। আপনার কিছু ক্ষতি আছে?'

'খেয়েছেন!' দিগম্বরী যেন চমকে গেল। 'আমিও তাই ভাবছিলাম। না ঠাকুরপো, আমার কোন ক্ষতি নেই। এমনি জিজ্ঞেস করলাম। তবে আমি যাই।'

দরজার কাছে পিছিয়ে গিয়ে অল্পমতির অপেক্ষায় দিগম্বরী দাঁড়িয়ে রইল।

'যাই, ঠাকুরপো?'

'দাঁড়ান একটু। এক মিনিট।'

সন্দ্বিধ, বিস্মিত দৃষ্টিতে হীরেন তার মুখের দিকে তাকিয়ে থাকে। খালি বাড়ীতে তাকে মাতাল জেনে ভয় পেয়েও দিগম্বরী পালিয়ে গিয়ে নিজের ঘরে খিল এঁটে দিল না, এত সম্মান তার, এত খাতির! হাত ধরে সে তাকে টানতে পারে এই ভয়ে চাপা দিয়েও তাকে অধুসী না করার প্রয়োজনটা এত বড় দিগম্বরীর কাছে! তবে, এও হতে পারে যে ভয় হয় তো সে বেশী পায় নি। তাকে হয় তো সে বিশ্বাস করে।

'কি ঠাকুরপো? কি বলছেন?'

‘বহন না একটু ? একলা থাকতে ভাল লাগছে না ।’

‘বসব ?’

‘একটু বহন । কথাবার্তা বলি ।’

‘অনেক রাত হয়ে গেছে । এখন ঘুমোইগে । আপনিও ঘুমিয়ে পড়ুন ঠাকুরপো ।’

হীরেন জোর দিয়ে বলল, ‘পাঁচমিনিট বহন ।’

দিগম্বরী ধীরে ধীরে গিয়ে কুক্ষেত্রের এলোমেলো বিছানার বসল । মুখের ডাব ভার ক্ষণে ক্ষণে বদলে যাচ্ছে । বারবার নড়ে চড়ে সোজা হয়ে বসছে, তুলে তুলে নামিয়ে নিচ্ছে মুখ ।

হীরেনের মনে পড়ল, যৌক এলে সে যাদের ঘরে মম্ব খেতে যায়, তারা এরকম করে না । তবে দিগম্বরী তাদের মত নয়, দিগম্বরীর অভ্যাস নেই । শশাঙ্ক ছাড়া দিগম্বরী কোন পুরুষকে জানে না, চেনে না, তার জগতে শশাঙ্ক ছাড়া কেউ নেই । তাই সে এরকম চঞ্চল হয়ে উঠেছে, একটু কাঁপছে । তবু তার তাকে দিগম্বরী ঘরে এসে বসেছে । শশাঙ্ককে সে চাকরি দেবে বলে । মাসে মাসে শশাঙ্কের মাইনের টাকাটা সে ভোগ করবে বলে—অবশ্য শশাঙ্কের সঙ্গে ভোগ করবে বলে ।

এখনো কি তার উপর বিশ্বাস আছে দিগম্বরীর ? এখনো সে কি আশা করছে, সত্যি সত্যি সে তাকে কথা বলবার জন্ম ঘরে ডেকে বসিয়েছে ? আরেকটু এগোনো বাক । আরও স্পষ্ট, আরও নির্ভুল মীমাংসা হয়ে যাক । তারপর এ স্বল্পণা থেকে সে ও বেচারীকে মুক্তি দেবে । আর পীড়ন করবে না ।

‘অত দূরে বসলেন কেন ? এখানে এসে বহন ।’

দিগম্বরী সাড়াও দিল না, উঠবার চেষ্টাও করল না ।

হীরেন একটা সিগারেট ধরাল । মদের বোতলের কথা তার মনেও ছিল না । সিগারেট ধরতে গিয়ে এতক্ষণে সে টের পেল তার হাতও থবু থবু করে করে কাঁপছে ।

‘আমি ভাবছিলাম কি জানেন ? সামনের বুধবার মাসের পরলা তারিখ, একেবারে বুধবার না হোক, সামনের সপ্তাহের মধ্যে যদি শশাঙ্কবাবু কাজে লাগেন মাসের পুরো মাইনেটা পাবেন ।’

‘সামনের সপ্তাহেই যাবেন, —সোম মঙ্গলবার ।’

‘সেই ভাল । এখানে এসে বহন না ?’

ওঠবার চেষ্টা দিগম্বরী করে । ওঠে না । হীরেন সিগারেটটা মেঝেতে ফেলে জুতা দিয়ে পিষতে থাকে । তারপর জুতা খুলে বিছানায় পা তুলে বসে । তারপর দিগম্বরী উঠে দাঁড়ায় । কিছুক্ষণ দাঁড়িয়েই থাকে । তারপর এক পা এক পা করে এগিয়ে হীরেনের বিছানার কাছে এসে দাঁড়িয়ে থাকে ।

আর একটু বাকী, তারপর হীরেন তাকে মুক্তি দেবে । হাতটি শুধু ধরবে একবার ।

হাত ধরলে দিগম্বরী কি করে দেখে সে হানিমুখে সহজভাবে বলবে ‘আচ্ছা, আপনি এবার যান।’

লঠনের কাছে আসার দিগম্বরীকে স্পষ্ট দেখাচ্ছে। হঠাৎ তার হাত ধরতে হীরেনের সাহস হল না। তার খেয়াল খেলার সীমানা পার হয়ে যেন একতরফে দিগম্বরী রক্তমাংসের মাহুঘ হয়ে উঠেছে। হীরেন কোনদিন ভাবতেও পারে নি মাহুঘ এমন রূপসী হতে পারে! কুমুরিয়া ঘুমিয়ে আছে—চারিদিকের সমগ্র কুমুরিয়া। এতবড় বাতীর একটি করে জেপে আছে শুধু সে আর এই মানবী। এত কাছাকাছি জেগে আছে।

দিগম্বরীর ডান হাতের কব্জি চেপে ধরার পর হীরেনের খেয়াল হল সে তার হাত ধরেছে।

‘বোসো।’

‘না।’

‘বসবে না?’

‘না। আমি যাই।’

হীরেন তার হাত ছেড়ে দিয়ে মাথা নীচু করে বলল, ‘আচ্ছা, যান। আমি ভোরে উঠেই চলে যাব।’

দিগম্বরী গেল না। চুপ করে দাঁড়িয়ে রইল!

‘শশাঙ্কদা গেলেই চাকরী পাবেন।’

দিগম্বরী তার পাশে বসল। দু’হাতের মুঠোর তার হাত ধরে বলল, ‘বাগ করলেন?’ তারপর দিগম্বরীই হাত বাড়িয়ে টেবিলের লঠনটা নিভিয়ে দিল।

বাইরের ডাকাডাকিতে ভোরে আগে ঘুম ভাঙল দিগম্বরীর। হীরেনকে তুলে দিয়েই সে ঘর থেকে বেরিয়ে গেল। ষিডকি দিয়ে পালিয়ে গেল কিনা কে জানে। সকলের আগে হীরেনের চোখ পড়ল টেবিলের উপর মদের বোতলটার দিকে। বোতলটা খোলাও হয়নি। তার মদ খাওয়ার ইতিহাসে এটা ঘটল এই প্রথম। মদ না ছুঁয়েও তার বেশ দিন কাটে, কিন্তু মদন স্মরণ করে তখন বেহুঁস না হয়ে ঘুমিয়ে পড়ার ক্ষমতা তার হয় না।

বাইরে সমানে ডাকাডাকি চলছিল। হীরেন গিয়ে সদর দরজা খুলেই দেখল, পুলিশ। বুকটা তার ধডাস্ করে উঠল।

তার জন্মই পুলিশ এসেছে। তবে তাকে ধরে নিয়ে যেতে নয়। কিছু খোঁজ-খবর নিয়ে, ককেন্দু সম্পর্কে তাকে কতকগুলি প্রশ্ন করে, পুলিশ বিদায় নিল। সার্ট গারে ধুতিপরী যে এই সব ঝিঞ্জাসাবাদ করল, তার কাছেই জানা গেল যে ককেন্দু আর মোহনকে কোন নির্দিষ্ট আইনে গ্রেপ্তার করা হয় নি। আদালতে তাদের

বিচার হবে না, জেলও হবে না। কোথাও শুধু আটক রাখা হবে, আর কিছু নয়।
ব্যাপার খুব সামান্য।

‘কৃষ্ণেন্দু এখানে এসেছে আপনারা খবর পেলেন কি করে?’

সে শুধু একটু হেসেছিল।

হীরেন একেবারে আন করে ফেলল। সমস্ত জগৎ কেমন যেন শান্ত, সহনশীল হয়ে গেছে। গভীর সন্তোষ যেন শুধু মন নয় দেহেরও সম্পদ। নতুন দিনের নতুন রোদ, হৃন্দর সোনালী রোদ, পৃথিবীর কোথাও স্ফোভের চিহ্ন খুঁজে পাচ্ছে না, জীবনের সীমাহীন প্রাস্তর কচি ঘাসে ছেয়ে গেছে। ফাঁকি নেই, নালিশ নেই, সন্দেহ নেই, বিচার নেই—সরল হয়ে গেছে বেঁচে থাকা।

দিগম্বরী চা করে দিল। নিক্কাক, উদভ্রান্ত, চিন্তাময়ী দিগম্বরী—নতুন বোটার মত লজ্জার ভারে সকাতির, স্নেহ-বিহ্বলা দিগম্বরী।

হীরেন উৎসাহের সঙ্গে বলল, ‘আরে এ কি! ওসব কিছু নয়, বোঠান।’

শুনে দিগম্বরী একেবারে কঁদে ফেলে নালিশ জানাল, ‘আপনার কাছে কিছু নয়।’

‘আহা, আপনি বোঝেন না কিছু। ওসব মানুষের জীবনে ঘটে যায়। আমাদের দুজনেরি এটুকু স্বাধীনতা, একটু অধিকার আছে। আপনি খারাপ ছিলেন না, খারাপ হয়েও যান নি।’

‘আমার যে স্বামী আছে ঠাকুরপো?’

‘আমারও তো স্ত্রী আছে।’

‘আপনার কথা আলাদা। আপনি পুরুষ মানুষ।’

‘আপনিও পুরুষ না হন—মানুষ।’

দিগম্বরীও এক কাপ চা খেল। চোখের জল শুকিয়ে গেল চোখেই। উদভ্রান্ত ভাব কেটে গিয়ে এল থমথমে ভাব। কোনরকম অল্পমনস্কতা তার দেখা গেল না। কিন্তু মনে হল একটা কথাই সে ঘুরিয়ে ফিরিয়ে উল্টে পাল্টে ভাবছে।

‘আজকেই চলে যাবেন তো?’

‘তাই ভাবছি। থেকে আর কি করব!’

দিগম্বরীর চোখে ঝিলিক খেলে গেল।

‘না থেকে আর কি করবেন?’

হীরেন সিগারেট ধরাচ্ছিল, প্রক্রিয়াটা সমাপ্ত হলে খুব অন্তরঙ্গ ভাবে নীচুগলায় আপনজনকে মনের কথা শোনানোর মত সরলতার সঙ্গে বলল, ‘কি জানেন, বোটার জন্ম বড় মন কেমন করছে। মনটা কেমন বিগড়ে গিয়েছিল, অনেকেদিন বোটার সঙ্গে ভাল ব্যবহার করি নি। সেজন্যও আরও তাজাতাডি যেতে হচ্ছে করছে।’

‘আপনার বোঁ খুব হৃন্দরী, না ঠাকুরপো?’

‘সে তো দেখতেই পাবেন।’

দিগম্বরী রান্না করতে গেল। সকালের গাড়ী আর ধরা যাবে না, একটার গাড়ী ধরতে হলে খেয়ে দেয়ে এগারটার মধ্যে হীরেনের রওনা হওয়া দরকার। গরুর গাড়ী ঠকর ঠকর করে চলবে। একটার গাড়ীতে গেলেও আজকাল মমতার সঙ্গে দেখা হবে, তার বাড়ী অথবা বাপের বাড়ী যেখানেই সে থাক। দিনে দেখা হওয়ার চেয়ে একান্তে সমস্ত রাজির জন্ত দেখা হওয়াই ভাল। তবু দীর্ঘ দিনটা কাটাবার চিন্তায় হীরেন একটু অসহিষ্ণুতা বোধ করে। তার শাস্ত সন্তুষ্ট চিন্তে শুধু এই একটি অস্থিরতা দেখা দিয়েছে।

যাবার আগে রক্তার সঙ্গে একবার দেখা করে যাওয়ার দরকার। রক্তার মনে নিশ্চয় খুব আঘাত লেগেছে। বাপের মৃত্যুর প্রতিশোধ নেওয়ার জন্ত সে প্রায় ক্ষেপে গিয়েছিল। সে ব্যবস্থা তো ভেঙে গেলই, বেচারার ভাইটিকে পর্যন্ত পুলিশে ধরে নিয়ে গেল।

জামা গায়ে দিয়ে হীরেন বেরোবার জন্ত প্রস্তুত হচ্ছিল, দিগম্বরী এসে বলল, 'ঠাকুরপো, ঠকে তো একটা টেলিগ্রাম করে দিলে হয় আজকেই ফিরে আসবার জন্তে?' 'তা হয় বৈকি।'

দিগম্বরী সাগ্রহে বলল, 'তবে একটা টেলিগ্রাম লিখে পাঠিয়ে দিন ঠাকুরপো। ঠুর স্বভাব কি জানেন, বাড়ী ছেড়ে থাকতে পারেন না, নেশাটেশা আরম্ভ করে দেন। বড় ভাবনা হচ্ছে আমার।'

'ঠিকানা জানেন তো? ঠিকানাটা দিয়ে দেবেন, যাবার সময় স্টেশনে টেলিগ্রাম করে দেব।'

দিগম্বরী মাথা নেড়ে বলল, 'সে বড় দেবী হয়ে যাবে। হয় তো আজকে ফেরবার গাড়ী পাবেন না। এখনি পাঠিয়ে দিন। ও বাড়ীর শজুর সাইকেল আছে, ক'গুণ পরসা দিলেই যাবে।'

সদর দিগম্বরীর এক পিসীর বাড়ীতে শশাঙ্ক উঠেছে। শশাঙ্ককে আজকেই ফিরে আসবার জন্ত দিগম্বরীর জোরালো তাগিদ জানানোর বার্তা ও ঠিকানা প্রভৃতি একটা কাগজে দিখে হীরেন বলল, 'আমি তো শজুর বাড়ী চিনি না।'

'কাছেই বাড়ী। সদর থেকে দেখিয়ে দিচ্ছি চলুন।'

'শজু ইংরেজী জানে তো বোর্ঠান? ফর্শে সব ঠিকমত লিখতে পারবে তো?'

'ছ'বার ম্যাট্রিক ফেল করেছে, ইংরেজী জানেনা! ওনার মত, আপনার মত অবিভ্রি জানেন না, তবে মন্দ জানে না।'

শজুকে দেখেই হীরেনের মনটা খুসী খুসী হয়ে উঠল। বছর কুড়ি বয়সের স্ত্রী সরল তরুণ, স্বগঠিত স্বন্দর দেহ। সোজা মুখের দিকে তাকায়, নিম্নজ্জের মত কথা বলে, কাচুমাচু করে না।

'আপনার টেলিগ্রাম হলে একটাকা লাগবে, দিগুদি'র হলে ছ'আনা।'

‘আমি কি অপরাধ করলাম ?’

‘আপনি বডলোক । আপনাকে কনসেশন দেব কেন ?’

‘বেশ, আমি তা’হলে দু’টাকা দিচ্ছি ।’

শম্ভু মাথা নেড়ে বলল ‘এক টাকা । কাজ করে পয়সা নেব, ভিক্ষে তো নিচ্ছিনা আপনার কাছে ।’

‘আচ্ছা, আচ্ছা, এক টাকা নিও । অত মেজাজ করো না ভাই । ভাল মানুষ কখনো মিছিমিছি মেজাজ গরম করে না ।’

শম্ভু একটু অবজ্ঞার হাসি হাসল।—‘মেজাজ করিনি । আপনার কাছে সবাই মিন মিন করে কথা কয়, কেউ সোজা স্পষ্ট কথা বললে আপনার মনে হয় মেজাজ দেখাচ্ছে ।’

‘বিনয় মান না ? ভদ্রতা ?’

‘বিনয় মানে তো নেকামি ? একেবারে নেতিয়ে পড়া ? এসব বিনয় আর ভদ্রতার ধার ধারি না মশায় । বেশী বিনয় করতে গিয়েই তো আমরা গেলাম, কেবল সেলাম ঠুকতে ইচ্ছে হয় ।’

হীরেন দাঁড়িয়ে কিছুক্ষণ শম্ভুর সাথে আলাপ করল । শম্ভুর বাবা সম্প্রতি মারা গেছেন । মা মাসী ভাই বোন ভাগ্নে ভাগ্নিরা আছে । আর আছে কিছু জমি । শম্ভু জমি চাষ করায় আর তার সাইকেল চেপে গ্রামে গ্রামে ঘুরে অর্ডার সংগ্রহ করে, তারপর একদিন সদরে গিয়ে সব কিনে আনে ।

হীরেন মনে মনে ভেবে রাখল, কিছুদিন পরে একবার এই ছেলেটির খবর নিতে হবে ।

তারপর খানিকটা ভদ্রতার খাতিরে আর খানিকটা কর্তব্যবোধে হীরেন দেখা দিতে গেল রস্জাকে । একটু সহানুভূতি জানাবে । টাকা পয়সার দরকার আছে কিনা জিজ্ঞাসা করবে ।

নিজের ভাবেই সে মসগুলা । জীবনটা ভাল লাগছে । এক রাজ্জ ফুৎকারে উড়ে গিয়েছে সব স্কোভ । মন পাক খাচ্ছে বিরহিনী মমতাকে কেন্দ্র করে । মমতা অবাধ হবে, চমকে যাবে, খুসীতে নেতিয়ে পড়বে তার বুক, হাসি মুখে আর ছল ছল চোখে । আনমনে সে পথ চলে । গাঁয়ের চাপা উত্তেজনা আর চাঞ্চল্য কিভাবে প্রকাশ পাচ্ছে, একক মাল্লুষের মুখে, ঘরের দাওয়ান, ফকিরের মুদি দোকানের সামনে, রামঘোষের বাজীর দক্ষিণে বটগাছ তলায় দু’চার দশজনের জমায়েৎ হয়ে আলাপ করার ভঙ্গিতে, কৃষ্ণেশ্বর বন্ধু সে তার দিকে চাউনির রকমে—এসব কিছুই তার চোখে পড়ে না ।

বাইরে ছিল জীবনলাল । রস্জাকে ডেকে দিতে বলায় সে ইতস্ততঃ করে বলল, ‘আপনিই বরং ভেতরে আসুন বাবু । ওর মেজাজটা ভাল নেই । মোরা কথা কইতে গেলে কামড়ে দিতে আসে ।’

রক্তাকে দেখাল খমখমে। দাওয়ার উঠবার সিঁড়িতে পা রেখে সে বসেছিল, হীরেনকে দেখে নড়ল না, কথাও বলল না। মুখ ঝাঁকিয়ে ভুরু পাকিয়ে কোণাচোঁচে চেয়ে রইল একটি কলাগাছের আধলুকানো মোচাটির দিকে। দাওয়ার কোণে খুঁটিতে টেস দিয়ে বসে নরেশ নতুন একটি খড় চিবোচ্ছিল। এখানে এসে নতুন খড়ের বিচিত্র স্বাদে তার মন ভুলেছে। যখন তখন খড় মুখে পুরে চিবোতে থাকে।

‘আমি তো আজ যাচ্ছি রক্তা!’

রক্তা সাড়া দিল না।

‘ভারি দুঃখের ব্যাপার হল রক্তা। এমন হবে কে ভাবতে পেরেছিল বল। পুলিশ এমন আচমকা গুদের ধরে নিয়ে যাবে—’

রক্তা একবার তাকিয়ে মুখ ফিরিয়ে নিল।

হীরেন দরদ বোধ করল অনীম। রক্তার দুঃখের সত্যই তুলনা নেই। ও যে এমন মুহূমান হয়ে পড়বে তা আর আশ্চর্য্য কি। সাম্বনা দেবারও কিইবা আছে ওকে!

‘মন খারাপ কোরো না রক্তা। সব অবস্থাতে শক্ত থাকবে এই তো চাই আমার তোমার কাছে। আমার যা করার আছে তা আমি করব। কেউ আর তোমার ডায়ের জন্ম যত টাকা লাগে খরচ করব। তুমি বরং কিছু টাকা রেখে দাও— মরকার হতে পারে।’

এবার রক্তা ফেটে গেল।

‘আপনার টাকায় আমি মৃত্যু দি। লজ্জা করে না? বেহায়া, বজ্জাত কোথাকার। মাতাল, বিশ্বাসঘাতক!’

হীরেনের দুটি কান দুটি ভাঙ্গা কাঁসির মত বন্ বন্ করে বাজে। মানসিক ভূমিকম্পে হুড়মুড় করে ভেঙে পড়তে থাকে তার আত্মতৃপ্তির বিরাট মহল। মাতাল! বিশ্বাসঘাতক! রামপাল রক্তার স্বামী। কাল সে রামপালকে সন্দী করে মদ খেতে গিয়েছিল হেরেশের বাড়ী। সে মাতাল, সে বিশ্বাসঘাতক!

কি বিশ্বাসঘাতক রামপাল! একসঙ্গে তারা মদ খেয়েছে তবু রামপাল প্রকাশ করে দিয়েছে তার গত রাত্রির উন্মত্ততার কথা। কিছা অল্প ভাবে প্রকাশ পেয়েছে? হেরেশের চাকর হয়তো গল্প করেছে। গাঁয়ের কেউ হয়তো দেখেছে। গাঁয়ের সবাই হয়তো জানে তার অপকীর্তির কথা— হেরেশের সঙ্গে কৃষ্ণেন্দুর বন্ধুর দহরম মহরমের কাহিনী হয়তো ছড়িয়ে গিয়েছে দিগদিগন্তে!

‘চুপি চুপি ছুরি মারলেই হত কেউবাবুর পিঠে? বজ্জাঘাত হয় না আপনার মত লোকের মাথায়? সাপে কামড়ায় না আপনাদের? কুষ্ঠ হয় না?’

হীরেন প্রায় কাতর ভাবেই প্রতিবাদ জানায়, ‘তুমি বড় বাড়াবাড়ি করছ রক্তা। আমি মাতাল হতে পারি, বিশ্বাসঘাতক নই!’

রত্না ব্যঙ্গ করে বলে, 'ননু ? শত্রুরের সঙ্গে চুপি চুপি ভাব করে বন্ধুকে পুগিয়ে ধরিয়ে দেওয়া কেন বিশ্বাসঘাতকতা হবে ! ও খুব ভাল কাজ।'

হীরেনের মনে কথা জাগে : 'আমার জন্ম কেটির এতটুকু ক্ষতি হয় নি রত্না। আমি শুধু হেরশ্বের সঙ্গে মদ খেয়েছি' কিন্তু মুখে তার শব্দগুলি উচ্চারিত হয় না। মনের মধ্যেই সে যেন রত্নার ঝাঁঝালো জবাব শুনতে পায় : 'তা বৈকি। বন্ধুর শত্রুরের সঙ্গে, খুনের সঙ্গে বসেই তো লোকে মদ খায় ! বন্ধু যাকে শাস্তি দেবে পরদিন, তার সঙ্গে রাত্তির বেলা চুপি চুপি আড্ডা দিতে যায়।'

হীরেন ধীরে ধীরে চলে যায়, রত্না তাকে শুনিয়ে বলে, 'যান্ যান্। কোথায় পালাবেন ? সবাইকে বলব আপনার কীর্তির কথা। কলকাতা গিয়ে চান্দিকে রটাও, সবাইকে চিনিয়ে দেব আপনি কেমন ধারা লোক, যে যেখানে আছে।'

কত করন্যা নিয়ে আজ ঘুম ভেঙেছিল হীরেনের। কি তেজ সঞ্চার হয়েছিল তার রক্তে, কি উৎসাহ জেগেছিল মনে, সব বাধা সরিয়ে কিতাবে উৎসারিত হয়ে উঠেছিল নিজের মধ্যে। ফিরে পেয়েছিল বিশ্বাস, পথ খুঁজে পেয়েছিল অস্রান্ত আত্মোপলক্ষিতে। সব এখন ভেঙে গেছে, ফেঁসে গেছে, চূপসে গেছে, উপে গেছে।

মমতা শুনবে তার এই অমার্জনীয় অপরাধের কথা। আরো বেশী তাকে ঘৃণা করবে মমতা।

না শুনলেই বা কি। তার মত অপদার্থ, অসংযত, কাণ্ডজ্ঞানহীন মানুষকে এমনিই ঘৃণা করবে মমতা। ঘৃণা সে করছে—চিরদিন করবে। ঘৃণাটা মনের ভেতরে চেপে রেখেছে এখন, তার এই কাণ্ডের কথা শুনলে সেটা ধৈর্যের বাধ ভেঙে পেরিয়ে আসবে, জন্মের মত তাকে সে ছেড়ে যাবে।

হীরেন বুঝতে পারে যে এতদিনে সে বুঝতে পেরেছে মমতা কত উঁচুতে আর সে কত নীচুতে, মমতার কাছে সে কত হীন, কি স্বর্গ ও নরকের পাথক্য তাদের মধ্যে। অশ্রদ্ধা ছাড়া আর কি তার পাওয়া সম্ভব মমতার কাছে ?

হীরেন দুঃখ পায়, অহুতাপ হয়। হতাশায় বিধাদে ঝিমিয়ে পড়ে। রাগে অভিমানে ফুঁসে ওঠে। হিংসায় জ্বলে যায়। তাই যদি হয়, এমন যদি সে অমানুষ, দেবতা ক্লেশেন্দু কেন এল তার জীবনে, কেন বন্ধু করল তাকে ? কেন দেবী মমতা তাকে বরণ করল স্বামীর পদে ? কি দরকার ছিল ওদের তাকে এভাবে কষ্ট দেবার, তার জীবনটা নষ্ট করবার ? খারাপ লোক সে খারাপ হয়েই থাকত। খারাপ লোকের সঙ্গে মিশে, খারাপ কাজ করে, মনের ক্ষুণ্ণিতে জীবন কাটিয়ে দিত হেঁচ খেলে।

সবাই ষড়যন্ত্র করেছে তাকে অস্থিী করতে। বিশ্বসংসার তার বিরুদ্ধে। সে একা, তার কেউ নেই। হায়, কেন সে বেঁচে আছে।

বাড়ীর কাছাকাছি সাঁ সাঁ করে সাইকেল এসে তার নাগাল ধরে ব্রেক কবে থেমে

যায়। শজু টেলিগ্রামের টাকা কিরিয়ে দিয়ে বলে, ‘আজ যেতে পারলাম না হীরেন বাবু, মাপ করবেন। জরুরী কাজ পড়েছে।’

দিগম্বরী টেলিগ্রামের সঙ্গে হীরেন নিজেও একটা টেলিগ্রাম পাঠাতে চেয়েছিল মমতীর নামে, সে যাচ্ছে এই খবর দিয়ে। কাগজ দুটি সে ছিঁড়ে ফেলে।

শজু বলে, ‘আপনি তো বুঝতেই পারছেন। চান্দিকে হৈ চৈ পড়ে গেছে। আমি জানতাম না, এইমাত্র খবর পেলাম। অরাজকতা সত্যি আর সয় না হীরেন বাবু। বিনা পথে, অযত্নে, অচিকিৎসায় সূর্যাদা মারা গেল। মহীউদ্দীনের বাবা মরল জেলে। মোহনের বাবা খুন হল। তারপর কাল রাতে কেঁপেবাবু আর মোহনকে অ্যারেস্ট করা হল। ওরা কি খেলা পেয়েছে? আমরা আর সহিব না। আমি মোহনের মলের মেসার। মহীউদ্দিন আমাদের সেক্রেটারী। ও আমায় গাঁ ছেড়ে কোথাও যেতে বারণ করেছে।’

শজু দম নিয়ে যোগ দেয়, ‘আপনিও থেকে যান না হীরেন বাবু? এ সময় চলে যাবেন?’

‘দেখি ভেবে।’

ভেবে দেখবার কিছু ছিল না। কৃষ্ণেন্দু আর মোহনের গ্রেপ্তারে গ্রামে যদি উত্তেজনার সঞ্চার হয়ে থাকে, প্রতিহিংসা নিতে রজা তার বিশ্বাসঘাতকতার গল্প প্রচার করার আগেই তার চলে যাওয়া ভাল গ্রাম ছেড়ে। মিথ্যা হলেও রজার কথা সবাই বিশ্বাস করবে।

গরুর গাড়ীর কিচ কাঁচ শব্দ করে ছিঁ ছ্যা, ট্রেনের আওয়াজে প্রতিধ্বনিত হয় পালান, পালান! ইউরোপীয় স্বামী স্ত্রী দুটি স্নান সংক্ষিপ্ত ভাষায় গল্প করছে, ঠিক কোন দেশের লোক তারা অনুমান করা যায় না। পাঁচ ছ’বছরের ছেলেটি জানালায় কনুই পেতে দু’হাতের তালুতে মুখ রেখে একভাবে তাকিয়ে আছে বাইরের চলমান জগতের দিকে। বেশ একটু ঝুঁকেই আছে। ভয় করে না ওর বাপমার? হঠাৎ যদি পড়ে যায়?

সরে গিয়ে কাছে বসাকা মোটেই অস্বাভাবিক হবে না। তারপর ছেলেটাকে আরেকটু উঁচু করে চোলের পলকে বাইরে ঠেলে দেওয়া, টাংকার করে লাফিয়ে উঠে চেন টেনে গাড়ী থামানো। কত সহজ, কত সংক্ষিপ্ত! স্বামী প্রায় চোখ বুজে কথা বলছে, মুখে পাইপ ঝুলছে শিথিল ভাবে, স্ত্রী তাকিয়ে আছে স্বামীর মুখের দিকে। কত নিরাপদ, কত স্বাভাবিক ছেলেটাকে বাইরে ঠেলে দেওয়া!

কিন্তু অসম্ভব। একেবারেই অসম্ভব।

মনে দাঁড়িপাল্লা খাড়া করে হীরেন ছেলেটিকে এক পাল্লায় আর হেরষকে অল্প পাল্লায় চাপায়। কোন দিকে পাল্লা নামে না—নিখিল নিশ্যাপ একটি কচি ছেলে আর অত্যাচারী খুনে হেরষের সমান ওজনের টানে দাঁড়িপাল্লা ধর ধর করে কাঁপে; নিরপেক্ষ

মৃত্যুকে জীবনের হিংসা ও প্রেমের আপেক্ষিক বাস্তব খেলায় হীরেন বোগ দেওয়ালে পড়ে না।

খড়গপুরে নেমে মেল ধরেছে। চেন টেনে ট্রেন থামিয়ে হীরেন ডাইনিং কারে যায়। জরিমানা দিয়ে মদ খাবে। হেরশের দেওয়া বোতল দিগম্বরীর বাতীতেই রয়ে গেছে। ভালই হয়েছে। নইলে কি এই অ্যাডভেঞ্চার তার জুটত—মদ খাবার জন্য পাড়ী থামিয়ে গুলগোল সৃষ্টি করা।

হাওড়ায় নেমে হোটলে যায়। আরও মদ খেয়ে চেনা মেয়েটার ঘরে যাবে। রাত নটায় তার খেয়াল বদলে যায়। মমতার জন্য মায়া জাগে। মমতা: স্বাপনা মুখ বুক কাঁধ পিঠ কোমর নিতম্ব উরু বড কাম্য, বড কমনীয় মনে হয়। নিজের বোকামির কথা ভেবে তার হাসি পায়। কি ছেলেমানুষীই সে করেছে সাগাদিন—সংসার-অনভিজ্ঞ ভাবপ্রবণ কিশোর প্রেম-পাগলার মত। পুরুষ হয়ে একটা মেয়ে মানুষকে, নিজের বিয়ে করা বৌকে, বশ করার কৌশল যদি না জানে তবে সে কিশোর পুরুষ! অস্তুর কাছে মমতার গুনবার অপেক্ষায় তার থাকবার দরকার? নিজেই সে মমতার কাছে সব খুলে বলবে। বলবে, মমু, তোমার জন্য আমার মাথা ধরাপ হয়ে যাচ্ছে মমু! তোমার জন্য আমি মদ ধরেছি, তোমার জন্য দিগম্বরীর মত দ্বীলোককে প্রশ্রয় দিয়েছি। আমি ভুবে যাচ্ছি মমু, আমায় ঠাচাও।

শুনে মমতা নিশ্চয় গলে যাবে।

আরিয় মোটে ক’দিন আগে জেল থেকে ছাড়া পেয়েছে। ছাড়া পাবার আগে তার সারা গায়ে অনেকগুলি ছোট বড ফোঁড়া উঠেছিল। কতগুলি বসে গিয়েছে, কতগুলি পেকে ফেটে গিয়েছে, দু’একটা যা আছে সেগুলি বসে যাবে না পাকবে ঠিক বোঝা যাচ্ছে না। ফোঁড়ার জন্য নিজেকে আরিয়ের সব সময় কেমন নোংরা মনে হয়, দিনে সে তিন চার বার স্নান করে। মাঝখানে একটু জ্বর হয়েছিল, তখনও বাদ দেয়নি।

সকালে সবে সে স্নান করে উঠেছে, মমতা এল। কয়েকটি ফোঁড়ার ধা তখনো ভাল করে শুকায় নি। মমতাই গরম জলে ধুয়ে ঘাড়ে আর ফোঁড়ায় মলম লাগিয়ে দিল।

‘আমি মুসলমান হতে পারি না আরিয়?’

‘না। মুসলমানী হতে পার।’

‘কত শীগগির হতে পারি?’

‘যত শীগগির তোমার খুসী।’

‘তাহলে চটপট আমাকে মুসলমান করে নাও। তারপর চলো আমরা একবার স্মৃতির বাই।’

জেলে আরিফ গৌফ রেখেছিল সখ করে। গৌফের জন্ত তার মুখের চেহারা আশ্চর্যরকম বদলে গেছে। যাবার সময় আব্দুল বুলিয়ে তার গৌফটা পরীক্ষা করে মমতা বলে, 'কাল গৌফটা কামিয়ে ফেলো।'

কৃষ্ণেন্দু আর মোহনলালের গ্রেপ্তারের খবর মুখে মুখে ছড়িয়ে গিয়ে চারিদিক সরগরম হয়ে উঠল। সকলের মধ্যেই কম বেশী তীব্র প্রতিবাদ গুমরে উঠল, একি অজ্ঞায়! একি অবাধ, বে-আইনী আচরণ পুলিশের, হেরষের। দেশভক্ত ত্যাগী একজন নেতা এলেন তাদের গাঁয়ে তাদের ভালর জন্ত, বিনা কারণে চুপি চুপি তাকে ধরে নিয়ে যাওয়া তাদের মধ্য থেকে। কোন হান্সামা হয় নি, কোন বে-আইনী ব্যাপার ঘটে নি, একটা সভা পর্য্যন্ত করা হয় নি। কেন তবে গ্রেপ্তার হবে কৃষ্ণেন্দু আর মোহনলাল, আটক থাকবে বিনা বিচারে? কেন চলবে হেরষের এ কারসাজি? সরকার কি হেরষের হাতের পুতুল? কৃষ্ণেন্দু আগে একবার এসে লড়াই করে গিয়েছিল চাষীদের জন্ত। মোহনলাল চাষীদের মধ্যে কাজ করছিল। হুঁজনে ধরা পড়ায় চাষীদের মধ্যে রীতিমত উত্তেজনা দেখা দিল। জালালুদ্দীন মারা গিয়েছিল নিমুনিয়ায়। কিন্তু জেলে মারা যাওয়ায় সকলের মনে সে শহীদের স্থান পেয়েছে। এ মনোভাব সকলের মনে আরও স্পষ্ট হয়েছে বীরেশ্বরের কারামুক্তির দিন সূর্যের নেতৃত্বে জালালুদ্দীনের স্মৃতিকে সম্মান জানিয়ে যে শোভাযাত্রা ও সভা হয়েছিল তার ফলে। সূর্য্যও আজ বেঁচে নেই। শোভাযাত্রার সামনে ছিল জালালুদ্দীনের ভাই মহীউদ্দীন। মোহনলালের দল তাকে নেতা করে কোমর বেঁধে লেগে গেছে সকলের অসন্তোষকে আরও গভীর আরও তীব্র করে তুলবার কাজে।

বীরেশ্বরের অপমৃত্যুতেও চারিদিকে এমন সাদা জাগে নি। চাঞ্চল্য সৃষ্টি হয়েছিল যথেষ্ট, কিন্তু এমন উত্তেজনা দেখা দেয় নি। ও যেন খানিকটা ছিল হেরষ ও বীরেশ্বরের ব্যক্তিগত কলহের ব্যাপার। হেরষ অত্যাচার করছিল সভা, বীরেশ্বর একা নিজের জন্ত লড়তে যায় নি তাও সভা, কিন্তু তবু হান্সামাটা হয়েছিল বীরেশ্বরের জন্তই। হেরষের মত অত্যাচারীকে প্রকৃতির একটা অনিবার্য উৎপাতের মত মেনে নেবার সংস্কার আজও লোকের কেটে যায় নি। ক্ষমিদার, ধনী আর প্রতিপত্তি-শালীদের সঙ্গে আজও তো লড়াই একরকম হয়নি দেশের লোকের, ওদের অত্যাচারের বিরুদ্ধে লড়বার প্রেরণাও যোগান নি নেতার। সুদীর্ঘ স্বাধীনতা সংগ্রামের ঐতিহ্য সৃষ্টি হয়েছে, কিন্তু হেরষদের সঙ্গে সংগ্রামের ঐতিহ্য তো নেই-ই, বরং আছে মুখ বুজে সব সয়ে যাবার অভ্যাস। তারপর ছিল এই মুক্তি যে দাঙ্গা বাধবার উপক্রম সেদিন সভাই হয়েছিল এবং বীরেশ্বরের মৃত্যু ছিল রহস্যজনক, ঠিক কে তাকে মেরেছিল নিঃসন্দেহে জানা যায় নি। বীরেশ্বরের মৃত্যু নিয়ে তাই হৈ চৈ হয়েছিল কিন্তু ব্যাপক কোভ ও অসন্তোষ মাথা চাড়া দিয়ে ওঠেনি। নেপথ্যে ছিল।

কিন্তু কৃষ্ণেন্দু নেতা। মোহনলাল শ্রিয় এবং একটি জনশ্রিয় দলের নেতা।

অনাথের দলের কয়েকজন ছেলে মোহনলালের দলে এসে যোগ দিয়েছে। হেরঘের কাছে খেলার মাঠের জন্ত টাকা নেওয়া আর ভবিষ্যতে এটা ওটার জন্ত আরও টাকা পাবার ভরসা পাওয়া তারা পছন্দ করে নি। টাকা নেওয়ার ব্যাপারেও অনাথ ও সহদেব কেমন যেন রহস্যময়, হিসাবের ব্যাপারে শিথিল। কৃষ্ণেন্দুর আগমনে এরা ক'জন ছাত্রাও দলের আরও অনেকে উত্তেজিত হয়ে উঠেছিল, যোগ দিতে উৎসাহী হয়ে উঠেছিল কৃষ্ণেন্দুর সঙ্গে। নেহাৎ দলপতিদের খাতিরের পেরে ওঠেনি। কৃষ্ণেন্দুর গ্রেপ্তারের খবর পেয়েই এরা ক'জন মহীউদ্দীনের কাছে গিয়ে জানিয়ে দিয়েছে তারা এদলে আসতে চায়। তারপর একে দু'য়ে আরও কয়েকজন আসতে আরম্ভ করেছে।

ক্রমে ক্রমে খবর ছড়ায়, বেলা বাডার সঙ্গে উত্তেজনাও বাড়ে। প্রথমে বিচ্ছিন্ন ভাবে, ছোট ছোট জমায়েতে।

দু'জনের গাড়ী পাশ কাটাবার সময় কার্তিক বলে পাঁচুকে, 'খবর জানিস পাঁচু?'

'হাঁ। শুনলাম খবর। কাজে যেতে মানা করেছে।'

'কে মানা করেছে?'

'কানাইবাবু। সিদে কথা বলে দিয়েছে, রাস্তায় খাটতে যাসনি পাঁচু, খবর্দার।'

'বটে? তবে তো কাণ্ড হবে আজ!'

গাড়ী খামিয়ে দু'জনে উত্তেজিত ভাবে আলোচনা করে। কক্ষের তামাক দিয়ে নারকেল ছোবড়া তাল পাকিয়ে আশ্বিন করে তামাক খায়। ভক্তলোক বেতে দেখলে সবিনয়ে সাগ্রহে জানতে চায় ঘটনা কি আর স্বদেশী বাবুবা কি করবে আজ, জানা কথা আরেকবার মন দিয়ে শোনে, ঠিক কি ঘটবে জানতে না পারার কল্পনা করে বীরেশ্বর যেমন হুকু করেছিল তেমনি একটা দাগা হাঙ্গামা, নবতো ক'বছর আগে পাঁচনিখের খানা পুড়িয়ে দেবার মত কোন ব্যাপারের সম্ভাবনা!

জগৎ দাসের ছেলে শিশু, বীরেশ্বরের হাঙ্গামার দিন সন্দি অরের জন্ত বাড়ী থেকে বার না হলেও যে দয়্যা পড়ে জরিমানা দিয়ে ছাত্রা পেয়েছিল, হঠাৎ সে উর্জ্বাসে বাড়ী থেকে বেরিয়ে যাচ্ছে দেখে জগৎ ডেকে বলে, 'কোথা যাস? এই শিশু! কোথা যাস? তুই?'

'দেখে আসি কি ব্যাপার।'

'না, তোর যেতে হবে না। ওসব ব্যাপারে তোর সিয়ে কাজ নেই। বাড়ীতে বসে থাক। ছাপ মারা হয়ে আছিস, খেয়াল নেই? কিছু হলে পুলিশ সবার আগে তোকে ধরবে।'

'সে তো বাড়ী বসে থাকলেও ধরবে।'

শিশু উধাও হয়ে যায়। বাপের প্রাণের শব্দা নিয়ে জগৎ যতক্ষণ দেখা যায় তার

দিকে চেয়ে থাকে, তারপর সামনে দাঁড়ানো কারো প্রস্তাবে সায় দেবার ভঙ্গিতে মাথা নেড়ে নিজের মনে বিড় বিড় করে বলে, নাগকে। এমনিও যা, ওমনিও তাই। যাকগে। সেই থেকে ক্ষেপে আছে ছেলেটা এই বা ভাবনা। যাকগে।

খানিক ভেবে আবার বলে, আমিও যাই তবে। দেখে আসি। ধরে তো আমারও নয় ধরবে।

স্বদেবের দাওয়ায় বলাইচরণ, রামপদ, নিখিল, অবিনাশেরা প্রতিদিন জডো হয় ভোরে, সূর্য্য কয়েক হাত উপরে উঠে ভালো করে আলো হলেই তাদের আড্ডা ভাঙে, যে যার বাড়ী যায় দোকানে সওদা কেনার দরকার থাকলে কিনে নিয়ে। রামপদ, নিখিল আর অবিনাশ মধ্য-ইংরাজী স্কুলের মাস্টার, অঙ্ক, ইংরাজী আর বাংলার। উপাধ্বন তাদের যথাক্রমে ভেইশ, সাড়ে চব্বিশ আর উনিশ। তিনজনকেই অবশ্য কাগজে কলামে লিখতে হয় বেশী, স্কুলের গ্রান্ট বজায় রাখার জ্ঞান। তদ্রতা বজায় রেখে বেঁচে থাকতে প্রাণ তিনজনের বোরয়ে গেছে। আজ তাদের আড্ডা ভাঙতে অনেক দেরী হয়। রামধনের চালা ডিঙিয়ে দাওয়ায় রোদ এসে পড়ার অনেক পরেও তারা ওঠে না। আবহুলের বাইশ বছরের ছেলে রহমান খবর ছড়ানোর কাজে বেরিয়ে আবেদন জানিয়ে গেছে, স্কুলটা বন্ধ রাখার চেষ্টা যেন মাস্টার মশায়রা করেন। স্কুলে যেন তাঁরা না যান আর বটতলার সভায় উপস্থিত থাকেন। স্কুল বন্ধ রাখার, এমন কি স্কুলে না যাবার ক্ষমতা রামপদ, নিখিল আর অবিনাশের নেই, হেরষের স্বপ্নের সে স্কুল। কিন্তু মনে মনে তাঁরা টের পান, তাঁদের কিছুই করতে হবে না, স্কুল আপনা থেকেই বন্ধ থাকবে। সে দিনকাল তো আর নেই। স্কুলের আট বছরের ছেলে পর্য্যন্ত আজ দল বেঁধে স্কুল বন্ধ করার কার্যদা জানে।

‘যাক বাবা, আজ তাহলে ছুটি।’ রামপদ বলেন।

‘তারকবাবু না খালি স্কুলে আটকে রাখেন চারটে পর্য্যন্ত।’ বলেন অবিনাশ।

‘তারকবাবু স্কুলে ঢুকতে পারেন কি ছাখে আগে।’ নিখিল বলেন।

স্বদেব কম্পাউণ্ডার ডাক্তার, হাতবশ মন্দ নয়। কোন গোলমালে সে কখনো যায় না, কিন্তু নিজের ঘরে আর রোগীর বাড়ীতে সে খানিকটা স্বাধীনচেতা আর স্পষ্টবাদী। বিশেষ ক্ষেত্রে ছাড়া কাউকে খাতির করে কথা কয় না।

‘তোমরা দেখছি ছুটি পেয়েই খুসী। ছুটিটাই তোমাদের বড় হল, অ্যা ?’

‘নিশ্চয়! হেরষ ব্যাটা অপঘাতে মরলে ওর অনারে কবে ছুটি পাব দিন গুণছি।’

‘তোমরাই তো সায় দিয়েছিলে স্কুলে ধর্ম্মঘট করার জন্তে ডুদেবকে স্কুল থেকে তাড়িয়ে দিতে।’

‘সায় দিই নি। চূপ করে ছিলাম। মনে মনে বলছিলাম, ওরে শালা তারকবাবু, কবে তোম শ্রাক্ষের নেমন্তর খাব।’

‘সভা করবে বলেছে। সভা করে কি হবে?’ ফুলের কেরাপী বলাইচরণ বলে, তার শীর্ণ মুখখানি হতাশায় ঝাঁক করে।

‘সভাতেই কাজ হয়। সবাই একত্র হয়। আজ কি ভাবছ সেরকম সভা হবে, শুধু ছোটো বকুতা আর হাততালি? তৈরী হয়ে আসবে সবাই। ছোঁড়াগুলো কেমন পাগলের মত ছুটাছুটি করেছে দেখছ না? সবাইকে ক্ষেপিয়ে তুলছে, তৈরী করেছে।’

‘তৈরী সবাই হয়েছে আছে।’

এদের বুদ্ধিমানের মত প্রাণহীন কথায় আজ প্রাণের স্বাদ এসেছে। চোখের চাউনি একটু উজ্জ্বল, চোখের পাতা একটু চঞ্চল। থেমে থাকার বদলে বুকটা আজ টিক্ টিক্ করছে। স্বদেবের রোগী আসে, নতুন খবর দেয়, গুণ্ডু নিয়ে চলে যায়। গায়ের ক্রমবর্দ্ধমান উত্তাপ যেন এই শীতল আসরকে আরেকটু গরম করে দেয়। বুড়ো শ্রীধর প্রায় সিঁধে হয়ে আশ্চর্য্যরকম দ্রুতপদে চলছিল পা টেনে টেনে, কাছে এসে খাস টেনে টেনে বলে, ‘বীরেশ্বরের মেয়েটা বেরিয়েছে। এলো চুল, চোখ রক্ত। আঁচল উড়িয়ে চোঁচাচ্ছে। একেবারে মহিষমর্দিনী মুক্তি। পেটটা যেন উঁচু ঠেকল।’

ফুলে হাজির হতে হলে এবার ওঠা চাই। নেয়ে খেয়ে যাবার দরকার হবে না, জামাটা গায়ে দিয়ে যাবার পথে বীরেশ্বরের মেয়েটাকে একবার দেখে যাওয়া চলবে। ফুল যে আজ বসছে না তাতে আর কারো সন্দেহ নেই।

ঘনশ্রামের চাল ডাল তেল ছুনের দোকানের সামনে জড়ো হয় চাষী মেয়ে পুরুষ। সওদা কিনে দাঁড়িয়ে দাঁড়িয়ে আলাপ করে।

শোমশ বৃকে হাত ব্লাতে ব্লাতে মদন বলে, ‘মতলব আছে, আরও মতলব আছে। নয়তো কি এমনি ধরিয়ে দিল ওনারদের? শত্রুর সরাবে সব কটাকে এক এক করে, তন্ধিনে রাস্তা শেষ, তারপর মেয়ে চালান দেবে। রাপা আর বিস্তিকে বেচে লাভ করেছে হাজার হাজার টাকা। করে নি? তবে কি।’ হাঃ।’

মাতু বলে, ‘ভরত না বিয়ে করেছে রাধাকে?’

রাধার মাংয়ের দূর সম্পর্কের কুটুম হীক ঘোষ ঝাঁঝালো হাসি হেসে বলে, ‘মাসীর যেমন মাথা খারাপ। চাকরের সাথে বিয়ে দিতে ও ন্যাটা মেয়ে চুরি করে, না? সব ফাঁকি, চালবাজী—কেউ না নালিশ করতে পারে। মেয়ে চুরির মামলা কর, ভরত বলবে আমার বিয়ে করা বৌ, দশটা লোক সাক্ষী দেবে, ঠা বিয়ে হয়েছে ঠিক, মস্তর পড়া বিয়ে! নইলে দিতাম না নালিশ ঠুকে রাধার মা যখন কেঁদে এসে পড়লো? দেখে নিতাম না কত বড় বামুনের ছেলে?’

‘বামুনের ছেলে এমন হয়, মাগো!’

‘হয় না? রাবণ কি ছিল? কুন্তকর্ণ?’

‘আর সন্ন না বলছি মাইতি মামা, মাইরি। রেত বিরেতে একলাটি পেলে বিভাম মাথায় লাঠি বসিয়ে, যা থাকে অদেটে।’

নাটু গৌসাই বিজ্ঞের মত বলে, 'আরে নাঃ, মেয়ে চুরি নয়। মেয়ে তো কেবল দেখতে ভাল হওয়া চাই, হেথা হোথা ছুঁচারটে পেল তো নিল, নয় তো নয়। রাস্তা করবে আরেকটা—গাঁয়ের বুক দিয়ে। এ রাস্তা থেকে বার করে সিধে টেনে নিয়ে যাবে সা'পুরের রাস্তায়। সড়ক হোঁবে না, ফসল জমি বসত বাড়ীর ওপর দিয়ে রাস্তা চালাবে। জলের দামে কিনবে সব, দলিল তৈরী হচ্ছে খপর জানি।'

সকলে শুক হুয়ে যায়। শকায় ছোট হয়ে যায় চোখ। এতো অসম্ভব নয়, এই রাস্তা তৈরীর মধ্যেই তার অনেক প্রমাণ মিলেছে।

ইয়াকুব বলে, 'শুধু রাস্তার পেটে জমি ঘরদোর যাবে। ছুঁপাশের ক্ষেত থেকে, ঘরের উঠোন থেকে মাটি তুলবে। মোর ক্ষেতের কি করেছে জ্বাখোনি? মাটি তুলবি এক যাগা থেকে তোল, তা না, হেখায় হোখায় খাবলে তুলেছে। জমির দিকে চাইলে চোখে জল আসে।' বলতে বলতে ইয়াকুব কেঁদে ফেলে ছ হু করে।

নাটু গৌসাই অণার বলে, 'আর ট্যাক্সো তো আছে। তিনগুণ ট্যাক্সো করবে। পুলিশ তাই এখন খাতির করছে ওকে। এ স্বেযোগ কি ও ছাড়ে—এই স্বেযোগে সব বাগিয়ে নেবে।'

এই আলোচনার মধ্যে এসে পড়ে দুটি ছেলে, বলে, 'দোকান বন্ধ কর ঘনশ্রাম। আজ হরতাল। বটতলার মাঠে সভা হবে ওবেলা, সবাই যাবে। বাঁচতে যদি চাও, দল বেঁধে সভায় হাজির থেকে। বাঁচতে যদি চাও, উঠে পড়ে লাগো এবার, নইলে সবাই মরবে। তোমাদের বাঁচাতে যারা লড়ছিল, তারা নেই, এবার তোমাদের লড়তে হবে...'

আবদুল হাই বলে, 'না কাদের, হিঁছু মোছলমানের বাত এতে উঠবে না। ডের মোছলমান মার খেয়েছে। জালালুদ্দীন মিক্রার ব্যাপারে মোরা চুপচাপ রইলাম, তাতে একটু বিগড়ে আছে সবাই। এবার জবরদস্তি চলবে না, বারণ ভি করা হবে না। যার খুসী যাক।'

হাফিজ আলি সায় দিয়ে বলে, 'ঠিক বাত। হাঙ্গামা হবে তো উপায় কি!'

আবদুল হাই-এর স্নিদ্ধ মোলায়েম মুখের দিকে চেয়ে কাদেরের বুক একটু কেঁপে যায়। জালালুদ্দীনের বিরুদ্ধে সে সাক্ষী দেয় নি সত্য, বীরেখরের বিরুদ্ধে দিয়েছিল। কিন্তু লোকের মনে যেভাবে এক সাথে মিলে গিয়েছে বীরেখর আর জালালুদ্দীনের নাম, ও পার্থক্যটা কি খেয়াল থাকবে কারো? ধনা ও মনার সঙ্গে কেউ তার তফাৎ করবে, তার স্বধর্মীরাও নয়। গাঁয়ের মোছলমানরা যদি তার বিপক্ষে যায়, আবদুল হাই কি আর তার পক্ষ নেবে! কাদের বাড়ী যায়। বাড়ী থেকে বিদায় নিয়ে স্বপ্ননা হয় সদরের উদ্দেশে।

শঙ্কু এসে রক্তাকে বলে, 'এমন করে বসে কেন তুমি ? কাজের সময় মুখ হাঁড়ি করে বসে থাকতে বুঝি শিখিয়েছিল সূর্য্যদা ?'

'আমি কি করব শঙ্কু ?'

'তুমি কি করবে ! কোমর বেঁধে গায়ে এলে বিহিত করতে, এখন কাজের সময় বলছ তুমি কি করবে ! সভায় যেতে হবে তোমায়—কোমর বাঁধো !'

'সভা ?'

'কেন, কেট্টাবু আর মোহন না থাকলে বুঝি সভা হয় না ? দেশে আর লোক নেই ? ছোট একটা দল বেরোচ্ছে গাঁ ঘুরতে, আসবে তো চলে এসো। ওবেলা সভায় পাড়িয়ে বলতে হবে কি ভাবে তোমার বাপ মরছে, গাঁয়ের সেটা কতবড় কলঙ্ক। বলতে বলতে কঁেদে ফেললে চলবে না কিন্তু !'

সিধে হয়ে বসে দু'হাতে মুখ থেকে এলোমেলো চুল ঠেলে সরিয়ে দিয়ে রক্তা বলে, 'গাঁয়ের লোক কি আসবে। যা ভীক সব ছাগল ভেড়ার মত !'

শঙ্কু হেসে বলে, 'ওরাই কেমন সিংহ হয়ে ওঠে দেখো। না, সিংহ নয় বাঘ। সূর্য্যদা বলত মনে নেই, বাংলার গাঁয়ে বাঘ থাকে ?'

'চলো যাই।' বলে সেই বেশে শঙ্কুর সঙ্গে যাবার জন্তু রক্তা উঠে পাড়ায়।

ঘরের মধ্যে চৌকীতে বসে স্নান বিরস মুখে রামপাল রক্তার দিকে চেয়েছিল, তাড়াতাড়ি উঠে এসে করুণ স্বরে বলে, 'কোথায় যাচ্ছ ?'

'তোমার তা দিয়ে দরকার ?' রক্তা বলে পাক দিয়ে তার দিকে ঘুরে, 'তুমি যাও না, মদের পেসাদ পাওগে হেরষের।'

রামপাল কাতর হয়ে বলে, 'কেন ওকথা বলছ একশোবার ? আমি কি যেচে গিয়েছি ? হীরেনবাবু জোর কয়ে নিয়ে গেল তো আমি কি করব।'

'তুমি কি করবে ! তোমার জোর নেই ? চেহারাটি তো গুণ্ডার মত !'

'নেশার মাথায় আছি, হীরেনবাবু জোর করলেন—'

রক্তা খানিকক্ষণ তাকিয়ে থাকে রামপালের মুখের দিকে। রামপালের মুখে তার হৃদয় মনের ছাপ রক্তার চেনা, লজ্জায় অসুস্থতাপে তার মনটা জ্বলছে স্পষ্টই টের পাওয়া যায়।

'এসো মোদের সাথে। রক্তার চোঁচাতে হবে, হেরষ নিপাত যাক, হেরষ নিপাত যাক। হেরষ বন্দুক নিয়ে আয়ুক, পুলিশ এসে ধরে নিক, খামতে পারবে নি। আসবে ? বুকের পাটা আছে ?'

রামপাল চুপ করে থাকে। কাল রাজের দেশী বিলাতীর প্রতিক্রিয়ায় এখনো তার মাথা অনেকটা ভাঁটা হয়ে আছে। রক্তা কি ক্বেপে গেছে ? এ গাঁয়ে সে বিদেশী, এ গাঁয়ের সে জামাই, পথে পথে সে হত্যা করবে মাতালের মত, হাদামা বাধাবে, পুলিশের হাতে পড়বে।

রস্তা খিঙ্কার দিয়ে বলে, 'বাও তুমি, কলকাতা কিনে বাও। কাঠ চেয়েপে আর তাঁবেদারি করগে হীরেনবাবুর।'

বলে শঙ্কর সঙ্গে রস্তা গট গট করে চলে যায়।

জীবনলাল ধীরে ধীরে এসে কাছে দাঁড়ায়।

'তুমি যেন কেমন ধারা লোক বাবু। কি বলে যেতে দিলে ওকে?'

'ওকি আমার কথা শোনে যে আটকাব?'

জীবনলাল আপশোষ করে বলে, 'পুরুষ মানুষ, বৌকে শাসন করতে পার না? চুলে ধরে মারতে পার না ছ'গালে তিন চড়? মোদের ছুবিয়ে ছাড়বে এবার। এই কাণ্ড চলছে চান্দিকে, রাস্তায় উনি হৈ-টৈ করতে গেলেন।'

রামপাল জানতে চায় ব্যাপার কি। এ পর্যন্ত সে ঘর থেকে বার হয়নি, রস্তার কাছে শুধু শুনেছিল কৃষ্ণেন্দু ও মোহনলালের গ্রেপ্তারের কথা। গায়ের উত্তত উপদ্রব অশান্তির লক্ষণগুলির বিবরণ জীবনলাল তাকে বাড়িয়ে বাড়িয়ে বলে। তাদের বাড়ীর কাছে রাখব মহাস্তি গোড়ায় দোকান বন্ধ করতে না চাওয়ায় ঝাঁপ নামিয়ে তাকে সূর্য বাইরে থেকে দোকান বন্ধ করার কাজে উপস্থিত খন্দেরদের, চিরদিনের শাস্তপ্রকৃতি বয়স্ক লোকদের পর্য্যন্ত, ছেলে ক'জনের সঙ্গে যোগ দিতে দেখে জীবনলাল রীতিমত ভডকে গিয়েছে।

'এর মধ্যে ওকে তুমি যেতে দিলে, ছেলাপিলা হবে মেয়েটার? এতটুকু কাণ্ডজ্ঞান তোমার নেই?' জীবনলাল ঝাঁঝের সঙ্গে মন্তব্য করে।

রামপাল ভডকে গিয়ে বলে, 'বটে নাকি! জঁ্যা?'

দশবারজনের ছোট একটি দল রস্তাকে সামনে নিয়ে বার হয়, ঝুমুরিয়া ঘুরে পাঁচনিখের দিকে যাবে। মহীউদ্দীনও সঙ্গে থাকে। সকলের সঙ্গে গলা মিশিয়ে রস্তা চৈচায় 'অত্যাচারীরা ধ্বংস হোক!' 'হেরষেরা নিপাত যাক!' 'চাষী মজুরের জয় হোক!' সভার কথাও ঘোষণা করা হয়। রস্তার গলা সবচেয়ে বেশী খোলে 'হেরষেরা নিপাত যাক' বলে চৈচাতে। রুক্ম চুল তার এলোমেলো হয়ে আছে, রোদের ঝাঁঝে মুখ হয়েছে বামা রঙ, কপালে সিদ্ধুরের টিপ ঘামে গলে হয়েছে সিঁড়ুরের ফোঁটা, ডান হাতে সে মুঠো করে ধরে আছে আঁচলের প্রান্ত। গ্রামের লোক সভয় বিন্দ্রয়ে তার দিকে তাকিয়ে থাকে, রক্তে অহুভব করে হঠাৎ জাগা চাক্ষু্য। নতুন লোক জুটে জুটে ছোট ছোট দলটি ক্রমাগত বড় হয়ে পড়বার উপক্রম ঘটে, মহীউদ্দীন তাদের সরিয়ে দেয়, বলে, আমাদের সঙ্গে নয়—সভায় আসবেন, সভায়। অতুদিকে যান—দশজনকে খবর দিন।'

দলটি উত্তরপাড়া ঘোরা শেষ করেছে রামপাল এসে দলে মিশল। রস্তার পাশে চলতে চলতে বলল, 'আর না, এবারে কিনে চল। তোমার শরীর ভাল না—'

রস্তা ভ্রুকুটি করে তাকাল, কথা কইল না।

রামপাল আর কিছু বলতে ভরসা পায় না, নানা কথা ভাবকে ভাবতে দলের সঙ্গে চলতে থাকে। হঠাৎ সে বজ্রনাদে চীৎকার করে ওঠে,—‘হেরথকে খুন করো ! হেরথকে খুন করো !’

‘আরে ! আরে ! আরে !’ মহীউদ্দীন ধমকে ওঠে, ‘কি করছ তুমি ? কি বলছ পাগলার মত ?’

রামপাল অসহায়ের মত রস্তার দিকে তাকায়।—‘তুমি যে বললে ?’

‘আমি ওকথা বলতে বলেছি ? আমরা কি বলছি শুনতে পাওনা, হেরথেরা নিপাত যাক ?’

‘ও, হাঁ। তুলে গেছিলাম।’ রামপাল সলজ্জভাবে হাসে, ‘মাথার কি ঠিক আছে ছাই। ছেলাপিলা হবে তোমার, তুমি এ রোদের মধ্যে—’

আবার রস্তার জুকুটি দেখে রামপাল থেমে যায়।

পাঁচনিখে পৌঁছে রস্তার শরীর একটু অস্থির অস্থির করতে থাকে, তলপেটে একটা এই-আছে-এই-নাই অশ্রুজি পাক দিয়ে ঠেলে উঠতে চায়। মাথার মধ্যে ঝিম ঝিম করে। রোদের তেজ বাড়তে বাড়তে এখন মাথার তালু পুড়িয়ে দিচ্ছে, রাস্তা গরম হয়ে উঠেছে। দক্ষিণ থেকে জোঝালো হাওয়া না বইলে সকলে তারা হারও বেনী কাবু হয়ে পড়ত। পাঁচনিখের থানার কাছাকাছি রস্তার হঠাৎ এত জোরে বমি ঠেলে ওঠে যে সে সামলাতে পারে না। পথের ধারে একটা তেঁতুল গাছের নীচে সে বমি করতে বসে।

চূণকাম করা সাদা দেয়াল থানার, খড়ের পুরু চালা। সামনে কাঁকর বিছানো পথে হু’ভাগ করা ছোট বাগান, তাতে সবলে সাজানো ফুলের গাছ। দু’ঘন্টা আগে একটা রিপোর্ট লিখতে বসে শৈলেন দাস আর চেয়ার ছেড়ে ওঠে নি। সামনে মাত্র কয়েকলাইন লেখা রিপোর্টটা পড়ে আছে। তার উপরে খোঙ্গা ফাউন্টেন পেন। পেনটি শৈলেন স্ত্রীকে উপহার দিয়েছিল কিন্তু থার্ড ক্লাসের বিজ্ঞা নিয়েও কল্যাণী মাসে অতিকষ্টে হু’থানার বেনী চিঠি কখনো লেখে না। কলমটা তাই শৈলেন নিজেই ব্যবহার করে। রিপোর্ট লিখতে আজ তার মন বসছিল না। বিরক্তি আর বিষাদ যেশানো তিক্ততা তাকে উন্নয়ন করে রেখেছে। মন ভার, বৃকে একটা অনির্দিষ্ট নালিশের জ্বালা, কার বা কিসের বিরুদ্ধে জানা নেই। হু’বছর প্রমোশন বন্ধ। জীবনে বৃষ্টি কিছু করা গেল না। কলেজ জীবনের কথা শৈলেনের মনে পড়ে। ভেসে আসে বন্ধুদের কথা, আদর্শের তর্ক, উত্তেজনা, আনন্দ, বিষাদ ও স্বপ্ন। চারিদিক থেকে নানা খবর এসে পৌঁছয়। কল্পনায় অতীত জীবনের বন্ধুরা সারি দিয়ে সামনে পাড়িয়ে বলে, ‘আয়, খবর নিয়ে খেলা করি।’

মহীউদ্দীনের দলের আওয়াজ দূর থেকে কানে আসে। সে উৎকর্ষ হয়ে থাকে।

কি করা যায়। হে ভগবান, কি করা যায়। আবার কেন ? শেষ হবে সব চুকে
বুকে যেতে পারে না একেবারে ?

জমানার এসে বলে, 'হুজুর ?'

নাঃ, চারিদিকে বিবেচনা করে কাজ করতে হবে। মন খারাপ করলেও চলবে না,
মাথা গরম করলেও চলবে না।

'কেতনা আদমি ?'

'পন্দরে। হোগা।'

'ঠিক হায়। যানে দেও।'

কাছাকাছি এসে আওয়াজ থেমে যাওয়ার খানিকক্ষণ অপেক্ষা করে শৈলেন বাইরে
গিয়ে কনস্টেবল ধরণীকে জিজ্ঞাসা করে 'ফিরে গেল ?'

'আজ্ঞে না। সঙ্গে একটা মাগী ছিল, বমি করছে। বীরেশ্বরের মেয়ে।'

হঠাৎ কেন রাগ হয়ে গেল শৈলেন জানে না। সজোরে সে এক চপেটাঘাত
বসিয়ে দিল ধরণীর গালে।

'মাগী ফিরে শূয়ার ?'

দুপুরে হেরষ এল।

'সভাটার ব্যবস্থা করতে হবে শৈলেনবাবু।

নোটের তাড়াটা মুঠো করে শৈলেন বলে, 'সে তো এমনিও করব ওমনিও করব।
কেন মিছিমিছি -'

হেরষ সবিনয়ে হাসে। 'কি যে বলেন !'

একটু স্তম্ভ হলে রম্ভা বলে, 'তোমরা এগোও। আমি একটু জিরিয়ে—'

শম্ভু জোর দিয়ে বলে, 'বাড়ী ফিরবে। একটা গাড়ী পেলে হত।'

মহীউদ্দীনও সায় দেয়, জোর দিয়ে বলে, 'তোমার আর আসতে হবে না। তুমি
বাড়ী ফিরে যাও।'

রম্ভা বলে, 'আচ্ছা। তোমরা তবে এগোও শম্ভু, আমি ওর সাথে ফিরে যাব।
গাড়ী দরকার হবে না।'

কঁেঁতুল গাছের ছায়ায় রম্ভা ও রামপালকে রেখে অল্প সকলে এগিয়ে যায়। দুয়ের
সমুদ্রের বাতাস গাছের পাতায় ঝির ঝির আওয়াজ তুলে বইতে থাকে, রম্ভার শরীর
ধীরে ধীরে জুড়িয়ে আসে। রামপাল চূপচাপ বিড়ি টানে, গভীর মুখে মাঝে মাঝে
ভৎসনার দৃষ্টিতে তার দিকে তাকায়। দেহমনে জুত পেলে রম্ভা একটু হাসে
তার দিকে চেয়ে।

'বলিস নি যে আমায় ?' গভীর অভিমানে রামপাল অল্পবোগ দেয়।

'বলতে হবে কেন ? চোখ নেই কো তোমার ?'

রম্ভার সর্কাসে চোখ বুলিয়ে রামপাল শুধায়, 'ক' মাস ?'

‘তিনমাস চারমাস, কে জানে বাবা, অত কে জানে।’

‘বললাম এ রোদে বেরোস নি, বেরোস নি। গৌয়ার মেয়ে বটে তুমি। হুগত এবার?’

রজ্জা ভবু হাসে, ‘কি হল? একটু বমি হল তো কি। ও সবার হয়।’

শম্ভুরা একটা গরুর গাড়ী পাঠিয়েছিল, গাড়ী এসে পৌঁছবার আগেই দুজনে উঠে চলতে আরম্ভ করে। রামপালের গাড়ী সংগ্রহ করে আনার কথা রজ্জা কানেও তোলে না। চলতে চলতে রজ্জা টের পায়, তাকে নিয়ে চারিদিকে বেশ উত্তেজনা সৃষ্টি হয়েছে। বেড়ার ফাঁকে ফাঁকে মেয়েলি চোখ উঁকি দেয়, বাইরে পুকুরেরা চোখ বড় বড় করে তাকে ছাখে। এ ওর গা টিপে তাকে দেখিয়ে দেয়, আঙ্গুষ্ঠি তার পানে রেখে কথা বলাবলি করে নিজেদের মধ্যে। হাসাহাসিও চলে এখানে ওখানে, তবে তাদের সংখ্যা খুব কম। কোঁতুহল, বিশ্বয় আর উত্তেজনাই বেশী।

ঝুমুরিয়ার রঘু সামন্তের বাড়ীর সামনে অনাথকে ঘিরে কয়েকজন জটলা করছিল, তিরিশ থেকে বিশ বছরের সব ছোকরা। রজ্জাকে দেখেই তাদের মধ্যে সাড়া পড়ে যায়, আরম্ভ হয় অভদ্রকর্মের হাসাহাসি আর মন্তব্য—রজ্জা আর রামপাল কাছে এলে তারা যাতে শুনতে পায় এত জোরে। রামপাল থমকে দাঁড়াতে রজ্জা তার হাত চেপে ধরে জোর করে টেনে এগিয়ে যায়। এখানে একজন হর করে গান ধরে ‘রজ্জা দিদিলা—’

গান তার সুরুতেই আচমকা থেমে যায়।

নরেশের হাতের মস্ত এক মাটির চাপড়া তার মুখে এসে লেগে শূঁড়ো হয়ে ছড়িয়ে পড়ে। নরেশ যে কখন তাদের পিছু নিয়েছিল রজ্জা বা রামপাল টেরও পায় নি।

নরেশের দিকে তেড়ে যেতে গিয়ে অনাথের দল সামনে পড়ে রামপালের। তঁজনের ঘাড় শক্ত করে ধরে রামপাল অন্তদের দিকে সজোরে ঠেলে দেয়, সেই ধাক্কায় পাঁচজন আছাড় খেয়ে পড়ে রাস্তায়। উঠে গায়ের ধুলো ঝাড়তে ঝাড়তে নাগালের বাইরে গিয়ে তারা গাল দিতে আর শাসাতে সুরু করে।

কিছুক্ষণের মধ্যে চারিদিকে রটে যায় যে ঘোষণাডায় দাঙ্গা হয়ে গেছে। হেরষের লোকেরা রজ্জাকে ধরে নিয়ে যাবার চেষ্টা করছিল, পাড়ার লোক মিলে তাদের ঘেরে তাড়িয়ে দিয়েছে।

এত তাড়াতাড়ি গুজবটা ছড়ায় যে রজ্জার বাড়ী পৌছানোর আগেই হাঙ্গামার খবরটা সেখানে পৌঁছে যায়। জীবনলাল রাগে ফোঁস ফোঁস করছিল, রজ্জা বাড়ীতে পা দেওয়া মাত্র সে চীৎকার করে ওঠে, ‘বাড়ী ঢুকছিস লক্ষ্য করে না? বেবো তুই, বেবো বাড়ী থেকে।’

শ্রামলাল ভয় পেয়ে তাড়াতাড়ি বলে, ‘আঃ, মাথা গরম করছ কেন?’

জীবনলালের তখন চৈতন্ত হয় যে রজ্জার মত বোনকে চটানো সম্ভব নয়, পিছনে

তার অনেক শক্তিশালী লোক আছে। রক্তার সঙ্গে সে পোলমালা করেছে কিরে এসে একথা শুনে মোহনলালও কি করে বসবে ঠিক নেই। রক্তাও যদি গায়ের কটা গুণা হোঁড়াকে সেলিয়ে দেয় তার পিছনে! একেবারে হ্র বদলে সে তাই বড় ভায়ের সন্নেহ অল্পযোগ জানায়, ‘ছাখ দিকি তুই কি আরন্ত করেছিল। গায়ে মুখ দেখাবার উপায় রাখলি না।’

জীবনলালের বো মন্তব্য করে একটু তফাৎ থেকে, ‘কি সব অনাচ্ছিষ্টি কাণ্ড বাবু গেরন্ত ঘরে! বাপের জন্মে এমনটি দেখি নি আর!’

রক্তা নাক সিঁটকে জবাব দেয়, ‘বাপের জন্মে দেখবে কিসে, কেমন বাপে জন্ম দিয়েছে সেটা তো দেখতে হবে।’

বো গলা ছাড়া মাত্র জীবনলাল ধমকে তাকে থামিয়ে দেয়, রক্তাকে মিনতি করে বলে, ‘যা না দিদি তুই এবার কলকাতা ফিরে? রেহাই দে মোদের?’

রক্তা বলে, ‘যাব গো, যাব। থাকতে আসি নি তোমাদের বাড়ী। আজ কালের মধ্যেই যাব, তোমাদের বাপের মরণের একটা বিহিত করে!’

দুপুর থেকেই লোক আসতে শুরু করে বটতলার মাঠে। চড়া রোদকে অগ্রাহ করে দুক্কাশ পথ হেঁটে এসে মানুষ প্রকাণ্ড বটগাছটার ঘন ছায়ায় বসে ঘাড মুছে গামছা নেড়ে হাওরা খায়। গোড়ায় ছ’চারজন, তারপর বেলা একটু পড়ে এলে পিল পিল করে চারিদিকের গা থেকে মানুষ আসা আরন্ত হয়। অপরাহ্নে লোকারণা হয়ে ওঠে বটতলার মাঠ। বড় মেলায় এরকম জনতা হয়, বুর্জিয়ার আজ পর্যন্ত কোন সভায় এত লোক জমতে কেউ ছাখে নি, উত্তেজিত মানুষের এমন ভিড। ভীক ও দুর্কল একক মনে সমধর্মী মানুষের বিরাট সান্নিধ্য তেজস্কর সঞ্জীবনীর কাজ করে, ভীকতা দুর্কলতা চাপা পড়ে জাগে বেপরোয়া সাহস।

মহীউদ্দীন, শঙ্কু এরাও এতটা ভাবতে পারে নি। লোক যথেষ্ট হবে এটা তারা জানত কিন্তু এমন ভিড হবে আর আগে থেকেই সকলে এত গরম হয়ে থাকবে, এটা তাদের ধারণার বাইরে ছিল। তারা ক’জন সতর্ক হবার প্রয়োজন অনুভব করে। অল্প কর্মীদের সাবধান করে দেয়। দুঃস্বপ্ন, অদম্য উল্লাসে রক্তা এবং আরো অনেকের রক্তে যেন আগুন ধরে যায়। রামপালের লড়ায়ের কামনা উগ্র হয়ে ওঠে, কাঠ পোলার হাকামার দিন যতটুকু হয়েছিল তার শতগুণ বেশী।

শৈলেনও এটা ভাবতে পারে নি। জনতার দিকে তাকিয়ে, বিশৃঙ্খলা কমিয়ে জনতাকে সংযত করতে অপটু অনভিজ্ঞ মহীউদ্দীন শঙ্কুদের গলদবর্ম হতে দেখে, তার মুখ শুকিয়ে যায়। সে প্রশস্ত হয়েই এসেছে, কিন্তু এ অবস্থার জন্ত নয়। এই জনতার জন্ত প্রশস্ত হয়ে আসবার ক্ষমতাও তার নেই, আগে জানলে সদরে খবর পাঠিয়ে ব্যবস্থা করতে পারত। তার সময়ও আর নেই। শৈলেন বুঝতে পারে, একেবারে

নিষ্ক্রিয় থেকে কোন মতে সভাটা হয়ে যেতে দেওয়াই এখন শ্রেয়. আর কোনো উপায় নেই। সমবেত এই জনশক্তিকে একটু ঘাঁটাতে গেলেই আত্ম বিপদ হবে, কেউ ঠেকাতে পারবে না। মহীউদ্দীন আর শঙ্করাই একমাত্র ভরসা, যদি পারে ওরাই এদের সামলাতে পারবে।

ভাড়াভাড়া একটা চিট লিখে সে হেরষের কাছে পাঠিয়ে দেয়। অবস্থা গুরুতর, হেরষ যেন তৎক্ষণাৎ তার লোকদের সভায় হাজিরা বাধাতে বারণ করে নির্দেশ পাঠায়, নইলে সর্বনাশ হয়ে যাবে।

চিট পড়ে হেরষ মনে মনে হাসে। শৈলেন ভয় পেয়ে গেছে! গুরুতর হাজিরাই তো সে চায়! হাজিরা হোক, লাঠি আর গুলি চলুক, গণ্ডায় গণ্ডায় জখম হোক আর মরুক, শৈলেন আর দু'চারটে পুলিশ যদি খুন হয় তো আরো ভাল, পুলিশে গাঁ ছেয়ে যাক, দলে দলে ধরা পড়ুক, এমন শিক্ষা পাক যেন চিরদিনের জন্ত বাছাধনেরা ঠাণ্ডা হয়ে যায়, মাথা তুলতে আর সাহস না পায়।

বটতলার মাঠ থেকে হাজার কণ্ঠের জয়ধ্বনি অস্পষ্ট ভেসে আসে। ভরা বন্দুকের মশণ নলে হাত বুলিয়ে হেরষ মাস মুখে তোলে।

সূর্য যখন ডুবু ডুবু, হেরষেরই গাঁইতি কোদাল শাবল দিয়ে তৈরী রাস্তা খোঁড়া আরম্ভ হল, পেটল ঢেলে আশুন ধরিয়ে দেওয়া হল তার লরী আর তাঁবুতে, বন্দুকের গুলি খেয়ে হেরষের হাতের বন্দুক ছিনিয়ে নিয়ে রামপাল মরে গেল, হেরষকে বাশ দিয়ে চেপ ধরে পোড়ানো হল তার বাড়ীর দক্ষিণের চালাঘরের আশুনে। সন্ধ্যার অন্ধকারে আশুন ধরল বীরেশ্বর ও ঝুমুরিয়ার আরও পাঁচটি বাড়ীর চালায়। একদল লোক গিয়ে পাঁচনিখের থানা পুড়িয়ে এল। শৈলেন আগেই বটতলার মাঠে মারা গিয়েছিল। সভায় আরও মরেছিল তেরজন লোক আর দু'জন পুলিশ। তার মধ্যে ছিল জগৎ দাসের ছেলে শিশু। জখম হয়েছিল বহুলোক।

দু'দিন পরে আরিফ ও মমতা ঝুমুরিয়া স্টেশনে নামল। নরেশের খোঁজ নিতে পরেশ এবং কৃষ্ণেন্দুর খোঁজ নিতে পূর্ণেন্দু তাদের সঙ্গে এসেছে। ঝুমুরিয়া ও আশে-পাশের গাঁয়ের কয়েকজন সদরের গাড়ীর মন্ত অপেক্ষা করছিল, বাপ দাদা ভাই ছেলের জামিনের মন্ত সদরে গিয়ে চেষ্টা করবে। তাদের মুখ স্নান, বিষণ্ণ।

'মিছে যাচ্ছেন। বাইরের লোককে গাঁয়ে যেতে দিচ্ছে না।'

আরিফ বলে, 'দেখি চেষ্টা করে।'

কাগজে সংক্ষেপে খবর বেরিয়েছিল, ঘটনার সম্পূর্ণ বিবরণ এদের কাছে জানা গেল।

মমতা বলল, 'ইস্! কেটদা থাকলে এসব কিছুই হত না, কেটদা সামলে নিতে পারত।'

'আমরাও তাই বলি। কৃষ্ণেন্দুবাবু আর মোহনলাল গাঁয়ে থাকলে এ কাণ্ড হত না।

লোক উঠল ক্ষেপে, গাঁয়ে একটা যোগ্য লোক নেই, কে তাদের সামলায়?'

যমতা শুধায়, 'রক্তার খবর জানেন কেউ ? বীরেশ্বরের মেয়ে রক্তা ?'
'তাকে ধরে নিয়েছে। জেল হবে ক'বছর।'

পরেশ শুধায়, 'নরেশ বলে একটি ছেলে এসেছিল কলকাতা থেকে—'

'হাঁ, বীরেশ্বরের ঘরে ছিল। তার কোন পাতা নেই আজ तक।'

'মারা গেছে ?'

'মারা গেলে তো জানা যেত, দেহটা থাকত। ছেলেটা একেবারে নিখোজ।'

সদরের গাড়ী চলে গেলে লাল কঁাকর বিছানো প্রাটফর্মে চারজন স্তম্ভ হয়ে দাঁড়িয়ে থাকে। দূরে বাক ঘুরে ট্রেন অদৃশ্য হয়ে যায়। গাড়ী থেকে যে কজন নেমেছিল, স্টেশন থেকে বেরিয়ে তারাও চোখের আড়াল হয়। ওরা কোন গাঁয়ে যাবে কে জানে।